

宋 薛居正 等撰

留五代史

卷九九至卷一三一(漢書

册

周書)

華 書

中

局

代史卷九十九

漢

高 祖 紀

帝,廟號德祖,陵曰沛陵; 也。 諡恭惠皇后。 月 號顯祖,陵日 李氏,追諡爲昭穆皇后。 puj 四代祖諱湍,帝有天下,追尊爲明元皇帝,廟號文祖,陵曰懿陵; 高祖睿文聖武昭肅孝皇帝,姓劉氏,諱暠,本名知遠,及即位改今諱。 日生帝於太原 [肅陵; 祖諱僎、晉贈太傅、追尊爲昭獻皇帝、廟號翼祖、陵曰威陵、 高祖母隴西李氏,追諡明貞皇后。 皇妣吳國太夫人安氏,追諡章懿皇后。 皇考諱晪、事後唐武皇帝爲列校、晉贈太師、 曾祖諱昂, 后以唐乾寧二年,歲在乙卯,二 曾祖母 晉贈太保,追尊爲恭僖 案五代會要: 追 虢國太夫人楊氏, 尊爲章聖皇帝, 祖母魯國太夫人 其先本沙陁部 湍爲東漢顯宗

追

廟

漢 書 高 祖 紀 上

俱 賴 恙。」乃踰 鑑考異引漢高祖實錄云:是夜,偵知少帝伏甲, 奮擊之。 敢擁晉高 其後,晉高 為牙門都 晉祖 對 頃 衛州,泊於郵舍。 栅於德勝,時晉高祖爲梁人所襲,馬甲 帝 何至 、伏甲者起,敢有勇力,擁 衆謂短 垣出 弱 校。 祖入一室,以巨木塞門,敢尋死焉 伏甲謀害乎哉 不 就 旭 浜也, 好 洪信 感而壯之。 應順 弄,嚴 ,共護晉高 逐散走。 初,晉高 ! 重 **薩**史 閔帝左右謀害晉高祖 寡 晉高祖 加 帝乃 既 明宗踐阼,晉高 言,及長, .th. 殺建 載石敢 祖鎮常山 入一室,以 身長垣下, 、謀者, 事 ,餘不及。(凡本 面紫色, 以 欲與從臣 少主 ,
唐明宗 F 聞帝 木寒門,敢力當其鋒,死 祖 授王 謀害晉高祖 親 爲北京留守,以帝前有護援之力, 連 目睛多 ,帝密遣御士 弘贄。 將 帝率衆盡殺閔帝左右,遂免晉高 召赴闕, 革斷,帝 李洪信謂人曰:「石 (舊五代史考 自。 評 輟 屏人對 會閔帝出奔, 初事唐明宗, 騎以 之。 石 語,方坐庭廡。 敢袖鎚立於晉高 太尉 授 帝 解 之,取斷革者自 佩 死 矣。 考漢實錄多增飾 刀, 與晉高祖 列於麾下。 遇 帝 帝密遣 夜 隔 晦, 坩 御 祖後,及有 呼 以 奏移 相 旭 之詞, |洪 在 土 I跨之, 遇 於難 信 石敢 地 於途, 麾下, 百:「太 聋 関帝 炬 袖 未 鎚 徐 與 方倚 尉 然 案通 水

於晉陽 侍 中外賴之。 馬步 清泰 城下,有 元年 」都指揮使,權點檢隨駕六軍諸衞事,尋改陝州節度使, -, 晉高 降 晉 軍 高 千餘人,晉高 祖 旭 復鎭 以帝爲北京馬步 河東。 祖 三年夏,移鎭汝陽。 將置之於親衞, 軍. 都指 揮使。 帝盡殺之。 及 帝 文契丹以 勸晉高 全軍 晉 充侍衞親軍 祖舉義,贊成密計,經綸 國 赴難 初 建, ,大破張敬達之衆 馬 加 檢校司空,充 步都虞候。

丹主送晉高祖至上黨,指帝謂高祖曰:「此都軍甚操刺,無大故不可棄之。」晉高祖入洛, 委

帝巡警,都邑肅然,無敢犯令。

承命。 第。 宰相趙瑩等議落帝兵權,任歸 遠自以有佐命功,重威起于外戚,無大功,恥與之同制。 太傅。 同平章事。 六年七月,授北京留守、 六月,晉高祖崩於鄴宮,少帝卽位,加帝檢校 天福二年夏四月,加檢校太保。 五 冬十月,授侍衞親軍馬步軍都指揮使。 年三月,改鄴都留守兼侍衞親軍馬步軍 時帝與杜重威同制加恩,帝憤然不樂,懇讓不受,杜門不出者數日。 河東節度使。 私第。 八月,改許州節度使,典軍如故。 |瑩等以爲不可, 乃遣端 制下數日,杜門四表辭不受。(舊五代史考異) 七年正月, 十一月,移授宋州,加檢校太尉。 大師。 都指揮 加侍中。 使。 八年三月,進位 明殿學士和凝就第宣論, 九月, 時天下大蝗,惟不入河東 奉詔赴闕, 三年夏四月,加檢校 中書令。 晉高祖怒,召 晉高 案通鑑云: 十二月,加 祖幸其 帝乃 知

火考異) 帝為 營都統。二年四月,封北平王。三年五月,加守太尉。是月,帝誅吐渾白承福等五族,案:歐陽史 三年五月,晉本紀又載開運元年正月辛丑,劉知遠及契丹偉王戰于秀容, 開運元 幽州道 尋奉詔起兵至 行營招討使,帝大破偉王於忻口。 年正月,契丹南下,契丹主以大軍直抵澶州,遣蕃將偉王率兵入鴈門。 一土門,軍至樂平,會契丹退,乃還。 案: 漢祖破偉王, 敗之。 三月, 薛史作開運 兩紀年月互異, 封太原王。 元年正月。 應以薛史爲據。(舊五代 七月, 歐陽史漢本紀作 兼北 朝廷以

之。 刺史。(舊五代史秀異)十一月,契丹主率蕃漢大軍 帝親率牙兵至朔州 作八月,殺吐 十二月十日,杜重威等以全軍降於契丹。十七 渾 白承 福等族。(舊五代史考異)凡四 南陽武谷,大破之。 百人,以別部王義宗統其餘衆。 案東都事略郭進傳 由易、定抵鎭州,杜 日,相州節度使張彥澤受契丹命, :契丹屠安陽,高祖遣 .重威: 等駐 進拒戰, 九月, 軍 契丹犯塞口。 於中渡橋 製丹敗走, 以功除 陷京 以 禦

城,遷少帝於開封府。

帝聞之大駭,分兵守境,以備寇

恵

章爲 北 趙暉 校趙暉、忠衞都校侯章等戍陝州。 軍 至 法,貴重大臣方得此賜,亦猶漢儀賜几杖之比也。 同 自 [是羣官三上牋,諸軍將吏、緇黃耆耋,相次迫請,敎答允之。 庚午,陝府屯駐奉國指揮使 ·司馬 |太原,帝知契丹政亂,乃議建號焉。 、侯章 本州馬 天福十二年春正月丁亥朔,契丹主入東京。 張彦威 二月丁巳朔,契丹主具漢法服,御崇元殿受朝,制改晉國爲大遼國 是月,帝遣牙將王峻奉表於契丹,契丹主賜詔褒美,呼帝爲兒。 、都頭王晏殺契丹監軍及副使劉愿,暉自稱留後。 步軍 與文武將吏等,以中原無主,帝威望日隆,羣情所屬,上牋勸進,帝謙讓不允。 都指揮使,王晏爲副都指揮使,暉等不受僞命。 會契丹至汴,遣其將劉愿據陝,恣行暴虐。晏與暉等謀曰:「今契丹南侵,天下洶洶, 是月,秦州節度使何建以其地入於蜀。 癸巳,晉少帝蒙塵於封禪 王峻持柺而歸,契丹望之皆避路。 契丹因授輝陝州兵馬留後,侯 案宋史王晏傳: 開運末, 寺。 又賜木柺一 大赦 戊辰, 天 癸 驯 與本軍 河東行 及峻 號會 少帝 藩 英

然之。 雄豪傑固當乘時自奮。 晏乃率敢死士數人,夜踰城入府署,刼庫兵給其徒。 且聞太原劉公,威德遠被,人心歸服,若殺愿送款河東,爲天下倡首, 遲明,斬愿首懸府門外。 衆請暉爲帥,章爲本城副指揮使、內 則取富貴如反掌耳!」暉等

外巡檢使策都虞候, 乃遺其子漢倫奉表晉陽。(舊五代史考異)

趨

城。 什長,乃構夏津賊帥張乙,得千餘人,沿河而上,中夜竊發,自南城殺守將,絕浮航,入北城, 權 後張晏洪奏,軍亂,殺知州副使駱從朗及括錢使、諫議大夫趙熙,以城歸順。 州,平之。 陽節度使,以扼要害之地。 稱天福年號,曰:「予未忍忘晉也。」(舊五代史考異)甲戌,帝以晉帝舉族北遷,憤惋久之。 建號,僞制削奪帝官爵。 陝州 即赴東京,朝於契丹,從朗知軍州事,帝方遣使張晏洪、辛處明等告論登極, 土門路,邀迎晉帝至壽陽,聞其已過,乃還。 瓊敗、死之。 大將藥 辛未,帝於太原宮受册,卽皇帝位,制改晉開運四年爲天福十二年。 留後趙暉 初,代州刺史王暉叛歸契丹,弘肇一鼓而拔之,斬暉以徇。 可傳殺從朗於理所,州民相 時契丹以族人朗五爲澶州節度使, 、權潞州留後王守恩,並 以通事耿崇美爲潞州節度使,高唐英爲相州節度使,崔 丁丑,磁州賊帥梁暉據相州。 一率害趙熙,三軍請晏洪爲留後,處明爲都監。 上表歸順。 案契丹國志: 契丹性 癸未, 時留兵戍承天軍而還。(孔本) 己卯,帝遣都將史弘肇率兵討代 貪虐(E), 澶州 賊帥 吏民苦之。 王瓊與其衆斷本州浮 庚辰,權晉州 案契丹國志云: 時晉州 是日, 率親兵 從期 契丹聞帝 瓊爲水運 延 | 割為河 囚之本 留後劉 兵馬留 辛巳, 漢祖仍

橋

在

南

無久留之意

尋

遣

天

雄

軍

節

度使

杜

重

威

歸

鎭

朗 五 據 牙 城以 拒 數 日 , 會 製丹 救 至 瓊 敗死 契丹 主初聞其變也 懼 甚, 由是大河

異。 閣之禮 帳 开: 州 揮 刺 京 辰朔, 指 節 ,以北京 度使 刺 使 馬步軍 史、檢校 揮 庚戌,帝以 一蓋萬 發自 使 史[三]。 高彦 周密 ,契丹主以舅蕭翰爲宣 月 沫 都 契丹 丙 州 副留守、 司徒,以 察州 虞候. 與 珣 爲三軍所逐,以 戌 辛亥, 自黎陽 北京馬 (薛史異。 朔, 殺傷命刺 刺 郭從 詔 史,以 興 檢校司 吐揮節度使王義宗 河 義爲 、捷右 步軍 濟河, 歐陽史及通鑑俱從薛史作 東管 史, 武 徒白 都指 廂 鄭州防禦使、檢校太保,以北京 節右 逐趨 據城歸 允權 克 都指 武 文珂為河 自 揮 相州 廂 知留後 軍 使、 前 揮使尚洪遷為單州 都 節 命。 稅外, 指 泗州防禦使、 度 加檢校太尉, 揮使 案:通鑑 使。 壬 事 中節 :壬寅。 寅, 雜 , 上 周暉為 辛 色 表 度使、檢校 契丹主發自 作丙午,契丹自白馬渡 是日 卯 黴 歸 配 檢校太保劉崇爲太原尹、檢校太尉,以 順。 權 濮州 , 以前 刺史、 宿於赤崗, 延 切 未 州 太 除 刺史,以保寧都 忻州 幾, 興捷左廂都指 東京還本國 留後 川尉 檢校司徒,以北京武 放。 帝召密赴 刺 河。 高 至晡, 是 史秦習爲 允 日 遼史作乙丑, 權遣判官李彬奏: , 契丹主 有 行 案: 指 揮使李洪信為 大 在。 耀州 揮使朱 撀 遼史太宗紀 一坐崇 濟黎陽 如 壬 節左 룤 辰, 奉千 |練使。 元殿 , 渡 厢 丹州 起 作 與通鑑 四 爲 都 陳 於 本 行 月 道 敵 州 都 丙

匹

月已未,

以北京馬軍都指揮使、集州

刺

史劉信爲滑州節度使,

充侍衞馬軍都指揮

使、檢校太傅,以北京隨使、右都押衙楊別爲權樞密使、檢校太保, 徒,以河東左都押衙扈彥珂爲宣徽南院使、檢校司徒,以右都押衙王浩爲宣徽北院使、檢校 行軍司馬張彥威爲同州節度使、檢校太保,以蕃漢兵馬都孔目官郭威爲權樞密使、檢校司 使、壁州刺史常思爲鄧州節度使、檢校太傅兼權北京馬步軍都指揮使、三城巡檢使,以河東 楊邠爲樞密使。 雷州刺史史弘肇爲許州節度使,充侍衞步軍都指揮使、檢校太傅,以北京牢城都指 據薛史,邠于閏七月辛未始眞授樞密使, 四月中乃權職也。(舊五代史考異) 案歐陽史: 以北京武節都指 四月己未,右都押衙

以三月二十一日夜與其徒踰垣而入,殺契丹數十人,案:契丹國志作殺遼兵數百。(舊五代史秀異)奪 旋。 器甲數萬計,遂據其城。契丹主先遣僞命相州節度使高唐英率兵討之。未幾,契丹主至城 汴、暉收集徒黨、先入磁州、無所侵犯、遣使送款於帝。 女七百人而已。乾祐中,王繼弘鎭相州,奏於城中得髑髏十餘萬,殺人之數,從可知也。 下,是月四日攻拔之,遂屠其城。翌日,契丹主北去,命高唐英鎭之,唐英閱城中遺民,得男 司徒,以兩使都孔目官王章爲權三司使、檢校太保。 會有告契丹以城中虛弱者,契丹還攻安陽,陷其城。(舊五代史考異)暉,磁州滏陽人,少爲盜,會契丹入 是日,契丹主取相州,殺留後梁暉。 案宋史李穀傳:潛遣河朔酋豪梁暉入據安陽,契丹主惠之,即謀北 暉偵知相州頗積兵仗,且無守備,遂

庚申,以石州刺史易全章爲洛州團練使,以前遼州刺史安眞爲宿州團練使,以嵐州刺 漢 궲 紀 上

卯, 都 驍 議 章 檢 府 勳 官 人 史 制 、李氏 衞 孟 校 州 使 大 蘇 爲 事 大將軍 以 右 置 太 夫,充樞密直 刺 逢 行 以 升府州 保 吉 河 史、檢校 衞 爲 超 遼州 東 大將 ; 皇 爲 爲中書侍郎、 以 王守恩爲 都 后。 潁 刺 巡館 岢 軍 為節鎭, 州 史薛瓊 大太尉; 嵐 ·,皇女彭 甲子,以 專 學士。 驛、 軍使鄭謙 練 潞州節 使 以 爲 加 同 沿河巡檢使閻萬進 乙丑 北京 永 城 以 平 皇 亳 安 州 章 郡 長 汾 為忻州 度 一,遣史弘肇 子 隨使、左 軍 事 君 防 州]使、檢校太保; 承訓 ·額,以 、集賢 宋氏 禦 刺 使, 史武 刺史, 封永寧公主 爲 都 殿 振 以 彥 左 押衙 ·率兵一萬 武 大 遙領 心 衞 爲嵐 弘 學士,以 節 州 Ŀ 爲 劉銖 度使、 以權 曹州 應州 將 刺 州 史李漢韜 軍 刺 人趨 爲 皇姪承贇爲右 府州 ٠, 防 節度使, 點檢延州 河東觀察判官蘇 史, 河陽 第二 禦使,以前 路州 領 團練使折 節度使; 子 爲 朔州節度使,充嵐、 充忻、代二 承 汝 軍 丙 祐 州 州 寅, 衞 憲 爲 防 事 從阮爲永安 以河東 上將 州 禦 一高允權 以權 左 禹 刺 衞 使 珪爲 一州義 軍 史 大 知 慕 支使韓祚 將 癸 爲 路 中 容信 軍 以 書侍 軍 延州 州 軍 都 泂 ٠, 節 軍 部 第三 東 册 爲 州 節 度 郎 一州義 為左 署。 齊 節 魏 使, 度 子 州 同 度 或 諫 T 平 剉 承 防

仗,殺契丹監吏,衆推 欲 置 戊 之於北 辰 權 地 ,遣奉 泂 陽 留後 國都虞候 行德爲帥,與河陰屯駐軍士合,乃自汜水抵河陽。 武行德以 武 行德部送, 城 來歸。 初, 與軍 契丹主 士千 餘 一將發 人 八井家屬 東京, 俱 船 載武 行。 河陽 庫 至 兵 泂 僞 陰 (仗,自 命節度使崔 軍 汴 亂,奪兵 河

陷于契丹,僞請自效, 廷勳率兵拒之,兵敗,行德等追躡之,廷勳棄城而遁,行德因據其城。 因遣送將校數十人護所取尙方鎧甲還北方。 至河陰,行德謂衆曰:「我與若等能爲異域鬼耶?」衆 案東都事略武行德傳: 行德

素伏其威名,皆曰:「惟命。」遂攻孟州,走其節度使崔廷勳, 悉以府庫分諸校, 而權領州事。 遺其弟行友詣太原勸進。(舊

州,遂奔東京,洛京巡檢使方太自署知留守事。 未幾,太爲武行德所害。

五代史考異)

薛史作軍亂,

衆擁行德爲帥,

與東都事略異。(孔本)

偽命西京留守劉晞棄洛城,

南走許

以契丹衆攻武行德於河陽,行德出戰,爲廷勳所敗。 是月日,蕃將耿崇美屯澤州,史弘肇遣先鋒將馬誨率兵擊之,崇美退保懷州。 |汴州||蕭翰遣蕃將||高牟翰將兵援送劉 崔廷勳

復歸於洛,牟翰至,殺前澶州節度使潘環於洛陽。

丹主 子。 州 度使、檢校太傅, 馬 州 都指 節度使王守恩加檢校太尉, 步軍都指揮使侯章加檢校太傅, 趙 耶律德光卒於鎭之欒城。 辛未,以河陽都部署武行德爲河陽節度使、檢校太尉,充一行馬步軍都部署。 延壽於鎭州自稱權知國事。 揮使、權知軍州事高彥珣爲丹州刺史。 案隆平集王晏傅云: 以前棣州刺史慕容彥超爲澶州節度使、檢校太保。 案遼史太宗紀: 漢祖威名未振, 辛巳,陝州節度使趙暉加檢校太尉,華州節度使兼陝州 以陝府馬步軍副 四月丁丑,崩於欒城。 而晏等歸之,甚喜,即授以節度使。(舊五代史考異) 泳樂大典卷一萬六千九十八。 都指揮使兼絳州防禦使王晏爲晉州 與薛史異。 歐陽史及通鑑俱從薛史作丙 丙子, 契 甲戌,路 以丹 節

漢

校勘記

(1) 九月契丹犯塞 「契丹」二字原無,「九月」下原有注云:「案以下疑有脫文。」按冊府卷八云:「九

月,契丹犯塞。」據補「契丹」二字,删去注文。通鑑卷二八五云:「九月,契丹三萬寇河東。」

(11) 時契丹以族人朗五為澶州節度使契丹性貪虐 正。」按此係輯錄舊五代史時據遼史索倫國語解所改,今恢復原文。殿本作「朗鄂」。 「朗五」原作「朗悟」,注云:「舊作朗五,今改 「製丹性貪

虐」,劉本同,殿本作「朗鄂性貪殘」。

「史」原作「使」,據殿本、劉本改。

드

朱奉千為隨州刺史

是月 劉本同。 殿本作「是日」。

舊五代史卷一百

漢書二

高祖紀下

奇乃開門迎納,宏肇即留萬超權州事。(舊五代史考異) 壁拒命。 陰地。 兀欲 大內巡檢。 取五月十二日車駕南幸。 戊寅,卽皇帝位。 所繫,旣而兀欲召蕃漢臣僚於鎭州牙署,矯戎王遺詔,命兀欲嗣位, 天福十二年夏五月乙酉朔,契丹所署大丞相、政事令、東京留守、燕王趙延壽爲永康 萬超馳至城下,諭之曰:「今契丹北遁,天下無主,井州劉公,仗大義,定中土,所向風靡,後服者族,盍早圖之。」令 丁酉,史弘肇奏,澤州刺史翟令奇以郡來降。 丙申,帝發河東,取陰地關路幸東京。 歐陽史、通鑑、契丹國志俱從薛史作五月,與遼史異。(舊五代史考異)於是發哀成服。辛卯,詔 甲午,以判太原府事劉崇爲北京留守,命皇子承訓、武德使李暉 是日,契丹所署汴州節度使蕭翰迎郇國公李從益 時星官言,太歲在午,不利南巡,故路 案宋史李萬超傳: 史弘肇路經澤州,刺史翟令奇堅 案: 遼史世宗紀作四月 出

漢

書

高祖紀下

還詐 度使, 以 至 兵於城下,不令攻擊, 東京, 郡 降 孫 行 次定州 方簡 請 從 契丹遣 爲 益 雲州 ,案:遼史作甲申,次定州,與 知 南 偏 節 朝 從朗等途降 校成弱 度使。 軍 國 事。 卿、 方簡 己亥, 曹 不受命,遂 印 茶醛史異。(璠 蕭翰發離東京北去。 等守其郡,帝 (舊五代史考異) 歸 狼 山 建義之始,不時歸命、 戊申,車 以 定州節 乙巳, 駕至絳州 契丹 度 副 使耶 永康 ,本州 及車駕 律 王 兀欲 刺 忠爲 史李從 至,帝 自鎭 定 州 朗 節 州

從益 **遼史** 異。 福十二年六月十五 史, 未死 張 郞 {世 也。 叉 雄為 平章 宗紀: 中 六月乙卯, 唐明宗淑妃王 知 匡贊 此必 州 濮 因 , 薛 史 作 事 天 因 起 張 州 延壽 禄 復 刺 礪 故 移 契丹 年十 趙贊。 爲 卒 鎭, 史,以 有 永 於鎭 日昧爽已前,天下見禁罪人,已結 月壬午, 是 康 氏 河中節 在七 考贊 王 命 金州 皆賜 所 州 月甲 鎖,而 (即延壽之子,仕宋, 南京留 以 度使趙 寸 死 午 丙 北 以 漢 樂指 於 辰, 後。 人傳 守、 京 東京。 知進奏王從璋 華史 緊于 贊 揮 其 魏王 車 已 使 起復河中節度使。 駕 死, 趙 康彦環 甲子, 歷廬、延、邠、 延壽 至洛 ,六月, 篴 起復 薨。 車 爲 其子贊以 考遼天 前後互異。 為內 駕 兩京文武百 金州 鄜 至 四 東京。 禄 州 正未結正,已發覺未 客 防 絕 需 省 禦 其 案通鑑: (孔本) 年 入宋後, 使。 北向之心耳(二)。 卽 使。 僚 漢乾 丙 自新 戊辰, 寅, 是日 起復趙 建 避諱 祐 雄 以 安 年, 去「匡」字也,今仍 匡贊在七月甲 制 彦環 漢州 契丹 相 此 次 時 大赦 右 皆 就 奉 發覺,除 天福十二 僕 因 糧 迎。 叉, 射 天 亂 歸 午以後,與薛 考 其舊。 害 捷 邻 兼 年, ₹通 本 指 國 11 延壽 惡五 叉 書 應 州 揮 公 潰 大 刺 李 使 侍 案 使 {史 尙

書二 高祖紀下

宗正 移臼; 已量移者與敍錄。 以左散騎常侍王仁裕爲戶部侍郎,充翰林學士承旨; 漢,年號依舊稱天福」云。 日。 戌,韶:「文武臣僚,每遇內殿起居,輪次上封事。」丁丑,以湖南節度使馬希範卒輟視朝三 翰林學士;以戶部侍郎李式爲光祿卿;以翰林學士、尙書禮部侍郎邊光範爲衞尉卿。 案東都事略張昭傳:昭舊名昭遠,選漢高祖諱,止稱昭。(舊五代史考異)以左散騎常侍邊歸讜爲禮部侍郎, 復爲節鎭,曹、陳二州依舊爲郡。 未,河東節度使、北平王劉知遠自立爲帝,國號漢。蓋因其自立而牽連書之,疑未詳考。 里內及京城, 卿; 是月,契丹所命相州節度使高唐英爲屯駐指揮使王繼弘、楚暉所殺 罪無輕重,咸赦除之。 翰林學士承旨、 今年屋稅並放一半。 、尙書兵部侍郞張允落職守本官;以尙書左丞張昭爲吏部侍 案歐陽史: 徒流人並放還。 諸州去年殘稅並放。 壬申, 北京留守劉崇加同平章事。 六月戊辰, 改國號漢, 契丹所授職任,不議改更。 應係欠省錢,家業抵當外並放。 東、西京一百里外, 是戊辰以前猶未改 以右諫議大夫張流爲左散騎常侍,充 諸貶降官, 己巳,詔青州、襄州、安州 國號也。 以中書舍人劉繼儒爲 放今年夏稅; 遼史太宗紀: 二月辛 未量移者 宜以國號爲大 與量 郎;

考異) 、江南西道觀察等使、檢校太尉馬希廣可檢校太師、兼中書令〔三〕,行潭州大都督、天策 以戶部侍郎邊蔚爲御史中丞。甲午,武安軍節度副使、水陸諸軍副都指揮使、判內外 秋七月己止,以御史中丞趙上交爲太僕卿, 案: 上交本名遠,避漢祖諱,以字行,見宋史。(舊五代史

從敏 度使、 衞 侍 節 軍 Ŀ 檢 加 太 節 兼 校 间 度 將 軍 徐侍中。 使、 爲 太 李 軍 王 度 趙 之父子, ,後悔 檢校 (舊 沙贊傳. 守貞 西京 傅 至是 使、 周 檢 抚 爲 無 校 太 狱 檢 武 | 贊懼 及。 恕 徐州 亦 懐 爲 辛 留 以 (史考異) 帥 太 校 安 吾 憂 語 河中節 克 进 守, 漢疑己, 公能 人也 恐 贊曰:「燕王 師、 軍 太 州 節 同 節 加 師、守太 故守司空兼門下侍郎 謂 事 聽 節 度 平 兼 陛下 以晉 度、湖 納,請 同 使, 遊使, 度 章 契丹 潛遣 中 平 終 入遼, 使、 事 書令高 先入朝 章 昌 出 不 親 加 南管内觀察使、 傅、 於不 吏趙 能 岐 檢 事 軍 加 同 容 非 節 校 兼 國 幸。 T,招 優奉表 卒 爲 所 兼 行 i 度使 公申 公符 中書令; 以 太 願 章 中書令、 周 引 今閒 也,漢方建 師、 鳳 四 公歸 蜀。 為鄴 事 理。」 軍, 張 翔 彦 ; 延 兼 置即 卿 、平章事 節 壽 彥 以 驁 都 判官 侍 衞 落 爲 以 度使 超 圖 江 國,必務 許 留守, 于 遣 中安 國 街 克 河中節度使、檢校太尉趙贊爲晉昌軍節 南諸道 爲 1李恕者,数 州 陷穽,吾忍不容 恕 趸。 公杜 州 廊 詣 節 譙 檢校 懷柔。 審 闕 節 州 臣 度 加守太傅; 琦 重威爲宋州 意 趙延壽賓佐,深所委賴,至家事 都統,封楚王。 國 度 節 使、 漢祖 國家 太 公若泥首歸 爲 公劉 使 度 師、 見恕, 襄 檢 浦定, 使, | 費耶 州 校 昫 同 加 _! 節 太 問贊 加 贈太保 平 務安臣 兼 以 朝,必保富 節 保 度 檢 章 侍 恕 軍州 何 度使, 使 劉 未還 校 事 中 以 民, 丙申, 太 附 重 ; 侯 蜀。 節 置已 所以 師。 檢 進 貴 甲辰 益 以 度使、檢校 加守太尉; ,狼狽入蜀 爲 校 依 以 鄧 恕曰:「贊家 離鎖 令臣 亦多之,及贊 庚子, 太 鄧 前 鄴 州 華 入朝 師 州 乞哀求覲。」 都 節 鳳 州 節 翔 留 度使、檢 節 莒 理 以 卽 在燕薊 度 一難萬 守、 節 以宋 度 國 命 徐 度 使, 出 度 爲 使 使 鎭, 天雄 州 全、儻 使, 左 漢 李 校 節 兼 州 加 駷 身 從

章、 爲宣 裝。 令, 川 彦 毛 卿 揮 爲 同 威 稠 璋 (金)。 使 平 故 同 仍 官 徽 故開 州 贈 殿 劉 閨 故 州節度使張彥威、涇州節度使史威,並 河 令 爵 信 侍 中 北 月 節 襄州 陽 丙寅 所 監 度使, 院 中, 封 辛 ; 貶爲 節 許州節度使兼侍衛 使,以 司 以青州節度使楊承信爲安州 (国) 酉, 尹 故汴州 節 度使、判 追 唐 桑 庶 度 諡 加檢校太尉、同平章 以左 故 維 以 人。 監 使 立 樞 翰 司 察御 安 節度使朱守殷 碑。 六軍 贈尙 「衞上將軍皇甫立爲太子太師致仕。 密使郭崇韜贈中書令,故 天少監杜昇爲司 案通鑑: 重 史 進 唐 書令, 康 王度爲 、故鎭州 故 ··杜重威之叛在七月,至閏 義 步軍 河中節 誠 贈 故 樞 都指揮使史弘肇, 贈中書令。 節 中書令。 事 西 密 度使、 京 度使 天監。 直 留守景 節 以 學 安重 度, 河中節度使、檢校 寸。 西 加檢校太尉。 平王朱 故 是月, Ţ 河中節度使安重 樂,並 月庚午乃削奪官爵。 加檢 延 西京留守、京兆 新 卯)廣贈 授 契丹永康 校太傅。 友謙 並 故青州節 宋州 贈侍中。 中書令, 加 Z 檢 追 節 以晉昌軍節度使、檢校太保劉 丑 校 封 度 太尉白文珂為鄆州節 王 滑州 , 魏王 公太尉。 度楊 使杜 尹王 誨 庚 禁造 五代春秋、歐陽史作閏七 以前 兀欲 午,以前 贈尚書令,故 節 光遠 思同、故 重威 契丹樣鞍轡、 故 度使兼 囚祖 衞 庚戌, 樞 尉 贈尙 據 延州 密使 母 卿 鄴 邠 述 以 侍衞 薛 書 都 留 州 律氏 仁謙 馮 華 司 令, 叛, 贅 州 後 節 馬 天 器械 度使, 月,杜重 監 詔 爲 於 軍 薛 度 贈 節 追 木 都 削 使 度 中 封 司 任 可 八服 齊 葉 奪 藥 書 使 延 指 加

之廟 拒命。 高 皇帝室 節 節 滑 樞 宜 司 黴 使, 度使常 度 州 密 帝室 高高 使 使 節 使, 與 加 酌 王 孟 度 通 檢 會已下四廟, 加 鑑異。 晏 一酌獻, 獻 思 使 承 校 檢 加 加 誨 皇 太 校 (舊五 檢 甫 檢校太尉, 贈 請奏靈長之舞; 德祖 傅。 太 請依舊奏武德之舞; 太保。 校 遇 傅 |代史考異) 太尉, 贈中 壬申, `; 追 以權 拿諡 書 丁 移鎭 河 令。 丑, 有 彗 故晉昌軍節度使 .) 以高 樞 號,已載 潞 密 節 故同州 度使武 副 行周 州 使 出於張,旬日 恭僖皇帝室 世 於前 郭威 爲行 庚辰,追 節度 祖 行 | 營都部| 光武 德 爲副 矣。 使劉 趙在 加階爵, @尊六廟 是日 樞 皇帝室 而 繼 禮 酌 署, 密使, 勳、 獻, 滅。 贈中書令,故曹州 , "; 以 延州節度使高 權 一酌獻, 故貝州節度使梁漢璋,皆贈太尉 率兵進討。 己 請奏積善之舞; 加 太祖 太常卿 卯,陝州 檢校太保; 請依舊 高 張昭 皇 帝、世祖 節度使趙 辛 允權 歌 奏大武之舞; 上六廟 節度使 未, 以 詞,文多不 權 翼祖 加 以 光武 檢校 三司 權 樂章 暉 石 昭 樞 叠 加 公太尉。 密使楊 獻 皇帝為 使王章爲三 一舞名: 階會 錄 贈侍中, 文祖 皇帝室 , 晉州 邠 明元 不 鄧 故 祧 州 故

其城 廂 獻,請奏顯仁之舞; 練 都指揮使、 使 薛 麻 月壬午朔, 懷 答與河 讓 爲 恩州團練使白再榮爲鎭州留後。 邢 陽 州 鎭州 節 節 顯祖章聖 l 度 使。 度使崔 駐 屯 護聖 辛卯 廷 皇帝室酌獻,請奏章慶之舞。 勳 左 ٠, 詔 洛京留守劉 屈都指揮使白再榮等(於), 恆 州 復爲 晞 鎭 丙申, 州 ٠, 並 奔定州 順 韶天下凡關賊盜,不計贓物多少, 或 軍 其六廟 復爲 逐契丹公 馳 成 驛 德 以 所命節度使 軍 聞 庚寅 以 以 麻 洛州 護聖 左 更 復

書二 高祖紀下

漢

戦馬 凉, 之也。 爲 洛州 爲 衮 爲 案宋史薛 蕃 軍節度使 叶 驗 邢州 以收兵 將 吏部 渾 聖壽節,從之。 不 奉明歸鎭州, 楊袞 虚,並 防 府 特託 快讓傳 禦使, 都指揮使,及永康王以 而 尚書。 薛懷讓殺契丹之將劉鐸,入于邢州。 節 言置 來援鐸,懷讓拒之,不勝,退保洺州 退,鐸乃上表請命。 度使、檢校 虚死。 一頓于郡耳。(鷹五代史考異) "懷讓遣人給鐸云"「我奉詔爲邢州帥。」據薛史,則懷讓實給鐸奉詔襲契丹, 契丹麻答發健步督洺州糧運, 是日, 令鐸知邢州 以 前晉昌 太尉王 薛懷讓奏,收復邢州, 兩浙節度使、守太師、兼中書令吳越 軍節度副使李肅可左驍衞上將軍致仕(こ)。 養宗爲沁州刺 高奉明爲節度使,麻答署鐸爲 懷讓 事,至是遇害。 乘其無備,造人給鐸云 [4]:「奉詔襲契丹,請置 鐸開門迎之, 辨史祇載奏聞之期,不言收復爲何日, 殺傷 史, 懷讓殺之以聞。 依前 庚戌, 文武百 敵騎掠其部,民大被其苦。 命節度副 卽 爲 吐渾節度 懷讓 國王錢弘佐薨廢朝三日 使、知州 所害,時人寃之。 邢州 僚 使。 帝遣 F 與歐陽史異。(孔本)初,懷讓 事劉鐸。 表, 副 己酉,以刑部尚書竇貞 郭從義與懷讓 使 請 兼 以 是月, 庚寅授 都指 以二月四日 會 案歐陽史: 鎭 遣 揮 鐸 邢州節度使, 州 使諸道 使 初 攻取邢 逐麻 受 頓 丙 丙申,安國 文契丹命 帝至 降 於郡。 午,以 答, 和 誕 非紿 州 市 東 楊 爲 固

卿 事 張昭爲太常卿。 九 月 甲子, 宰臣蘇逢吉兼戶部尚書,蘇禹珪兼刑 戊辰, 故易州刺史郭璘贈太傅。 部尙書。 甲戌, 宰臣蘇逢吉 丁卯,以 吏部 加左僕射、 侍郎 模權 、監修國 判太常

前左僕射和凝爲太子太保。庚辰,車駕發京師。 戊寅, 韶以 奏,以鷹堪任宰輔,即拜中書侍郎兼戶部侍郎、平章事。(殿本) 是命。(舊五代史考異) 爲中書侍郎兼戶部尚書、平章事。 冠首,以貞固持重寡言,有時望,乃拜司空、門下侍郎、平章事。(舊五代史考異) 文館大學士, 史,蘇禹珪加右僕射、集賢殿大學士,以吏部尙書竇貞固爲守司空兼門下侍郎、平章事、弘 杜重威叛命,取今月二十九日暫幸澶、魏。己卯,以前樞密使李崧爲太子太傅,以 案宋史寶貞固傳:初,帝與貞固同事晉祖,甚相得。時蘇逢吉、蘇禹珪自霸府僚佐縣居相位,思得舊臣 宋史李濤傳:杜重威據鄴叛,高祖命高行周、慕容彥超討之,二帥不協, 案宋史李濤傳: 杜重威叛,濤密疏請親征。 是日,權太常卿張昭上疏, 以翰林學士、行中書舍人|李濤 高祖覽奏,以濤堪任宰輔,故有 濤密疏 奏改一代樂名。 親 征。 高祖

未欲攻擊,副部署慕容彥超堅請攻之。是日,王師傷夷者萬餘人,不克而退。 **鄭都城下。與薛史異。〈舊五代史秀異〉丙午,詔都部署高行周督衆攻城,帝登高阜以觀之,時衆議** 李穀爲左散騎常侍。宋史李穀傳:舊制,罷外郡歸本官,至是進秩,獎之也。(殿本)甲申,車駕次韋城。詔: 「河北諸州見禁罪人,自十月五日昧爽以前,常赦所不原者,咸赦除之。」 壬辰,日有黑子如 冬十月癸未,以太子太保李鏻爲司徒,以太子太傅盧文紀爲太子太師,以前磁州刺史 丙申,以相州留後王繼弘爲相州節度使,加檢校太傅。至鄴都城下。 案: 通鑑作戊戌,至

十一月壬子,雨木冰。癸丑,日南至,從官稱賀於行宮。己未,湖南奏,荆南節度使高

從誨 步 會要改正。(影庫本粘籤) 指 以 度使高 許州 揮使; 軍 叛。 副 節 都 行 以 周 辛酉、雨木冰。 度 指 揮 使兼侍衞 滑州節度使兼 加守太尉,封臨清王。 使; 丁进; 以 澶州節度位慕容彥超爲鄆州節度使、 步軍都指揮使史弘肇爲宋州節度使、同平章事,充侍衞親軍馬 壬申,杜重威上表請命。 杜重威 A 侍 衞 馬 素服 軍都指揮使劉信爲許州節度使、同平章事,充侍衞親 以杜重威爲檢校太師、守太傅、兼中書令、楚國公。己卯, 出降, 待罪於宮門,詔釋其罪。 癸酉,雨木冰。 同平章事;以前定州節度使李 雨木冰,原本作「大冰」,今從五代 鄴都留守、天雄 沙步軍都 軍 軍節

都指 魏王 於太平宮。 揮 使。 揮 丙戌,車駕發鄴都 使; 案通鑑云:辛卯,皇子開封尹承訓卒。乙未,追立爲魏王。 月辛巳朔, 以 庚子,司徒李鏻薨。 護聖 石廂 以護聖左廂都指 都指 歸京。癸巳,至自 揮使、 辛丑,以前 永州防禦使尚洪遷爲夔州節度使云,充侍衞步軍都指 揮使、岳州 1鄴都。 鄜州節度使郭謹爲滑州節度使,加檢校太尉。戊 甲午,以皇子開封尹承訓薨廢朝三日, 防禦使李洪信爲遂州節度使, 與薛史紀日互異。(舊五代史考異)丁酉,帝舉哀 充侍衞步軍 追 封

殿

爲

貝州

節度使;

以

鄭州

防禦使

郭從義爲澶州節度使。

自正 月五 乾祐 日 元 味 年正 爽已前, 月辛亥朔,帝不受朝賀。 犯罪人除十惡五逆外,罪無輕重,咸赦除之。」己未,改御名爲暠。 乙卯,制:「大赦天下,改天福十三年爲乾祐元年, 申,

宿州奏,部民餓死者八百六十有七人。

漢

書

官, 於小疾,謗議 宏肇入受顧 於萬歲殿, 子 節 薦 賓 州 度 詔: 不 客 使、 縣 帶 官, 以 燕 命, 諸 使 搖衆,皆斬之。」磔 一帶使 太 時 國 白"「承 道 相 年五 僕 公 行 節度使, 卿 馮道 相 軍 | 祐幼弱,後事託在卿輩。] 叉曰:「善防| 杜 趙 節 + 副 四,秘 上 爲 度使許薦三人, 使、 符太師 一交爲祕 死于市,市人争 只許奏掌 兩使判官並不得奏薦, 不發喪。 書監。 進封 書記、節度推官。 啖其肉。 齊國 庚辰,太傅杜 不帶使相二人,防 丁丑, 公。 (舊五代史考異) 故尚書左丞 甲子,帝不 重威。」是 帶使相節度使許奏掌書記、 重 威 其防 伏 日 韓祚 禦、 殂。 禦團 詸 豫。 逢吉等祕不發喪,下韶稱:「重威 團 贈司徒。 練判官、 案契丹國志云: 漢祖 庚午,以前宗正 練、 刺 史一 軍 人」云。 事 十七日丁 判官等聽 卿石 召蘇逢吉、楊邠、史 支使、 光贊 以 ŦI: 前 節度 父子, 奏。 帝 為 鄧 推 崩 州 所 因

下。 諡 常 册 卿 張昭 是, 哀册 月 豫章有僧號上藍者,精 辛 Ŀ 文云。 已朔, 諡 日 泳樂大典卷一萬六千九十八。 睿文聖武 內降 遺制 於術 昭 肅孝 數, 皇子 自 皇帝 周唐末著讖 周王 承 廟 祐 云:「石榴花 號 五代史補. 高祖 可 於 柩 一發石榴開。」 高祖 前 + 卽 嘗在 皇帝位。 月 **T**: 晉 議者以「石 祖 中, 廱 下, 是 葬 於 日 榴」則晉、 晉 祖旣起太原, 睿 發 陵, 哀。 漢之謂 宰 其年三月, 臣 因 也, 蘇 高 祖 禹 再 遂 珪 言 有 石石 太。 天

史臣 在昔皇天降禍,諸夏無君,漢高祖肇起抖、汾,遄臨汴、洛,乘虚而 取神器、因亂

榴」者,

朔

享祚俱

不

過二

一世矣。

閉壘以偷生。 之功,莫契來蘇之望。良以急於止殺,不暇崇仁。 而 有帝圖,雖曰人謀,諒由天啓。 蓋撫御以乖方,俾征伐之不息。 然帝昔蒞戎藩,素虧物望,洎登宸極,未厭人心,徒矜拯溺 及回鑾輅,尋墮烏號,故雖有應運之名,而未 燕薊降師,旣連營而受戮; 鄴臺叛帥,因

校勘記

永樂大典卷一萬六千九十八。

- (1) 叉按遼史世宗紀……以絕其北向之心耳 八十二字原無,據舊五代史考異補。
- (=)未量移者與量移 「者」字原無,摄彭校補。 冊府卷九五作「未量移者當與量移」。
- 三 馬希廣可檢 校太師兼中書令 劉本同。 殿本「可」作「加」。
- 任 延 皓 原作「任廷浩」,據殿本、本書卷一〇八任延皓傳改。
- 至 薛仁謙 原作「薛仁讓」,據殿本、本書卷一二八薛仁謙傳改。
- 白再榮 六白再榮傳、歐陽史卷四八白再榮傳均作「榮」。 劉本同。 殿本作「白再筠」。 影庫本批校云三白再榮, 『榮』應作『筠』。」按本書卷一〇
- (+) 遺人紿鐸 「紿」原作「詒」,據殿本、劉本改。
- S 李肅可左驍衞上將軍致仕 |盧本同。 殿本、劉本「可」作「加」。

(允) 尙洪遷

三四二

舊五代史卷一百一

漢書三

隱帝紀上

擬「乾和」二字,高祖改爲乾祐,至是與御名相符。甲申,羣臣上表請聽政,詔答不允,凡四 前即皇帝位。服紀日月,一依舊制。」是日,內外發哀成服。初,高祖欲改年號,中書門下進 帝於鄴都之舊第。高祖鎭太原,署節院使,節院,原本作「卽院」,册府元龜作「節院」,今改正。(影庫本粘 上表,從之。丁亥,帝於萬歲殿門東廡下見羣臣,尊母后爲皇太后。己丑,徐州節度使王周 封周王。宣制畢,有頃,召文武百僚赴萬歲殿內,降大行皇帝遺制,云:「周王承祐,可於柩 累官至檢校尙書右僕射。國初,授左衞大將軍、檢校司空,遷大內都點檢、檢校太保。 乾祐元年正月二十七日,高祖崩,祕不發喪。二月辛巳,授特進、檢校太尉、同平章事, 隱皇帝,諱承祐,高祖第二子也。母日李太后,以唐長興二年,歲在辛卯,三月七日,生

漢書

臘

帝紀

上

尙 之,仍各賜衣服 後」云。 咸 自 建 兆」下疑有脱 師 赦除 乾祐 率軍 庚寅 龍 之。 元年二 敏 出 丙午, 卒。 趙贊皆受其命。 大 文, 以 散 中外文武 考册府元龜 前 褟 月十三 壬 晉州 鳳翔巡檢使王景崇, 辰, 以 以兵部 心應之。 右衞 留後 日味 臣 所引 僚 侍郎 大 劉在明爲鎭州留後、 並 節 爽已前 至是,景崇糾合岐、雅 將 興加 制 張允為吏部侍郎 軍王景崇奏,於 岐、 ..; 所 恩, 蒲 遣人送所獲偽蜀 邊 犯 , 聞 馬步 罪人, 歸 高 將 祖 大散 士各賜優給。 已結正 入洛, 幽州馬步軍都部署,加 ",以工 、邠、涇之師以破之。 開 頗 大敗蜀 未結正,已發覺未發覺,常赦 將校 部侍郎司 懷反仄。 軍士 唐、晉 軍 侯益 ·, 俘 部 徒 朝 百三十二 网 詡 與贊皆求 廷 斬 為禮部 朝 移贊 三千 檢校太尉。 癸巳,制"「大赦天下, 求 訪 八 於京兆 人。 侍 人 子 援於蜀 孫, 至 郞 初,契丹 闕 是日, 所不 侍 立爲二王 下, 丁 蜀遣. 移 郎 未, 費于京 原者 詔 以 何

所由, 守、檢校太尉、同平章事 大 事 光祿卿李式爲尚書右丞,以禮部侍郎 、大于德辰爲兵部侍郎。 史 弘 三月甲寅,帝始御廣 專 肇 加 並 捉搦。」從之。 加 檢校太師 劉崇加宋州節度使 、政殿, 兼侍中, 内辰, 庚申, 羣臣 鄴都留守、太尉、中書令、 河中節度使、 削 邢州節度使安叔 起居。 識爲 兼侍 殿中 檢校太師、 刑部侍郎,以刑 衞親軍馬 少監胡崧 千以太子 少軍 兼中書令李守貞加守太傅, 臨淸王高 上言:「請禁斫伐桑棗 都 太 指 侍郎盧價爲兵部 師 揮 致 行 使,檢校 仕 周 進封 戊 鄴王 午, 太 為薪 尉 以 右 同 1-16 進封 京 城 諫 平

節

威

依

暉

太

之。 |||節度使、檢校太尉、同平章 段希 使、 讓, 師 度使、檢 前 太師、平章事 加 寅 都 或 娅: 益厚路史弘肇輩,言 檢 指 兼 案宋史侯益 公 州 檢 並 以前 校 侍 詔 堯 揮 ||検太師| 自 節度使高 太尉 中 改廣晉府爲人名府,晉昌軍 為 使、 襄州 校 檢 鳳翔節 ; 副 太 校 檢校 (傳) (益) 河陽 使, 節 尉、 太 加同 莒國 狼 度使、 允權 傅加檢校太尉; 太常卿張昭爲禮儀使,兵部 太尉、同平 桽 度使 同平章事 節 王景崇之横恣,諸權貴深庇護之, 侍 數十 平章 度使武 iji 公李從敏,夏州 並 檢校 兼 騎奔入朝,隱帝遣侍中問益連結蜀軍之由, 胶 西南 事 依 國 公太師 王守恩爲永興軍節度使,加檢 事 章事劉信 公符 前檢校太尉, 行德、滄州 庚午, 面 劉銖 兵馬都部署、 **蒼卿** 以前奉國 兼 rļi 涇州 爲永 御州 節度使、 加檢校 書令號 加 節度使王景、華 兼 興軍 節 節 加 中書 右廂 度使、 同 度 乃 侍 太 檢校太師、同平 授以 使 國 平 檢校太師、 郎 師。 令, 公 史懿 都指 章 戊 開封 虚價 檢校太尉、同平章 一安審 辰, 事 壬 進 尹 揮 ; 靈州 く、兼 為 州節度使侯章、晉州 戌 封 潞 琦 使王 澶州 |益 |對 魏國 ,以宰臣 鹵簿使, 州 、中書 兼侍 加守 校太 節度使、檢校太師、同平章事 田...旧 節 章事 節度使郭從義 饒 令。 公; 中侯益 太保, 度使常思、 師 爲 (舊五代史考異) 欲誘之 郎州 御 李彝殷, 竇貞固 許州節 以 事慕容彥超, 史中丞 進 爲開封尹、 留後。 出 滑 封 關 州 爲 齊國 同州 度使 並 邊蔚 節 山 節度使王晏,並 掩殺之耳。」 邢 加 西京留守、檢 ī陵使, 度使、檢校太 甲戌,以 公兼侍 州 節 兼 公; 爲儀仗使。 i 度 使 張 徐侍中; 節 加銀 並 東部侍 兗州 度 加 衞 隱帝 郊州 使薛 檢 中 親 青 書 彦 校 節 馮 重 笑

校

令

丙

郎

副

度

泣訴 自文珂 使、檢 州節 幽州 道 阮, 出邠等藩 之,因上 劉 尉 郭 重 並 書,樞 州 其 進 度 謹 校太傅 一行馬 加 奏, 爲邪 鎭 事 爲 使、 疏 相州 檢 以 ,太后怒,濤由 陝州節度使。 河中李 請 密 檢校太尉、 校 清朝 步 州節度使 李殷 出 太 使楊邪、 節度使王繼弘、 軍都 政, |邪等。 師。 ,守貞 隱帝不 加檢校太尉 部署、檢校太傅 T 以藩鎮 同平 副 ; 进,中 謀叛,發兵據 能決,白於太 以前 殿中 是獲譴。 樞 章 密使郭威等, -書侍郎 安州 授之,樞密之務,宜委逢吉、 監 事 鎭州留後、檢校太傅白再榮爲滑州節度使, ; 趙暉 任 定州 后。 先是, 節度使楊信 延 劉 潼 皓 兼 爲 太后召別等諭之,反爲所搆,冤相歸第。 在 節度使、檢校太尉孫 配流 戶 明爲鎭 鳳 權勢甚 中書廚釜 、部尙書、平章事 翔 廊州 節 度使; 州 虚, 並自 節 鳴者數 中書 度使, , l檢校 以前 坐爲劉崇所 每有除 四,未幾, 禹 李濤罷免,勒 加檢校太師 太傅加 河中節 方簡, 達。 授, 府州 疏 檢校 奏故 度使、 濤 入, 那等知之, 與薛史異。 多爲州等所抑 罷 節度使、 部 歸 太 也 発。 檢校 !署如 私 尉 加檢校太 丙子 第。 ; (舊五代史考異) 太 案宋史李濤傳 檢校 故 以 尉、 時 鎭 鄧 乃見 蘇 尉 州 太 貝 州 同 州 逢 濤 傅 韶 節 平 太后 吉等 以 不 折 節 後 度 濤請 平 陜 使 從 度 西 兼

定 州 密使, 遁 夏 去。 四 月辛巳, 壬午,以 加檢校太尉;三司使王章加檢校太尉、同平章事。 陝州 樞 密使楊邠 兵馬監押王玉奏, 爲中書侍 收復 郞 兼 吏部 潼 暑 尙 定州 書、平章 孫方簡 事 郢州刺史尹實奏, ", 使 奏,三月二十 加 故; 以副 七日 樞 開南起兵 密 使 契丹 郭 威

夢書三 隱帝紀上

宣徽 遷充 尙書,以翰林學士、左散騎常侍張沆爲工部尙書,以翰林學士、中書舍人<u>范質</u>爲戶部侍郎, 令,以陝州節度使白文珂爲河中府城下一行都部署。庚寅,宰臣竇貞固、蘇逢吉、蘇禹珪並 佛寺禱雨。戊子,東南面兵馬都元帥、兩浙節度使、檢校太師、兼中書令、吳越國王錢弘倧 李守貞反,後書思綰叛,亦誤也。通鑑從薛史。甲申,王景崇奏,趙思綰叛,見起兵攻討。丁亥,幸道宮、 將趙思縮叛附于李守貞。案薛史,趙思綰據城叛,自在三月,非四月事。 次永興,思綰等作亂,突入府城,據城以叛,故命從義帥師以討之。 太傅劉承贇爲徐州節度使。 都監。戊戌,以宣徽南院使扈彥珂爲左金吾上將軍。庚子,以左金吾大將軍、充兩街使、檢校 以 進封開國公。辛卯,削奪李守貞在身官爵。甲午,以翰林學士承旨、戶部侍郎王仁裕爲戶部 王益,自鳳翔部署前永興節度使趙贊部下牙兵趙思綰等三百餘人赴闕,三月二十四 在境上,欲攻城。 加 樞 諸道兵馬都元帥,天策上將軍、湖南節度使、檢校太師、兼中書令、楚王馬希廣加守中書 !密直學士、尙書比部員外郞王度爲祠部郞中,並依前充職。 西南 南院使。 面 行營都虞候〔三〕,案:通鑑作西面行營都虞候。(孔本)以客省使王峻爲西南面行營兵馬 乙巳,定州節度使孫方簡奏,復入於本州。 是日,以澶州節度使郭從義爲永興軍一行兵馬都部署。時供奉官時知化、 甲辰,以宣徽北院使薛可言爲右金吾上將軍,以皇城使李暉爲 又思綰先據城叛,後附于李守貞。 初,方簡爲狼山寨主,叛晉歸契 以侍衞步軍都指揮使尚洪 案歐陽史云: 四月壬午,永興軍 歐陽史先書 日,行

至是, 代之,移方簡爲雲州節度使,方簡 丹,及契丹降中渡之師,乃以方簡爲定州節度使。 是歲三月二十七日,契丹棄定州, 方簡自狼山回保定州。 是月, 不受命,遂歸 隳城壁, 河決原武縣, 焚室廬, 狼 Ш 契丹主死,永康王嗣位,即以蕃將耶律忠 河北諸州旱, 盡驅人民入蕃, 高 祖 至 闕,方簡 徐州餓死民九百三十有 歸款,復以中山 惟餘空城瓦礫 命之。 而已。

檢校太 至鄭 午,以前永興軍節度使王守恩爲西京留守。 鎭 命。 州 河陽節度使,以相州節度使王繼弘爲貝州節度使。 城。 奏,節度使劉在明卒。戊戌,以河陽節度使武行德爲鎭州節度使,以宣徽南院使李暉 甲申,以皇弟右衞大將軍承勳爲興元節度使、檢校太尉、同平章事 以冀州牢城指揮使張廷翰爲冀州刺史,時廷翰殺本州刺史何行通, 己未,回鶻遣使朝貢。 六月戊寅朔,日有食之。 五月己 師。 荆南節度使高從誨上表歸命,從誨嘗拒朝命,至是方遣牙將劉扶詣闕 辛卯,永興兵馬都部署郭從義奏,得王景崇報,有兵自隴州 酉朔,國子監奏,周禮、儀禮、公羊、穀梁四經未有印板,欲集學官考校雕造。 丁卯,前翰林學士徐台符自幽州逃歸。 庚辰,以內客省使王峻爲宣徽北院使, 是月,河北旱,青州蝗 壬寅,荆南高從誨貢奉謝恩,釋罪。丙 乙亥, 依前永興城下兵馬 來, ,豐州節度使 自 河決滑州 欲投 知州 請罪。 河 事, 中, 魚 郭勳 故有 丙申, 池 追襲 從 加

漢 書 \equiv 臘 帝 紀 F

平章 使 |遂州 名 軍 與八作使王 節 張 Z 并 壬 刑 事 開 秋 鵬 度 箾 # 歌辭,舞 子,以工部侍郎李穀充西 殺, 桂 七月戊申朔,相州節度使王繼弘殺節度判官張易,以訛言聞。 T, 以 宣 記 使 度使 辛 府 不究其實,即順其請,故當 言, 兼 酉, 鵬以 兼 行營都部署。 陽武、 繼續領部下兵同赴 徽北院使王 曲 滄州 侍衞 「請以「 一言之失,爲鄴帥 上言, 親軍 雍丘、襄邑三縣,蝗爲 觀 馬軍 德」爲 峻爲宣 自今年七月後, 庚午,故兵部尚書李懌贈尚書 都指揮使李洪信爲澶州節 名, 南 鳳翔 一徽南院使,以內客省使吳虔裕爲宣 面 歌辭不錄。 時從事 高 行 ,時王 ...營都 行周 幽州 所 鮮賓客之禮,重足累跡 轉運使。 一景崇 奏, 界投來人口 丙辰,以久旱, 拒命故 故命誅之。 乙卯, 也。 度使, 左僕射。 凡五 禮儀使張昭上高祖 乙亥, 幸道宮、佛寺禱 以 千 澶州節度 而事之, 百四 鎭州 庚申,樞密使 一徽北院 是時, 新授鳳翔節 奏,準 干 法尚深刻,藩郡 **猶不能**英 使 使[三]。 七,北 詔 郭從義爲永 雨, 廟 處斬 郭威 度使趙 尊 是日 土 號, 戊辰, 節 饑 加 獻 暉 度 故 大 福 口

以

副

興

也

舞

焉

凡

澍

憂之,及是命之降,人情大愜。 王 壬 一景崇 午, 八月己 命 趙思綰 樞 密使 卯, · 連 衡 郭 以 威赴 (華州 作 叛, 河 節 中 度使侯章 朝廷 府 軍前,詔 雖命白 案通鑑云:自河中(日)、永興、鳳翔三鎭拒命以來, 為別州 [文珂 河府、 節 永興、 常思攻 度 使, 鳳翔行 討 以左金吾 河中, 營諸 物 上將 軍,一 議以 軍 二帥非守貞 稟威 ·扈 彦 朝廷繼遣諸將討之。 珂爲 節 制 華 之敵, 州 時 李守貞、 節 度使。 昭義節 中外

部署兵 舊, 戰 月庚 度使常思 是,其兄弘倧襲父位, 越 洪 節 又案薛史 長 義 連 或 度 未 申 帝 爲 使 能 塹畢,築長 Ŧ 加 患 參考 (周太祖 錢 遂 之, 同平 电 潼 赴 弘 州 充 畫 章 翻 欲 鳳翔城下。 節 侍 俶 事, 紀 遣 白文珂 加檢校 度 衞 云:七月, 重 /連城 **通鑑** Л 臣 使, 步 月壬午, 一臨督。 屯 定從薛史漢紀(六) 軍 次 同 尋爲 西 太 充 都 州 壬午, 面 指 癸 侍 師 命 師 趙 赴河中府 卯 部下 揮使 衞 暉屯咸陽,惟郭從義、王峻置栅近長安,而二人相惡如水火,自春徂 徒 兼中書令、 , 大集,未 馬 以 郭威奏,今月二十三日, ·所廢, 郭威 軍 兼 都指 軍 河 前, 果進 爲 中 癸巳, 西 以弘俶 東 非 囬 揮 行 取,其月十三日 軍 使。 營 南 前 時 都 以 面 招慰 事 代之, [兵馬 乙未, 也。 虞 奉 安撫使(三) 候 國 二紀 左廂 故 都 制 特 元 以 前 兩 授 大軍已抵 後自相矛盾。 帝 加是 護 都指 浙 帥 , 同平章事, 節 聖 諸軍 命焉。 左 揮 弘 度 使、 厢都 ·皆受威節度。 俶, 使 河府 即遣 歐陽史漢、 新 故 指 檢校太尉、 閬 吳越 授 西 賊 揮 州 征。 城 鳳 防禦使 使、 與薛史所 翔 王 、周本紀, 據此紀, 至 元 節 岳 秋, 二十六日, 瓘之子: 度 州 劉 兼 使 則 載 皆相仗莫肯攻 亦各仍薛史之 侍 防 詞 周太祖 詳 趙 略 禦使 爲 也。 暉 F 夔 真。 以七 開 吳 李 州

河府 不時 藥元福從趙暉 也。 賊 九 軍 月 戊辰, 於城下。 戊申,侯 進討, 鳳翔都部署趙暉 益 甲寅, 部曲 兵衆寡數倍, 他將皆爲卻, 故 王 守筠 夔州 節 自 奏, 度使 鳳翔 大 破 來奔, 兼侍 |JI|元福 軍 衞 擁數百騎獨出 言 於 步 大 益 軍 散 家屬 都 關 指 • 盡 揮 殺三千餘 爲王 令 使 曰:「敢回 尚 景崇所 洪 遷 人, 頭者斬。」 贈 害。 其 太 餘 尉。 衆効死 壬 棄 子, Z 甲 以戰, 郭 丽 丑 威 遁 雪 遂有: 案隆 書 破 成

功。(舊五代史考異) 壬申,郭威奏,得郭從義報,今月十四日,鳳翔王景崇兵士離本城, 尋遣監

一李彦從 率兵襲至法門寺西,殺戮二千餘人。 詔升 河中府 解縣爲 解州

退 州 膟 並 寅, 任,坐檢 李 有 員 趙暉奏,破王景崇賊軍於鳳翔 外置 彝般 輕 多十月 肆 田 ·之言,錢弘俶恥之,摭其過以奏之, 所 先出兵臨州境, 受請託 丙 在 子朔,山陵使竇貞固上大行皇帝陵名曰睿陵,從之。 馳驛發遣。 也。 丁亥,中書舍人張誼責授房州 夏州,原本作「雅州」,今從歐陽史改正。(影庫本粘籤) 先是,誼與承翰俱銜命于兩浙,覩其驕僭之失,形於譏誚, 城下。 甲申,吐番遣使獻方物。 ,朝廷以方務懷柔,故有是命。 司戶,兵部郎 中馬承翰責授慶州司戶 丙戌,右羽林將軍張播停 丁丑 欲應接李守貞, 夕,歲星入太微。戊 甲辰,延州 今却抽 兼 夏 乘 ,

亂。 裨 擢 故 居 念 也。 並從極法」云。 按其 + 遂至 디디 詔 月甲寅,誅太子太傅李崧及其弟司封員外郎嶼、國子博士義,夷其族,爲部曲 所告,咸 曰:「稔 一滅亡。 俾列 三師。 惡圖 及事 已伏辜,宜正 庚申,· 危,難 不謂潛有苞藏,謀危社稷, 契丹,又爲親密,士民俱憤,險佞 大行皇帝靈駕進發。 逃天網;虧忠負義, 典章,用懲奸逆。 必速神 辛酉,荆南奏,節度使高從誨卒。 其李崧、李嶼、李義 散差人使, 誅。 印 知。 李崧頃 潛結 先皇帝含垢 在前 好兇, 家骨肉 朝, 俯近 拖瑕,推 最 山 居 及同謀 陵, 重位 壬申,葬高 恩 擬為 念舊, 略 誣告 作 叛 亂 無

漢

書

=

祖皇帝於睿陵。

與鄉 醜類 退閑, 銳于 守貞 校 軍,當國尋已徹備,其商旅請依舊日通行。」朝廷不報。 奉 副 馬 檢偵邏 日 彦貞爲副 使 爲嘉 太尉、同平章事 書於帝,云:「先因河府李守貞求援,又聞大國沿淮屯軍,當國亦於境上防備。昨聞 軍指揮使崇勳特放。」是冬,多昏霧,日晏方解。 金制 軍指揮使高志,結集草寇, 大 取 曾無止足之心, 輒肆苞藏之毒, 結集徒黨, 窺伺藩垣。 克殄渠魁。 劉 慶節, 府 ,金全獨 二月丁 ,諫議大夫查文徽爲監軍使,兵部 卿劉 也 景巖果出兵鬭敵,時卽殺敗,其劉景巖尋獲斬之。」詔曰:「劉景巖年已衰暮, 從之。 以 案南唐書. 皡 1: 為遠不 赴 (上), 潮 其劉 西京行 相及,乃 延州節度使高允權奏, 荆南 一:嗣主 海 景嚴次男前 郡 六年, 禮。 節度副使、檢校太傅、行峽州刺史高保融起復,授荆 侯。 止。(舊五代史考異) 李守貞 兗州 欲取臘辰窺圖 壬 侍郎 午, 德州刺史行踪已行極法, (遺從事 魏岑爲沿淮巡 奏,准賊先於沂州 帝 被袞 朱元、李平奉表來乞師,以 庚寅, 得都頭李彥、李遇等告:「太子太師致仕劉景 冕 州城。 御崇元殿, 撫使,聞河中平,遽 奉高 泳樂大典卷一萬六千二百二。 尋請使臣與指揮使李勳 界立栅, 祖 辛卯,羣臣上表,請以三月九日 神主於西京 授六廟寶 所賴上將輸忠,三軍協力, 長男渭州刺 班 潤州李金全 前月 師 叉,李金全傳 册, 十七日已歸海州 太廟。 爲西 正使宰臣 史行謙、孫男邢州 面行營招撫使, 云 淮 南節度 聊將兵 南 出 爲主李 蘇馬 師沭陽,諸 大朝 使、 壽州劉 身處 土巡 爲李 杰 誕 珪 巖 收 璟 荗 檢 聖

(1) 任延皓配流鄜州 「皓」原作「浩」,據本書卷一〇八任延皓傳改。「鄜州」,本書卷一〇八張允傳

作「麟州」。

[11] 尚洪遷 原作「尚洪千」,據殿本、劉本、本卷下文改。

[三] 內客省使 「使」字原無,據殿本、劉本及本卷上文補。

(图)河中 原作「河東」,據通鑑卷二八八改。

(金) 以郭威爲西面軍前招慰安撫使 「西面」二字原無,據通鑑卷二八八補。

(云) 又案薛史……通鑑定從薛史漢紀 一〇六字原無,據舊五代史考異補。

[4] 十二月丁丑 「月」字原無,據殿本、劉本補。

舊五代史卷一百二

漢書四

隱帝紀中

乾祐二年春正月乙巳朔,制日:

喉; 朕所以嘗膽履冰,廢飧輟寐,雖居億兆之上,不以九五爲尊,漸冀承平,永安遐邇。 故,天降重戾,國有大喪,奸臣樂禍以圖危,羣寇幸災而伺隙,力役未息,兵革方殷。 山摧岸沮,寇難少息,師徒無虧。 則稟太后之慈訓,外則仗多士之忠勳,股肱叶謀,爪牙宣力。 之中,大禮無闕,負荷斯重,哀感良深。 朕以眇躬,獲纘洪緒,念守器承祧之重,懷臨深履薄之憂。 北挫諸蕃,斷其臂而折其脊。 兼以修奉園陵,崇建宗廟,右賢左戚,同寅協恭,多事 次則巴、邛嘯聚,淮、海猖狂,纔聞矢接鋒交,已見 西摧三叛,撫其背而扼其 屬以玄道循艱,王室多 内

甲,開三面之網羅,順彼發生,以召和氣。 人,除十惡五逆、官典犯贓、合造毒藥、劫家殺人正身外,其餘並 今以三陽布和,四序更始,宜申兌澤,允答天休,卹獄緩刑,捨過宥罪,當萬物之挙 應乾祐二年正月一日昧爽已前,天下見禁罪 放

籤 貴,明申信誓,固無改移。其或不順推誠,堅欲拒命,便可應時攻擊,剋日盪平,候收復 貞等,宜令逐處都部署分明曉諭,若能翻然歸順,朕即待之如初,當保始終,享其富 以屈己愛人,先王厚德,包垢含辱,列聖美談,宜推濟物之恩,用廣好生之道。 生靈,朕之赤子,久陷孤壘,可念非辜,易子析骸,填溝委壑,爲人父母, 城池,罪止元惡,其餘詿誤,一切不問 鳳翔王景崇、永興趙思綰等,比與國家素無讎釁,偶因疑懼,遂至叛違。 河府李守貞、 河府,原本作「何府」,册府元龜作「河中」,考薛史多稱河中府為河府,今改正。(影庫本粘 寧不 - 軫傷 然以 其字守 [] び彼之

未被於疲羸,愁嘆之聲,幾盈於道路。卽俟邊鋒少弭,國難漸除,當議優饒,冀獲蘇 去州縣之煩苛,勸課耕桑,省察寃濫,共恢庶政,用副憂勞。凡百臣僚,當體朕意 諸道蕃侯郡守等,咸分寄任,共體憂勞,更宜念彼瘡痍,倍加勤卹,究鄕閭之疾苦, 重念征討已來,勞役滋甚,兵猶在野,民未息肩,急賦繁徵,財殫力匱。 矜卹之澤,

壬子,賜前昭義軍節度使張從恩衣一襲,金帶、鞍馬、綵帛等。時有投無名文字誣告從恩者,

來攻。 時蜀 故 勇,在軍陣常用鐵鞭、鐵槊、鐵撾,軍中目爲「王三鐵」〔1〕。 並 城內偵 在 、特有是賜,以安其心。 城 軍 賊軍已入王師砦中,劉詞極力拒之,短兵旣接,遂敗之。 知郭威西行,於正月四日夜,遣賊將王三鐵等,案 西,愼爲儆備。」旣行,至華州,聞川軍敗退, 自大散關來援王景崇,郭威自將兵赴岐下, 乙卯,河府軍前奏,今月四日夜,賊軍偷斫河西寨,捕斬七百餘級。 率驍勇千餘人,沿流南行,坎岸而登,爲三道 且憂文珂等爲賊奔突,遂兼程而 將行,戒白文珂、劉詞等曰:「賊之驍勇, 通鑑作王繼勳。宋史王繼勳傳: 迴。 繼勳有武 賊

軍喬達 庚子, 巡檢使成德欽 日 旦,黑霧四塞。 詔左諫議大夫賈緯等修撰 月丙子,詔:「諸道州府,所征乾祐元年夏秋苗畝上紐征白米稈草已納外,並放。」是 ,及其兄契丹僞命客省使榮等皆棄市。 奏,至 丁丑夕,大風。 峒峿鎭遇准賊(三),破之,殺五百人,生擒一百二十人。戊戌,大雨霖。 高祖實 乙酉,以前 錄 房州刺史李筠夫爲鴻臚卿。 達,李守貞之妹壻也,故皆誅之。 戊子,前右監門將 庚寅,徐州

三月丙辰,以北京衙內指揮使劉鈞爲汾州防禦使。

度使,行 白經天。 夏四月丙子,以荆南節度行 軍 卒丑, 如故。 幸道宮禱雨。 丁 丑 ,潁州獻紫舜、白舜。 軍 言] 馬、 武泰軍節度留後王保義爲檢校太尉,領 是月,幽、定、滄、貝、深、冀等州地震。 武泰軍節 辛巳,太

草 蝶 奔。 綰 五 丽 派 荜 河府 己未, 死。 去。 州 戊 五. 申, 節 月 軍 辛酉 甲 度 以前 前 右監 習 辰 奏, 克、 後、 朔 湖南奏、鐘寇質州 邠 門 檢校 今月九 州 大將軍 鄆、 故 節度使 湖南節 太保,以永 齊三州奏蝝 日 許遷上言, 安審約 度使、 河中 興 節 遣 生。 爲 檢校太尉、兼中書令、 城 度 大將軍徐進 奉使 左神 內 副 Z 都 使 至 丑 武 指 一博州 周 統 , 揮 永興 光 軍 使 遜葉 博平縣 ٠, 率兵援之、戰於 以前 常彦 趙 思紹遣 賊 洛京 卿 河 扶風 界, 爲 西 副留守 虢 聚, 牙 视 八郡公、 州 將 蝝 與將 風陽 刺 劉 生 袁義為 贈 史。 成 彌 太 u: 土 詣 瓦. 下,大敗蠻獠, T 一 千 師 數 闙 右 馬 卯, 三角 里, 希 神 宋 百三十· 聲追 武 州 夕 統 制 奏, 並 封 授 軍 衡 蝗抱 趙 人 化 思 來

畢 致 段思恭傳 等州奏蝗,分命中 承 作「抱卓」,今據薛史五 不淹濫 信 ,在隱帝 無故 六月 級 必 中 召 隱 癸酉朔, 時, 帝 和 斷 蝗詔 氣。」從之。(舊五代史考異) 避御名去「承」字。 徧 詔 行志 祈 使致祭於所在 別 日有食之。 Ш 令斵 إال 改正。(影 思恭 石 薛史仍: 上. 庫 鐫 言:「赦 本 勒。 兗州 粘 加 當 籤) 壬午,月犯心星。 時實錄之舊。(舊五代史考異) 澤 過 奏, 己卯,滑、濮、澶、曹、克、淄、青、齊、宿、 乙亥, 有 山林之神。 罪, 捕 議 蝗二 潁 獄 緩 州 萬 刑 獻 開 ,斜, 荷獄 白 辛卯, 封府、滑、曹等州蝗甚 鹿 訟平 魏、 允(三), 博、 戊 奏,亡父光遠 回鶻遣使貢方物。 寅 宿三:: 則災害 安州 州 蝗抱 不 節 生。 度使 蒙 草 望令諸 遣 懷、 賜 楊 而 使捕之。 丙申, 神 相、 死。 信 州 道 速 案 衞 碑, 抱 决 改商州 楊 博、 案宋史 信 鐫 刑 原 本 陳 勒 名 本 無

乾元縣爲乾祐縣, 隸京兆府。是月,邠、寧、澤、潞、涇、延、鄜、坊、晉、絳等州旱。

義奏, 漢球 威,始誅思綰,故以郭威專殺爲文,又誤以奏聞之日爲專殺之日也。通鑑作甲辰,趙思綰釋甲出城受詔。壬子,殺思綰。 文, 進途。 王益 以 戌,李守貞自焚死。 歐陽史作甲子,克河東。 與薛史合, 至 部 授華州留後,準韶赴任,三移行期,仍要鎧甲以給牙兵,及與之,竟不遵路。 羅 權 曲 則執之,與一行徒黨,並處置訖。」案:歐陽史作七月丁巳,郭威殺華州留後趙思綰于京兆,以郭威專殺爲 城,李守貞退保子城。 與薛史異。(舊五代史考異) 自鳳翔押送趙思綰等赴闕,行至京兆,守温迎益於郊外, 凉州留後折逋嘉施爲河西軍節度留後。 一曹彥進告,思綰欲於十一日夜與同惡五百人奔南山入蜀。是日詰旦,再促上路,云俟夜 秋 處斬前巡檢使喬守温,供 七月辛亥,湖南奏,析長沙縣東界爲龍喜縣,從之。 臣尋與王峻入城(四),分兵守四門,其趙思綰部下軍,各已執帶,遂至牙署,令趙思綰 爲得其實。(孔本) 戊辰, 永興軍節度使兼兵馬都部署郭從義 甲子,樞密使郭威奏,收復河中府,逆賊李守貞自燔而死。 丁巳,永興都部署郭從義奏:「新除華州留後趙思綰,自今月三日 案: 奉官王益、時知化、任 歐陽史作七月丁巳,郭威殺華州留後趙思綰于京兆。 祇以奏聞之日為據也。五代春秋繫于六月,殊誤。(舊五代史考異) 兗州 奏,捕蝗三萬斛。 加同平章 繼 動等。 丙辰, 樞密使郭威奏, 收復河府 思綰等突然作亂, 事,徙華州節度使 守温受高祖 丁卯,前洺州團 蓋以郭從義等請命于郭 命巡 至九日夕,有 檢京兆, 〈〔至〕。 遂據其城。 案通鑑: 一練使武 丙寅, 郭從 壬

漢

得思綰之婢僕,守温求其愛姬,從義雖與之,意有所慊,遂發前罪,密啓于郭威,請除之,與 及郭從義率兵攻討,令守温部署役夫。 守温有愛姬陷在賊城,爲思綰所錄,及收城,從義盡

王益等倂誅焉。

克州奏,捕蝗四萬斛。

使、河府行營兵馬都監吳虔裕,並加檢校太傅。 師; 令。」癸巳,以翰林學士、工部尙書張沈爲禮部尙書。 沈卜葬先人,以內署無例乞假,乃上章 後來,每稱請假,俱是不任拜起。 請解職,以赴葬事,遂落職以遣之。 除授縣令。」詔:「起今後諸色選人,年及七十者,宜注優散官, 年少未歷資考者,不得注擬縣 兵馬都部署白文珂為西京留守,加兼侍中; 以右散騎常侍盧撰爲戶部侍郎致仕。 壬午(长),西京留臺侍御史趙礪彈奏,太子太保王延、太子冼馬張季凝等,白去年五月 韶延等宜以本官致仕。 乙未,宣徽南院使、永興行營兵馬都監王峻,宣徽北院 辛卯,右拾遺高守瓊上言:「仕官年未三十,請不 潞州節度使、充河中一行副都署常思加檢校太 甲申,以陝州節度使、充河中 行

乎!」帝然之,於是弘肇與宰相、樞密使、三司使,次第加恩。 旣而諸大臣以恩之所被,皆朝 俾臣得專一其事,軍旅所聚,貲糧不乏,此皆居中大臣鎭撫謀畫之功也,臣安敢獨擅其美 兼中書令。 九月乙巳,樞密使郭威檢校太師、兼侍中,宋州節度使兼侍衞親軍都指揮使史弘肇 初,郭威平河中回,朝廷議加恩,威奏曰:「臣出兵已來,輂轂之下,無犬吠之憂, 加

宋延 封 使 使、 以 史蘇 陽 謹 節 北 興元節度使承勳加檢校太師 利州 郭 殿 李 境 「貝 永 或 削 逢 暉 渥 威 諸 州 又 州 爲 率 軍事 都 加 + 王 西 防 部署、 滑 月 師 檢校太 史官 繼 北 禦 行利州 州節 庚 巡 使 至 '午朔', 邊 江州 買緯 王殷 南 (傅。 那州 , 度 刺 宮 仍 史。」蓋 使。 以所撰 令宣 為變州 防禦使李 契丹入寇。 堂陽, 薛懷 壬 午, 案: 延渥于 黴 護並 延渥 使王 殺 節 兩浙錢 掠 建爲遂 元年出鎮 旭 度 爲 加檢校太 承勳,原本作「成熏」,今從歐陽史家人傳 、吏民。 利州節 峻 實錄 是日 使, 参 弘 充 利州, 預 俶 州 度 定州孫方簡、 侍 使,于 數州 節 十卷上之。 軍 加守尚書令, 人尉。 衞 事 度 步軍 年 前 (使,充: 之地,大 庚辰, 復改鎭 未見。 庚 都 寅, 侍衞 指 丙 也 王禹 徐州劉贇並加同平章 安州楊信、鄧州 被其苦, 府州 湖南 揮 戌 群史未及詳載。(舊五代史考異) 偁 馬 使。 宋公神 荆 軍 折 馬希 南 都 從阮 契丹 藩郡 高保 改正。(影庫本粘籤) 道碑云:「少帝 指 廣 八陷貝州 揮 加 進 守將 融加 使 封 守太尉。 劉 岐 重 檢校 以 閉 進 國 高 嗣 奉 暑 統,授 老 加 ,以利州節 太師 自 鎭 或 癸未, 檢校 丙子,相州 豐州 檢校太 左 固 甲戌, 廂 公太師 南 兼 監 郭 遣 都 至 尉 侍 虚度使 指 皇 勳 修 樞 鄴 中 使持 進 密 都 揮 國 河 郭

作占,乃生有則天之號,韋庶人有順聖之號, 時 十 議 月 者 日 壬 寅 封 鄜 贈之 州 留後 制, 婦 王 饒 À 加 有 國 檢 校 邑之號 太 傅。 死 知禮者非之。近代梁氏,賜張宗奭妻號 癸 乃 丑: 有 諡 以 吳越 后 妃公主 國王 錢 亦 弘俶 然。 母 唐 吳氏 則 天 爲 女主, 順 德 [賢懿 自我 太 夫

又改爲莊惠,今以吳氏爲順德,皆非古之道也。」乙卯,以大府卿劉皡爲宗正卿。

伸等修撰。 日暈三重。 十二月庚午朔,湖南奏,靜江軍節度使馬希瞻以今年十月十八日卒,廢朝二日。 戊寅,司徒、門下侍郎、平章事竇貞固奏,請修晉朝實錄,詔史官賈緯、竇儼、王 以禮部尚書張沆復爲翰林學士。 壬午, 皇帝二十一姊永寧公主進封秦國長公 辛未,

校勘記

潁州奏,破淮賊於正陽(私)。

泳樂大典卷一萬六千二百二。

(1) 宋史王繼勳傳……軍中目爲王三鐵 二十九字原無,據舊五代史考異補。

峒峿鎮 殿本、通鑑卷二八八同,劉本、彭校「峒」作「峒」。 張元濟云:按東海郡司吾或從「山」,

見前漢地理志。

= 苟獄 訟平允 「苟」字原無,據殿本、劉本及宋史卷二七〇段思恭傳補。

王峻 原作「王俊」, 據殿本、劉本及本卷下文改。 影庫本批校云:「王俊之『俊』, 據下文當作

「峻」。」

(至) 徙華州節度使 「徙」原作「以」,據殿本改。 影庫本粘籤云:「以華州節度使句,『以』字按文義當

作『徙』字。」

漢書四 校勘記

(会) 壬午 朔,壬午爲十一日。 殿本、劉本同。 據通鑑卷二八八, 壬午當在八月。 按二十史朔閨表,乾祐二年八月壬申

[七] 右武衞將軍石懿 「武」字原無、據劉本、彭本補。 按下文有「左武衞將軍石訓」,此處當有「武」

(六) 破潍賊於正陽 「正陽」原作「安陽」,據殿(六) 磁相邢洺等州奏 「州」字原無,據殿本補。

字。

縣有正陽鎮,臨淮津。」 據殿本、通鑑卷二八八改。 通鑑注云:「九域志,潁州潁上

舊五代史卷一百三

漢書五

隱帝紀下

實。 舊。(影庫本粘籤) 衝, 友規失守城池, 至是乃正其罪焉。 永興軍節度副使安友規除名,流登州沙門島。 領兵入海州界,至荻水鎮,俘掠焚蕩,更請益兵。 二年十二月,非三年春事也,歐陽史蓋誤以告捷之月爲收復之月耳。 五代春秋作十二月,趙暉克鳳翔,誅王景崇,爲得其 鳳翔,逆賊王景崇舉族自燔而死。案:歐陽史作正月,西面行營都部署趙暉克鳳翔。 丁未,鳳翔節度使、充西南行營都部署趙暉加兼侍中。 乾祐三年春正月己亥朔,帝不受朝賀。鳳翔行營都部署趙暉奏,前月二十四日,收復 以前邠州節度使宋彥筠爲太子太師致仕。丙寅行了,分命使臣赴永興、鳳翔、 癸亥, 癸亥,以長歷推之,當作「癸丑」,今無別本可校,姑仍其 先是,友規權知永興軍府事,及趙思綰之奔 詔前沂州刺史郭瓊率禁軍赴之。 庚戌,前 戊申,密州刺史王萬敢奏,奉詔 據薛史則收復鳳翔自在

漢書五

隱帝

紀下

河 八海州 收葬用兵已來所在骸骨口,時已有僧聚髑髏二十萬矣。 賊界。 是月,有狐登明德樓,主者獲之、狐毛 長而腹下別有二足。 前沂州刺史郭瓊奏,部署兵

汝州 防禦使劉審交卒。 月卒已,青州奏, 將軍三一以前永興軍節臣使趙贊爲左聽衛上將軍 郭瓊部署兵士,自海州迴至當道。 乙未,以前安州節度使劉遂凝爲左武衞上將軍,以鄜州節度使焦繼 甲申,樞密使郭威巡邊迴。丁亥,

熏

寫

右

武

衞

上

州常 鄴 鎭 鄴 都 州 都 武 思、 高 留守高 行 月已亥, 行 府州折從阮皆自鎮來朝,嘉慶節故也。 德 周 移鎮 並 行周、兗州符彥卿、 進 徐州 鄆州,兗州符彦卿 邑封,鄆州慕 部送所獲淮南都將李暉等三十三人徇于市, 容彥超 鄆州慕容彥超、 移鎭青州,並 移鎭 兗州 西京留守白文珂、鎭州武行德、安州楊信、潞 戊午,宴羣臣於永福殿, 加 邑封。甲子,西京留守白文珂、潞州常思、 給衫帽放還本土。 帝初舉樂。 是月,

州 進,

萬進勒兵不出,萬山死之,

契丹亦解去。 鲤 阮 移鎭 東門, 太 傅。 夏 鄧 [JL] 萬 先是, 州 月 戊 父子率兵百 辰 字: 契丹 未, 朔,邢州 入邊, 故深州 幸自 餘人襲之。 萬 犪 刺 门 门 门 護移鎮 史 城守, /史萬 契丹 郭威 Fi Ш 州, 僞 案遼史世宗紀, 遣索萬 相 退十餘里(四)、 時論以萬進爲罪, 州 郭謹、河陽李暉並進 進率 殺深州刺史史萬山在天祿三年,即漢乾酤 騎 七百 m 伏 中深州 兵發,萬山 故加 萬山贈典焉 邑封。 日, 血 戰,急 庚午,府州 契丹數千 請 王: 救 _____ _, :_ 折從 於萬 · 騎迫 華

州 爲 劉 華州節度使,以其來朝故也。 詞移鎭邢州,安州楊信移鎭鄜州,貝州王令温移鎭安州,並 丁丑,尚食奉御王紹隱除名,流沙門島, 加邑封。 坐匿軍營女 以鄜州留後王饒 口也。

辛巳,以宣徽北院使吳虔裕爲鄭州防禦使。時樞密使楊邠上章乞解樞機,帝命中使諭之曰: 「樞機之職,捨卿用誰?忽有此章,莫有人離間否?」 虔裕在傍颺言曰:「樞密重地,難以久

處,俾後來者迭居,相公辭讓是也。」中使還具奏,帝不悅,故有是命。 壬午, 以樞密 使郭威

將 鄴都留守,依前樞密使。 牛上將軍張瓘卒。 軍額宜停,命降爲團練州。 軍致仕馬萬卒。 甲午,以前華州節度使安審信為左衞上將軍,以前潞州節度使張從恩爲 庚寅,以西南面水陸轉運使、尚書工部侍郎李穀爲陳州刺史。 左金吾上 詔河北諸州,應兵甲、錢帛、糧草一稟郭威處分。 戊子,翰林學士承旨、戶部尚書王仁裕罷職,守兵部尚書。 癸未,府州永安 左千

未出閣。 五月戊戌朔,帝御崇元殿受朝。 甲子,詔:「諸道州府差置散從官,大府五百人,上州三百人,下州二百人,勒本處 丙午,以皇弟興元節度使承勳爲開封尹,加兼中書令,

右

衞上將軍

E集管係,立節級檢校教習,以警備州城。」

人,水平地尺餘,池隍皆溢。 閏月癸巳,京師大風雨,壞營舍,吹鄭門扉起,十數步而墮,拔大木數十,震死者六七 是月,宮中有怪物,投瓦石,擊窗撼扉,人不能制

州奏,河决原武縣界。乙卯,司天臺上言,鎭星逆行,至太微左掖門外,自戊申年八月十二 自今年正月十日夜,復逆行入東垣,至左掖門。 日,入太微西垣,犯上將屛星執法,勾己往來,至己酉年十一月十二日夜,方出左掖門順行, 六月庚子,以國子祭酒田敏爲尙書右丞。癸卯,太僕卿致仕謝攀卒, 輟視朝一日。

使奏:「州縣令錄佐官,請據戶籍多少,量定俸戶:縣三千戶已上,令月十千,主簿八千;二 千戶已上,令月八千,主簿五千;二千戶已下至,令月六千,主簿四千。每戶月出錢五百, 並以管內中等戶充。錄事參軍、判司俸錢,視州界令佐,取其多者給之,其俸戶與冤縣司差 泛溢,州城內水深七尺。丙子,帝御崇元殿,授皇太后册,命宰臣蘇逢吉行禮。辛巳,三司 秋七月庚午,河陽奏,河漲三丈五尺。乙亥,滄州奏,積雨約一丈二尺。安州奏,溝河

陷,故有是請。辛酉,給事中陶穀上言,請停五日內殿轉對,從之。壬戌,以兵部侍郎于德 八月辛亥,以蒙州城隍神爲靈感王,從湖南請也。時海賊攻州城,州人禱於神,城得不

辰爲御史中丞,邊蔚爲兵部侍郎。

正。(影庫本粘籤)不允。是時,希萼與其弟湖南節度使希廣方構閱牆之怨,故有是請。帝以湖 九月辛巳,朗州節度使馬希萼奏請於京師別置邸院,朗州,原本作「狼州」、今據六國春秋改

南已有邸務,不可更置,由是不允,仍命降詔和解焉。

錢弘 構,欲分割湖、湘,**乞聊發兵師,以爲援助**。 俶 冬十月已亥,帝狩於近 加 諸道 兵 馬元帥(《)。戊申,彰德軍節度使郭謹卒。 郊。 丙午, 湖南 時朝廷方議起軍, 馬 希廣遺 使上章, 癸丑,以前 會內難,不 且言荆南、淮 同州節度使張彥獲爲 ·果行。 廣南三 一道結 兩浙

州

節

度使。

辛

酉,月犯

心大星。

便楊 領衞 **肇等欺股年幼,專權擅命,使汝輩常懷憂恐,自此股自與汝等爲主,必無橫憂也。」諸軍將校** 斬之,與卿等同慶。」班退,召諸軍將校至萬歲殿,帝親諭 聶 局 **彦奇、內常侍辛從審、楊邠子比部** 至東廡下, 浴 荆 御崇元殿受朝賀,仗衞 文進急召宰臣 郊、 南 將軍旻、子壻戶部員外郞張貽 十一月甲子朔, 金、三司都勾官柴訓等。 侍衞都指揮使 害깨等於閣內, 百僚,班於崇元殿,庭宣 百有 史弘肇、三司使王章, 如式。 蝕之。 皆死於亂 分兵收捕邪等家屬 辛未, 詔侍 乙丑,永州 員 肅 、外郎廷侃、右衞將軍 (+)、樞密院 刃之下。 日:「楊邠、史弘肇、王章等同謀叛逆,欲 唐將軍 衞 夷其族。 步 又誅弘肇弟小 軍 副 洞 ·都指揮 及部 承宣 贈太保,從湖南請也。 是日平旦, 郭顒 廷偉、 史弘肇等欲謀逆亂之狀,且言:「弘 曲 使王般 [傔從, 底軍都虞候弘朗 控鶴 左贊善大夫廷倚、 將兵屯 盡 甲士數十人由 戮之。 都 虞候 澶州。丙子,誅樞密 少頃, 高 己巳, 廣政殿出 危宗社,並 樞 侍衞 王章侄右 如京使團 日南至, 密承旨 都 承

三六九

義本名 臣 幸 密 餘 拜 挂 揮 使 府 懷 使 步 謝 ,分暴 郭崇、 出 讓 事 郭 洪威, 而 威 宮 退 鄭 侍 及宣 門 避 、案東都 州 於南 衞 周 而 召 吳 馬 太 徽 前 去 人虔裕、 北 軍 加 事略:郭崇 使王 任 韓改。 都 市 是 節 指 峻。 。(舊五代 日 度 陳州 揮使 是日 使、 晴 初名崇威 急 爨 李穀 李 刺 , (史考異) 無 詔 帝遣腹 史、統 洪 鄆州 **禦** 避 等 建 赴 周 而 剉 心 高行 太祖 誅侍衞 軍 闕 侍 昏霧 齎密 ·等上 0 諱 衞 周、 以 资濛濛, 司 .ıL 詔 殿 步 字臣 青州 事 稱崇。 往 念念。 軍 , 澶州 都指揮使王 內客省使 有 蘇逢吉權 符彦 (舊五代史考異) 如 、鄴都 微 帝 卿、永興 雨 遣 閣 • 軍 知 <u>ز</u> ر 人情惴 殷 令澶 晉 土 樞 一守捉. 奉國 卿 郭從義 密 權 州 令 院事 恐。 彩都 侍 節 宮 左 雇都指 衞 城諸 度 • 兗州 日 削 屯駐 使 馬 將 李洪 青 FJ, 軍 慕容彥超 午, 護 都 州 揮使曹英 比 指 劉 載 聖 近 楊邠等 鉄權 左 揮 案;宋 日 厢 使 肝 害 都 }史 知 同 州 朝 洪

洗 權 覺, 天 及 妪 雪 子 諸 柄 陳 遷 延 。」於是將校等請威入朝 光 軍 T 自 或 줆 穗 將 丑 得 取 敢 校 齎 安乎 功 澶 所 名 至 州 遽 受 引 牙 節 کر س 密 業 署 郭 度 見殷。 詔 崇 使 視 事 等 李 詔 馳 |殷 口 與諸 洪 至 陳 兼 義 錮業 鄴 告楊 論 將 受 以 都 得 分除君 校 何 送 前 密 須 史 密 案宋史: 詔于 諸 自 詔 側 日 棄, 之惡, 公 周 寃 知 祖 此 少帝 []。(舊五: 致 事 事 枉 不 之狀, 共安天 遣 必 載之下 克, 供 非 孙 奉 (史考異) 聖 官 乃 且日 下 意 孟 引 業 被 齎 使 汝 此 卽 案 郭 密韶, 人 是李 {東 惡 威 (見王 都 等當 名 得 令洪義 事 業 Ż, `略 殷 崇 等 奉 漢隱帝 殺王殷。 卽 等 竊 行 召 殷 發, 願 詔 與洪 王 遣使害 從 旨, 假 峻 洪義 公 斷 義 如 入 太祖 蒸怯 郭 遣 予 此 朝 崇、 首 本 雚 魏 曹 以 州 面 便 1 慮 自 握 英 副 浦 殷

門迎降。 封 言。(舊五代史考異) 日:「公有大功于朝廷,握強兵, 尹侯 益、前鄜州 案歐陽史: 庚辰,養成軍節度使宋延渥叛附于郭威。 與薛史同。 翌日,郭威以衆南行。 節度使張彥超、權侍衞馬軍都指揮使閻晉卿、鄭州防禦使吳虔裕等,率禁 臨重鎭, 以讒見疑, 戊寅, 鄴兵至澶州。 覚可坐而待弊し 教以易其語, 通鑑作辛巳,與薛史異。 庚辰,至滑州, 云誅將士, 以激怒衆心。 節度使宋延渥 是日 · 。 韶前開 太祖納其 開

軍

赴澶州

守捉。

宰相 給二十 止 召李業示之, 所至 慧」,周太祖紀作「麗」,蓋亦據漢、周質錄,未及改從畫一也。 麗 字從「鳥」,歐陽史驚字從 一,爲游 蘇 帝大懼,私謂宰臣竇貞 辛巳,帝之小豎驡脫自北迴。 絡 禹 建以 騎所獲,郭威卽遣迴,因令附奏赴闕之意,仍以密奏置 下軍各給十緒, 聶文進、 為未 可。 郭允明在傍, 馬。 業拜禹珪於帝前,曰:「相公且爲官家,莫惜府庫。」遂下令侍衞 、固等曰:「昨來之事,太草草耳 其北來將士亦準此。 胡三省通鑑注 守捉,原本作「字足」,今從通鑑考異所引薛史改正。 懼形于色。 云:點,力鍾翻,又盧紅翻。 今姑從其舊。(影庫本粘籤) 初議 仍遣北來將士在營子弟各齎家問 車駕幸澶州 」李業等請帝 歐陽史作「鷺」,亦音龍。 **鷺脫衣領** 及聞鄴兵已至河上,乃 先是,帝遣 傾府庫以給諸軍, 中。 叉,小豎鷹脱, **驚**脫偵鄴 帝覽 薛史隱帝紀作 奏, 向北 軍人 {通 刨 軍

壬: 午,鄴軍至封丘。 慕容彥超自鎭馳至,帝遂以軍族之事委之。 案宋史侯益傳云 周太祖起 諭之。

漢

書

五

隱

帝紀

下

命 容彥超 官宿 於北 其 兵, 文進 師陣 於七 憂, 影 「大是劇 母 何 隱帝 庫 臣當 妻發 於野 本粘籤) 於 里 軍 福 日,「有臣在, 議出師禦之。益獻計曰:「王者無敵于天下,兵不宜輕出,況大名戍卒,家屬盡在京城,不如閉關以挫其銳〔九〕,遣 進、王 降以 劉 揚 郊 賊 生 子 次,侯益 言曰:「官家宮中 吳 致其 招之,可 掘塹以自衞, ,不宜輕耳 與鄴 陂, 、虔裕、張彥超等相繼 一彥超、李筠等大合騎 、魁首。 軍相望。太后以 劉子陂,東都事略宋延渥傅作留子陂。 亦 、焦繼勳潛奔 必不失策,縱有 · 戰而 。」

彦超 定。」慕容彥超以爲益衰老,作懦夫計,沮之。(舊五代史考異) 都下率坊市 」又遣袁義、 ·無事 退,見聶 r, 明日 |鄴 命至 ın 軍 以乘之。 去, 出酒 百箇郭威, 劉 文進,詢北來兵數及將校名氏,文進告之。 晚 再 重 慕 出,觀 在外,遣中使謂 進、王 食以餉軍。 容彦 彦 超 臣 超以部下十 考通鑑、歐陽史俱作「劉」,蓋地名 亦當生擒之耳 知 一破賊。」 退 則 却,死者百餘 等出師 癸未, 甲申, 聶文進 數騎奔兗州。 ,以繼前 車駕勞軍, 車駕復出,幸七 日 「賊 一彦超 人, 軍 於是諸 彦超 輕脫 軍 卽 多用對音字, 在 慕容彦 是夜, 日 近,大 謂帝曰:「陛下 還 軍 先 里店 宮。 奪 擊 超 彦超 帝 氣 須 北 以 與 軍營。 今仍其 翌 用 軍 〈宰臣 稍 懼 大 日 意 郭 軍 稍 從 駐 勿 威 奔

蘇逢吉、 明皆自殺。 Z 四 郭 旦,帝策 允 案通鑑考異引劉恕日: 明 詣 馬至玄化 西北村舍,郭 門, 九明, 劉銤 允明 帝所親信, 知 在 事 門上,問 不 何由 濟, ·帝左右:「兵馬何在? **弑逆?蓋郭威兵殺帝,** 乃剚 刃 於帝 而 崩, 事成之日諱之, 時年二十。 乃射左 因允明自殺而歸罪 右。 蘇逢 帝迴 八郭 允 與

周太祖 命前 耳。 掠 周 煙 旭 今考劉恕所辨,祇以揣度言之,亦無實據,薛史蓋據當時實錄也 [10] 是日,周太祖自迎春門入,諸軍大 得志 宗正卿劉原主喪。 多艱 授任 劍。 潛差使臣,矯齎宣命,謀害樞密使郭威、宣徽使王峻、侍衞步軍都指揮使王殷等。 曰:「予顚沛之中,不能護衞至尊,以至於此,若又貶降,人謂我何! 超,前博州 邦定國。 無罪,天不 火四發,翌日至晡方定。 既入京城,命有司遷帝梓宮於太平宮。 專征,提戈進討,躬當矢石、盡掃煙塵,外寇盪平,中原寧謐。 樞密使郭威楊邠、侍衞使史弘肇、三司使王章親承顧命, 高 密藏鋒刃,竊發殿庭,已殺害其忠良,方奏聞於少主,無辜受戮,有 允賴寶臣,往臨大鄴,疆場有藩籬之固,朝廷寬宵旰之憂。 祖皇帝翦亂除兇,變家爲國,救生靈於塗炭,創王業於艱難,甫定寰區,遽遺弓 旋屬四方多事,三叛連衡,吳、蜀內侵,契丹啓釁,蒸黎兇懼,宗社阽危。 ·助奸。 刺史李筠,北 郭威,王峻,澶州節度使李洪義,前曹州防禦使何福進,前復州防禦使王彥 丙戌,太后誥 面行營馬步都指揮使郭崇,步軍都指揮使曹英,護聖都指揮使 前滑州節度使白再榮爲亂兵所害,吏部侍郎張允墜屋而死。 或曰:「可依魏高貴鄉公故事,以公禮葬之。」 輔立 不謂兇豎 復以強敵未殄 `」於是詔擇日舉哀, 少君,協力同心,安 口 稱 連謀 寃。

多邊

寒

羣

而

又

知

郭

漢

書

五

手指 行弑逆,冤憤之極,今古未聞 旨聶文進、飛龍使後贊、翰林茶酒使郭允明等,脅君於大內,出戰于近郊,及至力窮,遂 白 重贊、索萬進、田景咸、樊愛能、李萬全、史彥超,奉國都指揮使張鐸、王 揮使何贇等,徑領兵師,來安社稷。 逆黨皇城使李業、內客省使閻晉卿、 暉、 樞密都承 胡立,

男、 俱列磐維,皆居屛翰,宜令文武百辟,議擇嗣君,以承大統云 河東節度使崇、許州節度使信,皆高祖之弟,徐州節度使贇、開封尹承勳,高祖之 今則兇黨旣除,羣情共悅。 神器不可以無主,萬機不可以久曠,宜擇賢君,以安天

深, 義,拯 起居, 龜之兆 一喪亂 良佐 皇帝之愛子也。請立爲嗣。」太后告以承勳羸病日久,不能自舉,周太祖與諸將請視承勳 固可以子育兆民, 樞 濟 及視之,方信,塗議立高祖從子、徐州節度使/劉爲嗣。己丑(11),太后誥曰"「天未悔 了, 天 密使郭威以蕭牆變起,宗而無奉,率羣臣候太后,請定所立,且言:「開封尹承勳,高 無 孔 顚 罪見屠,行路咨嗟,羣心扼腕,則高 多,嗣主幼沖,羣兇蔽惑,搆奸謀於造次,縱毒蠆於斯須,將相大臣,連頸受戮,股 危,除惡蔓以無 人協贊、社稷是依。 君臨萬國, 遺,俾綴旒之不絕。 徐州節度使贇,稟上聖之資,抱中和之德,先皇 宜令所司擇日備法駕奉迎卽皇帝位。 祖之洪烈將墜于地。 宗祕 事 重,纘繼 才難,旣聞 賴 大臣郭威等,激揚忠 於戲 將相之謀,復考蓍 如子,鍾愛特 神器至重,

肱

禍

祖

天 步方艱、致 理保邦,不可以不敬、貽謀聽政、不可以不勤、允執厥中、祗膺景命。」是日 遣

前太師馮道等往徐奉迎。

曹英 密使, 代故 邦家 城 率部 親 未 而 防 爲 馬步 事, · 戍,攻急,官軍降於敵,屠其城而去。 族 一, 庶、 與薛史所載互有詳略 周 右 勳德効忠,剪除兇慝,俯從人欲,已立嗣君,宗社危而再安,紀綱壞而復振。 侍 枫 太祖以嗣 太上 神武統軍袁義爲宣徽南院使,陳州刺史李敦權判三司,步軍都指揮使王殷爲侍衞 事方殷,百辟上言,請予蒞政,宜允興議,權 道 衞 都指揮使, 步軍都指揮使。 入 一皇稱誥,太皇太后、皇太后曰令,今云誥,有司誤也。 邊,內丘 君 未至,萬 護聖左廂都指揮使郭崇爲侍衞馬軍都指揮使〇回 城小 而固,契丹攻之,五日不下,敵人傷者甚衆。 機不可暫曠, 鎭州 邢州馳奏, 率羣臣請太后 案遼史世宗紀:十月,自將南伐,攻下安平、內丘、東鹿等城,大獲 契丹寇洺州, 總萬機,止於狹旬,即復明辟」云。 臨朝,誥答曰:「昨以奸邪搆釁,亂 陷內丘縣。 以宣徽南院使王峻爲 , 奉 時契丹永康王兀 時有官軍 國左 廂都指揮 皇帝 五 百,在 按前 法 欲 使 樞 我

亂 允 屠 明 害將 寅 等 同謀, 行。樞 相家 密 令散 使 屬。 郭 威 員 其 奏, 劉 都 鉄 虞 左軍巡勘得飛龍使後贊款 候 等準誥旨處置訖,丼蘇逢吉、郭允明、閻晉卿、聶 奔德等下手殺害史弘 肇等。 與蘇逢吉、李業、 權開 封 尹 劉銖 具伏,朋附 閻晉卿、聶文進、 文進首級,並梟 李業爲

傼

官令 於 內 南 難 北 量 樞 雖 市 施 卒 密 使|郭 行, 其 外寇 在京馬 骨 威部署 仍熾 肉 放 步兵 棄。 大軍 據 、士,委王殷都 辛卯,河北諸州馳報 北 早謀 面 奏報 掩擊, 強 大提 敵 其 奔 軍 學。」 衝 或 庶 繼 契丹深入。太后誥曰:「王室多故, 事 發 , 兵師, 權 李臣 未聞平殄, 竇貞固、 須勞上將, 蘇禹珪、 樞密使王峻 暫自 邊境 未寧, 臨 戎。

等

商

對,太祖 樞 領 萼 軍 放 等,與節 使。 密 爲諸 密 引 火斬 軍 將 副 (舊五代史考異) 使 使。 入 五 內選才補之, 日 郭威 准南 谿蠻及淮南 軍所迫班師。 褟 :「宰相器也。」 度 月月甲 案東都事略: 奔歸京 使 次澶州 界台,以便 判官路濤、掌 ·午朔, 陜 , 藩 師 州李洪信 太祖 洪 周 帥 郭 何 州 太 庚申,威至北郊,駐軍於皐門村。 不悅, 福 威 初, 起兵入京師,遽 旭 官 軍 領 進 征 朝議 書 進 來攻當道 李守貞 包下 大軍 奏, 页 故 記 洪 張 以 北征 ·及諸 馬 ,每朝廷 辛亥, 信 諸 洞 步 令草太后 因 道方鎭皆是 望量差兵 軍 都 都 朝 建造使齎 將士 遣 丁 指 押 廷 酉, 宰相 衙 揮使聶召 多故,誣 楊紹 詔 以翰 扶 土: 蘇 處 擁 勳 分軍事,皆中 於准 禹 勍 湘陰公儀注〔言。 威請 臣,不諳 林學士、 珪 等, 奏 奉國: | 及朝 境 加 許州巡檢、前申州 爲 同情 牽 害 指揮 天 ·機會, 尙 臣 引 焉 政 子 謀 書戶 十 理 ٠, 使楊 叛, 乃白 員,往 卽 乙巳, , 壬 太 其都 寅, 部侍郎、 祖 日 【太后, 並 問 德 南 宋州 遣前 殺 湖南 押 還 誰 芝。 護 以質爲兵部 衙 刺 爲此辭?」 聖指 淄 知制誥范質爲樞 迎 孔 上 威 史馬鐸奏,節度 奉 惟 州 言, 目官, 上 嗣 刺 康 揮 章于 侍郎 使康 朗 審 史 使 令三 陳 澄 者 州 八樞 太后, 壬子, 以 恩讓 夜中 審 馬 范質 密 司 希 澄

叉 詔· 府儀 誥 騎 樞密使王峻以湘陰公已在宋州,慮聞澶州之事 使 有童心, 卽 縣之潁陵,祔神主于高祖之寢宮。 西宮 郭威,志安社稷、議立長君,以徐州節度使贇,高祖近親,立爲漢嗣,爰自藩鎭,徵赴京師。雖 言軍情有屬口吾,天命已定。寶執崇手而泣,崇卽送寶就館。(舊五代史秀異) 己未,太后誥曰:「比者, 旣 至 往 位之始 劉信自殺。 縱 命尋行,而軍情不附,天道在北,人心靡東,適當改卜之初,俾膺分土之命。 一衞之。 太常定諡 ·同三司、檢校太師、上柱國,封湘陰公,食邑三千戶,食實封五百戶。」 恣。 明 遣 上尊號日昭聖太后。 昵近小人。 年正月丁 中使就 嘗 遽無 案東都事略郭崇傳:王峻遣崇率七百騎拒竇,遇于睢陽,崇曰:「澶州兵變,遣崇來衞乘輿, 因乾 日際。 壬戌,奉太后誥,命樞密使侍中郭威監國,中外庶事,並取監國處分。 昭上疏諫:「請近師傅,延問正人(1台),以開聰明。」隱帝不省。(舊五代史考異) 問 此態,及內難將作,復如故。 ,卯,太后誥,奉符寶於監國,可卽皇帝位。 象差忒,宮中或有怪異,召司天監趙延义訊其休咎,延义對以 延乂曰:「何者爲德。 以其年八月二日,復遣前宗正卿劉皥護靈輔,備儀仗,葬于許州陽翟 是月十五日,周太祖與百僚詣帝殯宮,成服親奠,不視朝七日 帝姿貌白皙,眉目疏朗,未即位時,目多閃掣,唾洟不止, 」延乂勸讀貞觀政要。 帝自關西平定之後,稍生驕易,然畏憚大臣,未 ,左右變生,遣侍衞馬軍指揮使郭崇率七百 周太祖踐阼,奉太后爲母,遷於 案東都事略張昭傳: 邇 (修德 後與聶文進、 隱帝年十九,猶 非有他 贇可降授開 卽 樞密使 先是, 也。」 無患。 具

漢

書

五.

郭允明、後贊狎習,信其邪說,以至于敗。 爾爲驢,負我升天,旣捨爾,俄變爲龍,捨我南去,是何祥也?」周太祖撫掌而笑。 高祖之征鄴城也,一旦,帝語太祖曰:「我夜來夢 冥符肸

蠁,豈偶然哉! 泳樂大典卷一萬六千二百二。

之遽奪也。 兇、俄自取於狼狽。自古覆宗絕祀之速者,未有如帝之甚也。噫!蓋人謀之弗臧,非天命 將欲保延洪之運,守不拔之基,固不可得也。然西摧三叛,雖僅滅於欃槍;而內稔羣 史臣曰:隱帝以尚幼之年,嗣新造之業。受命之主,德非禹、陽;輔政之臣,復非伊、 永樂大典卷一萬六千二百二。

校勘記

丙寅 原作「丙辰」,據通鑑卷二八九改。按二十史朔閏表,乾祐三年正月已亥朔,丙辰爲十八

日,今在癸亥二十五日後,當爲丙寅二十八日。

 Ξ 收葬用兵已來所在骸骨 「來」原作「未」,據殿本、劉本及彭校改。 影庫本批校云:「用兵以來;

『來』訛『未』。」

焦繼勳爲右武衞上將軍 「右武衞」原作「左衞」, 據劉本、彭本改。 按上文「劉遂疑爲左武衞上

將軍」,此處當爲「右武衞」。

(目) 契丹偽退十餘里 「契丹」二字原無,據殿本補。

(至) 二千戶已上……二千戶已下 兩句中「二千」二字原無,據殿本、劉本補

〔六〕兵馬元帥 「帥」原作「師」,據殿本、劉本改。

(十) 張貽 肅 「貽」原作「昭」,據殿本、本書卷一〇七王章傳、歐陽史卷三〇郭允明傳改。

公 國得安乎 「國」原作「固」,據本書卷一一〇周太祖紀改。 劉本全句作「國家安乎」。

(元) 不如閉關以挫其銳 「閉」原作「開」,據殿本、劉本、宋史卷二五四侯益傳改。

8 薛史蓋據當時實錄也 劉本同、舊五代史考異作「五代春秋作帝崩于師」。

己丑 原作「乙丑」,據殿本、通鑑卷二八九改。 舊五代史考異云:「案:原本作『乙丑』,與五代春

秋同。今從通鑑改作『己丑』。」

(三) 侍衞馬軍都指揮使 「使」字原無、據殿本、劉本補。

<u>=</u> 議迎湘陰公儀注 「迎」字原無,據殿本、劉本及東都事略卷一八范質傳補

陳 恩 讓 殿本、劉本同、本書卷一〇五蔡王信傳、宋史卷二六一陳思讓傳作陳思讓。

三 具言 軍情 有屬 具言」原作「至若」,據殿本、劉本及東都事略卷二一 郭崇傳改。

漢

書

五

校

勘記

一三七九

舊五代史卷一百四

漢書六

后妃列傳第一

感悅。 助成 時在旁曰:「先帝嘗言, 下疑有闕文。 耳, 厚,人無怨言。」高祖改容曰:「敬聞命矣。」遂停斂貸之議,后傾內府以助之,中外聞者,無不 高 祖 以其事。 未能惠其衆而欲奪其財,非新天子卹隱之理也。 領藩鎭,累封魏國夫人。 高祖皇后李氏,晉陽人也。 天福十二年,册爲皇后。 據通鑑云:隱帝與李業等謀誅楊邠等。 后聞而諫曰:「自晉高祖建義,及國家興運,雖出於天意,亦土地人民福力同致 朝廷大事不可謀及書生,懦怯誤人。」太后復以爲言,帝忿曰:「國家之事,非閨門所知。」拂衣而 高祖建義於太原,欲行頒賚於軍士,以公帑不足,議率井邑, 隱帝卽位,尊爲皇太后。 高祖微時,嘗牧馬於晉陽別墅,因夜入其家,劫而取之。 議既定,入白太后。太后曰:「茲事何可輕發,更宜與宰相議之。」業 今後宮所積, 永樂大典卷一萬六千三百九十。 宜悉以散之, 設使不 案:以

漢

書

六

后

妃列傳第

諭之。 出。 叉云::南北 、觀其志趣,必有辭 軍 遇於劉子陂 理,則 君臣之禮 ,帝欲自出勞軍,太后曰:「郭威吾家故舊,非死亡切身, **尚全,愼勿輕出。」帝不從。** 薛史載於李業傳, 當係史家前後省文 何以 至此! 但 |按兵守城, 飛韶

鑑考異引 漢之開封尹魏王也。 年,崩 十二月, 帝娶彦成女。 意 億兆同 政,后於是稱 召湘陰,不 日:「侍中 浴,涕 時年二十,故未及册立 周 泗 葚 追 歡 太祖 隱帝實錄 重。 横 應復召崇,疑傳 封 周顯 功 秦國長公主。 ₹楊 流」云。 以公名家子,又後唐之出 老 烈 入京,凡軍國 語焉。 · 崇 高 德 身未 云:初議立徐帥,太后遣中使馳諭劉崇,請崇入纘大位,崇知立其子, 公與貴主拒而不納。 元 仍出戎 隱帝所愛耿夫人, 年 終殘年, 聞之誤。(舊五代史考異) 徳 聲昭: 及周 通鑑以永寧公主 - 春薨。 皇 后也。 言也。 大事 太祖爲六軍推 衣、玉 屬茲 著,翦除 叉,五代會要載 永樂大典卷一 了,皆 也,風骨 一帶以 多難, 漢祖 欲立 請 爲 又敕其子曰:「宋氏不諧, 爲 禍 后發教令以行之。 り賜周 俊秀,異 后,邠以 亂, 惟以衰朽,託 祖 萬七千三百 戴, 以迎 女, 漢高 太 安定乾 爭諸 上章具述 奉未 旭 蓋 爲 旭 太速, 誤。 長 孤,命長子承訓 女永寧 一 十 二。 坤, 至, 周 夫人卒, 太祖 於始 其 周 謳 叉, 公主 是歲,議立 勿復見我矣!」 太祖 歌有 事, 即位, 終。 王 隱帝欲以 ,降宋延渥,天福 奉書于 再偁 案 : 且 言願: 歸, 乃率羣臣 載 隱帝未立 小畜集宋公神 省來牋, 貴主,先以襲衣名 歴數 后禮 一尊號日 徐州 上章 事后爲慈母。 貴主知志不可奪, 葬, 攸 皇 謙 <u>+</u> 拜章, 節度使養爲 州又 后,據薛史張彥成傳 屬, 遜。 德 如 道碑 年 止之。 母 聖皇太后, 所以 四月 以當日事 請后 見待, 馬 云 遺焉。 封, 촲 漢 軍 后下 權 至乾 |隱帝 遂許之。 高 ·民推 理 感 궲 臨 推 承 在位三 祐 念深 頜 居於 之, 訓 朝 云 侍 戴 案 聽 娅 隱 卽 年 旣 通 衝

軍

(1) 南北軍遇於劉子陂 「軍

子陂 「軍」字原無,據通鑑卷二八九補。

售五代史卷一百五

漢書七

宗室列傳第二

於太原。 **薨於府署,年二十六。**高祖發哀於太平宮,哭之大慟,以至於不豫。是月,追封魏王,歸葬 |京大內巡檢,未幾,詔赴闕,授開||封尹、檢校太尉、同平章事。以|天福十二年十二月十一日 空,國初授左衞上將軍。左衞,原本作「左衡」,今從歐陽史改正。(影庫本粘籤) 魏王承訓,字德輝,高祖之長子也。 永樂大典卷六千七百六十。 少温厚,美姿儀,高祖尤鍾愛。 高祖將赴洛,命承訓北 在晉累官至檢校司

遙領 興元尹,俄代侯益爲開封尹,進位檢校太師、兼侍中。 陳王承勳,亦高祖之幼子也。 漢 書 七 宗 室 列 傳 容二 國初授右衞大將軍,隱帝嗣位,加檢校太尉、同平章事, 乾祐三年冬十一月,蕭膽之亂, 一三八五

隱帝 「承」字 勳 起 居。 崩, 也。 軍情欲 蔣史仍當時實錄之舊, 太后 周太祖下詔封陳王。 令左右以臥榻异之以見, 立 勳 爲 嗣 未及改歸 案: 立爋爲嗣,疑脱「承」字, 泳樂大典卷六千七百六十。 畫 今姑仍其舊。 諸將 就 視 (舊五代史考異) 册府元龜引薛史亦同。 知勳之不能興,故議立劉贇。 時勳已病, 蓋承 勳 在 大臣 隱 帝 及諸 時避御名, 周廣順元 將 請 故去 候

軍,原本作「興睫」,今從册府元興改正。(影庫本粘籤) 卽 孤 那、史弘肇,遽啓宴席,集參佐賓幕,令相致賀。 鎭日,聚斂無度,會高祖山陵梓宮經由境上,信率掠吏民,以備迎奉,百姓苦之。初,聞殺楊 令自食其肉;或從足支解至首,血流盈前,而命樂對酒,無仁愍之色。未嘗接延賓客。在 密旨遣信赴鎭,信卽時戒路,不得奉辭,雨泣而去。 揮使、檢校太傅兼義成軍節度使,尋移鎭許州, 加侍中。 一令其子往徐州奉迎。 立,幾落賊手,諸公勸我一杯可也。」俄蕭牆之變,憂不能食。 信性昏懦,黷貨無厭,喜行酷法。 高祖之從弟也。 數日,陳思讓率馬軍經過城西,但令供頓,不敢出城。 少從軍 漸至龍武小校。 領襲州 掌禁軍時,左右有犯罪者,召其妻子,對之臠割, 加太尉、同平章事。 曰:「我謂天無眼,令我三年不能適意。主上 刺史、 隱帝即位,加檢校太師。 檢校太保。 高祖鎭井州, 尋有太后令, 高祖寢疾大漸,楊邠受 國初,爲侍衞馬軍都指 爲興捷 **閒輔賊平,就** 軍 言立湘陰公, 未幾,澶州軍 都 興

變,王峻遣前中州刺史馬鐸領軍赴州巡檢,鐸引軍入城,信惶惑自殺。 廣順初,追封蔡王。

永樂大典卷六千七百六十。

作脱空漢,前功業並棄,令公之心安乎?」道無言對。思恕因勸湘陰公殺道以奔河東,公猶豫未決,遂及於禍。思恕竄迹 概 謂之天狗。後聲果廢死。珊府元龜卷九百五十一。 光一道自西來,照城中如畫,有聲如雷,時人謂之天裂,又有巨星墜於除野,殷然有聲,或 脉樂大典卷一萬七千三百一十一。

馮道至,

叠出郊迎,

常所乘馬比甚馴服,

至是馬蹄囓奔逸,

人不 周太祖駐軍於京師,議立嗣君,奉太后誥,立贇爲嗣。傳誥之際,馮道笏墜於地,左右惡之。 冬杪,有鳥翔集於鮮碧堂庭樹,黃質朱喙,金目青翼,紺趾玄尾,有類於鳳。有賓佐嘆曰: 可制,乃以他馬代之,時以爲不祥。泳樂大典卷一萬一千六百五十五。將離彭城,嘗一日,天有白 「野鳥入室,主人將去。」旬狹而不知所之。泳樂大典卷一萬一千四百八十五。乾祐三年多十一月, 湘陰公贇,爲徐州節度使。乾祐元年八月中,有雲見五色。 忠恕知事變,乃正色責道曰:「令公累朝大臣,誠信著於天下,四方談士,無賢不肖皆以爲長者,今一 案:湘陰公傳,原本殘闕,今采册府元龜補之,以存大 册府元龜卷九百五十一。 明年 旦返

哉。 師、謂 郭威已監國,太后乃下詔曰:「比者,樞密使城,志安宗社,議立長君,以徐州節度使資,高祖 圖之,贇曰:「勿草草,事豈出于公耶!」道已去,崇威乃幽贇于外館,殺賈貞、董裔及牙內都虞候劉福、孔目官夏昭度等。 朝太后,道乃辭贇先還。 策之上也。」質猶豫未決。 超帥步兵爲贇宿衞,判官董裔說贇曰:「觀崇威瞻視舉措,必有異謀。 變,懼未察之,遺崇威護衞,非惡意也。」資召崇威,崇威不敢進。 峻慮資左右生變,遺侍衞馬軍指揮使郭崇威以兵七百騎衞營。 行,語左右曰:「吾生平不作謬語人,今謬語矣。」道見賞,傳太后意召之。 愛以爲子,宜立爲嗣。」 **意色皆沮,以爲**大臣未有推己意,又難于自立,因與王峻入白太后,推擇漢嗣。 也,高祖愛之,以爲己子。 久之,晚年尤好輕忽,卒以 請急召令超,渝以 語大臣 雖誥命已行,而軍情不附。天道在北,人心靡東,適當改卜之初,俾應分土之命。資可降投開府儀同三司、檢校 |密相推戴,及見宰相 禍福,使夜以兵刼崇威所屬士卒,明日掠睢陽金帛,募士卒,北走太原。 乃遺太師馮道率百官往迎, 灣謂道曰:「寡人此來,所恃者以公三十年舊相,是以不疑。」道默然。 資客將賈貞等數目道, 是夕,崇威密誘令超歸郭氏, 乾祐元年,拜武寧軍節度使,二年,加同平章事。 此敗,坐除名配流焉。 馮道等,道殊無意。威不得已,見道下拜、而道猶受拜如平時,徐勞之曰:「公行良苦。 道揣威意不在贊, 案:湖陰公傳,原本殘闕,考十國春秋湖陰公傳云:湖陰公營, 盡奪攢部下兵。 崇威至宋州,贊登樓問崇威所以來之意,崇威曰:「澶州軍 馮道出與崇威語,崇威乃登樓見贇。 道路皆言郭威已爲天子,而陛下深入不 直 郭威以書召道先歸, 管行至宋州,威已自澶州爲兵士擁還京師。 |前問曰:「公此舉由衷乎?」 郭威旣敗慕容彥超于北郊 羣臣乃共奏曰(三):「武寧節**度使贊**,高 親近,立爲漢嗣,乃自藩鎭,召 留其副趙上交、王度奉贇入 彼新定京邑,未暇追 時護聖指揮使張令 威指天爲誓。 ,隱帝遇弑, Ŀ, 世祖子 禍其至 威 我,此 道既 入京 」。 」威 欲 王 旭

(1) 湘陰公鎮徐州

「公」字原無,據五代史補卷五補。

(三) 羣臣乃共奏日 「羣臣」二字原無,據殿本、劉本、十國春秋卷一〇六補。

漢 書 七

校勘配

舊五代史卷一百六

漢書八

列傳第三

降,何面南行見人主與士大夫乎? 州叛,從杜重威討平之,以功授具州節度使,歲餘,移鎭涇州。 天福,原本誤作「天社」,今據文改正。(影庫本粘籤)范延光飯於魏州,周從楊光遠攻降之;安重榮以鎭 州節度使、檢校太師。 部民逃者五千餘戶,及下車,革前弊二十餘事,逃民歸復,賜詔褒美。 之役,周時爲定州節度使,大軍往來,供饋無闕,未幾,遷鎭州節度使。 開運末,杜重威降於契丹,引契丹主臨城諭之。周泣曰:「受國重恩,不能死戰,而以兵 王周,魏州人。 少勇健,從軍事唐莊宗、明宗,稍遷裨校,以戰功累歷郡守。 高祖定天下,移鎭徐州, ? 」乃痛飮欲引決,家人止之,事不獲已,及見契丹主,授鄧 加同平章事。 乾祐元年二月, 以疾卒於鎮 先是,前帥張彥澤在任苛虐, 後歷鄧、陝二鎭。陽城 周稟性寬惠,人庶便 晉天福初,

漢

害八

列傳

第

Ξ

輟 橋梁不 視 朝二日,贈中書令。 ·飭,刺史之過也。」乃還其所沈粟,出私財以修之,民庶悅焉。 周性寬恕,不忤物情。 初刺信都,州城西橋敗, 獲民租 永樂大典卷一萬八千一百三 車。 周

官。 年高 主簿, 遼州,原本作「達州」,今據册府元龜改正。(影庫本粘籤) 之,用爲 劉 王都據定州 轉 去官就養。 審 諸府 興唐令,本府召補 交, 從事。 字求益,幽州文安人也。 、叛,朝廷命王晏球進討,以 及丁內艱, 同光初, 牙職。 趙德鈞鎭 毁瘠過禮, 劉守光之僭號,僞署兵部尚書,燕亡,歸於太原。 幽州, 祖海,父師遂。 服闋,不出累年。 審交爲轉運供軍 明年,復爲北 朝廷以內官馬紹宏 審交少讀書,尤精 面 供軍 一使, 為北 轉運使, 王都平, 以勞授遼州 歐陽史作不調累年〔1〕。(舊五代史 面 轉運使,辟審 改磁州 吏道,起家署北 刺 史, 莊宗 交爲 刺 以母 知 平

漢,撫綏 審交爲三司使,授右 晉高 有 祖 %,民庶 踐 作,范延 懷 衞 之。 大將軍 光以魏州叛,命楊光遠以總兵討之,復召審交爲供饋 青州楊光遠平,降 六年 夏, 出爲 平 陳州 盧軍 防禦使, 爲 防禦 州 歲餘,移 復用審交爲防禦使,累官至 襄州 防禦使, 使。 審交治

檢

校太傅。

時用軍之後,審交矜恤撫理,凋弊復蘇

契丹破晉,審交以代歸,蕭翰在都,復用爲三司使。 翰歸蕃,李從益在汴州,召高行周、 時有燕

詞。 後,民力空匱,餘衆幸存,若更謀之不臧,閉門拒守,一月之內,無復遺類。諸軍勿言,宜從 使,汝爲近輔,號爲難治,審交盡去煩弊,無擾於民,百姓歌之。 |北救應可也。」妃曰:「非謀也,我子母亡國之餘,安敢與人爭天下!」衆議籍籍,獨以把城爲 子母在洛,孤危自處,一旦爲蕭翰所逼,致令及此。但遣人迎請太原,勿以予子母爲事。」或 軍千人守捉諸門,案: 杜重威傳作千五百人。(舊五代史秀異) 李從益母王淑妃詢於文武臣僚曰: 「予 武行德將委以軍事,皆不受命。尋聞高祖起義於太原,史弘肇在澤潞,都人大懼。 太妃處分。」繇是從益遣使往太原貢奉。高祖至汴,罷使歸班。隱帝嗣位,用爲汝州防禦 曰:「收拾諸處守營兵士與燕軍,足以把城,把城,原本作「將城」,今從通鑑改正。(影庫本粘籤)以俟河 審交曰:「余燕人也,今城有燕軍,固合爲燕謀,然事機有所不可。此城經敵軍破除之

本州 寒、唐,皆稱平允,不顯殊尤。 其理汝也,又安有異哉! 民之租賦不能減也,徭役不能息也, 國公馬道聞之曰:「予嘗爲劉汝州僚佐,知其爲人廉平慈善,無害之良吏也。刺遼、磁,治陳、 生有令名,沒留遺愛,褒賢獎善,豈限彝章。可特贈太尉,吏民所請宜依。」故相國、太師、秦 以聞。 乾祐二年春卒,年七十四。郡人聚哭柩前所,列狀乞留葬本州界,立碑起祠,以時致祭, 韶曰:「朝廷之制,皆有舊章,牧守之官,比無贈典。其或政能殊異,惠及蒸黎,

漢

列

之,不至聚斂,不殺無辜之民,民爲邦本,政爲民本,和平寬易,即劉君之政安足稱耶 兇盜之餘,杼軸空而賦斂繁,人民稀而倉廩匱,謂之康泰,未易輕言。侯伯牧宰,若能哀矜 寒者不能衣也,餒 患不至於令名哉!」道仍爲著哀詞六章,鐫於墓碑之陰焉。泳樂大典卷九千九十九。 於斯者,孰不能乎!但前之守土者,不能如是,是以汝民咨嗟愛慕。今天下戎馬之後,四方 **宥過,謹身節用,** 感如此者,誠以不行鞭朴,不行刻剝,不因公而循私,不害物以利己,確然行良吏之事,薄罰 節用,原本脱「用」字,今從無府元顯增入。(影庫本粘籤)安俸祿、守禮分而已。 凡從事 者 不能食也,百姓自汲汲然,而使君何有於我哉!然身死之日,致黎民懷

至郡 掊斂爲戒,民懷其惠,身死之日,家無餘財。有管迥者,漢球守郡日,辟爲判官。及漢球卒 於汴,迥在洛州未之知,一日,忽謂所親曰:「太保遣人召我。」遂沐浴,新衣冠,無疾瞑目而 祖至東京,授洺州刺史,漢球以目疾年高辭郡,帝曰:「廣平小郡,卿臥理有餘,無以疾辭。」 清泰中,會晉高祖引契丹爲援,與朝廷隔絕,遂歸晉祖。天福初,授趙州刺史,趙州,原本訛作 「趙祖」,今據文改正。(影庫本粘籤)入爲奉國軍都指揮使,出刺曹州。開運初,遷耀州團練使。高 未朞,復以目疾請代而免。乾祐二年秋,卒於京師。漢球雖出自行伍,然長於撫理,常以 武漢球,澤州人也。少拳勇,潞帥李嗣昭倚爲親信,事唐莊宗、明宗,繼爲禁軍裨校。 環衞。乾祐三年夏,卒於官。輟視朝一日。永樂大典卷六千三百五十。 劉知俊傳云,當時稱知俊爲劉開道,蓋承業謂瓘少時嘗從劉知俊作賊也,今姑仍原文。(影庫本粘籤) 羊客,承業立捕斬之。常誠瓘等曰:「汝車渡村百姓劉開道下賊, 佐 須改行,若故態不除,死無日矣。」故瓘所至不敢誅求。 天祐十三年補鱗州刺史。 |唐武皇、莊宗有功,甚見委遇,瓘聞之,與昆仲五人,自故里奔于太原,莊宗皆任用之。 瓘, 張瓘, 同州車渡村人,故太原監軍使承業之獨子也。 承業治家嚴毅,小過無所容恕,一姪為磁州副使,以其殺河西賣 晉天福中,爲密州刺史,秩滿入居 承業,唐書有傳。 劉開道下賊, 唐天祐中,承業 疑有脱字。據薛史 慣作非爲,今

守。 檢校太保。 及至郡,威略無聞,敵再至,首納降款。 同拒我師於洛水,俄而安退,殷以橐裝駞馬遺安。安旣北走,殷匿於丘墓獲免,馳以歸我 性沈厚,所蒞無苛暴之名。晉少帝禦契丹於澶淵,殷典禁旅,駕還,授鄜州留後,俄加 李殷,薊州人也。 開運中,授定州節度使,將行,啓少帝曰:「臣之此行,破敵必矣。」衆皆壯其言。 自後唐莊宗、明宗、晉高祖朝,以偏校遞遷,歷官至檢校司徒,累爲郡 後隨契丹至常山,其將解里遣殷與契丹首領楊安,

漢

高 祖 嘉 英首 赴 朝 闕 及 魏 州 平,以甘陵乏帥, 乃命殷爲貝州節度使, 加檢校太傅。 乾祐

卒於鎭。詔贈太師。泳樂大典卷一萬三百九十。

移絳州 (異 後,歷 陽,聞 德鈞 年五月,正授鎭州節度使。 貝州 於太原, 本作「要州」,今據通鑑改正。(影庫本粘籤) 簡同守河陽。 互異。(舊五 高祖 刺 引軍赴團柏谷,路由易州,取 劉 那州 [朱守殷叛,用爲前鋒。 史。 在明, 踐阼,授幽州道行營都部署, 唐莊 (代史考異) 楊光遠據青州叛,召爲行營馬步軍都指揮使, 、晉州 明年,移趙州,兼北 幽州人。 宗收爲列校。 晉祖至,乃迎之,京都事定,出爲單州刺史。天福中,李金全以安州 留後。案通鑑云:契丹入汴,建雄留後劉在明朝于 時契丹守中山,在明 少有膽氣,本州節度使劉守光用爲親信, 六月,以疾卒于鎮。 明宗 至汴城, 面行營馬軍都指揮使,以 時, 在明 在明從李守貞攻之,大破准賊,以功授安州 為捧 率先登城,賊平,授汴州 出師 案通鑑: 軍從。 聖左 經略, 在明先爲成德 及德鈞兵敗,在 廂都指 贈侍中。 契丹乃棄城而去,遂授鎭州 揮 軍留後,繼授 契丹,以節 使, 領 軍 永樂大典卷九千九十九。 戍 齊州防禦使。 頟 明奔 易州。 馬 和 步軍 出爲平塞 度副 州 幽州 歸懷州,唐末帝令與萇從 使駱知 清泰 刺 都 道 史。 指 馬步 青州 末, 朗 軍 揮 從幸 都 使。 知州事。(舊五代史考 使。 留後 防禦使, 部署。 幽 平,遷 州 · 汴州, 守光 應順 叛, 節 與薛史前: 相州 度 安州、 明年 敗, 使 留 趙 樂 後 原

年四月 亂, 天福 遂 以 何, 中流聯戰艦以絕援路, 渡 滑州 順 送 退。 北 會奉國 乃召人能水游破賊者。 闕 寨。 密 二年夏,范延光叛於鄴,牙將孫銳率兵至黎陽,朝廷遣侍衞馬軍都指 馬萬, 卒。 ,萬亦預 爲 下。 由此升爲水軍小校,漸典禁軍,遙領刺 涇州 會梁軍急攻南寨, 石廂! 澶州人也。 輟 朝 兵馬留後, 廷即 視 以其行。 都指揮使盧順密亦以兵至,諭以逆順, 朝 以萬爲 日。 少從 時滑州節度使符彥饒潛通鄴下,殺白奉進於牙署。 晝夜攻城者三日, 寨將氏延賞告急於莊宗。 漸薄於萬。 滑州 永樂大典卷 時萬兄弟皆應募,遂潛行入南寨,往來者三,又助燒船艦, 此傳蓋沿實錄傳聞之誤,通鑑從晉列傳。(舊五代史考異) 軍, 立,南 節度使,而盧順 善水游。 北 寨,原本脱「會梁軍急攻南寨」七字,今據册府元龍增入。(影庫本粘籤) 於 萬 萬八千一百三十二。 鎭 唐莊宗與梁軍對壘於河上,莊宗於德勝渡夾河立 鄧州 史,累遷奉國左廂都指揮使、泗州 密酬之甚淺。 未幾罷鎭,授 萬不得已, 居無 上將軍 與順密急趨 何, 莊宗 ,以目疾 晉 萬領本軍兵 高祖 隔河望敵,無 揮使白 案薛史晉列傳: 符彦 致仕 公府, 稍 防禦使。 知 奉進領兵 其 執彦饒 乾祐三 、士將助 事 || || || || 如之 卽 晉

李彦從, 漢 八 字士元,汾州 列 傳 第 Ξ 孝義 父德,麟州司馬。 彦從少習武藝, 出行伍間, 高 祖典禁

川軍 高 軍,以鄉里之舊,任爲親信。 旭 令彦從率軍 有功、賊平、授濮州刺史、治有政能、 赴之。 乾祐 初,領 國初, 恩州 用爲左飛龍使、檢校司空。 刺 百姓悅之。 史。 趙暉討王景崇于岐下, 彦從爲兵馬都監, 破 乾祐三年冬,卒於郡。 鎭州逐敵之際,請兵于朝廷, 泳樂大典卷一萬三

百九十。

揮使 廂都 臣,加檢校太尉,移鎭滑臺。 入朝,加食邑。 指 郭謹 兼 開運初,出授鄜州。 寧江軍節度使。 揮使,領禺州刺 ,字字節,太原晉陽人。 是歲冬十月,卒於位,年六十。 史。 六年,從幸鄴。 二年,入爲左神武統軍。三年,復鎭鄜州 三年,轉奉國 乾祐初,復授彰德軍節度使。 謹少從軍,能騎射, 七年,晉祖崩,少帝卽位, 左廂都指揮、泗州 **輟視朝二日,贈侍中。** 歷河中教練使。 防禦使, 二年,就加檢校太師。 授彰德軍節度使, 歲餘,授侍衞 泳樂大典卷二萬二千一百六 晉天福中, 高 祖踐阼,以 三年(言) 步 遷奉國右 軍 領 鄉 都 國舊 軍 指 如

建立、安重酶策名委質,皆在立後。 皇甫立,代北人也。 唐明宗之刺代州,署爲牙校,從歷藩鎭。性純謹,明宗深委信之,王 明宗踐阵,以立爲忻州刺史。 長興末, 轉洺州 團練使。

應順 授左 師 神 初 致 武 (目),遷鄜州節度使,檢校太保。 任。 統軍 乾祐二年秋卒。 少帝 即位,歷左 泳樂大典卷一萬九百七十一。 金吾衞上將 清泰三年春,移鎭潞州, 軍,累官至 一檢校太尉。 未幾, 高祖定天下,授特進、太 改 華州。 晉 天福中,

進 指 事略李筠傳:筠請馮道領節度,道 爲 軍 和相 揮 率殺 使。 吏所 再榮, 迫,乃行。 契丹帥麻答,據 晉末,契丹犯闕,明年,契丹主北去,再榮從帳至眞定。 本蕃部人也。 翊日,逐出麻答,諸軍以再榮名次在諸校之右,乃請 曰:「予主奏事而已,留後事當議功臣爲之。」以諸將之甲者爲留後。(舊五代史考異) 甲仗庫,敵勢未退, 案: 歐陽史作不知其世家何人也。(舊五代史考異) 筠等使人召再榮。 再榮端 其年閏 少從 權 坐本營, 七月晦,李筠、 軍,累遷護聖左 知留後事。案東都 遲疑 久之, 何 厢

求賞給 將爲 之功 善,乃來往解釋,遂無相忌之意。 王 饒 懼爲 契丹所擄, 再榮 纔得 松、 再榮所丼,乃據 貪 妹 生 凝各出家財與之,再榮欲害崧以利其財。 無 一路,便擬殺 凌辱萬端,旦夕憂死。 決,舉 止 東門樓,以兵 多疑,出入騎 宰相,他日到闕,儻有所問,何以爲辭?」 再榮以李崧、 自 從,露刃注矢,諸校不 今日衆力逐出 衞 爲 和凝攜 稱足疾,不敢 蕃 家在彼,令軍 前 [戎,鎭民死者不下三千人, 磁州 見再榮。 相統 刺 史 攝, 李穀 士 數 耳. 再榮默然。 司 天監 謂 有精貳。 百 人環 再榮日:「公與諸 趙延乂 迫 豈獨 奉國廂 再榮又欲 俱與 公等

漢

書

財。

括率在城居民家財, 以給軍士,李穀又譬解之,乃止。 其漢人曾事麻答者盡拘之,

既,軍 高 上前 求,民不聊生,乃徵還京師。 祖以再榮爲鎭州留後,爲政貪虐難狀,鎭人呼爲「白麻答」。 |啓日:「某等軍健,常趨事麾下,一旦無禮至此,今後何顏謁見?」即奮刃擊之,挈 周太祖入京城,軍士攻再榮之第, 未幾,移授滑州節度使, 迫脅再榮, 盡 取財貨

臣,唯 其首而· 言爲 國 初,授鎭 正。(影庫本粘籤) 焉,及卽位, 記言, 過 張 務 去,後家人以帛贖葬之。 鵬,鎭州鼓城人。 故朝廷降詔就誅於常山,時乾祐元年七月也。 積 州 鵬旣退,行周左右謂 財富家,不以國家爲意,以至宗社泯 副 用爲供奉官,累監軍旅。 使,過鄴城,高行 鵬爲前鋒監押,奮身擊敵,被創 幼爲僧,知書,有口辯,喜大言,後歸俗。 行周日"「張副使之言,蓋譏令公也。」 周接之甚 永樂大典卷一萬八千一百三十三。 晉開運中, 歡,鵬因言及晉朝傾亡之事,少帝任用失人,藩 而還。 滅, 契丹迫澶州, 非獨帝王之咎也。 其後累於邊城戍守,士伍服其 永樂大典卷六千三百五十一。 澶州, 唐末帝爲潞王時,鵬往依 行周 原本作「担州」, 行周 因發怒, 性 寛和 **遂奏鵬怨** ٠, 今從通鑑改 勇。 不 乾 以 鵬

者,其餘皆不足觀也已。 如王周之闧政,審交之民譽,蓋其優者也,漢球、張瓘抑又次焉。是宜紀之篇以示來 史臣曰:晉、漢之際,有以懋軍功、勤王事、取旌旄符竹者多矣,其間有及民之惠者無幾 張鵬以一言之失,遽滅其身,亦足誠後代多言橫議之徒歟! 永樂大

校勘記

典卷六千三百五十一。

不調累年 「調」原作「出」,據殿本考證、歐陽史卷四八劉審交傳改。

(三)復鎮鄜州 「鄜州」原作「麟州」, 據|劉本、 彭本改。 按本卷上文謂郭謹「開運初,出授鄜州」,此

處當作「復鎮鄜州」。

(三) 三年 「年」原作「日」,據殿本、劉本改。

(2) 應順 原作「廣順」,據殿本、劉本改。 按後唐無「廣順」年號,明宗長興後即爲閔帝應順。

售五代史卷一百七

漢書九

列傳第四

以軍 指 左右指揮,以弘肇爲都將,遙領雷州刺史。 |祖麾下,遂留爲親從,及踐阼,用爲控鶴小校。 南 建號之初,代州王暉叛,以城歸契丹,弘肇征之,一鼓而拔,尋授許州節度使,充侍衞步軍都 百里,走及奔馬。 F, 揮使。 應援。 史弘肇,字化元,鄭州滎澤人也。父潘,本田家。 與行德合。 會王守恩以上黨求附,契丹主命大將耿崇美率衆登太行, 軍至潞州,契丹退去,翟令奇以澤州迎降。 故高 |梁末,每七戶出一兵,弘肇在籍中,後隸本州開道都,選入禁軍。 祖由蒲、陝赴洛如歸,弘肇前鋒之功也。 雷州, 高祖鎭太原,奏請從行,升爲牙校,後置武節 原本作「累州」,今據歐陽史改正。(影庫本粘籤)高 弘肇少游俠無行,拳勇健步,日行二 會河陽武行德遣人迎弘肇, 欲取上黨,高祖命弘肇 嘗在晉 逐率衆 祖

敢取。 充侍 籤 少不從命,弘肇立撾殺之,將吏股慄,以至平定兩京, 吏,因緣爲姦,嫁禍脅人,不可勝紀。 隱帝嗣位,加檢校太師、 披論,具陳姓名。 匿名書及言風聞事,搆害良善,有傷風化,遂使貪吏得以報復私怨,讒失得以 師。 鳳翔 弘肇 :衞親軍都指 弘肇都轄禁軍,警衞都邑、專行 然而不問罪之輕重,理之所在,但云有犯,便處極刑, 連橫謀叛,關輔大擾,朝廷日有徵發,羣情憂惴,亦有不逞之徒, 嚴毅寡 其匿名書及風聞事者,並見止絕。」論者韙之。(舊五代史考異) 揮使, 部轄軍衆,有過無舍,兵士所至,秋毫不犯。 兼鎭宋州。 兼侍 中。 居無何, 高 刑殺,略無顧避,無賴之輩,望 案宋史邊歸讜傳 祖 大漸 河中、永興、 與樞密使楊邠、 一史弘肇怙權專殺,閭 無敢干忤。 永興,原本作「求與」,今據通鑑改正。(影庫本粘 肆 其 枉濫之家, 虚 周太祖、 誕。 從駕 部 里告許 風 請明 下有指 匿迹, 、蘇逢吉等同 征鄴迴,加 行條制, 成風。 莫敢 妄構虚 揮使, 路 上訴。 歸識 禁遏誣妄, 有 遺 語, 同 嘗因指使 棄, 平章 受顧 日 巡 流 凡顯有 邇 人不 司

幼女為 脅制 其苦楚,無不自誣以求死所,都人遇之, 莫敢仰視。 1棄市。 者,往往有之。 時 `太白臺見,民有仰觀者,爲坊正所拘,立斷其腰領。 又有醉民抵忤一 其他斷舌、決口、斮筋、折足者,僅無虛日。 自是仕宦之家畜僕隸者,皆以姑息爲意,而舊勳故將失勢之後,爲廝養輩之所 軍司孔目吏解暉,性狡而酷,凡有推劾, 有燕人何福殷者, 故相李崧爲部曲誣告,族戮 隨意鍛鍊。 福殷、原本作「福因」,今據 人有抵軍禁者,被 軍 於市 則 誣 取 以訛 其

通鑑改正。(影庫本粘籤)

案:歐陽史作何福進,疑訛(1)。(舊五代史考異) 以商 · 販爲業,嘗以十四萬

淮南 償,不 玉枕 以 伏,遂仗之。 遣 致誠意。 家僮及商人李進 弘肇 未幾, 卽 家僮詣弘肇 賣於淮 日遣捕 福殷 南, 易茗 等繫之。 上 一變,言契丹主之入汴也,趙 而 迴。 解暉 家僮 希旨,榜掠備至,福殷 無行, 隱 福殷貨 延壽遣福殷齎 財數十萬,福殷 自 誣,連罪者數輩, 玉 枕 陰遺 市得 責 其

並 棄 市 妻女爲 弘肇帳下分取之,其 家財籍沒。

侍衞 聚斂 其 冒暑,未能 功於衆,以 而誣之也 屬 親 帝始聽樂,賜教坊使玉帶,諸伶官錦袍,往謝 刻 府公利, 弘 軍 肇 剝, 威震人主,殘忍自恣,人莫敢忤其意。 逮 不喜賓客,嘗言:「文人難耐 弘 捕 無所 徧 親族, 吏鞫之,具伏,以吏抵法。 肇 有 委親 不至 霑賜,爾輩 有 頗行 翊 更楊乙就府檢校, ,月率萬緡, 衞 干託, 鎭 重之功,言之於隱帝, 何功、 弘肇 、
敢當 以輸 宏肇雖怒甚, 與楊邠 其部下吏告民犯鹽禁,法當死。 此 ,輕我輩,謂我輩爲卒,可恨, 貪戾兇横, 弘肇,一 賜 甚不平之。 竟亦無以 虚 境之內, 嫉之如 卽 負勢生事, 吏民畏之。副戎已下, 望 取 弘肇, 授兼 (屈也。(袍帶 太后有故 中 (舊五代史考異) 還官。 弘肇 書令。 讓之日:「健兒 居正 讎。 其兇戾如 人子 隱帝 疑其不實, 案東都事略薛居正 可恨! 周太祖 求 自 補 關 此 軍 西賊 召詰之, 弘肇 爲 職, 平 河 或 不之後, 昵近 弘肇怒 成邊 中 傳 所領 乃其吏以 班 風 史弘肇領 師 展敬, 睢陽, 忍寒 而 私 斬 推

周太祖 有鎭鄴之命,弘肇欲其兼領機樞之任,蘇逢吉異其議,弘肇忿之。 翌日 因竇貞

固飲會, 以東毛爲筆,其形如錐也。」今改正。(影庫本粘籤)焉足用哉!」三司使王章曰:「雖有長槍大劍,若無毛 M、蘇逢吉亦舉大爵曰:「此國家之事也,何足介意!」俱飮釂。 子,贍軍 、亂,直須長槍大劍,至如毛錐子,毛錐,原本作「毛鍾」,考通鑑作「毛錐」。 胡三省注云:「毛錐,謂筆 貴臣 ·財賦,自何而集?」

」

以

學

默然,少頃而罷 上悉集, 弘肇厲色舉爵屬周太祖曰:「昨晨廷論,一何同異!今日與弟飮此。」楊 弘肇又厲聲言曰:「安朝廷,

至第 若害之, 人,何 校,弘肇 酣 爲手勢令,弘肇不熟其事,而閻晉卿坐次弘肇,屢教之。蘇逢吉戲弘肇曰:「近坐有姓閻 m 憂 還。 ·幾,三司使王章於其第張酒樂,時弘肇與宰相、樞密使及內客省使閻晉卿等俱會。酒 罰 致 欲歐逢吉,逢吉策馬而去。 天子何地,公細思之。」例泣下。 爵 自是將相不協 ! 」 弘肇妻閻氏,本酒妓也,弘肇謂逢吉譏之,大怒,以醜語詬逢吉。 如水 火矣。 弘肇 隱帝遣王峻將 遽起索劍,意欲追逢吉。 弘肇索馬急馳 酒樂於 而去,那慮有 公子亭以和之,竟不能 楊邠曰:「蘇公是宰相,公 非常,連 鑣 而進,送

欲誅弘肇等,議定,入白太后。 隱 帝 嘗有忿 益 其後李業、郭允明、後贊、聶文進 言,業等乃乘間譖 嘗 夕,聞作坊鍛 弘肇等,隱帝稍以爲信。業等乃言弘肇等專權震主,終必爲 甲之聲,疑外有兵仗卒至,達旦不 太后曰:「此事豈可輕發耶 居中用事,不悅執 政。 又見隱帝 更問宰臣等。」 李業在側, 寐。 自是與業等密謀 年漸 長, 厭爲大臣所

「先皇帝言,朝廷大事,莫共措大商量。」太后又言之,隱帝怒曰:「閨門之內,焉知國家之 拂衣而出。 內客省使閻晉卿潛知其事,乃詣弘肇私第,將欲告之,弘肇以他事拒之不

見。 乾祐三年多十一月十三日,弘肇入朝, 案:歐陽史漢臣傳作十月。吳縝纂誤云:漢隱帝紀、周太祖紀

俱作十一月,傳誤也。(舊五代史考異)與樞密使楊那、三司使王章同坐於廣政殿東廡下, 作「廣徽」,今從通鑑改正。(影庫本粘籤)俄有甲士數十人自內而出,害弘肇等於閣,夷其族。 廣政殿,原本 先是,

弘肇第數有異,嘗一日,於階砌隙中有煙氣蓬勃而出。 禍前二日昧爽,有星落於弘肇前三

數步,如迸火而散,俄而被誅。 周太祖踐阼,追封鄭王,以禮葬,官爲立碑。

史。 粗讀書,親儒者,常不悅父之所爲。 貢院嘗錄一學科於省門叫譟,申中書門下,宰相 弘肇子德珫,

德班,原本作「德玩」,今從通鑑改正。(影庫本粘籤) 乾祐中,授檢校司空,領忠州刺

逢吉令送侍衞司,請痛笞刺面。 德珫聞之,白父曰"「書生無禮,有府縣御史臺,非軍務治

公卿如此,蓋欲彰大人之過。」弘肇深以爲然,卽破械放之。後之識者尤嘉德珫之爲

也。

衞將軍。 弘肇弟福,比在滎陽別墅,聞禍,匿於民間。 永樂大典卷一萬一百八十三。 案宋史李崇矩傳:史弘肇爲先鋒都校,聞崇矩名,召署親吏。 周太祖卽位,累遷閑廢使。 仕皇朝, 乾祐初,弘 歷諸

漢 九 列 傳 第 四

|肇總禁兵,兼京城巡檢,多殘殺軍民,左 故吏也, 求弘肇親舊 爲我求其近屬,我將恤之。」崇短上其母弟福。 ,得崇短,謂之曰:「我與史公受漢厚恩,勠力同心,共獎王室,爲奸邪所 右稍稍引去,惟崇矩事之益謹。 崇短素主其家,盡籍財產以付福,周祖嘉之。(舊五代史考 及弘肇誅,獨得免。 搆,史公卒 周祖 罹大 與弘肇素厚善, 禍 我 亦 僅 冤。 即位 汝史家 訪

部尚 臣 樞 右都。(舊五 李 密 書 使 楊邪 補勾 上章,請 檢校 同平章事 代史考異) 神官, 魏州冠氏人也行。 太傅 出 歷孟、華、鄆三州 高 那 仍 祖鎭 及高 與周太 兼 樞密使 太原 旭 大 祖 爲藩鎭 漸, 少以更給事使府,後唐租庸使孔謙,即其妻之世父也。 加親 糧 與蘇逢吉、 料 ,邪等泣訴於太后,由是 委。 使。 漢國 高祖 史弘肇等同受顧命, 爲 建,遷檢校太保、權樞 鄴都留守, 用爲 罷 濤而相別,加 輔立嗣君。 左都押衙 密使。 (3) 汴、 中書侍 隱帝 洛平,正 案歐陽史作 卽 郎 位 謙領 兼 一, 宰 拜 吏

射(四)。 往 者 堪 酌。 但 時 並 得 中 如 帑 須給公 |别 書 不 旣 藏 出 除 豐盈 專 |邪意, 更太 憑。 國 政, 多 甲 所由司 至 一,訛 兵 觸 於 事 強盛、至 謬 苛 者衆,及邠居相位,帝一以委之,凡南衙奏事,中 求請公憑者,朝夕塡咽,旬日之間,民情大擾,行路擁塞,邠乃止 簿 細 於文章 條 掾, 理 亦 煩 一禮樂, 碎, 不 聽從。 前 資官 並 是 邠 不得於外方 虚 雖 事 長 , 於 何足介意 支事 居 正,自 不 也。 識 大 京 體 平 師 河中, 至諸 書除命,先 常言:「 州 並 府 爲 加 委別 行 國家 右 僕

其事。

帝意 經史有用 垆 李業求爲宣徽使,隱帝與太后重違之,私訪於別。 國用不闕, 不悅。 隱帝所愛耿夫人,欲立爲后,邠亦以爲太速。 時 史弘肇恣行慘酷,殺戮日衆,都人士庶,相目於路,邠但稱弘肇之善。 乃課吏傳寫。(舊五代史考異) 邊鄙粗寧,亦其功也。 左右有承間進甘言者,隱帝益怒之。 泳樂大典卷六千五十二。 案:此下當有缺文。(殿本) 那繕甲兵,實帑廩,俾 | 別以朝廷內使,遷拜有序,不可超居,遂 夫人卒,隱帝欲以后禮葬,別又止之,隱 案宣和書譜云: "州末年留意縉紳, 延客門下, 知 太后弟武德使

急。 目官。 籤) 侍衞親軍,詔爲都孔目官,從至河東,專委錢穀。 載于橐駞褚中,竄至洛下,匿於敬周之私第。 逐節度使劉延皓,自稱留後,章以本職爲今昭役使。 章之妻即白文珂之女也,文珂與副招討李敬周善,以章爲托。 王章,大名南樂人也。 後唐清泰末,屯駐捧聖都虞候張令昭作亂, 明年, 高 祖崩,隱帝即位,加檢校太尉、同平章事。 少爲吏,給事使府。 及末帝敗,章爲省職,歷河陽糧料使。 同光初,隸樞密院,後歸本郡,累職至都孔 國初,授三司使、檢校太傅,從征杜重威於 張令昭,原本作「會昭」,今從歐陽史改正。(影庫本粘 末帝遣范延光討平之,搜索叛黨甚 及攻下逆城,敬周匿之, 高祖典

之,後至漢與,王章復令輸省耗,而又倍舊數取之也。謹附識于此。(影庫本粘籤)百姓苦之。又,官庫出納緡 斗,目之爲「省耗」。謂之「省耗」,原本作「雀耗」,今從通鑑改正。胡三省通鑑注云:唐明宗天成元年四月赦文:「應 資,供饋無乏。及三叛平,賜與之外,國有餘積。 納夏秋稅子,先有省耗,每斗一升,今後祇納正數,不量省耗。」如此,則天成以前,已有省耗,每斛更輸一斗。天成罷 令,雖絲毫 之「擡估」,章亦不滿其意,隨事更令更添估。 儒士,郡官所 錢,皆以八十爲陌,至是民輸者如舊,官給者以七十七爲陌,遂爲常式。 弘肇、楊邠等盡心王室,知無不爲,罷不急之務,惜無用之費,收聚財賦,專事西征,軍旅所 十數戶,章必命全州覆視,幸其廣有苗額,以增邦賦,曾未數年,民力大困。 五代以來,以七十七爲百,謂之「省陌」。今市井交易,又尅其五,謂之「依除」。(舊五代史考異)民有訴田者,雖 居無何,蒲、瘫、岐三鎭叛。 舊制,秋夏苗租,民稅一斛,別輸二升,謂之「雀鼠耗」。乾祐中,輸一斛者,別令輸二 滴 請 瀝,盡處極刑。 月俸,皆取 不堪資軍者給之,謂之「開雜物」,命所司高估其價,估定更添,謂 吏緣爲 是時,契丹犯闕之後,國家新造,物力未充,章與周太祖、史 姦,民不堪命 章急於財賦,峻於刑法,民有犯鹽、礬、酒麴之 然以專於權利,剝下過當,斂怨歸上,物論 案歸田錄:用錢之法,自 章與楊邠不喜 輸

算子,未知顚倒,何益於事!」後因私第開宴席,召賓客,史弘肇、蘇逢吉乘醉諠詬而罷。 章 與 (楊邠同郡,尤相親愛,其獎用進拔者,莫非鄉舊。 常輕視文臣,日:「此等若 把

張貽肅 冬,與史弘肇、楊邠等遇害,夷其族。 自是忽忽不樂,潛求外任,邠與弘肇深阻其意。 ,羸疾踰年,扶病就戮。 永樂大典卷六千八百五十。 妻白氏,禍前數月而卒。 而私第數有怪異,章愈懷憂恐。 無子,惟一女,適戶部員外郞 乾祐三年

誅,以洪建爲權侍衞馬步軍都虞候。 人監守其家,仍令給饌,竟免屠戮。周太祖入京城,洪建被執,王殷感洪建之恩,累祈周太祖 乞冤其死,不從,遂殺之。 李洪建,太后母弟也。 洪建弟業。 事高祖爲牙將,高祖卽位,累歷軍校,遙領防禦使。 及鄴兵南渡,命洪建誅王殷之族,洪建不卽行之,但遣 永樂大典卷一萬三百九十。 史弘肇等被

驕縱。 楊、史旣誅,業權領侍衞步軍都指揮使。 季,故太后尤憐之。 避,執政大臣不敢禁詰。 太后亦令人微露風旨於執政。 業,昆仲凡六人, 隱帝嗣位, 尤深倚愛, 高祖置之麾下,及卽位,累遷武德使,出入禁中。 案昭聖弟六人,洪信、 會宣徽使闕, 兼掌 時楊邠、史弘肇等難之,業由是積怨, 內帑,四方進貢二宮費委之出納。 宣徽使,原本作「宜徵」,今從通鑑改正。(影庫本粘籤) 北郊兵敗,業自取金寶懷之,策馬西奔。 洪義,宋史有傳。 歐陽史作昆弟七人。(舊五代史考異) 蕭牆之變, 業喜趨 業恃太后之親, 權 利, 行至陝郊, 自 業意欲之, 此 業處其 無所顧 而 稍 作。 至

漢書

永樂大典卷

一萬三百九十。

其節 度使洪信, 即其長兄也, 不敢置於家。 業將奔太原,至絳州境,爲盜所殺, 盡奪而去。

火考異) 晉卿 衞馬 晉卿 五代史考異) 紙甲,爲 襲,營中忽見火發,知賊驟至,惶怖失據。 (史) 中, 死 士十 , 韜傳 歷閣 軍 頗 憂 閻 餘輩,隨韜 火光所 賊 恕 都指揮使。 事 晉卿者,忻州人也。 周祖 門使,判四方館。 執 平, 不 Ţ 照,色俱白,此殊易辨,奈軍士無鬭志何!」轁憤怒曰:「豈有食君祿而不 果, 征三叛,韜從白文珂攻河中, 政。 交 爲 犯賊鋒。 憂, 內客省使, 夜懸 會 北郊兵敗,晉卿乃自殺於家。 李業等謀殺楊 起復前 清有猛將,躍馬持戈擬韜, 蹈刺之, 高 祖 御容於中 未幾,關 職 案:宋史李韜傳載晉卿討賊時已爲客省使,薛史作賊平之後始授此職,與宋史異。(家世富豪,少仕丼門,歷職至客將,高祖在鎮,頗見信用。 答省使<u>閻晉卿率左右數十人,遇</u>蹈于月城側, 時宣徽 兵傅其城。 史, 堂, 西亂,郭從義討趙思綰於京兆,晉卿偏師以 使闕, 詔晉卿謀之, 泣 高 文珂夜詣周祖議犒軍, 於前, 晉卿以 洞胸而 永樂大典卷一萬八千一 遲 墜,又連殺數十人,庸軍遂潰,因擊大破之。(舊五 晉卿 職 明戎 次 退詣 事望, 服 留韜城下。 入 弘肇, 朝 合當 爲國致死耶!」即援稍 謂韜曰:「事急矣, 百三十二。 內 其任, 將 時營棚未備, 難 告其 既作, 旣而 事 攻賊壘。 以 弘肇 城 李守貞乘虚 晉卿權侍 中人悉被黃 稽 丽 進,軍 不 拜 乾祐 見。 命, (舊 來 {代 中

帳下,高祖鎭太原,甚見委用,職至兵馬押司官。 聶文進, **聶文進傳**,永樂大典已佚,今朵冊府元顯以補其闕。 高祖入汴,授樞密院承旨,歷領軍、屯衞大 (影庫本粘籤) **丼州人。少給事於高祖**

深所怨望,與李業輩搆成變亂。 將軍,遷領衞大將軍,仍領舊職。 史弘肇等遇害之前夕,文進與同黨預作宣詔,制置朝廷之 册府元龜卷七百六十六。 遇周太祖出征, 稍至驕橫, 久未遷改,

事,凡關文字,並出文進之手。 明日難作,文進點閱兵籍至,徵發軍衆,指揮取舍,以爲己

任,內外咨稟,前後塡咽。太祖在鄴被構,初謂文進不預其事,驗其事迹,方知文進亂階之

後,文進召同黨痛飲,歌笑自若。 首也,大詬詈之。太祖過封丘,帝次於北郊,文進告太后曰:「臣在此,請宮中勿憂。」兵散之 遲明,帝遇禍,文進奔竄、爲軍士所追,梟其首。 册府元龜卷

九百三十五。

<u>肇</u>執權,

贊以久次未遷,頗懷怨望,乃與樞密承旨聶文進等構變。 抵其第,贊不得已而奉之。 未嘗離郡、贊既長,疑其所生。及爲內職,不欲父之來,寓書以致其意。父自郡至京師,直 龜以補其闕。(影庫本粘籤)爲飛龍使。 後贊, 案:通鑑作後匡贊,薛史避宋諱,去「匡」字。(舊五代史考異) 永樂大典卷一萬七千一百九十五。乾祐末,宰相楊那、侍衛親軍使史弘 贊母本倡家也,與父同郡,往來其家,生贊。 ?????? 後贊傳,永樂大典僅存一條,今引册府元 及難作,贊與同黨更侍帝 從職四方,父

側 剖 判 找 事 ', 且 防 間 北 郊 兵 敗,贊竄歸兗州,慕容彥超執之以獻,有司 鞫贊伏罪,周太

祖命誅之。珊府远龜卷九百五十二。

隘,以 使。 迫帝就民舍,手行弑逆,尋亦 之於朝 迎 頗站 服 不 勤 暇。 息之。 旣 謹 隱 郭 動 帝 堂 **允明者**, 久,頗得 在 荆 嗣 高保融,原本作「深融」,今從通鑑 西 鎭 人,冀得 嘗奉使 廡 位, 允明常齎 下。 高祖 小名竇十,河東人也。 尤見 刑南, 王章 重 之歡 親 賄 御酒 狎, 女 車服導從, 'n, 乾帖 壻 每恃寵 以 自 戶 遺之, 高 末, 殺。 部 祖 員 兼 |改正。(影庫本粘籤) 驕 鎭 永樂大典 外 有 不以僭 太原 縱, 派 幼隸 鄓 同節度使將,州 龍 張 略 使。 (卷二萬) 貽 稍 河東制置使范徽柔, 無禮 上犯禁爲意 肅 歷 未 牙職 敬 幾, 血 允明潛 流 與李業輩 ,及卽位,累遷至 與 百六十 逆注, 縣 相 郵驛, 其他 使 州 聞 人步 節 構變, 度使 者哀之。 奔 輕 被誅, 馳 率 度 郭謹 畏懾, 楊邠 城壁之高 悉皆 翰林茶酒使 允明 遂爲 以 及北郊之敗 等諸 節 類 同宗之故, 度 此 庳, 子 使 , 高 金無鞍 允明 池 執 高 祖 隍 保 政 斯養, 之 頗 轡 允 親 融 大 廣 明 庫 刃 交 承

與鉄 有舊, 劉 銖 乃表爲內職。 陝州 也 少 高 事 祖出鎮井門, 梁邵王 朱 友 誨 用為左都 爲 牙 將。 押牙。 晉 天 啒 鉄性慘毒好殺, 中, 高 祖 爲 侍 衞 高祖以爲勇斷 親 軍 都 指 揮 使, 類

杖」。 忤旨(kī,即令倒曳而山,至數百步外方止、膚體無完者。每杖人,遺雙杖對下,謂之「合歡 檢校太師、兼侍中。 己,深委遇之。國初,授永興軍節度使,從定汴、洛,移鎭靑州,加同平章事。 二千,以備公用。 部内畏之,脅肩重迹。 或杖人如其歲數,謂之「隨年杖」。在任擅行賦斂,每秋苗一畝率錢三千,夏苗一畝錢 銖立法深峻,令行禁止,吏民有過,不問輕重,未嘗貸免。 隱帝卽位,加 每親事,小有

海州用兵還,過青州,遂留之,即以符彥卿代錄,符彥卿,原本作「言卿」,今據通鑑改正。(影庫本粘籤)錄 與吳越徵負、擅行追攝、浙人惕息,莫敢干命。 易務,厚取民利,自置刑禁,追攝王民,前後長吏利其厚賂,不能禁止。 乾祐中、淄、青大蝗,餘下令捕蝗,略無遺漏,田苗無害。 。朝廷懼鉄之剛戾難制,因前沂州刺史郭瓊自 先是,濱海郡邑,皆有兩浙迴 鉄即告所部,不得

無懼色,銖亦不敢發。瓊爲言去就禍福,銖趨召。(舊五代史考異)

獄、鉄謂妻曰:「我則死矣,君應與人爲婢耳」」妻曰:「明公所爲如是,雅合爲之。」周太祖遣 兒矣。」尋以鮢權知開封府事,周太祖親族及王峻家,並爲銖所害。 久之,每潛戟手於史弘肇、楊邠第。會李業輩同誅弘肇等,錄喜,謂業輩曰:「君等可謂僂儸 離鎭之日,有私鹽數屋,雜以糞穢,塡塞諸井,以土平之。 彥卿發其事以聞,餘奉朝請 周太祖入京城, 執之下

漠

九

列 僔

第 四

校 勘 記

害,周祖 朝史官修漢隱帝實錄,針之忠言,諱而不載。 五十。 案:歐陽史作赦其妻子。(舊五代史考異) 何忍哉! 讓餘日:「昔日與公常同事漢室,寧無故人之情!家屬屠滅,公雖奉君命, 以漢太后令,收錄下獄,使人責之。 公家亦有妻子,還顧念否?」 周太祖踐阼,詔賜錄妻陝州莊宅各一區。 蘇對曰:「某爲漢家戮叛族耳,不知其他。」 周祖怒,遂殺之。 銖但稱死罪。 遂啓太后, 丼一子誅之, 而釋其妻。 泳樂大典卷六千三百 加之酷毒, 臣謹按: 及隱帝遇 周世宗

乎! 家,小人勿用,必亂邦也。」當底祐之末也,何斯言之驗歟!惟劉銖之忍酷,又安能逭於一死 亦不能保宗社之安,延歲月之命,況隱帝、逢吉之徒,其能免乎! 易曰:「大君有命,開國承 弘肇之淫刑,楊邪之粃政,李業、晉卿之設計,文進、允明之狂且,雖使成王爲君,周公作相 · 永樂大典卷二萬二千一百六十一。 史臣曰:臣觀漢之亡也, 豈繫於天命哉! 蓋委用不得其人, 聽斷不符於理故也。 且如

校勘記

疑訛 二字原無、據殿本、劉本考證補。

魏州冠氏人也 「冠氏」原作「寇氏」,據劉本改。 按冠氏屬河北道魏州, 見新唐書卷三九地

理志。

3 左都押衙 「左」原作「在」,據殿本、劉本改。 影庫本批校云:「左都押衙、『左』訛『在』。」

並加右僕射

 Ξ

文進點閱兵籍

「文」字原無、據殿本、劉本及冊府卷九三五補。

劉本同。殿本「並」作「邠」。

公 小有忤旨 「忤」原作「忭」,據殿本、劉本改。

售五代史卷一百八

漢書十

列 傳第五

字也。 冠, 繇是擢爲興聖宮巡官,獨掌奏記。 理合宜,李侍御起草,未能盡善。」呂曰:「公試代爲之。」呂得崧所作,示盧質、馮道,皆稱之, 見其起草不工,密謂掌事呂柔曰:「令公皇子,天下膽望,至於尺牘往來,章表論列,稍須文 作「大醜」,今改正。(影庫本粘籤)形奇氣異,前途應不居徒勞之地,賴吾兄誨激之。」大醜即崧之小 本府署爲參軍。 李崧,深州饒陽人。 同光初,魏王繼岌爲興聖宮使,兼領鎭州節鉞,崧以參軍從事。 其父嘗謂宗人李鏻曰:「大醜生處, 父舜卿,本州錄事參軍。 莊宗入洛,授太常寺協律郎 大醜,原本作「大魏」,考冊府元龜及歐陽史俱 時推官李薨掌書,松

王師伐蜀,繼岌爲都統,以崧掌書記。蜀平,樞密使郭崇韜爲宦官誣搆,繼岌遂殺崇韜 漢 書 + 列 傳 第 五. 四九

梯,取 書 里。 還,繼岌死於道,慰至京師。 五. 千 郞 ,充職 ,外尙 服 里, 黄 闋 紙 無咫 |鎭 未 如 矯 加范 寫 尺 故 知 書 詔 長 延 書, 詔 崧白繼岌曰:「王何爲作此危事, 興 光奏署掌書 ",便殺 倒使都 明宗革命,任圜以宰相 末, 改 重臣,非謀 翰 統印發之。 林學 記。延光爲樞密使, 士。 世。 清泰 翌日, 繼岌曰:「吾亦悔之。」」崧 判三司,用崧爲 初,拜端 告諸 至於不容崇韜,至洛誅之未 拜拾遺,直樞 軍,軍情稍定。 明殿 學士、戶 鹽鐵推 密 部侍 院, 官, 及自 召書吏三四人, 賜緋。 遷補 郎 1蜀還, 闕 Ţ 晚。 案歐陽史: 內 起 艱,歸 居 登樓 今懸 [郎、尙 去 鄉 軍 師

|榮 小 怒其 尖。」蓋感之深 中使促之,衆乃從其議。 位、聳立 軌 未 先 是, · 奏, 請 懇 :日:「朝 范 求 長 延光、 興三 外任,深有 也 年冬, 廷 趙 重兵 延壽等無對,退歸本院, 北門之望。 契丹入雲中,朝廷欲命 多 翌 日 在 , 北 晉祖旣受太原之命, 邊,須以 而 大臣以晉高 重 臣 爲 共議 重 帥, 蔣鎭 旭 其事, 以某 使心腹達意於|松云:「壘浮 方權兵 太原, (所見) 方欲 柄 時晉祖 非石 以 康 太 義 難 爲 尉 誠 六軍 以 不 爲 議 口 之。 之。 副 也。 使, 時崧最 圖 | 會明宗 以秦王 須 日 人與合却 明宗 在 從 令 F

歸中書,加尚書右僕射。 部 踰 及 月, 清 拜中 泰末,晉祖 書侍 郎 入洛 、同平章 從幸料,丁外艱,恩制起復,松上章數四,懇辭其命,優詔 與呂琦 事 , 興 桑 俱 維 鼠 巡 置於伊 翰 並 兼 樞 闕 民 密 使。 維 旬 日 翰 鎭 晉高祖 相 州 未 召 幾, 爲 戶 廢 部 樞 侍 不允。 密 郞 剉 復 后

使。 代維翰爲樞密使,與馮玉對掌機密。 上章,不報,崧不得已而視事。晉少帝嗣位,復用桑維翰爲樞密使, 其姦謀。 契丹主嘗謂左右曰:「我破南朝,祇得李崧一人而已。」從契丹北行,留於鎭州 契丹入京師,趙延壽、張礪素稱崧之才,契丹主善遇之,以崧爲太子太師,充樞密 開運末,嚴、玉信契丹之詐,經略瀛、鄭, 命崧兼判三司。 中渡之敗,落 未幾,

問:「漢相李崧蠟彈書結契丹〔三〕,有記其辭者否?」溥曰:「使崧有此,肯示人耶?蘇逢吉輩陷之爾。」是逢吉等陷崧, 以宅券獻蘇逢吉,不悅。上弟嶼、嶬,酣酒無識,與楊邪、蘇逢吉子弟杯酒之間,時言及奪 宽之)。 案東都事略陶穀傳: 穀性傾險巧詆,其進緣李崧, 崧之死, 穀自謂有力焉。又案宋史陶穀傳: 李崧以宅券獻逢 我居第,逢吉知之。有部曲葛延遇者,逋李嶼船傭,嶼撻之,督其所負,遇有同輩李澄亦事 謂其通契丹也。《舊五代史考異》逢吉覽狀示史弘肇,其日逢吉遣吏召崧至第,從容語及葛延遇告 告變,言崧與其甥王凝謀因山陵放火焚京師,又以蠟丸書通守貞。 逢吉,葛延遇夜寄宿於澄家,以嶼見督情告, 逐麻答,崧與馮道、和凝十數人歸闕,授太子太傅。 ;自古未有不亡之國,不死之人。」及爲吏所鞫,乃自誣伏罪,舉家遇害,少長悉尸於市,人士 變之事,濕以幼女爲託,逢吉遣吏送於侍衞獄。 高祖平汴、洛,乃以崧之居第賜蘇逢吉,第中宿藏之物,皆爲逢吉所有。 案歐陽史:是時,高祖將葬睿陵,河中李守貞反,澄乃教延遇 旣行,案歐陽史:乘馬,從者去,無一人。 崧志曰: 遂一夕通謀告變。 崧對朝之權右、謙挹承顏、未嘗忤旨。嘗 案東都事略王溥傳: 其年秋, 世宗 鎭州 叉 嘗

漢

他,聞 **一言,逢吉不悦**,而 崧子弟 數出怨 十,尙淹州縣之職。詔授溪著作佐郎,後官至資善大夫。(舊五代史考異) 誅,至宋,其子璨自蘇州常熟縣令赴調,昉爲訟其父冤,且言周太祖已爲昭雪, 聞之汗出。(舊五代史考異)松與徐台符同學相善,乾祐三年秋, 子 卷一萬三百九十。 於帝矣。」及蘇、史之誅,並梟首於市,當崧所誅之地。未幾,葛延遇、李澄亦以戮死。 惟 陶給事往往于 稠人中厚誣叔 案宋史李昉傳:晉侍中崧,與昉同宗且同里,時人謂崧爲「東李家」, 言,崧懼,移疾不出。 父。 族子昉, 判官, 嘗往候崧, 吾取 曰:「遠從叔耳。」瀔曰:「李氏之禍, 崧語防曰:「邇來朝廷于我有 為集賢校 台符夢崧謂曰:「予之冤橫 贈官, 理, 還其田宅, 不數年 雅学部 防爲「西李」。 錄璨而 命, 何 官之。 議? 穀 吾何 漢末, 띮 永樂大典 |防日:「無 然璨幾五 カ 負 焉。」助 子 得請 崧被 陶

見,惟逢吉日侍左右。 逢吉粗學援毫,性 文、嘗代父染翰。 醪 終日。 有頃 蘇逢 ′; 擢 佗 一吉,長安人。 父悦,逢吉母早喪,而悅鰥居,旁無侍者。 人供膳,皆不稱旨,俟逢吉庖炙,方肯下筯。 爲 省 佐, 復 悦嘗爲高祖從事,甚見禮遇,因從容薦逢吉曰:「老夫耄矣,才器無取。 |恭恪,如公不以純犬之微,願令事左右。」|高祖召見,以神精爽惠, 凡有謀議,立侍其側。 兩使文簿,堆案盈几,左右不敢輒通,逢吉置於懷袖,俟其悅色則諮 高 祖 素嚴毅,及鎭太原,位望崇重,從事稀得 悦初仕蜀,官升朝列,逢吉初學爲 性嗜酒,雖所飲不多,然漱 甚憐 謁 男

之,多見其可。

怒,罷濤相,勒歸私第,時論疑濤承逢吉之風旨。 逢吉論甥舅之契,相得甚歡,濤之入相,逢吉甚有力焉。 重威於鄴下,數乘醉抵辱周太祖。 容侍帝,言及霸府二相,官秩未崇,逢吉旋加吏部尚書,未幾,轉左僕射,監脩國史。 庶務,逢吉以爲已任,參決處置,並出胸臆,雖有當有否,而事無留滯。 祖 建號於太原, 逢吉自節度判官拜同平章事、集賢殿大學士。 及高祖大漸,與楊邠、史弘肇等臥內同受顧命。 會濤上章,請出兩樞密爲方鎭,帝 車駕至汴, 會翰林學士李濤從 朝廷百一 從征杜 李濤與

楊邪爲相,稍奪二蘇之權,自是盡斂手而已。別每懲二蘇之失,艱於除拜,至於諸司補吏, 敢言者。逢吉尤貪財貨,無所顧避,求進之士,稍有物力者,即遣人微露風旨,許以美秩。及 情,至有自白丁而升宦路、由流外而除令錄者,不可勝數,物論紛然。 與門胄出身,一切停罷,時論以邠之蔽,固亦由逢吉、禹珪本不能至公於物之所致 先是,高祖踐祚之後,逢吉與蘇禹珪俱在中書,有所除拜,多違舊制,用捨升降,率意任 高祖方倚信二相,莫 也。

時出怨言,未幾,崧以西京宅券獻於逢吉,不悅。會崧有僕夫欲誣告謀反,逢吉誘致其狀, 珪, 崧於西洛有別業, 亦爲逢吉所有。及眞定逐契丹, 崧、道歸朝。 初,高祖至汴,以故相馮道、李崧爲契丹所俘,竚於眞定,乃以崧第賜逢吉, 松弟嶼以逢吉占據其第, 道第賜禹

偀 書

+

令柔盡殺平陰縣十七村民,平陰,原本作「手除」,今從通鑑改正。(影庫本粘籤) 良由 猶非王法,鄰保同罪,不亦甚乎。」逢吉堅以爲是,竟去「全族」二字。 意云:「應有賊盜,其本家及四鄰同保人,並仰所在全族處斬。」或謂逢吉曰:「爲盜者族誅, 時人寃之,歸咎於逢吉。 告是實。」蓋自誣之辭也。逢吉仍以筆添注「二十人」字爲「五十人」,封下有司, 上,其李嶼款招云:「與兄崧、弟義,與家僮二十人商議,比至山陵發引之時,同放火謀亂,其 卽 福祐,逢吉盡殺禁囚以報。及執朝政,尤愛刑戮。朝廷患諸處盜賊,遣使捕逐,逢吉自草詔 告史弘肇,令逮捕其家。 逢吉深文好殺,從高祖在太原時,嘗因事,高祖命逢吉靜獄,以祈 逢吉遣直省吏召崧至第,即令監至侍衞獄。 時有鄆州捕賊使臣張 翌日,所司以獄辭 此也。 盡 誅崧家。

者,皆令齎送綾羅絹帛,以備縞素,失禮違度,一至如此。又性不拘名教,繼母死不行服, 樂,以召權貴,所費千餘緡。其妻武氏卒,葬送甚盛,班行官及外州節制,有與逢吉相款洽 妻死未周,其子並授官秩。有庶兄自外至,不白逢吉,便見諸子,逢吉怒,且懼他日凌弱其 逢吉性侈靡,好鮮衣美食,中書公膳,鄙而不食,私庖供饌,務盡甘珍,嘗於私第大張酒

否?」逢吉奏白:「樞密之任,方鎭帶之非便。」史弘肇曰:「兼帶樞密,所冀諸軍稟畏。」 竟從 乾祐二年秋, 加守司空。周太祖之將鎭鄴也,逢吉奏請落樞密使,隱帝曰:「有前例 子息,乃密白高祖,誣以他事杖殺之。

中輟。人問其故,逢吉曰:「苟領一方鎮,祇消得史公一處分,處分,原本作「虛分」。考通鑑云:逢 便耶 逢吉不校,幾至毆擊,逢吉馳馬而歸,自是將相失歡。逢吉欲希外任,以紓弘肇之怒,旣而 弘肇之議。 !」事雖不從,物議多之。居無何,王章張飮,會逢吉與史弘肇有謔言,大爲弘肇所詬, 弘肇怨逢吉之異己,逢吉曰:「此國家之事也,且以內制外則順,以外制內豈得

吉欲求外鎭以避之,既而中止曰:「吾去朝廷,止煩史公一處分,吾齏粉矣。」今改正。(影庫本粘籤) 則爲齏粉矣。」 其梟首之所,適當李崧冤死之地。廣順初,詔就西京賜其子莊宅各一區。泳樂大典卷二千三百 周太祖自鄴至汴,官軍敗於劉子陂,是夕逢吉宿於七里郊,與同舍痛飲,醉將自刎,左右止 之東,謂天官正王處訥曰:「夜來就枕未瞑,已見李崧在傍,生人與死人相接,無吉事也。」及 急,逢吉謂人曰:「蕭牆之變,太覺匆遽,主上若有一言見問,必不至是矣。」數夕宿於金祥殿 始選授鳳翔麟遊縣令。 預其謀,聞變驚駭,卽受宣徽,權知樞密院事。 尋令草制正授,制入,聞鄴兵至澶州乃止。事 至曙,與隱帝同抵民舍,遂自殺。周太祖定京城,與聶文進等同梟於北市,釋其家族。 李業輩惡弘肇、楊邪等,逢吉知之,每見業等,即微以言激怒之。及弘肇等被害,逢吉不 未幾,契丹南侵,高祖仗順而起,兵不血刃而天下定,逢吉以佐命功,自掌書記拜中書侍郎、平章事。逾年,廷敏 五代史補: 過堂之日,逢吉戲之,且撫所坐椅子曰:「合是長官坐,何故讓與鄙夫耶?」廷敏遂慚悚而退。 ··高祖在河東幕府,闕書記,朝廷除前進士丘廷敏爲之,以高祖有異志,恐爲所累,辭疾不赴,遂改

漢

壻爲夏州刺史,陽封還制書,詔曰:「殷少失所親,若非楚國夫人鞠養, 李鏻,唐宗屬也。 **父**|泊, 韶州刺史。伯父湯, 咸通中爲給事中。 懿宗除乳母楚國夫人 則無朕此身,雖

典,望卿放下,仍今後不得援以爲例。」陽乃奉韶,其諒直

如如

此

卿,俄兼工部侍郎。常山有唐啓運陵,鳞受富民李守恭賂,署爲陵臺令。 宗問其故,對曰:「此輩生於常山,稟勃亂之氣,不可留也。」莊宗笑而止。 狀,莊宗嘉之。及常山平,以鱗爲霸府支使。 綠被緋,入常山謁要人李弘規,以宗姓請兄事之,由是得進。 所訴,按之以聞,

鱗左授司農少卿,削金紫,未幾,出爲

河府副使 鳞少舉進士,累舉不第,客游河朔,稱淸海軍掌書記, 德明使鳞聘於唐莊宗,鳞密疏德明之罪,且言可圖之 嘗從容請於<u>莊宗曰:「</u>鱗有四子,請誅之。」 莊 謁定州王處直, 案歐陽史云: 鳞爲人利口敢言。 守恭暴橫,爲長吏 不見禮。 同光初, 授宗正 鏻 即脫 趙

行,諸君安乎?」馮道、趙鳳每怒其僭。 從容謂時相曰:「唐祚中興,宜敦敍宗室,才高者合居相位。 上於藩邸 明宗即位,歷兵部、戶部侍郎,工部、戶部尚書。長興中,以與明宗有舊,常貯入相之意, 家代重侯累相,靖安李氏,不在諸族之下,論才較藝,何讓衆人,久置僕於朝 有頃,鳞因淮南細人言事,乃謂樞密使安重誨曰: 僕雖不才,曾事莊宗霸府,見今

中,遷太子太保。 淮南爲信, 「僞吳欲歸國久矣,若朝廷先遣使諭之,則旋踵而至矣。」重誨然之,以玉帶與細人,令往 有頃兼判太常卿事。 久而不反, 高祖至闕,授守司徒,數月而卒,年八十八。詔贈太傅。 由是出鳞爲兗州行軍司馬。 **嘗權典選部,銓綜失序,** 物論非之。晉天福中,守太子少保; 得代歸闕,復爲戶部尚書,尋轉兵部尙 永樂大典卷一萬三百 開運

宴 宗平河、洛, 徵爲司門員外郎, 以家貧乏養, 求爲興唐少尹。 室,乃客于河中,歲歸太原,館於馮道之家,監軍使張承業卽署敏爲巡官,典監軍奏記。 供 喪制 裨將,敏往依焉,知裕屢薦不調,敏丐游都邑累年。唐莊宗定魏博,敏聞故人馮道爲霸府記 鄕 在 《蒸歡。 養 禮據鄴城,以敏鄉人,強起令署事,又爲亂軍所迫,敏不敢拒。明年,在禮鎮浮陽,敏復居 里爲假掾。 二尊,朝夕無懈。 龍敏,字欲訥,欲訥,原本作「慾誨」,今從太平御覽改正。(影庫本粘籤)幽州永清人。少學爲儒,仕 服闋,除戶部郎中,改諫議大夫、御史中丞。時敏父咸式年七十,咸式之父年九十餘, 馮贇爲 劉守光不道,敏避地浮陽,會戴思遠渡河而南,乃從之。鄉人周知裕仕梁爲 北京 留守, 咸式以敏貴,得秘書監致仕。 奏敏爲副, | 贅入掌樞機, 敏爲吏部侍郎。 敏爲兵部侍郎,奉使幽州,鄉里耆舊留 踰年,丁母喪,退居鄴下, 會趙

得默 親將 入。(影 東丹王 之曰:「龍敏之心極壯,用之晚矣。」人亦以爲大言, 等 云 位 拙,所長 有 「如聞 幽 震主, 異圖 則萬金 李懿 閉, 默苟全耶 庫本 駕 李 姦以謀 前 者守城砦、 爲 粘 案 **贊** 陳州 馬僅 籤) 知 華 、朝廷援兵近遠,若知 通鑑作前鄭州防禦使李懿。(舊五代史考異) 取幽州 刺 路 身乎 史。 有 出 五 、嬰壕 懿 Щ 胡三省云: 千 ! 因籌: 路 匹, 僕 夜 趨 塹、 冒 有狂策,不知濟否, 西樓, 德鈞必破蕃軍之狀, 請於其間 篤勵健兒耳 敵騎,循 萬金,當時勇將也。(舊五代史考異) 契丹主必有北 大軍 山 選擇壯 在 入大砦,千騎之內, ! 團柏谷中,有鐵 若見大敵,奮不顧 馬精 苟能 敏 顧之患。」末帝然之,而不能用。 日:「君連姻帝戚、社稷之危, 甲健夫 曰:「僕燕 必行, 然其慷慨感激, 千人,僕願得與郞萬金 障亦 由 亦救寨之一術也。」 得其 介休 人也, 身,摧堅 可 半 衝 介休, 濟, 語趙德鈞之爲 皆此 踏 下陷陣, 則砦無 况 原本脱「介」字, 類 敵 也 必不能 騎 懿 不 虞 乎 請言之, 矣。 二人 敏 人, 俟 矣。 又謂 今據通鑑增 翘足, 膽小 末帝聞 張 案. 況名 敬 末 謀

書。 使越 案, 歐陽史作遷工部侍郎。(舊五代史考異) 晉 祖 受命,敏以本官判戶部,遷尙書左丞。 先是, 朝臣 將 命 必拜 起於浙 乾祐元年春,疽發於背,聞高祖晏駕,乃扶病於私第, 帥, 敏 至, Ţ 父憂,服闋,復本官, 抗 揖 而 已, 識者多之。 遷 使還, 常 卿 開 一部尙

人,撫之如一。性若寬易,而典選曹按吏有風稜,人稱爲能。 拜諫議大夫,卒年五十五。鼎善交游,能談笑。居家仁孝,事繼母趙氏甚謹,異母昆仲凡七 外郎出爲渾州廉判,入爲刑部郎中,充鹽鐵判官, 爲「豢龍劉家」。 召崇用之,歷殿中監、商州刺史。崇之母撫梁祖有恩,梁氏號爲「國婆」,徐、宋之民謂崇家 劉鼎,字公度,徐州蕭縣人。 鼎起家爲大理評事,歷尙書博士、殿中侍御史、起居郎。 祖泰,蕭縣令。父崇,梁太祖微時,常傭力崇家,及卽位, 改吏部郎中兼侍御史知雜事。 清泰中,自吏部員 乾祐初,

子衮、登進士第、文彩遒雋、仕周爲左拾遺、直史館、早卒。 永樂大典卷九千九十九。

記,入爲監察御史,歷右補闕、起居舍人,充弘文館直學士、水部員外郞、知制誥。 淸泰初,皇 **籤**) 鎭、冀平,宥之,留於鄴,署本府功曹。 子重美爲河南尹,典六軍諸衞事,時朝廷選擇參佐,以允剛介,改給事中,充六軍判官。 **允隨文禮子處瑾請降於鄴,不許,與處瑾並繫於獄。 張允,鎭州東鹿人。 父徵。 尤幼學爲儒,仕本州爲參軍。** 趙在禮嬰城叛,署節度推官,從歷滄、兗二鎭 處瑾,原本作「處謹」,今從歐陽史改正。(影庫本粘 張文禮之據州叛,莊宗致討,

漢

罷職, 轉左散騎常侍。

勝其禍 明哉 乎? 水旱, 欲,務勤儉,恤鰥寡,正刑罰,不濫捨有罪,不僭殺無辜,使美化行於下,聖德聞於上,則雖有 災爲福,則又是天助其惡民也。 赦,必赦我以救災,如此卽是國家教民爲惡也。且天道福善禍淫,若以捨爲惡之人,而便 有二人訟,一有罪,一無罪,若有罪者見捨,則無罪者銜寃,銜寃者彼何疏,見捨者此何親 竊觀自古帝王,皆以水旱則降德音而宥過,開狴牢以放囚,冀感天心以救其災者,非也 性願陛下無爲赦耳。』如是者何?蓋行赦不以爲恩,不行赦亦不以爲無恩,爲罰 如此則是致災之道,非救災之術也。自此小民遇天災則喜,皆相勸爲惡, 曰國家好行 晉 亦不爲沴矣(三)。豈以濫捨有罪,而反能救其災乎?彰其德乎?是知赦之不可行也 」帝覽而嘉之,降詔獎飾,仍付史館 天福初,允以國朝頻有肆赦,乃進駮赦論,曰:「管子云: 『凡赦者小利而大害,久而不 無赦者小害而大利,久而不勝其福。』又,漢紀云:『吳漢疾篤,帝問所欲 細而宪之,必不然矣。 儻或天降之災,蓋欲警誠人主, 有罪: 故 對 節嗜 也。

契丹 怒,欲黜爲縣令。 入京城、落職守本官。 五 遷禮 趙延壽曰:「學士不稱職而求解者、罷之可也。」得不黜。 部侍郎,凡三典貢部,改御史中丞, 案東都事略劉温**叟**傳: 契丹入京師, 轉兵部侍郎、知制誥,充翰林學士承旨。 温叟懼隨契丹北徙,與承旨張允求去職。 乾祐初,授吏部侍郎。 自誅史弘 契丹

肇後,京城士庶,連甍恐悚,允每朝退,即宿於相國寺僧舍。及北軍入京師,允匿於佛殿藻井

之上,墜屋而卒,時年六十五。

子鸞,仕皇朝爲太常少卿。泳樂大典卷六千三百五十一。

時有山 皓於鱗州。 也。 之,冤枉之聲,聞於行路。高祖即位,累官至殿中監,恃寵使氣,人望而畏之,雖宰輔之 本業請見,高祖甚加禮遇。晉天福初,延皓授太原掾,尋改交城、文水令,皆高祖慰薦之力 重,延皓視之蔑如也。 延皓知之。 高祖鎭太原,延皓多言外事,出入無間,高祖左右皆憚之。在文水聚斂財賄,民欲陳訴, 任延皓,幷州人也。 泳樂大典卷九千三百五十一。 尚僧謂劉崇曰:「魏王葬地不吉,恐有重喪。」未幾,高祖崩,崇以僧言奏之,乃配流延 路由文水,市民擲瓦毆駡甚衆,吏人救之僅免。旣至貶所,劉崇令人殺之,籍沒 劉崇在河東,常日切齒。及魏王承訓薨,歸葬太原,令延皓擇葬地, 業術數風雲之事。晉高祖在太原重圍時,高祖最爲親要,延皓以

史臣曰:李崧仕唐、晉之兩朝,聳伊、阜之重望,考其器業,無忝台衡。 漢 書 + 列 傳 第 五 校 勘 記 會多僻之朝,被

參夷之戮(四),人之不幸,天亦難忱。 李崧之冤血未銷,逢吉之梟首斯至,冥報之事,安可忽諸!自字鳞而下,凡數君子者,皆踐 履朝行,彰施帝載,國華邦直,斯焉在哉!惟延皓之醜行,宜乎不得其死矣。泳樂沃典卷九千三 逢吉秉蛇虺之心,竊變、龍之位,殺人不忌,與國俱亡。

校勘記

百五十一。

(二) 方權 兵柄 劉本同。 殿本「權」作「握」。影庫本批校云:「權兵柄、『權』應作『握』。」

漢相李崧 「相」原作「祖」,據殿本、劉本及東都事略卷一八王溥傳改。

[三] 亦不爲沴矣 「沴」原作「殄」,據殿本、劉本改。

參夷之戮 卷二三刑法志云:「造參夷之誅。」顏師古注云:「參夷,夷三族。」殿本、劉本及影庫本批校所云均 盧本同。 殿本、劉本「參」作「慘」。影庫本批校云:「參夷之『參』,應作『慘』。」按漢書

戬

舊五代史卷 一百九

漢書十一

列傳第六

湾(異) 天福 光於鄴城,改許州節度使,兼侍衞親軍馬步軍副指揮使,尋加同平章事。 **隱史改正。(影庫本粘籤)晉高祖遣重威與侯益率衆破之,以功授潞州節度使。** 使。 斬重榮首傳於闕下,授成德軍節度使。 遷侍衞親軍馬步軍都指揮使。 杜重 及鎭州安重榮稱兵向闕,命重威禦之,敗重榮於宗城。重榮奔據常山,重威尋拔其城, 初,命重威典禁軍,遙授舒州刺史。二年,張從賓構亂,據汜水,汜水,原本作「汎水」,今從歐 重威少事明宗,自護聖軍校領防州刺史。 威,其先朔州人,近世徙家於太原。 案通鑑云:馮道、李崧屢鷹重威之能,以爲都指揮使,充隨駕御營使。〈舊五代史 所得重榮家財及常山公帑,悉歸於己,晉高祖知而 其妻即晉高祖妹也二了,累封宋國大長公主。 祖興,振武牙將。 **父堆金,事唐武皇爲先鋒** 未幾,移鎭鄆州, 與楊光遠降范延

漢

不 日:「人言 問 我驅盡 至鎭 ,復重斂 |百姓,何市人之多也!」(舊五代史考異 於民,稅外加賦,境內苦之。 案通鑑云: 重威所至黷貨、民多逃亡, 嘗出過市,謂左右

欽祚 逐無 彦澤等] 無 本作「險城」, 生 備 皷 ",然亦 留意 先是, 、之境, 就就 ·泰州 一受屠 曰:「我非反 少帝嗣 本州 引 13%,重 軍 今從薛史晉少帝紀改正。(影庫本粘籤) 重威 連上 重威 满 無如之何,即以馬全節代之, · 四 出, 位,與 和 城 市,重威私 威 於 表乞歸朝,不俟報 但登陴注目 逐城。 逆,安得籍沒 州 敵衆大潰,諸將欲追之,重威曰:「逢賊得命, 任居方面 契丹絕好, 內括 契丹主自古北 第有 借錢帛, 略無邀取 契丹主連 未嘗以一 耶 粟十餘萬斛,遂錄之以聞。 吏民 卽 時 上路。 之意。 **、**大被其苦,人情咸 年伐晉, 士 口 重威尋授鄴 爲契丹所困。 迴 軍 騎救之。 , 開運 朝廷以邊上重鎮, 追躡王 重威但閉壁 元年 都留守。 每敵 師, 秋, 會大風 怨,重以境內凋弊, 朝 重 騎 加北 自守。 廷給絹數萬 數十 威 會鎭 狂猛, 更望 等 面 主 驅 狼 行營招 州 部內城 帥 漢 福 狽 擅 軍食不 軍情憤 乎 而旋, 人 離, 匹,償其粟直。 千. 1 討 邑相繼 苟有奔衝 萬 繼 十室 使。 激, 至 遂 .過 一遭殿 陽城, 收 符彦卿 城 九空, 一破陷, 二年,領大 軍 中 馳 陽 監 慮失 重 如入 城 原原 境 王 常

與契丹接戰,漢璋死焉。 一年冬, 晉少帝詔 重威與李守貞等率師 重威卽時命迴軍,次武強、聞契丹主南下, 經略瀛 鄚 師 至 瀛州 乃西趨鎭州,至中渡橋 城下,晉騎 將梁漢 漳進

鑑改正。(影庫本粘籤)軍士解甲, 袍以示諸軍,尋僞 然,以上將旣變,乃俛首聽命,遂連署降表,令中門使高勳齎送敵帳, 許以中原帝之,重威庸暗,深以爲信。 時 與契丹夾滹水而營。 契丹游軍已至灓城,道路隔絕,人情危蹙, 加守太傅,鄴都留守如故。 十二月八日,宋彥筠、王淸等率數千人渡滹淹,陣於北岸,爲敵所破。 舉聲慟哭。 日, 是日,有大霧起於降軍之上。 伏甲於內,召諸將會,告以降敵之意, 重威密遣人詣敵帳,潛布腹心。 中門,原本作「入門」,今從通 契丹主使重威衣赭 契丹主大悦, 諸將愕

主笑而 下, 與李守貞各萬緡。 |威每出入 重威與妻石氏詣牙帳貢獻 契丹主南行,命重威部轄晉軍以從,旣至東京,駐晉軍於陳橋,士伍飢凍,不勝其苦。重 発之。 獨路,爲市民所詬,俛首而已。契丹下令括率京城錢帛,將相公私,雷 尋羣盜斷澶州浮梁,契戶乃遣重威歸藩。 乃告契丹主曰:「臣等以十萬漢軍降於皇帝,不免配借,臣所不甘。」契丹 m 迴。 明年三月,契丹主北去,至相州 同率配,重威 城

觀等 未幾, 討, 重威遣其子弘遂等告急於鎭州麻答,乞師救援,且以 高祖 鎮州諸軍逐麻答,楊袞至洺州 案: 歐陽史避私諱作陳同。(舊五代史考異) 車駕至闕,以 重威爲宋州節度使,加守太尉,重威懼,閉城拒命。 而迴。 齎韶入城,許其歸命,重威不納。 十月,高 祖 親 征, 弘遂爲質, 車駕至鄴城之下,遣給事 麻答遣蕃將楊袞赴之。 詔高行周 數日,高祖親率 率兵攻 中陳

漢

者甚 重創 見, 諸 許 其 軍 卽 衆,皆 攻 猶 如 日 力戦 人其 初。 制 壘,不克, 授檢校· 無 觀者壯之。 重 人色。 威 卽 太 造造其 (舊五代史考異) 主 至是,重威牙 師、守太傅、 師 子 傷夷者萬餘人。 弘遂 高組 將詣 兼中 妻石 書令。 氏 駐 行 出候 宮請降, 案宋史杜漢徽傳云:從高行周討杜重威于鄴城,屢 軍 數旬, 高 鄴 祖 城 復遣節 城中 主 , 重 庶, 殍殕者 威 糧 繼 盡 度 踵出 判官王敏 ,屑麴餅以 降,素品 十之六七 奉表請罪 分給軍 服俟罪, 1; ,賜優 吏民 復其 爲流矢所 踰 衣 詔 壨 冠,賜 中,身被 敦 而 出

境, 死。 言其 師。 威私帑,分給將 朝 威 推 廷信誓,詔 剽略而 食 事 先是, **蹥等於城上揚言曰:「繁臺之誅,燕軍** 會高祖 了, 故張 解 衣, 去。高祖遣三司使王章、樞密副使郭威, 契丹遣 至 盡力站 許 璉等懼 闕,有上 **建等却歸本土。** 図 息。 死,與重威膠 州 指揮使張 變者,言燕 燕軍 驕悍, 璉, 及 固 軍 出 守城, 憑陵吏民,子女金帛, 謀 以部 降,盡誅璉等將數十 刻, 下軍二十餘 何罪 略 盡誅於繁臺之下, 無 ? 叛 旣 志。 錄 無 重威部下將吏盡誅之, 人屯鄴, 高祖 生 理,以死爲期 人,其什長已下 公行豪奪。 亦 咸稱 悔 時亦有燕 其前 其 寃。 失, 及 累令宣 軍 重 璉 有 放 一千五 威 逃 歸 籍其財 奔 請 軍 幽州 於鄴 命, 渝 在 百 重 產與重 許以 建等 邀 人在 將 者 中 出 京 漢 不 備 重

威 重威子弘璋、弘璉、弘珠誅之。 駕還宮,高祖 不 豫, 既而 大漸,顧命之際, 詔曰:「杜重威循貯禍心,未悛逆節,梟音不改, 謂近 臣 將 佐 日:「善防 重 威。 帝 崩, 虺性 遂 收 難 重

1十一 列傳第六

漢

候

五

淳謹,雖長,猶令與婢妾雜侍。 重威敗,周祖得之,以爲鐵騎都虞候。 重威之後寒餓,進常分俸以給,士大夫或媿焉。(舊 告,備驗姦期,旣負深恩,須置極法。 如常,仍與供給。」重威父子已誅,陳尸於通衢, 昨朕小有不安,罷朝數日,而重威父子潛肆兇言,怨謗大朝,扇惑小輩。 其杜重威父子並處斬,所有晉朝公主及外親族,一切 案隆平集:黨進,幼爲天雄軍節度使杜重威奴,重威愛其 今則顯有陳

五代史考異) 都人聚觀者詬駡蹴擊,軍吏不能禁,屍首狼籍,斯須而

弘璉, 重威之子也, 累官至陳州刺史。 泳樂大典卷一萬四千七百三十。

使,未幾,改侍衞都虞候。 開運元年春,契丹犯澶、魏,少帝幸澶州,契丹遣將麻答以奇兵由 <u>鄆州馬家口濟河,立栅於東岸,守貞率師自澶州馳赴之。契丹大敗,溺死者數千人,獲馬</u> 節討之,守貞監護其軍,賊平,以守貞爲宣徽使。少帝卽位,授滑州節度兼侍衞馬軍都指揮 鎭,皆從之。及卽位,累遷至客省使。 匹,偏裨七十餘人。有頃,敵退。 李守貞,河陽人也。 少桀點落魄,事本郡爲牙將。 天福中,李金全以安州叛,淮夷入寇,晉高祖命馬全 晉少帝還京,以守貞爲兗州節度使,依前侍衞都虞 晉高祖鎭河陽, 用爲典客, 後移數

月,以守貞爲靑州行營都部署,率兵二萬東討楊光遠,命符彥卿爲副。 十一月,光遠

營、以廣其第,大興土木,治之歲餘,爲京師之甲,行幸賜宴,恩禮無比 守貞頭,懸於樹以詛之。 賜、守貞盡以黦茶、染木、薑藥之類分給之,軍中大怒,乃以帛包所得物, 隍,必降德音,洗滌瑕穢。 孔目官吏宋顏者,盡以光遠財寶、名姬、善馬告於守貞,得之置於帳下。 子承勳等乞降, 或有告宋顏匿於守貞處者,朝廷取而殺之,守貞由是怨維翰。 承勳,原本作「丞動」,今從通鑑改正。(影庫本粘籤) 守貞班師, 時樞密使桑維翰以光遠同惡數十輩潛竄未出,搜索甚急, 加同平章事,以楊光遠東京第賜之。 守貞入城,害光遠於別第。 時行營將士所給賞 如人首級, 近 守貞因取連宅軍 例, 官軍 光遠有 故 目之爲 克 復城 制

率臣 獲 以守貞爲 |貞 鄭 勳 李 州 李崧 舊 運二年春,契丹以全軍南下,前鋒至相州陽陰縣,詔守貞屯滑州。 崧 刺 [德爲 ·侍衞副都指揮使,移鎭宋州,加檢校太師。三年春(三,詔守貞率師巡邊,至衡水, [行營都監,與招討使|杜重威北伐,洎獲陽城之捷,遂收軍而還。 史趙思英而還。 加 事分疏遠,守貞 侍中,守貞謂樞密使直學士殷鵬曰(三):「樞密何功,便加正相! 樞密使,守貞位望素處其下,每憚之,與李彥韜、馮玉輩協力排斥,維翰竟罷 居無何,代高行周爲侍衞親軍都指揮使,移鎭鄆州,意頗觖望。會 得以凌蔑。 少帝再幸澶州,守 四月, 車駕還京, 」先是,桑維翰

其年夏,契丹寇邊,以守貞爲北面行營都部署。 少帝開曲宴於內殿,以寵其行,敎坊伶 漢書十一 列傳第六

甚恐,乃命諸帥各歸本鎮,守貞遂赴汝陽。 入揚揚,市人詬之,略無慚色。 徒,依前鄆州節度使,從契丹至汴。 南,未幾,敵騎潛渡至欒城,斷我糧路,尋則王淸戰死,杜重威遂與守貞歸命契丹,授守貞 節度使梁漢璋爲蕃將高牟翰所敗回, 每於帝前稱舉,請委征討之柄。至是,守貞、重威等會兵於鄴,遂趨瀛州,瀛州不應。貝州 馬都監,知幽州行府事。先是,守貞領兵再由鄴都,杜重威厚加贈遺,曲意承迎,守貞悅之, 旣而率兵至定州北,與契丹偏師遇,斬其將解里而還。 師遂還。 史僞降於少帝,請發大軍應接,朝廷信之。十月,詔杜重威爲北面行營招討使,以守貞爲兵 人獻語云:「天子不須憂北寇,守貞面上管幽州。」旣罷,守貞有自負之色,以其言誇詫於外。 居無何、高祖晏駕、杜重威被誅、守貞愈不自安、乃潛畜異計。 師至深州,聞契丹大至,乃西趨鎭州,至滹沲之中渡,與敵相遇。官軍營於滹水之 有頃,河北及京東草寇大起,澶州浮橋爲羣賊所斷, 時京輦之下,契丹充斥,都人士庶,若在塗炭。 梁漢璋,原本作「澣漳」,今從歐陽史改正。(影庫本粘籤)死之,王 高祖入汴,守貞懼而來朝,授守貞太保,移鎭河 九月,加兼侍中。 會契丹遣瀛州刺 契丹主 出

鑑云:浚儀人趙修己,素善術數,自守貞鎭滑州,署司戶參軍,累從移鎭。爲守貞言:「時命不可妄動。」前後切諫非一,守 新造,嗣君纔立,自謂舉無遺策。又有僧總倫者,以占術干守貞,謂守貞有人君之位。案通 乾祐元年三月,先致書於權臣,布求保證,而完城郭,繕甲兵,晝夜不息。守貞以漢室

李守貞 之,左 貞不聽,乃稱疾歸 **選** 傷。 關,爲郭從義所破。(舊五代史考異)朝廷命白文珂、常思等領兵問罪,復遣 時人事合符於己,乃潛給草賊,令所在竊發,遣兵據潼關 石以 使 初 因宴會將佐 野災變, 推 旣 守貞 拒 案馬 案宋史馬全義傳:李守貞鎭河中(六),召置帳下。 奉,守貞乃自號秦王,思綰、景崇皆受守貞署置。 出 右 守貞以諸軍多曾隸於麾下, m 貪而 兵五千 外軍 ī 拜 賀 俟 城中糧盡,殺人爲食,召總倫詰其休咎, 令 南唐書朱元傳: '磨滅將盡,存留一人一騎,卽王鵲起之際也。」守貞深以爲信。 無謀,性多忌刻, 餘, 守貞 礟 里。(舊五代史考異) 守貞 設梯橋 等子不可得,無何,上游汎一筏至,其木悉可爲礮竿,守貞以爲神助。 執弧矢,遙指一虎舐掌圖曰"「我若有非常之事,當中虎舌。」引弓一發中 亦自負焉。 ,分五路于長連城西北以禦周祖。 守貞以河中反,漢命周太祖討之,元與李平奉守貞表來乞師,未復而守貞敗。《舊五代史考 全義累爲畫策, 未幾,趙思縮以京兆叛,遣使奉表送御衣於守貞,守貞自謂天 案宋史吳虔裕傳: 自謂素得軍情, 皆不能用。(舊五代史考異) 及守貞叛, 周祖討三叛,以虔裕爲河中行營都監,率護聖諸軍五千 周祖令虔裕率大軍横擊之,蒲人敗走〔十〕,奪其梯橋, 總倫至曰:「王自有天分,人不能奪。 坐俟叩城迎己(至), 周主討之, 又遣人齎蠟彈於吳、蜀、契丹,以求應 俄而王景崇據岐下, 案宋史王繼勳傳:李守貞之叛,令繼勳據潼 全義每率敢 樞密使郭威 死士夜 及軍 洎攻城,守貞欲發 出攻周 士詬躁, 與趙 西征 祖 壘 思紹遣 大 以往 多所 然分 失所 官 又嘗 軍 殾 殺

劉芮 受俘 人貴賤. 王 官 城陷,后 師 軍 張 馘 入 攻 一,守貞 永樂大典 及 獨 宣言 城 城 周 冤 延 愈急 光 舉 嗣 露 於煙 族 卷 周 遜 布 加 悉令術士聽之,獨 劉 以西砦降, 守貞 爲 萬三百九十。 中獲其屍,斷其首 ,百僚稱賀 世宗娶之,顯德中,册 裕 乃潛 、僧總倫 於 周光遜, 言后大富貴 衙署多積薪 禮畢, 五代史闕文: 靖珠 原本作「沉遜」,今從通鑑改正。(影庫本粘籤) 爲 函之, 以俘 后。 常母 張 臣以 球 馘 丼獲數子二女, 芻, 符后先適河中節度使李守貞之子崇訓 儀天下。 謂術士之言, 徇於都城,守貞首 王廷秀、焦文傑、安在欽等並 爲自焚之計。 守貞信之,因 蓋亦有時而 與其黨俱獻於 日:「吾婦 二年七月, 級 中, 泉於 和 尚 爲 皇 日 人 君之位, 南 闕 其勢益窘, 城 市 后,吾可 守貞嘗得術 下。 磔 陷, 諸 安可無望而 於 子丼賊 舉家蹈 知也。」 西 隱帝 市 士、善 人情離散 御 逐謀 求, 火而 黨孫愿 餘皆斬 明德樓 :聽聲, 公侯其 叛。 死 及 知

朝請 挑 尹 捎 延 時 趙 覲, 趙 思縮等數 籍其部 思綰 贊以久事 魏府人也。 曲 待 百 契丹 人在 報赴 盡 付 常慮 焉。 闕, 於其 唐 留思縮等數百 同 思館等比是趙在禮御士,本不刺面, 國家終不 長 光末 子 贊 趙在 能容 思綰即其首領 禮之據魏城 人在京兆 乃與 鳳翔 也 侯 也, 會高 益謀, 高 思綰 加 祖定河、 遣 引蜀 隸于 王景崇等 景崇、 一兵爲 帳下, |洛, 齊藏珍 援,又令判官李恕入 趙贊 西赴 累從之。 自 鳳翔 既至京兆, 河 中移 行次京 京兆

誠之。

令文面,以防逋逸。 思維麤暴難制,不如殺之。」景崇不聽,但率之同赴鳳翔。 景崇微露風旨,思綰厲聲先請自刺,以率其下,景崇壯之。 藏珍竊言曰:

部下 軍士 之,告衆曰:「吞此至一千,卽膽氣無敵矣。」 案太平廣記: 守貞遣使齎偽詔授思綰晉昌軍節度使、檢校 面剖而膾之。(舊五代史考異) 攻其城,王師傷者甚衆,乃以長塹圍之,經年糧盡,遂殺人充食。 日,集城中丁壯得四千餘人,濬池隍,修樓櫓,旬浹之間,戰守皆備。 士十餘人,分衆守捉諸門。 「小太尉已入佗手,吾輩至, 已在城 扩 」旣行,至永興, 朝 無 廷聞之,遣供奉官王 兵仗,纔入西門,有州校坐門側,思綰遽奪其佩劍,卽斬之。 東安下、緣家屬在城、欲各將家今夜便宿城東。」 副使安友規、巡檢使喬守温出迎,于郊外離亭置酒。 思館劫庫兵以授之,遂據其城,時乾祐元年三月二十四 一盆部署思維等赴闕。 則倂死矣。」小太尉蓋謂趙贊也。 太尉。 思綰旣發,行至途中, 朝廷聞之,命郭從義、王峻帥 賊臣趙思綰自倡亂至敗,凡食人肝六十六,無不 守温等然之。 彦卿曰:「臨機制 思綰嘗對衆取 尋遣 其衆持白 人送款 謂其黨常彥卿曰: 思綰前 思縮等辭 挺殺守門 人膽以酒吞 變, 于 師伐之。及 曰:「部 E 河 子勿復 去, 中,李 世。 **32** 與

同言于思綰曰:「太尉比與國家無嫌,但負罪懼誅,遂爲急計。 年夏,食旣盡,思綰計無從出,時左聽衞上將軍致仕李肅寓居城 今朝廷三處用兵,一城未下, 一、因 與判官程 讓能

常

卿等五

白

餘

人並誅之。

案:宋史郭從義傳作三百餘人。(舊五代史考異)

案:宋史郭從義傳作從義繫書矢上,射入城中,說思綰令降,與薛史異。(舊五代史考異) 物賜之,前 校太保,以常彥卿爲號州刺 衆,公全家獲免。 迹,不能除 案洛陽搢紳舊聞記:太子少師李公肅: 太尉若翻然效順,率先歸命,以功補過,庶幾無患。若 :「趙思綰庸賤人, 李公時爲環衞將兼雅耀三白渠使、雅曜莊宅使〔八〕、節度副 後與錢物甚多。 去之也。」夫人曰:「既不能除去〔九〕,何妨以 終以計勸思館納款。(舊五代史考異) 及漢朝(10),公以上將軍告老歸獲。 公何與免其過?又何必見之乎? 史,遣內臣齎官告國信賜之。 ,唐末西京留守,齊王以女妻之。 小惠啖之,無使銜怨。」 思縮然之,即令讓能爲章表,遣牙將劉成琦入朝, 曰:「思館雖賤類, 未久,思綰過雅,遂閉門據雅城 使,權軍府事,護而脱 坐守窮城,端然待斃,則何貴於智也。 趙思綰在永興時,使主赴闕。 旣受命,遲留未發。 自後夫人密遣人令思綰之妻來參, 審觀其狀貌, 制授思綰 之, 來謝于李公。 叛, 眞亂臣賊子, 思綰主 衣冠之族, 華州留後、檢 郭從義、王峻 藍田 公歸 遭塗炭者 恨 副 厚以 未有 宅, [鎭,有 衣 夫 胺

從義入城 代史考異) 等籌之曰:「狼子野心,終不可用,留之必貽後悔耳! 至牙署,遣人召思綰曰:「太保登途,不暇出祖,對引一杯,便申仳別。」思綰至,則執之,遂 市,丼族其家。 [,]思綰謁見,郎遣武士執之,幷其黨斬于市。 思縮 臨刑,市人爭投瓦石以擊之,軍吏不能禁。 案東都事略郭從義傳云:思綰困甚,從義遣人誘之,佯許以華州節鉞。 是思綰本以誘降而伏誅, 」旣而從義、王峻等緩轡入城,陳列步 是日 非以其旣降復謀叛也 **丼部下叛黨新授號州** 思綰信之,遂開門送款 與薛史異。(舊江 刺

籍思縮家財,得二十餘萬

思綰問曰:「何以用刑?」告者曰:「立釘也。」思綰厲聲曰:「爲吾告郭公,吾死未足塞責, 貫,入於官。 按歐陽史: 思縮遲留不行,陰遣人入閩,郭威命從義圖之。 從義因入城召思綰,趣之上道,至則擒之。 然釘磔之魄, 壯 夫所 恥, 幸少假

之。」從義許之,父子俱斬於市。

萬六千九百九十一。

始思綰入城,丁口僅十餘萬,及開城,惟餘萬人而已,其餓斃之數可知矣。

校勘記

(1) 晉高祖 「晉」字原無,據殿本及冊府卷三〇二補。

三年春 捷,宜 烫 幽 匹, 校 級 薊 於時作爲齊守貞傳佚文錄附卷末。 記,以備參考:「晉少帝開運三年,詔:『宋州節度使李守貞,近以援送軍儲,殺戮蕃賊, 用 其 賴 爲 隨 示 定規。 頒宣。 張彦澤勦蕃校 行人員與諸州本城將士亦有等第賜賚。』 冊府卷一八○有關于齊守貞傳史料一段, 護聖、奉國、興順、宗順、興國諸軍都指揮使各絹十匹,餘自都虞候至散卒七 故 謂 首 而 爲 級, 回 此其義也。 徵師五萬,運糧千里,行扈所過,豢圉一空,將吏醉飽, 今按本書李守貞傳輯自大典,首尾似屬完整,因將該段錄入 守貞前引大軍,往取瀛州境,獲一刺史以退。 史官曰:『昔衞青、霍去病深入虜磧, 一九五八年商務印書館重印百衲本二十四 百草皆除 以 此時言攻 斬 匹 繼聞剋 首加 至

目 ,皆次第優給緡帛,動計三十萬數,國力其何以濟!良可痛矣,良可駭矣! 밀그

3 守貞謂樞密使直學士般鵬曰 「謂」原作「爲」,據殿本、劉本、彭校改。

高牟翰 「翰」原作「輪」,據殿本、劉本、彭校改。 影庫本批校云:「『高年輪』、『輪』字當是『翰』字

之訛。」

(至) 坐俟叩城迎己 「叩」原作「扣」,據劉本改。

李守貞鎭河中 「河中」原作「河東」,據殿本、劉本、宋史卷二七八馬全義傳改。

〔4〕蒲人敗走 「走」原作「守」,據決史卷二七一吳虔裕傳改。

(元) 雅耀 莊 宅使 「耀」原作「輝」,據殿本、劉本及洛陽搢紳舊聞記卷二改。

へたし 既不能 除 去 「除去」二字原無,據殿本、劉本及洛陽搢紳舊聞記卷二補。

8 及漢朝 「及」原作「乞」,據殿本、劉本、洛陽搢紳舊聞記卷二改。

售五代史卷一百一十

周書一

太祖紀第一

妣燕國大人王氏,追諡爲章德皇后。 帝,廟號信祖,陵曰温陵; 高祖妣張氏,追諡睿恭皇后。 人韓氏,追諡翼敬皇后。 尊爲翼順皇帝,廟號義祖,陵日節陵;案五代會要:温陵、齊陵、節陵皆無陵所,遙申朝拜。 皇帝,廟號僖祖,陵日齊陵; 子,幼隨母適郭氏, 祖聖神恭肅文武孝皇帝,姓郭氏,諱威,字文仲行之, 載誕之夕, 赤光照室, 有聲如爐炭之裂, 星火四进。 故冒其姓焉。 皇考諱簡,漢贈太師,追尊爲章肅皇帝,廟號慶祖,陵日 曾祖妣鄭國夫人申氏,追諡明孝皇后。 案五代會要: 后以唐天祐元年甲子歲七月二十八日,生帝於堯山之 周號叔之後。 高祖諱璟, 曾祖諱諶,漢贈太保,追尊爲明憲 邢州堯山人也。 廣順 祖諱蘊,漢贈太傅, 初, 追尊爲睿和 或云本常氏之。 祖妣陳國 1欽陵; 追

周

是周祖 世, 瓊方讀闧外春秋,即取視之,曰:「論兵也,兄其教我。」即授之,深通 惜而逸之。 曰:「此闖外春秋,所謂以正守國,以奇用兵,較存亡治亂, 富貴,無相忘。 宗募勇士,即應募,與周祖等十人約爲兄弟。一日會飲,瓊熟視 聰敏,喜筆箚,及從軍旅,多閱簿書,軍志戎政,深窮繁肯,人皆服: 小 踰法犯禁,亦多假借 帝時年十八,避吏 末,路州 不如意,叱之。 姨 出入,常袖以 母 節度 楚國 苟渝此言,神降之罰。」皆刺臂 其年,莊宗平梁,繼韜伏誅,麾下牙兵配從馬直, 使 夫 李嗣 白隨 家 人韓氏 壶 徙 屠者怒,坦 遇 太原 焉。 關,依故人常氏三,遂往 昭常山戰歿,子繼韜 暇朝讀, 提攜 嘗遊上黨市,有市屠壯 鞠養。 居無何,皇考爲燕軍所陷,歿於王事。 每 一腹謂帝曰:「 問 難 謂 茁 及長,形神魁壯 血 瓊爲師。(舊五代史考異 爲誓。 爾敢刺 自稱 記賢愚 周祖與瓊情好尤密,嘗造瓊,見其 留後, l應募。 周祖,知非常人,因舉酒祝曰:「凡我十人, 我否? 健, 成 广趣向 敗,皆在此 衆所畏憚,帝以氣凌之,因 南結梁朝, 帝負氣用 」帝卽 奇 也。 崛, 帝在籍 割 據城阻命,乃散金以募豪傑。 剛,好鬭多力, 周祖 愛兵好勇, 不事 其腹, 其 帝未 令讀之,謂瓊曰:「兄當教我。」 敏。 義 中, 危 市人 理。 -及齠齔,章德太后蚤 실소 時年二十一。 讀 嘗省昭義李瓊 書, 案宋史李瓊傳 執之屬 繼韜奇之,或 因 醉 問 龍蛇混合, 田 命 所 吏, 讀 屠 何書 割肉 (三) 繼 異日 唐莊 瓊

衞 以帝長於書計,召置麾下,令掌軍籍,前後將臣,無不倚愛。 天 成 明宗幸浚郊。 時朱守殷嬰城 犯行命, 帝從晉高祖 初, 率先登城。 聖穆皇后嬪于帝, 晉 祖 領 帝方 副 侍

英 旣 使, 置 福 投 衞 有 顴 討之,帝當 等 雄 帷 神 肉 鼻之間, 瓦 馬 奉 五 幄 氣, 步 角, 而 向 命 一、受腹 都 族 當 后 得 北 者 鄰 虞候,召置左 客來, 得 行 伐 后 爲 多資從。 我 伍 心 . 意意 遽 何用? 無 世 帝從之,營於晉 界主。」 馬 敢過吳氏之舍者。 之寄,帝亦 見愕然。在太原時,有 又 不 數 何寂然? 願 千 案東都事略:柴后資周太祖以金帛,使事漢高祖 能 從。 清泰 右。 匹 用 我其劉 悉 財 或謂 末, 所 心竭 」鬼曰:「彼大人者。」 貨 居官舍之鄰 洞 晉祖 帝 公乎 力,知 萬計 是時 帝 起于 :「楊公當 神尼 過之,其鬼寂然, ! 屋壤, 無 資 漢 河 吳氏, 不爲。 與帝 軍 ., 旭 朝 累 SE, 同處數 同 重勳 鎭 有青衣 ·繇是 姓 及 藩閩 時 吐渾 ··"; 子 見帝 河陽節度使張彥琪爲 帝去 人 軍 佳娘者,爲 俱斃, 白 皆從 中 不 帝常晝寢 謂 欲 兾 如 印 之。 李瓊日 從, 之。 故, 唯 皱 帝 如是者再。 何 入 范延 <u>Ц</u> 及 玃 也? (四),有小虺 鎭 契丹,帝 :「我宗天上大仙, 魈 無 料門, 光 所 派所傷 魅, 叛 帝 侍 于魏 勸漢 或謂 日:「楊 衞 尤 鬼 漢 步 五色, 深 能 旭 命 高 軍 鬼 待 公素 楊 都 誅 祖 遇 指 出 白 爲 頂 光 III 侍 H 承 出 無 渍 揮 爾

顧 高 高 命 祖 祖 至 卽 開 隱帝 位 運 晉陽 末, IE 嗣 契丹 授 位, 樞 時 密 犯 拜 百 度 副 闕 樞 草創, 密使, 使、檢校 晉帝 四 北 加 方 檢校太尉。 太 遷。 保 猶 帝與蘇 梗, 乾祐 經綸 逢 案東都事略魏仁浦傳 元年 締構、 吉 楊邪 春,漢高 帝有 史 力焉。 弘 祖 肇 不 ::仁溥少爲刀筆 · 等 勸 豫 授權 及 漢 樞密 大 祖 漸 建號 吏,隸樞 副 使、 與蘇逢吉等同受 以以 密院, 、檢校 副 太祖 司 徒。 問以 漢 卒

百

以

周

書

乘數, {傳 宣 語 月 次反。 崇 死 史 西 六日始發 西 西 六日 弘 又 力, 麻 周 面 面 若 帝營於河東。 1 肇 狀 祖 諸 制 師 群史漢隱帝 亦 褒衣博帶,或遇巡城壘,對陣敵, 思縮 溥 討 小亦露 京師 徒 對 河 帝 勍 至是宣之, ·, 並 大 思 日 中 「守貞 發 敵, [:「帶甲 · |穀 集 便 非 離 朝廷遣 七 取 逆 統, 掌 育. 周 選 于 月即 帝 未 京 轉 祖 審料之。」乃命 渚 思綰 河陽 果 運。 師 節 不數日 意 前, 六萬。」太祖 自帝 圍 未 度。 郭從義、 進 河 叛 决。 時 守 中 三十 在四 取 貞兵其後, |周 始也 也。 客 , 彦珂 時 旭 万, 周 已有人望,潛貯異 論 其 司 喜曰:「天下 薛史漢隱帝紀 H 一設長 王 三二二二 景崇叛 以白 月 , 耳 峻 白 有 師 十三日 腹 計趙 文珂 竟 頃 塹, 至 背受 叛 文珂 在七月, 連 何 河 事不足憂也。」(舊五代史考異) 河中李守貞 復築長 敵 衡,推守貞 、常思 思 能 幅巾短後, 中。 與 為為 , 綰 為? 此 常思 制授 志,屢以 非三月事。 之奈 紀 案:五代春 万. 率兵攻取 連 一帝 非 帝 案 : 異。 何 爲 城 諷 ? 主 守貞 同 一穀,穀但對以 歐陽史作三月,河中 據 與衆無殊。 宋史扈 以 曰:「守貞 ,宜先擊 平 歐陽 周 涿 逼 城 之敵 章 祖 作七 反,朝 之。 史因三月守貞 從其 彥 事 河 月,郭 河 師 , 中 言 (傳 雖 未 人臣 聞 帝 卽 廷憂之,諸 河 舊制, 至, 帝 不 習 戎行, 臨矢石,冒鋒刃,必以身先, 威 遣 (舊五代 在 中平, 周 当當盡 桽 祖 李守貞 軍 西 西 飾 反而 而趙 爲 節奉 行, 征, 圍 則 (史考異) 樞 樞 居常接 河 密使 永興 牽連書之耳。(孔 永興 上 思 密使未 中, 羣 以 大臣 而 然善接 縮竊據 情 安慰 已。(據 鳳 總兵 趙思館、 命 賓 翔 此 一共議 大 (舊五 紀 失勢矣。 白 出 加使 客 招 愜 則 文 征 英豪, 撫 永 進取 鳳 代史考異) 周 與 珂 本 翔王 相者,不 太 時 案宋史李穀 今捨近 營 議 祖 -1 景崇相 以 得人 多 將 於 八月 〕 月 與 讌 河

鬭,當謹備之。」帝至華州,聞蜀軍退敗,遂還。 顏以接,俾盡其情,人之過忤,未嘗介意,故君子小人皆思劾用。 二月,帝以蜀軍屯大散關,卽親率牙兵往鳳翔、永興,相度將發,謂白文珂、劉詞曰:「困獸猶 一伍分甘共苦。稍立功効者,厚其賜與,微有傷痍者,親爲循撫,士無賢不肖,有所陳啓,温 守貞聞之,深以爲憂。

守貞之族。」至是收復賊壘。 崇傳亦作景崇自燔死。 考薛史漢紀,五月乙丑,趙思綰乞降。七月甲子,郭威奏收復河中,守貞自燔死。是思綰之降在守貞自焚之前也。 城。 改正。(影庫本粘籤)果爲劉詞等力戰敗之。先是,軍中禁酒,帝有愛將李審犯令,斬之以徇。五 事〔六〕。 云…三年正月,趙暉奏,收復鳳翔,王景崇自燔死。 是景崇未嘗降也。 揚沙晦冥,帝令禱河伯祠,奠訖 月九日,攻河西砦,賊將周光遜以砦及部衆千餘人來降。 氛診消矣。 二十一日,城陷,守貞舉家自焚而死。案歐陽史周本紀云:守貞與妻子自焚死,思綰、景崇相次降。 一年正月五日夜,李守貞遣將王三鐵領千餘人,夜突河西砦,河西,原本作「江西」,今從通鑑 旣平,朝士及藩鎭嘗以書往來,詞意涉于悖逆者,太祖籍其名,欲按之。 請焚之,以安反側。」太祖從之。(舊五代史考異) 紀傳前後自相矛盾,當以薛史爲得其實。案東都事略王溥傳: 城中人言,見帝營上有紫氣,如樓閣華蓋之狀。 一而風止,自是晝夜攻之。 七月十三日,帝率三砦將士奪賊羅 帝前夢河神告曰:「七月下旬, 歐陽史漢本紀亦先載趙思綰降,後書克河中。 十七日,下令攻城,會西北大風, **溥諫曰:「魑魅伺夜而出,日月旣** 周太祖將兵討三叛,以溥爲從 上帝當滅 王景 叉

周

錫賚 急,帝受韶率師 籍獻之。 (優厚。 年八月五 九月五 翌 日,漢帝議賞勳,欲兼方鎭,帝辭之,乃止。 赴北邊,以宣徽南院使王峻爲監軍。 日,帝自河中班師,其月二十七日入朝。 日,制加檢校太師、兼侍中。 十月,契丹入寇,前鋒至冊、洛、貝、魏,河北告 其月十九日,帝至邢州,遣王峻前軍趨 漢帝命升階撫勞,酌御酒以賜之, 帝以出征時廳子都七十三人,具

|鎭、定。

時契丹已退,帝大閱,欲臨寇境,詔止之。

乎?」對曰:「坐見天衢,物不能隔,至貴之祥也。」翌日, 帝於黃氣中見星文,紫微、文昌, 數月,閩 斷。文武大臣,乃心王室,凡 係「稟」字之訛, 云:壬午、韶以威爲鄴都留守、天雄節度使、樞密使如故。 以 河朔之任,宰相蘇逢吉等議,藩臣無兼樞密使例。 便 宜 三年二月,班師。三月十七日,制授鄴都留守, 一從事。 政有序,一方晏然。 今改正。(影庫本粘籤) 竟從以肇之議,詔河北諸州,凡事 事諮詢,即無敗失。」漢帝斂容謝之。 詔書褒美。 帝將北行,啓漢帝曰:「陛下富有 爛然在目。 一夕,在山亭院齋中, 仍韶河北,兵甲錢穀,但見郭威文書,立皆稟應。 既而告之星者曰:「予於室 稟帝節度。 史弘肇以帝受任之重,苟不兼密務,則難 樞密使如故。時漢帝以北戎爲患,委帝以 牙署中有紫氣起於幡竿龍首,凡 · 一稟帝節度,原本作「一廩」,據通鑑 忽有黃氣 春秋,萬幾之事,宜審於聽 帝至鄴,盡去煩弊之事,不 起於前,上際於天, 中見天 據此則「廩」字

州, 廷,握 之惡, 都, 佞, 事 宜 顧 坐 恐 又 必 奉 託 見 議 事 ,令李洪義 何 報京 非 強兵,臨 不 行 移 邊 十 共 事 與楊、史諸 濟 禍 聖 詔旨 事 信單 安天下。」衆然 師 月 ,忽得 ,乃以 意 及己,伸訴 重鎭,以 有 + 殺王殷,又令護聖左廂都指揮使郭崇等害帝于鄴 斷子首以 車之使而 變: ·四日, 卽 洪義 密韶示王殷, 公, 是左右小人誣 說見疑,豈可坐而待死!」教以易其語云「誅將士」,以激怒衆心, 是月十三日旦, 峯 彈壓經謀, 忘寢與食, 文字,遽 無所,即 澶州節度使李洪義、 報天子,各圖 之,遂請 自棄,千 集三軍將 歸牙署, 殷與洪義 罔 · 載 帝南行, 竊發, 之下 功業, 小等害史弘肇等。 峻亦未知其事。 校諭之曰:「予從微至 即遺陳光穗馳報於帝。 空受惡名。 案東都事略魏仁浦傳 假令此輩 且不累諸君 侍衞步軍都指揮使王殷遣澶州副使陳光穗至鄴 一旦無狀, 握 崇等願 重柄 也。 盡 帝初知楊、史諸 前 云:隱帝遣使害太祖 」崇等與諸將校泣 已誅夷。今有詔來取予首級, 從明公入朝, 夕, 一著,輔佐 或 得安乎 城。 十四日,帝方與宣徽使王峻 李業等遣腹心齎 太祖 十三日、洪義受得密 國家, 納其言。 ! 公被誅,神情 宜得投論 ,仁溥曰:「公有大功于朝 面 自自 先 一於前,二 與薛史異, 洗 皇登遐, 雪, 言曰:「此 密 除 以 惘 至澶 君 判 親受 然 爾 忠 쑠 側 史

與事略同。(養五代史秀異)帝卽嚴駕首途。

聲明。 (影庫本粘籤) 六 日 至 澶州 偵 鄴 軍 所 殷 在, 迎 謁 爲游騎所執, 働 哭。 時 隱 帝遣 帝卽遣迴,令附奏隱帝赴闞之由, 小 豎驡脫 殿脱 ,與隱帝紀異文,已於卷一 仍以密奏置 百三內加簽

周

平定京 **驚**脫 公不 F. . 直 臣 圖 言 雕 致 召將士謂之曰:「主上爲讒邪所惑,誅殺勳臣,吾之此來,事不獲已,然以臣拒君,寧論曲 · 負 今奉 汝等家在京師,不如 若以臣有欺天之罪,臣豈敢惜死; 有 衣 死 領 (國,請 城, 無 此 詔 中。 恨。 事,必是陛下左右譖臣耳。 許 命,忽令郭崇等殺臣,卽時俟死,而諸軍不肯行刑,逼臣赴闕,令臣請罪上前 爾 公速行,無遲久, 今託 奏曰:「臣發迹寒賤,遭遇聖明,既富且貴,實過平生之望, 等旬 驚脫附奏以聞。」十七日,帝至滑州,節度使宋延渥開門迎納。 日 剽掠。」衆皆踊 奉行前詔,我以一死謝 安邦雪怨,正 躍 今驚脫至此,天假其便,得伸臣心,三五日當及闕朝陛 若實有譖臣者,乞陛下縛送軍前,以快三軍之意, 在此時。」旣而王峻諭軍日〔七〕:「我得公處分,俟 天子,實無所恨。」將校前啓曰:「國家負公, 唯思報國, 帝將發滑 敢有他 則

益、 等 氣 Ť 、焦繼 帝遣 稍 赤 稍 峒, 九 勳 何 奔 日 潛 是 於 福 進、王 夜俱退。 至帝營,帝慰勞遣還 隱帝 祀 軍 遣 一彦超、 慕容彥超 左 __**^** 神武統軍 李筠 + 日 與數 等大合騎 隱帝 袁義、前鄧州節度使劉重進率禁軍來拒, + 整陣 騎 東奔兗州 以乘之。 於劉子 陂。 慕容彥超 吳虔裕、 二十一日,兩陣 退却, 張彥超等相繼 死者百餘 俱 列,慕容彦 與前開封 來見帝, 人 於是 超 尹侯益 是 南 挛 夜侯 軍 軍 奪

二十二日旦,郭允明弑漢隱帝於北郊。 初,官軍之敗,帝謂宋延渥曰:「爾國親, 國親,通

鑑作「近親」。胡三省注曰:「宋延渥,王壻,故云近親。」薛史前後多稱外戚爲國親,今仍其舊。(影庫本粘籤) 可速往

寇, 將部 齊 三省注云 بلا 衞 福 慟 不已。 主 日 進 入 帝泣 泂 上,兼 繼 以 ,帝望 分 北 斬 部 "迎春門,汴城東面北來第一門也。今改正。(影庫本粘籤) 諸 大統,語 語州 曰:「吾君在此,又何憂焉。」及至前,隱帝已去矣,帝歔欷久之。 帝至玄化門,劉銖雨射城外,帝迴車自迎春門入, 其 下兵守明德門。 附 見天子旌旗於高坡之上,謂隱帝在其下,旣免胄釋馬而前,左右慮有不測,請帝 、剽者,至晡乃定。 奏,請陛下得便速奔臣來,免爲左右所圖。」及延渥至,亂兵雲合,卽惶駭 告急,太后命帝北 在 漢紀。 二十七日,帝以嗣君未至,請太后臨朝, **7** 日,王殷、郭崇言曰:「若不 帝 征。 與王峻詣太后宮起居, 止剽掠, 軍大掠, 請立嗣 迎春,原本作「延春」, 君, 煙火四發,帝止於舊第,何 比 會鎭、定州馳奏, 乃以 夜化爲空城耳。」由 高 俄聞隱帝 祖姪徐州 通鑑作「迎春」。 遇弑,號 契丹入 節 而還。 i 度 使 是諸 胡

帝者, 際, 日 ,下、 相 請帝爲 + 令 帝 顧 二月一 愕然, 諸 不拜,皆 天 軍 子。 進發。 日 卽 竊 時 ,帝發離 亂 進途。 言曰:「我輩 二 十 軍 Щ 京師。 ·日,諸 十六 登階 日 軍將士大譟趨 陷京師,各各負 几 ,至澶州 匝陛,扶抱擁迫,或有裂黃旗以被帝體,以代赭袍,山 日 , 至滑州,駐馬數日。 是日 驛,如牆 罪,若劉氏復立, 旭 日, m 日 進,帝閉 邊有紫氣來, 會湘陰公遣使慰勞諸將,受宣之 則 門拒之。 無 種 矣。」 當 帝 軍 或 土登 之馬首。 有 牆 以 其言 越 一呼震 屋 + 九 告 m

周

地。 馬軍指揮使郭崇率七百騎赴宋州,以衞湘陰公。二十五日,帝至七里店,羣臣謁見,遂營於 「凌橋」,濟竟冰泮,時人異之。時湘陰公已駐宋州,樞密使王峻在京,聞澶州之變,遣侍衞)擁帝南行。 帝在萬衆之中,聲氣沮喪,悶絕數四,左右親衞,星散竄匿。 胡三省通鑑注云:大梁城無「皐門」,蓋郭門之外有村,遂呼爲皐門村耳。 時 河冰初解,浮梁未構。 是夜北風凛烈,比旦冰堅可渡,諸軍遂濟,衆謂之 今附識於此。(影庫本粘籤) 帝卽登城樓,稍得安息,諸

庶事,並取監國處分。」二十八日,監國教日: 艱難,功業格天,人望冠世。今則軍民愛戴,朝野推崇,宜總萬幾,以允羣議,可監國,中外 二十七日,漢太后令曰:「樞密使、侍中郭威,以英武之才,兼內外之任,剪除禍 亂,

泂 安劉氏,願報漢恩,推擇長君,以紹丕搆,遂奏太后,請立徐州相公,奉迎已在於道途, 靜於疆場,用保安於宗社。不謂姦邪搆亂,將相連誅,寡人偶脫鋒鋩〔云〕,克平患難,志 四郊多壘,謬膺朝旨,委以專征,兼守重藩,俾當勍敵,敢不橫身戮力,竭節盡心,冀肅 洎登大位,尋付重權。 當顧命之時,受忍死之寄,與諸勳舊,輔立嗣君。旋屬三叛連衡, 行李未及於都輦。尋以北面事急,敵騎深侵,遂領師徒,徑往掩襲,行次近鎭,已渡洪 十二月二十日,將登澶州,軍情忽變,旌旗倒指,喊叫連天,引袂牽襟,迫請爲主, 寡人出自軍戎,本無德望,因緣際會,叨竊寵靈。 高祖皇帝甫在經綸,待之心腹,

環繞 步 諸 軍擁至京闕。 而逃避無所,紛紜而逼脅愈堅,頃刻之間,安危莫保,事不獲已,須至徇從,於是馬 今奉太后誥旨,以時運艱危,機務難曠,俾令監國,遜避無由,僶俛

奠

承,夙夜憂愧云。

醉,揚言嚮者澶州騎兵扶立,今步兵亦欲扶立,監國斬之。較蔣史爲明晰,今附職于此。(影庫本粘籤)尋今處候詰 揚言:「昨澶州馬軍扶策,步軍今欲扶策。」「馬軍扶策」二句,疑有脱字。 時文武百官、內外將帥、藩臣郡守等,相繼上表勸進。三十日夜,御營西北隅步軍將校因醉 其姓名,昧且擒而斬之。其一軍仍納甲仗,遣中使監送就糧所。 通鑑"壬戌夜,監國營有步兵將校

伯,謳 民,敬之哉 王(10),莫不人心順之則興,天命去之則廢,昭然事迹,著在典書。 固以爲幸。 念漢恩,切安劉氏,旣平亂略,復正頹綱,思固護於基扃,擇繼嗣 姦邪搆亂,朋黨橫行,大臣寃枉以被誅,少主倉卒而及禍,人自作孽,天道 廣順元年春正月丁卯,漢太后誥曰(云):「邃古以來,受命相繼,是不一姓, 謠不 在於丹朱,六師竭推戴之誠,萬國仰欽明之德,鼎革斯契, 今奉符寶授監國,可卽皇帝位。 」是日,帝自皐門入大內,御崇元殿,即皇帝位。 於戲 天祿在躬,神器自至,允集天命,永綏兆 制日: 於宗室。 予否運所丁, 遭家不造, 圖쬻 寧論。 有歸, 而 獄 訟盡 予作家賓, 監國威,深 傳諸百 歸於西

延漢 仗鉞 祚; 主。 家,不以 朕方在藩維,以遭讒搆^[1]。 平大憝,粗 臨戎,復委韓、彭之任。 炎風不競,肇開皇魏之基。 重以 革故鼎新,宜覃於霈澤。 古受命之君,興邦建統,莫不上符天意,下順人心。 擇立 賊 中外勸進,方岳推崇,僶俛雖順於羣心,臨御實慚於涼德。 遺君父。 立微勞。 一劉宗,徵命已行,軍情忽變。 外憂少息,內患俄生,羣小連謀,大臣遇害,棟梁旣壞, 纔旋旆於關西,尋統兵於河朔,訓齊師旅, 匪躬盡瘁,焦思勞心,討叛渙於河、潼,張聲援於岐、癃,竟 逃一生於萬死,徑赴闕庭,梟四罪於九衢,幸安區字。 **股早事前朝,**久居重位。 **股以衆庶** 所逼,逃避無由,扶擁至京,尊戴爲 受遺輔政,敢忘伊、霍之忠; 是以夏德旣衰,爰啓有商之 固護邊陲,只將身許國 改元建號, 祗率於 社稷將 將

於眇 宽,宜 葬,葬事官給,仍訪子孫敍用。 應天 王章等,以勞定國,盡節致君,千載逢時,一旦同命,悲感行路, 下罪人,常赦所不原者,咸赦除之。 躬, 股本姬室之遠裔,虢叔之後昆,積慶累功,格天光表,盛德旣延於百世,大命復集 更伸於渥澤, 今建國宜以 渥澤,原本作「漏澤」,今從册府元龜改正。(影庫本粘籤) 大周爲號, 其餘同遭枉害者,亦與追贈。 可改漢乾祐四年爲廣順 故樞密使楊邪、侍衞 元年。 馬步諸軍將士等,戮力叶 都指揮使 憤結 並 自正 可 重泉, 加等 月五 文史弘肇 追 日 雖尋 昧爽已前 贈 ·、三司使 備 雪於沈 禮 歸

太 祖 紀第

如初。 還。 與等第,超加恩命,仍賜功臣名號,已帶功臣者別與改賜。應左降官,未量移者與量移, 亡沒,未曾追封贈者亦與封贈,已封贈者更與封贈。 行軍副使、藩方馬步都指揮使,如父母在,未有恩澤者卽與恩澤,已有者更與恩澤,如 已量移者與復資,已復資者量加敍錄。亡官失爵之人,宜與齒用,配流徒役人,並許放 諸處有犯罪逃亡之人,及山林草寇等,一切不問,如赦到後一月不歸本業者,復罪 內外前任、見任文武官僚致仕官,各與加恩。應在朝文武臣僚、內諸司使、諸道

誠,輸忠効義,先則平持內難,後乃推戴股躬,言念勳勞,所宜旌賞。

其原屬將士等,各

河北沿邊州縣,自去年九月後來,曾經契丹蹂踐處,其人戶應欠乾祐三年終已前積年 依 灼然無抵當者,委三司分析聞奏。天下倉場、庫務,宜令節度使專切鈴轄,掌納官吏一 欠,並與除放。澶州已來,官路兩邊共二十里內,井乾祐三年殘稅欠稅,並與除放。 (省條指揮,不得別納斗餘、秤耗,舊來所進羨餘物色,今後一切停罷。 欠諸色稅物,並與除放。應係三司主持錢穀敗闕場院官取乾祐元年終已前徵納外, 應天下州縣,所欠乾祐元年、二年已前夏秋殘稅及沿徵物色,丼三年夏稅諸色殘 乘輿服御之物,不得過爲華飾,宮闈器用,務從朴素,大官常膳,一 切減損。

道 所 有進奉,以助軍國之費,其珍巧纖華及奇禽異獸鷹犬之類,不得輒有獻貢,諸無用 爊

治,雖多端以奚爲 (III)! 今後諸道所有祥瑞,不得輒有奏獻 之物,不急之務,並宜停罷。 帝王之道,德化爲先,崇飾虛名, 朕所不取, 荀致治之未

勸之後,在寬則典憲得宜。相時而行,庶臻中道。 肉,一依格令處分。 天福元年已前條制施行。 古者用刑,本期止辟,今茲作法,義切禁非。 應諸犯罪人等,除反逆罪外,其罪並不得籍沒家產,誅及骨 今後應犯竊盜賊贓及和姦者,並依晉 蓋承弊之時,非猛則姦兇難制; 及知

置守陵十戶,以近陵人戶充。 並 嬌前失,庶叶通規。其先於在京諸司差軍將充諸州郡元從都押衙、孔目官、內知客等, 可停廢,仍勒却還舊處職役。近代帝王陵寢,合禁樵採。唐莊宗、明宗、晉高祖,各 天下諸侯,皆有親戚任,自可愼擇委任,必當克効參裨。朝廷選差,理或未當,宜 切如故。 仍以晉、漢之胄爲二王後,委中書門下處分云。 漢高祖皇帝陵署職員及守宮人,時日薦饗,并守陵人戶

時議 脫 火四星聚于張,占者云,當有帝王興于周者。 于鄴,大衍之數,復得明夷,則周爲國號,符於文、武矣。」先是,丁未年夏六月,土、金、木、 者曰:「昔武王勝殿,歲集于房,國家受命,金、木集于房。文王厄羑里,而 司 天上言:「今國家建號,以木德代水,准經法國以姓墓爲臘,請以未日爲臘。」從之。 故漢祖建國,由平陽、陝服趨洛陽以應之,及 **卦遇明夷,帝**

隱帝將嗣位,封周王以符其事。 而帝以姬虢之胄, 復繼宗周,而天人之契炳然矣。 昔辉王

以木德王天下,宇文周亦承木德,而三朝皆以木代水,不其異乎

陵葬禮 [1吾]。(舊五代史考異) 沉朕久事前朝(1四)常参大政,雖遷虞事夏,見奪于羣情;而四海九州,咸知予夙志。 詔有司擇日爲故主發哀。 宋州節度使,加同平章事。 受宣權滑州節度使。 成服畢祭奠,不視朝七日,坊市禁音樂。 京 議 七日釋服。 聞 帝 留守劉崇遣押牙鞏廷美致書, 報曰:「朕在澶州 大大,並充樞密院直學士。 ,在後盡當 前澶州節度使李洪義受宣權宋州節度使。 戊辰,前曹州防禦使何福進受宣權許州節度使,前復州防禦使王彥超受宣權徐州節度 至山陵啓攢塗日,服初服,輴車出城,班辭釋服。」從之。 知悉。 之時,軍情推戴之際,先差來直省李光美備見,必想具言,而況遐邇所 湘陰公比在宋州駐泊,見令般取赴京,但勿憂疑,必令得所。惟公在彼, 癸酉,樞密使、檢校太傅王峻加同平章事; 辛未,有司上言:「皇帝爲故主舉哀日,服縞素, 案五代會要載原敕云:漢高祖爲義帝發喪,魏明帝正禪陵尊號,一時達禮,千古所稱。 以滑州節度副使陳觀爲左散騎常侍,鄴都留守判官王溥爲左諫 以元從都押衙鄭仁誨爲客省使,知客押牙向訓爲宮苑使。 原本脱「廷美」二字,今據册府元龜增入。(影庫本粘籤) 文武內外臣僚成服後, 己巳,上漢太后尊號日昭聖皇太后。 以前澶州節度使李洪義爲 宜令所司擇日爲故主舉哀,仍 每 日赴太平宮臨,三 壬申,前博州 直領深衣、 求劉贇歸藩。 刺史李筠 腰絰等。 日 是日, 備山

趙,陷 酒器 情 異,契丹主不敢深入,引兵還,遣使請和于漢。(舊五代史考異) 固請安心 迴 素, 至 澶州 一副、玉帶一遺兀欲。 內丘。 並令來人口宣。」遣千牛衞將軍朱憲充入契丹使。 ,遇蕃使至,遂與入朝。 若能 及迴,兀欲遣使與漢隱帝書, 同力扶持, 別 晉州節度使王晏殺行 無顧慮, 至是,遣朱憲件送來使歸蕃 即當便封王爵、永鎭北門,鐵券丹書, 案通鑑云: 使至境上, 軍司馬徐建公,以通 契丹之攻 先是, 内丘 會朝廷有蕭牆之變, 也, 兼致書敍革命之由, 去年 死 傷頗 -契丹 河東 多, 永 必 叉值 開 康 無 王 月 愛惜。 食, 帝定京 兀 欲 軍中 仍以金 寇那 ·多妖

朗州 尤。 率兵 武平靜江寧遠等軍節度使、嗣楚王。 日, 同平 俟 守太傅、兼中書令、齊國公安審琦進封南陽王, 湘 節 馳 魏 乙亥, 新節 陰 赴之, 國公符彥卿進封淮陽王, 度 度入城,當各除刺史,公可更以委曲示之。」(舊五代史考異)丁丑, 公元從右 使 充鄴 馬 鄆州 仍賜廷美等敕書。 希 都留守,典軍 節度使、守太師、兼中書令、齊王高行周進位尚書令, 尊破潭州十二月十八日, 都押牙鞏廷美、教練使楊温等,據徐州以拒命。 一如故。 案通鑑:帝復遺劉贇書曰:「爱念斯人,盡心於主, 夔州節度使、侍衞親軍馬步軍都指揮使、檢校太傅王殷加 丙子,帝赴太平宮,爲漢隱帝發喪,百官陪位如儀。 戊寅、湘陰公殂。 縊殺馬希廣 至十九日, 青州節度使、檢校太師、守太保、 案:歐陽史作十二月,王峻遣郭崇以騎兵七百逆 荆南高保融奏: 去年 帝遣新受節度使王彥 希萼自稱天策上將軍 足以賞其忠義, 襄州 節 度使、 何由 十一月, 、檢校太 兼 T 責以 悔 中書

史 ; 劉贇于宋州,殺之。 隴 書令、弘文館大學士; 西 以左僕射、平章事、集賢殿大學士蘇禹珪爲守司空、平章事。 荆南 通鑑作正月戊寅,殺湘陰公於宋州。(舊五代史考異) 高保融進封渤海郡王,靈武馮暉進封陳留郡王,西京白文珂、兗州慕容彥 以司徒兼門下侍郎、同平章事、弘文館大學士竇貞固爲侍中,監修國 己卯,以前太師、 夏州節度使李彝興 齊國公馮道爲中 (進封

超 、鳳翔趙 暉並加兼中書令。 韶王彦超率兵攻徐州

使 史弘肇追封 庚辰,故樞密使、左僕射、平章事楊邠追封恆農郡王,故宋州節度使兼侍衛親軍都指揮 鄭王,故三司使、檢校太尉、平章事王章追封瑯琊郡王。 是日, 韶曰:

籶 乳. 應 懐 道 紅 田 、一、五、五 ,糖、白 子 未 紅 天下州 股以 麪, 宮闈 方古而 秔 米、新 沙糖 味子、輕錫(lt), (眇末之身,託於王公之上,懼德弗類,撫躬靡遑, 白杜梨, 府舊貢滋味食饌之物,所宜除減。 服 不知節量。 御之所須,悉從減損; 、橄欖子,鎭州高公米、水梨,易、定栗子,河東白杜梨、米粉、菉豆 大麥麪,興平蘇栗子,華州麝香、羚羊角、熊膽、獺肝、朱柿、熊白, 原本作「棃」, 與其耗費以勞人,曷若儉約而克己。昨者所頒赦令, 同州石鐵餅,晉、絳葡萄、黃消梨,陝府鳳 **机子麪,原本作「煺子」,** 珍巧纖奇之厥貢,並使寢停。 其兩渐進細酒、海味、薑瓜, 今俱從通鑑所引酶史改正。(影庫本粘籤) 豈可化未及人而過自奉養, 尚有未該,再宜條舉。 栖梨, 湖南枕子茶、 襄州 粉、玉屑 永興 河中 已述至 樹 御

周

書

太

祖

紀

第

無用 懷州 筍、橘子, 亦有取於民家:未免勞煩,率皆糜費。 之物, 寒食 ·杏仁,· 安州 今後 折粳米、糟味,青州水梨,河陽諸雜果子, 並不 申州蘘荷、亳州 · 須 《進奉。 諸州 草薢,沿淮州郡淮白魚, 府更有舊例所進食味,其未該者,宜奏取 加之力役負荷,馳驅道途, 如聞此等之物,雖皆出於 許州御李子,鄭州新筍、鵝梨, 積於有司之中, 進 、土產,

又 詔 知治天下之道。 在朝文武臣僚,各上封事,凡有益國利民之事,速具以 文武官有益國利民之術,各具封事以聞,咸宜直書其事,勿事辭藻。(舊五代史考異) 聞。 案通鑑: 詔日: 朕生長軍族,不親學

使,加檢校太保。 事。 弘 允權 澶 都 軍 進 州 指 都指 並 丙戌,幸西莊。 辛巳,鎭州 爲 節度使李洪義爲宋州 加 揮使、岳州防禦使曹英爲利州節度使、檢校太傅, 許州 滄州王景、 同平章事。 揮使、 節 果州 武行德、晉州王晏、相州張彥成、潞州常思、邠州侯章並 l'度使, 戊子,有司上言:「准赦書,以晉、漢之胄爲二王後,其唐五廟仲祀合廢。」 路州奏,得石 永興郭從義、定州 防禦使、檢校太保郭崇爲洋州節度使、檢校太傅, 乙酉, 加 檢 節度 華州 校 太傅; 使, 會關使王延美報, 王饒、 加同平章事 以博州 孫方簡 河中扈彦珂、 刺 並 史、 加 ; 以曹州 兼侍中, 河 北面行 東劉崇於正月十六日僭號。 鄧州 典軍如故。 防禦使、北面 鄜州 折從 營右廂 楊信、 阮、 排 癸未, 陣 邢州 典軍 同州 使李筠 行營馬步 加 劉 兼 如 涇州 薛懷讓、貝州 徐 中; 詞 故; 爲 並 史懿、 滑州 都排陣 以侍 加 丁亥,以 以侍 同平 節 延 衞 州 衞 度 使

前

繼

高

軍

馬

何

從之。 爲三獻。」從之。 庚寅,宗正寺奏: 請依晉、漢故事,遷漢七廟神主入昇平宮, 行仲享之禮, 以漢宗子 泳樂大典卷八千九百八十。

校勘記

(二) 文仲 殿本、劉本同。 ·大典卷八九八○作「仲文」。

(三) 避更壺關依故人常氏 「壺關」原作「故關」,據大典卷八九八〇改。 按故關屬鎮州, 壺關在路

州 歐陽史卷一一周本紀云:「威少孤,依潞州人常氏。」此當作壺關。

嘗省昭義李瓊 殿本、劉本同。大典卷八九八〇「昭義」作「義兄」。 按宋史卷二六一李瓊傳

帝常晝寢 「李瓊,字子玉,幽州人。」疑此當作「義兄」。 「帝」字原無,據大典卷八九八〇補。

一色 晉祖 起于河東

周太祖將兵討三叛以溥爲從事 「祖」字原無,據大典卷八九八〇補。 十三字原無,據殿本、劉本補。

「中」 旣 而 王峻 渝軍日 「而」字原無,據大典卷八九八〇補。

2 寡人 偶脫 鋒鋩 「寡人」二字原無,據大典卷八九八〇補。

(元) 漢 太后誥 日 「誥」字原作「詔」,據殿本、大典卷八九八〇、通鑑卷二九〇及本卷上文改。

書 校 勘 記

周

四六五

(8) 是不 姓傳諸 百王 八字原無,據殿本、劉本、大典卷八九八〇補。

以遭讒 搆 殿本、劉本、大典卷八九八〇同。彭梭「以」作「亦」,冊府卷九六同。

吕 雖多端 以奚爲 殿本、彭本、大典卷八九八〇、册府卷九六同。 劉本「端」作「瑞」。

E 天下諸 侯皆有親 戚 殿本、 劉本同。殘宋本冊府卷一六〇「戚」作「校」,明本冊府作「較」。大

典卷八九八○全句作「天下諸侯皆有親」,疑有脫字。

況段 人事 前朝 「朕」原作「臣」,據殿本、劉本、會要卷八改。

至 山陵 葬禮 「陵」原作「林」,據殿本、劉本、會要卷八改。

公公 王晏 原作「王宴」,據殿本、劉本、大典卷八九八〇改。下同。 宋史卷二五一有王晏傳。

輕餳 原作「輕錫」,據劉本、冊府卷一六八、通鑑卷二九〇注引薛史改。

宝

舊五代史卷一百一十

周書二

太祖紀第二

爲右 貴州 大將軍、充街使符彥琳爲右監門上將軍。 陳 本脱「吾」字,今據文增入。(影庫本粘籤) |將軍,充宣徽北院使; 以宣徽北院使袁義爲左武衞上將軍,充宣徽南院使; 州 刺 羽林統軍, 刺史、判三司李穀爲戶部侍郎,判三司;以右金吾大將軍、充街使翟光鄴爲左千牛 廣順元年春二月癸巳朔,以樞密副使、 史榮起復爲澶州 己亥,以左武衞上將軍劉遂凝爲左神武統軍(1),以左衞上將軍焦繼 以太子太師致仕宋彥筠爲左衞上將軍。 節度使、檢校太保,以右金吾上將軍薛 以左神武統軍安審約爲 丁酉,以皇子天雄軍牙內都指揮使、檢校右僕射、 尚書戶部侍郎范質爲兵部侍郎,依前 左羽 詔移生吐渾族帳於路州 林統軍,以左 可言爲右龍武統軍,右金吾,原 一 聽 衛 勳爲 上 以左右金吾 一將軍 右神武統 長子縣 充職;以 趙 衞

周

書二

太祖紀第

軍,以左領軍衞上將軍史佺爲右衞上將軍。

晏遣子 討使 賜名 李從 宮。 案宋史王 誠。 午,晉州 頟 官 哥 事 軍 碎之於殿 先是, 白 贈 將 敏 辛 侗 漢倫 庚 一截海 一晏傳 子,故 進 出 左 軍 王晏奏, 追 一驍衞 ·,改名愿(三); 爲太子 封 第三子意哥 迴鶻 北 :劉崇侵晉州 西 左千牛將軍朱憲使契丹迴。 秦國 , 數十 庭。 率步 州 吳國 大將軍,賜名誼 間 回鶻 里, 賓客 公, 帝 謂 王晏, 嵗 騎 夫人張氏 斬 入 萬 遣使貢方物 前 首 ,晏閉關不 贈 貢, 侍 餘 百餘級。(舊五代史考異) 原本作「王早」, 西京留守王守恩 詔宣 奉超 司空,賜名信; 臣曰:「凡爲帝王, 人來攻州 禁民不得 追 一徽南 出,設伏 贈左監門將軍 ; 贈 喜哥贈 貴 院 城、以今月五 前 城上。 妃; 今從宋史改正。(影庫本粘籤) 使袁義 與蕃 開 武 故長 故皇第三女追封樂安公主; 封 進封 契丹主兀欲遣使人來獻良馬 |丼 人 衞 尹 内出 人以爲怯, 安用 市 權 ノ、魯國 人婦劉氏 大將軍 斟 定哥 知開 易寶貨 國公。 質 此 日 #<u>.</u>! 公侯益 玉. 五道 競 封 贈左千牛衞 ٠, 追 一器及 變媒而 府 賜名誠 至是 封 癸卯, 仍 齊 事 彭 金 詔 攻, 以以 進封 登,晏麾伏兵擊之,顯死 城 河 銀結 所 以前 太子 聽 東 郡夫人。 率州 司 楚國 將 三哥 私 劉 縷、寶裝 軍,賜名遜。 凡 崇遣 太保 中書: 便 兵 「公,前 贈 珍 交易, 故第二子青哥贈太保, 拒 # 左領: 和凝 傷 招 侍 駟 皇姪三人: 之, 脉 悅 西京 鄓 (三), 官 目 几 衞 者些 賊 爲 討 兼 不 之 大將軍, 賜名 故 溜 軍 使 太 戶 禁 飲食 賀登極。 一衆,遂焚 物 傷 部 銐 子 皇孫三人: 守、莒國 詰 守筠贈左 鈞 太 尙 死 不得 之具 書、平 港衆。 傅。 橋 副 遁 戊 丙 公

光範 傷 充 前 以 禮 侍 未 仕 申 天 郎 傳楊凝式爲太子少師,以太常卿張昭爲戶部尚書,以尚書左丞王易爲禮部 官 食 憲州 官之流,自 德 尚 部 郎,以 邊蔚 滿 僦 居住,如未 鄜 死 詔日 爲祕 書右 舍之徒; 者 侍 州 軍 郎, 節 五 刺 節 爲太常卿,以翰林學士、中書舍人魚崇諒爲工部侍郎充職。 刑 聽外居。 書監 度使劉 度使、 史。 百人,信宿 丞 部侍郎邊歸讜爲戶部侍郎, 以兵部尚書王仁裕爲太子 田敏為 赴京,不得發遣。 一安進退。 ||隰||州 歲月之間,動懷 以前 虢國 重進、 如非 左丞, 刺 公郭勳 這近去。 吏部侍郎李詳爲吏部侍郎, 史許 往者有司拘忌,人或滯流,所在前資,並遣赴闕。 時韶徵,不在此限。」己酉,有司 前滑州節度使宋 以 遷奏, 加 丁巳,以尙書左 吏部侍郎段希堯爲工 土念家之思。 同 其行軍 平章事 河東賊 少保, 副使已下,幕職州縣官等,得替求官,自有 以禮部侍郎 ,以前宗正 軍 延 劉筠 湿,並 丞 宜循 以翰林學士、 田 自晉州 敏充契丹國信使。 以前戶部侍郞顏衎爲尙書右丞。 加食 大體,用革前 部 卿劉皡爲衞尉卿 司徒詡 尙 議 引兵來攻州 邑。 書, 立 爲刑部侍郎, 吐 渾 府 禮部尚書張沉爲刑 70 以太子 親 規。 將使照臨之下, 咸遂寬舒, 廟, 城, 留後王 詹 〔無〕。 從之。 迴鶻 以戶部侍郎韋 應諸道州府, 事 尋以州兵拒 馬裔孫爲 以 **輦**轂之下(四),多寄 遣使貢 一全德 辛酉,以 祕 尚書, 辛亥, 書監趙上交爲 部尚書充職 加 (方物。 月限, 檢校太保, 太子賓客。 有前 衛尉 勳爲兵 以兵部 以太子 額行, 之, 己未, 賊軍 卿邊 賌 年 原本 朝 部 少 月 侍

周

作「顏衍」,今從宋史改正。(影庫本粘籤)

恐。」 釋放 宜放 影庇, 以前 其招 差,於 以 事 近 徒 官 前 黨 散 等 彰武 邢 入城草 以 旣 理 州 月 兼 並 右 前 不 爲 節 一處斬 軍 知 壬 散 詔 煩 甚允當, 朝 - 賊,並 度使安審暉爲太子太師致仕。 戌朔,前 節 自 騎 擾, 下 創置,蓋 7(六)。 度使 训 常 ٠, 楊温 公私 須 侍 放 周密 至 一則 張煦、 歸 其餘無 西京留守李從敏卒。戊辰,以前左武衞上將軍 便之。 改 招喚草 出 農, .權宜,苟便一時,本非舊貫。 爲太子 礙 更,況當東作之時,宜罷不急之務。 給事 仍倍 州縣之色役,一則妨春夏之耕耘, 名目人及本城軍都將校、職掌吏民等,雖被脅從,本非同惡, 徐州 賊, 中王 太師 加 同力守 安 行營都部署王彥超馳奏,收復徐州 延藹 致 撫。 仕, 把,股以村墅小民,偶被煽誘,念其庸賤,特與含容, 並爲 湘陰公夫 以衞 辛未,幸 左 尉 散 卿 騎常侍,以前 南莊。 劉皡充漢隱 近者遍 肉 壬]詢羣議,兼採封章、 在彼、仰差 貧乏者困於供須, 其諸州所差散從親 中, 大名府 帝 詔曰"「諸州府先差散 李懷忠爲太子 Ш 陵 少尹 都 人安撫守護,勿令驚 「城內逆首楊温 部 李瓊爲 豪富者幸於 且言前 事 太傅致 官等, 將作監 從親 及親 件抽 並

而 肅 下,並依前致仕。 並 寫 丙 太子 以太子 少 保, 兵 少保致 部 故散騎常侍裴羽贈戶部尚書, 尙 書致 仕 王 仕 延 韓昭裔 爲 太子 爲 少 尚 傅, 書 以戶 右 (僕 故太子賓客蕭愿贈禮部 射, 部 尙 太子 書 致 太師 仕 盧 致 損 仕 左左 盧 聽衞 文紀 尙 上 書, 爲 一將軍 司 致 仕李 自 卿 延

書二 太祖紀第二

周

防禦團 得縱 衫袴巾 軍司馬、兩京少尹、留守判官, 寅, 德,非我負 讎,尋示優弘,與全家屬。 使郭令圖爲宗正卿。 書少監致仕段顒爲將作監,自仁謙而下,並依前致仕。 致仕薛仁謙爲鴻臚卿,以將作監致仕鳥昭爲太府卿,以太常少卿致仕王禧爲少府監, 職役,並放歸農。 請料錢,自合雇人驅使,不合差遣百姓丁戶。」秉政者然之,乃下詔州府從事令錄,本處先差 此外如敢額外影占人戶,其本官當行朝典。」先是,漢隱帝時,有人上言:「州府從事令錄,皆 唐故郇國公李從益追封許王,唐明宗淑妃王氏追贈賢妃。 一人一騎擅入淮南地分。 練副使,不得過十人;節度推官、防禦團練軍事判官,不得過七人,逐處係帳收管。 屨,放歸本土。 人。 賜逢吉骨肉洛京莊宅各一,賜劉銖骨肉陝州莊宅各一。」己丑,幸南莊。 自是官吏有獨行趨府縣者,帝頗知之,故有是命 詔曰:「故蘇逢吉、劉銖,頃在漢朝, 甲申,鎭州武行德移鎭許州,何福進移鎭鎭州。 尚以幼稚無託,衣食是艱,將行矜卹之恩,俾獲生存之路,報怨以 並許差定當直,人力不得過十五人; 己卯,潞州奏,涉縣所擒河東將士二百餘人,部送赴闕。詔給 詔沿淮州縣軍鎭,今後自守疆 與朕同事。 辛卯,詔:「諸道節度副使、行 諸府少尹、書記、支使、 股自平禍亂, 丙戌,以襄州節度 不念仇 土,不 以 副 祕 庚

董氏爲德妃,仍令所司備禮册命。 夏四月壬辰朔,韶沿淮州縣, ,許淮南人就准北糴易餱糧,時淮南饑故也。 己亥,改侍衞馬步軍軍額。馬軍舊稱護聖,今改爲龍捷, 甲午,以夫人

步軍 素薄。 粟,元隨三十人衣糧; 同恩, 委遇非輕,分憂之務旣同,制祿之數宜等。 史一百貫、祿粟五十石、鹽五石、馬五匹、元隨二十人」云。 庚戌,皇第四女封壽安公主。辛亥,故許州節度使劉信追封察王。 契丹主兀欲遣使鱘姑報命〔+〕,幷獻碧玉金塗銀裹鞍勒各一副,弓矢、器仗、貂裘等,土產馬 三十匹,土產漢馬十匹。 庚申,帝爲故貴妃張氏舉哀於舊宮,輟視朝三日。 辛酉,司空致仕 舊 冀無黨偏,以勸勳効。今定諸防禦使料錢二百貫, 豫粟一百石, 以至遷除之際,擬議亦難,既論資敍之高低,又患祿秩之升降。 稱奉國,今改爲虎捷。 如願在陵所者,依舊供給。 折從阮移鎭滑州,李筠移鎭相州 團練使一百五十貫,豫粟七十石,鹽五石,馬十匹, 元隨三十人; 刺 壬寅,詔唐莊宗、明宗、晉高祖三處陵寢,各有守陵宮人,並故 甲辰, 相州張彦成移鎭鄧州,案:原本作彦威,今據列傳改 自前有富庶之郡,請給則優;或邊遠之州,俸料 丙午,亳州防禦使王重裔 丁巳,尙書左丞田敏使契丹迴, 丙辰,詔曰:「牧守之任, 食鹽五石,馬十匹草 所宜分多益寡,均利 卒。 戊 申, 幸 南 正。(舊

武將軍華光裔使于契丹。 州 節 五 月壬 度使,以故貴妃張氏去歲薨,至是發哀故也。己巳,遣左金吾衞將軍姚漢英、前右 戌朔,帝不視朝,以漢隱帝梓宮在殯故也。 辛未,太常卿邊蔚上追尊四廟諡議。 戊辰,皇子澶州節度使榮起復,依前 是夜,有大星如五升器,流 神

盧文紀卒。

周 太 궲 紀 第

巡檢、供奉官馬彥勍棄市,坐匿赦書殺獄囚也。 色犯事人第宅、莊圍(ミ)、店磑已經籍沒者,並給付罪人骨肉。 於東北,有聲如雷。 丙子,太常卿邊蔚上太廟四室奠獻舞名。 丙戌, 宰臣馮道爲四廟册禮使。 壬午,幸 丁丑,詔京兆、鳳翔府, 南莊。 甲申 ,考城縣 應諸

使; 帝降聖日爲永壽節,從之。 質參知樞密院事。 書侍郎、同平章事、集賢殿大學士蘇禹珪,並罷相守本官。 郎、判三司李穀爲中書侍郎、同平章事, 已,以尙書左丞顏衎爲兵部侍郎,充端明殿學士;以宣徽北院使翟光鄴兼樞密 穎陵,從之。 以樞密副使、尚書兵部侍郎范質爲中書侍郎、同平章事, 六月辛卯朔,不視朝,以漢隱帝梓宮在殯故也。 辛亥,以樞密使王峻爲尙書左僕射兼門下侍郎、同平章事,監修國 鄴都、洛、滄、貝等州大雨霖。 邢州大雨霖。 判三司。 己亥,太常少卿劉悅上漢少帝諡日隱皇帝 丙辰, 西京奏, 司徒兼侍中、監修國史竇貞固 甲午,百僚上表,請以七月二十八日皇 壬子, 充集賢殿大學士; 新授宗正 幸西莊。 | 卿郭令圖卒。 癸丑, 「副使。 史, 充樞 以戶 詔宰臣范 司空兼 部 陵 中 侍

範爲太子賓客。 癸亥,尚書左丞田敏兼判國子監事。 **招釋之**, 秋七月辛酉朔,帝被衮冕,御崇元殿, 乃左授此官。 以戶部尚書張昭爲太子賓客,以其子秉爲陽翟 壬申, 史官賈緯等以所撰晉高祖實錄三十卷、 戊辰,以御史中丞于德辰爲尚書右丞,以秘書監邊光 授太廟四室寶册于中書令馮道等, 「簿,犯法抵罪,昭詣閣待罪, 少帝實錄二十卷上

赴西京行

於平 丙 Ш 子 縣 西, 斬 宰 首 臣 五 王 峻 百 級 案 是 日 歐陽史作戊寅,幸王峻第。(舊五代史考異) ,太常卿邊蔚 奏,議 改郊 廟 舞名, 己丑 事具 , 樂志 鎭 州 奏 破 河 東

莊。 中 禮 超 從 許 入 人 典 甫 散 移 阮 孙 也 氏 書 西 册 等三 移 令 鎭 京 入 命 壬 八 貝州 鎭 滄 晉 月 以 趙 修 樂 州 州 辛 易 人 **|**||陜 行 晉 之喪, 寺傷 州 界。 卯, 孙 並 繼 州 刺 封 丙 漢 弘 王 河 辰, 琙 人, 詔 灯 晏移 中 移 詔 隱 孫 流 大 帝 尙 市 鎭 贈 扈 人。 人至 行 鎭 梓 太 食 民殺之。 彦 河 友 陽 宮發 傅, 李 徐 珂 者, 爲 唐 李 州, 移 氏等宮官 定州 仍 制 鎭 引 口 賜其 有 暉 滄 乙未, 滑 給 帝詣 留後。 州 內官 移 州 斗 字 鎭 王 粟, 八 景移鎭 陝州 絹 太平宮 滄 幸 人並 宮官 仍給 戊 州 五. 班 李洪 (大)。 午, 百 荆 封 各有 臨 河 匹, 無主 館。 故 縣 奠, 信 中, 以 君, 夫人柴氏 以 移 土 司 壬 定州 備 詔 許 鎭 存 田 寅 司 州 羣 喪 永 , 記 令取 更不 臣 節 孫 事 興, 契丹 劉 方簡 , 出 追 度 氏等六 歸 使 便種蒔, 祖 華 寸. 加 遣幽 移鎭 葬 於 州 爲 郡 武 於 西郊。 皇 或 王 行 州 人並 華 德爲 后, 之 饒 華 牙將曹繼 放冤差稅。 陰 处號, 州 移 故里。 仍 封 是歲, 鎭 西 永 近 令 郡 貝州 京 興 所 代 夫 、留守に 筠 郭 乙巳, 人, 幽 司 加 來歸故 徐 從 癸巳, 定 之, 州 尙 州 滑 義 念 饑 非 宮 Ŧ 州 移 幸 晉 彦 舊 皇 備 鎭 流 扩 西

册 命 九 月 故 庚 皇第五 申 朔, 帝 女追 詣 太 封 平宮 永寧公主。 起 居漢 太 癸亥, 后 定州 卒 酉 奏, 故大 契丹 人楊 永康 氏 王 追 兀欲 贈 淑 為 妃, 部 仍 下 所 令 殺。 所 司 案選史: 擇 日 備 世

祭御 少保致仕。丙子,諸道兵馬都元帥、兩浙節度使、檢校太師、尚書令、中書令、吳越國王錢俶 **原以九月癸亥遇弑,不應定州卽能于癸亥入奏,疑原文有舛誤。甲子〔10〕,以前耀州團練使武廷翰爲太子** 天下兵馬都元帥。 :史劉頊責授復州司戶,坐代父草制也。 丁丑,中書舍人劉濤責授少府少監,分司西京,坐遣男頃代草制詞也。監 中書舍人楊昭儉解官放逐私 便,以多在假告, 口

校勘記

不親其職也。

永樂大典卷八千九百八十。

- 以左武衞上將軍劉遂凝爲左神武統軍 「以」字原無,據殿本補。
- Ξ 守筠贈· 從弟 左 領 軍 飷 左領 衞 左領軍將軍改名愿 將 軍,以『筠』聲近『榮』,爲世宗避,更名守愿。」 軍大將軍守愿。再贈左衞大將軍。」又,歐陽史卷一九周太祖家人傳云:「皇姪守筠,贈 殿本、 |劉本、 大典卷八九八〇同。 按本書卷一一七世宗紀:「故皇
- \subseteq 遣使人 大典卷八九八○作「遣使<u></u>튏骨支獻良馬」。按:「튏骨支」,歐陽史卷一一周本紀作「褒骨支」,通鑑 來獻 良 馬 劉本同。 殿本作「遣使郭濟獻良馬」,殿本考證云:「郭濟,舊作骨支,今改。」
- 咸遂寬舒……輦轂之下 三十四字原無,據大典卷八九八〇補。

卷二九〇作「裊骨支」。

(至) 宗正卿 「正」字原無,據殿本、劉本、大典卷八九八〇補。

城內逆首楊温 劉本、大典卷八九八〇同。 殿本「城內」二字作「詔曰」。 按「城內」以下係詔文,

疑其上脫「詔曰」二字。

(4) 耨姑 原作「努瑚」,注云:「舊作耨姑, 今改正。」按此係輯錄舊五代史時據遼史索倫國語解所

改,今恢復原文。

元 莊阗 廬本、大典卷八九八○同。 殿本、劉本作「莊園」。

へたし 李暉移鎮滄州 殿本、劉本、大典卷八九八〇同。按本書卷一二九李暉傳:「乾祐初, 拜河陽節

使、檢校太傅。 太祖登極,加同平章事,轉移鎮滄州。」此處「李暉」上疑脫「河陽」二字。

(10) 甲子 二字原無,據次典卷八九八〇補。

度

舊五代史卷一百一十二

周書三

太祖紀第三

本作「雖皇」,今從交苑英華改正。(影庫本粘籤) 未甚討尋。 在十月辛卯、蓋辛卯得捷,次日始奏聞也。又,虒亭原本作「褫亭」,今從通鑑及宋史改正。 翰俱高,珠寶何貴 無暇於詩、書,世務時艱,粗經閱歷, 用爲鑒戒。 寡昧,披文閱理, 廣順元年冬十月己丑朔,宰臣王峻獻唐張蘊古大寶箴、謝偃惟皇誠德賦二圖。 」壬辰,潞州奏,巡檢使凍思讓 卿有佐命立國之勳,居代天調鼎之任,恆慮眇德,未及古人。 懌意怡神,究爲君治國之源,審修已御人之要。帝王之道,盡在於茲,辭 再三省覽,深用愧嘉。 閱歷,原本脱「閱」字,今從冊府元龜增入。(影庫本粘籤)前三往 詔報曰:「除生長軍戎,勤勞南北,雖用心於鈴、匱, 、監軍向訓破河東軍於虒亭。 其所進圖,已令於行坐處張懸,所冀出入看讀, 癸巳,以刑部侍郎司徒 案通鑑: 於是採掇箴規,弼 陳思讓敗北漢兵 惟皇, 且. 原

周

校 請 度 胁 爲 防 詡 希 使 禦 帥 + 奏 萼 爲 使 五 銓 戶 檢 帝 मिर् 部 日 孫 令擇 校 委 東 崇爲 漢 侍 太保。 賊 本 岳 英 鄓 之, 軍 司 州 留 卒。 以 寇 長 後, 日 無 官 左 師 境 欲 , 丙 辛 厚 將 散 通 辰, 去 H: 騎 判 吏 素 Z 者 常 卯 與 詔 荆 千 侍張 王 峻 樞 闪 南 荆 密 餘 午, 乃 峻 南 煦爲 使 人, 以 善 奏, 晉 師 湖 王 及峻 州 遇 刑部侍 峻 厚 南 淮 害 派 率兵 奏之, 亂 南 者 貴, 節 檢 遣 宇 干 援管 郎, 師 鄂 ·, 牙 將 萬 師 厚羈 馬 州 以 敢 厚 軍 署 州 節 奏, 亦 陸 給 旅 庫 度 欣 孟 事 無依 藏 丁 河 使 中呂 然 Ü 俊 E 東 劉 執 永 焚 劉 1 咸休為 以 往 日 僞 燒 崇 赡 东 於 節 殆 入 尋 $\frac{1}{1}$ 峻 衞 度 盡 渡, 自 使 左 將 馬 , 前 馬希萼 前 以 散 軍 營於 Z 鎭 騎 望 申 戰 £ (; 將 常 塵 師 船 州 授 詔 厚 侍 而 北。 遷 左 爲 拜 百 倂 衞 於 甲 艘 吏部三 河 辛亥, 宁 將 衡 於 會 西 州 ハ今っ 絳 西 軍 凉 月 路 檢 餰

從通 右 申 馬 及 監 將 軍 鑑 郭 門 部 都 吏 + 改 故 將 千 高 虞 正 貴 月己 11= 軍 餘 妃 影 李 X 庫 張 重 皆 未 Z 本 77 氏 粘 玉 丑: 徙 朔 籤 爲主 , 于 命 乃有 荆 Ţ 金 馬 亥 南 Ŧ 陵 希 峻 奏, 凉 其緣 渠 詔 州 出 准 甲 造 之命 征 陵 唐 南 子 從 晉州 緣 朝 夜, 事 大 爾法 將 Fi 送 賜 廟 牌 邊 旌 帝 東 物, 幸 囙 鎬 南 舊 率 西 白 駝 除合留 在 納 兵三 莊 虹 至 器 以 J_{il} 一德宮 仗 萬 餞之。 網帛 天 外, T 安置 自 鎬 以 所有 麦 遣 新 甲 州 城 之。 晉 戌 金 應 路 , 州 銀器物, 屬 稱 趨 日 節 徽 武 悄 潭 度 陵 安 州 个; 使 莊 軍 充遷 垄 E 田 節 袁州 彥 臣 袁 度 一葬故 超 拜 舍 使, 原 爲 表 本 作 淑 晉 宜 稱 馬 妃 令 阮 賀 絳 氏 州 新 諸 行 IF 除 営 甲 族 今

豐潔。」重玉,故皇城使李從璨之子, 及許王從益外,其餘並給與重玉及尼惠英、惠燈、惠能、 皇城使,原本作「皇晟使」,今從五代會要改正。(影庫本粘籤) 惠嚴等。 令重玉以時祀**陵**廟, 明宗之 務 在

孫,惠英等亦明宗親屬也,故帝授重玉官秩,令主先祀,卹王者之後也。

鳥嶺至絳州,與大軍合。景燒營遁去,思讓又與藥元福襲破之。(舊五代史考異) 軍陝府,聞帝西巡,遣使馳奏,不勞車駕順動,帝乃止。 奏,劉崇逃遁,王師已入晉州。 乞朝覲, 十二月戊子朔,詔以劉崇入寇,取當月三日暫幸西京。 詔允之,尋稱部內草寇起,不敢離鎮。 案宋史陳思讓傳: 王峻援晉州,以思讓與康延昭分爲左右廂排陣使,令率軍自 戊申,鄭州奏,慕容彥超據城反。 乙未,幸西莊。 庚寅, 韶巡幸宜停。 兗州 慕容彦超上言, 己酉、王峻 時王峻駐

爲兗州 城晉州 界,不得下路停 用藥元福 使藥元 廣順二年春正月戊午朔,不受朝賀,以宿兵在外故也。 ´;。 壬 以兵從。 福 行營都部署,以齊州 為馬 一戌,修東京羅城,凡役丁夫五萬五千,兩旬而罷。甲子,以侍衞步軍都指揮使曹英 謂元福 步都虞侯,率兵討慕容彥超。案隆平集:慕容彥超盜據克、海,周祖命曹英爲帥,向訓副之,參 止村舍,犯者以軍法從事。 曰:「已敕英、訓,勿以軍禮見汝。」及元福至,英、訓皆父事焉。(舊五代史考異) 防禦使史延韜爲副部署,以皇城使向訓爲兵馬都監,陳州 丙寅三,徐州巡檢供給官張令彬奏,破准賊于 庚申,王峻奏,起近鎭丁夫二萬 諸軍 入兗州 防禦

周

書

=

太祖

紀第三

權自 恩沾 茶,屬淮南將邊鎬陷 遭變之時,亡失綱運之數,命依數償之,給茗荈萬八千斤,遣水運至江夏, 召 部送沭陽 泚 不意吳人助茲凶慝,非良 州 師 見,謂之曰:「夫惡 於下 何 易 一大朝歸, 鄰土,深有依附國家之意。 3 福 邳 進 差人 所獲賊將 開官 斬 首 具以帝言告于李景,景乃召昌祚, 部 千 軍 送 餘 至, 燕敬權 先 級, 長 区 退 擒 沙 邪, 擒 獲 趨 算也 賊 等四 獎忠順,天下一 到 沭 |淮南, 將 陽, 河 , . 燕敬 爾歸當言之於 人 東 原本作「懷南」,今從通 及罷, 遂破之。 至 賊 權。 闕 軍二百餘 F, 遣偽字 時慕容彥超求援於准南, 也。 庚午, 詔賜 爾君。 人至闕 相宋齊丘宴昌祚 我之賊 衣 延坐從容久之, 高 · 經 改 服 麗 金帛, 下, 正。(影庫本粘籤) 杒, 權 臣 知國 詔給 漢末遣 撓 放 亂 事 歸 巾 或 於 本 王昭遣使貢方物。 履衫 且. 三司 法, 別 土, 稱 准南偽主 昌祚 館, 美大朝皇帝 榜以釋之。 嬰城作逆, 敬權等感泣謝罪。 軍將路 被 又令訪昌祚 仍厚給行裝, 賊 一李景發兵援之, 昌祚 送金陵 聖德廣 戊寅、徐州 殃及生 於湖 壬申, 存 及し敬 湖 南 南 र्ता

岢 白 歸 嵐 闕 經 天。 軍 月 癸巳,以權 庚寅,府州防禦使折德晟奏,河東賊軍寇境, 癸 卯 詔先獲河東鄉軍一百餘人,各給錢鞋放歸鄉里。 知 高 麗國 事王昭爲高麗國王。 庚子, 率 州兵 府州 破 防禦 之, 斬首 使折 壬子,太子太師致仕安 德 二千級。 扆 收 辛 河 卯, 東 界

審

障卒。

司, 人, 永 興軍府事。 所管諸巡繫稅戶二千五百並還府縣。 充翰林學士,以內客省使、恩州團練使鄭仁誨爲樞密副使。 三月庚申, 甲戌,迴鶻遣使貢方物。 幸南莊, 令從臣習射。 戊辰, 以樞密院直學士、 庚辰,詔:「西京莊宅司、內侍省、宮苑司、內園等四 其廣德、昇平二宮並停廢。 左諫議大夫王溥爲中書舍 詔宣徽北院使翟光鄴 應行從諸莊園林、亭 權 知

以來, 學士顏衎權知兗州軍州事。 征 殿、房舍、什物課利,宜令逐司依舊收管。」 充職,兼權大內都點檢;以中書侍郎、平章事、判三司李穀爲權東京留守,兼判開封府事 旱,分命羣臣禱雨。 已下,咸赦除之。慕容彥超徒黨,有逃避潛竄者,及城內將吏等並放罪。 乙卯、詔取來月五日,車駕赴兗州城下,慰勞將士。 歐陽史從薛史作庚申。戊辰,至澄州城下。乙亥,收復兗州,斬慕容彥超,夷其族。韶端明殿 夏四月丙戌朔,日有食之,帝避正殿,百官守司。 丁亥,詔停蔡州鄉軍。 五月丙辰朔,帝御崇元殿受朝,仗衞如儀。 鄉城內有接便爲非者,一切不問。諸軍將士沒於王事者,各與賻贈,都頭已上與赠 癸巳,制削奪慕容彥超在身官爵。甲午,高麗國册使、衞尉卿劉皥卒。 壬午,曲赦兗州管內罪人, 取五月二十七日已前所犯罪, 大辟 庚申,**車駕發京師**。 以樞密副使鄭仁誨爲右衞大將軍,依前 案: 五代春秋作庚辰,帝東 自慕容彥超遠背 戊子,以京師

官。兗州城內及官軍下寨四面去州五里內,今年所徵夏秋稅及沿徵錢物並放〔三〕,十里內,

材 只 放 夏稅(云); 諸處差到人夫內,有遭矢石死者,各給絹三匹,仍放戶下三年徭役云。 一州管界,今夏苗子三分放一 分。 城內百姓遭毁拆舍屋及遭 燒焚者, 詔兗州 給賜

降爲防禦州,仍爲望州。

修葺 春秋從薛史作戊戌。 以夢 賜緋,原本作「賜排」,今從冊府元龜改正。(影庫本粘籤)口授曲阜令,顏涉授主簿,便令視事 所。 征 襲文宣公孔仁玉,是仲尼四十三代孫,有鄉貢三禮顏涉,是顏淵之後。」卽召見。 曰:「今日若 克捷, 七日, |表〔+〕,陳奏機事,且言爲幽州節度使蕭海貞欲謀嚮化,帝甚嘉之。 曰:「文宣王,百代帝王 孔子 /告宰臣 **遂幸孔林**,拜孔子墓。 六月乙酉朔,帝幸曲阜縣,謁孔子祠。 無 書夢道 祠宇,墓側禁樵採。 如 一, 叉 不 《此之速· 離 四 土 辛丑, 城下, 日 人進 也。 而 以靈 則當 城 是日 拔。 一書,卷首云「車駕來月二日還京」,其下文字絕多,不能盡記。旣寤, 一師也,得無敬乎!」卽拜奠於祠前。 帝謂近臣曰:「仲尼、亞聖之後,今有何人?」對 武節 爲 潦所溺矣。」戊戌,車駕至自 大雨,城下行宫,水深數尺。 帝至軍,凡駐蹕九日而賊平,果以六月二日發離城下,近代親 丙戌,車駕還京。 度使 馮暉卒,輟朝 既奠,將致拜,左右曰:「仲尼,人臣也,無致拜。」 初,帝以五月十三日至兗州, 一日。 1克州。 壬寅, 其日晚, 至中都縣, 帝笑謂侍臣 其所 前翰林學士李澣自契丹中 案 歐陽史作庚子,至自兗州,五代 奠酒器、 案宋史李澣傳: 曰:「前曲 銀鑪 賊尙拒守,至 仁玉 並 仍敕兗州 海貞與澥相 留 一賜緋, 阜令

朝齎詔 多故,不能用其言。(舊五代史考異) 善,澣乘間諷海貞以南歸之計,海貞納之。 辛亥,以朔方軍衙內都虞候馮繼業復起爲朔方軍兵馬留後。 撫,仍命澣通信。 灣復表述:「契丹主幼弱多麗,好擊鞠,大臣離貳,若出師討伐,因與趙好, 癸卯公,德妃董氏薨。 周廣順二年,澣因定州孫方諫密表,言契丹衰微之勢, 乙巳, 詔宣徽南院使袁義判開封府 甲寅,幸舊宅,爲德妃舉哀故 周祖嘉焉, 乃其時 也。 遣諜者 屬中原 田重 事

也。

諸司 知、駙 使、洋州節度使郭崇爲陳州節度使,以侍衞步軍都指揮使曹英爲曹州節度使,並典軍 小 以陳州防禦使藥元福爲晉州節度使。 而 去, 底都指揮使、漢州 齋,侍衞親軍都指揮使已下共設一 揮使。 '職掌,更不得開設道場及設齋。」是日大風雨,破屋拔樹,尙書省都堂有龍穿屋壞獸 秋七月内辰,詔:「內外臣僚,每遇永壽節,舊設齋供。 馬都尉張永德領 西壁有爪迹存焉。 刺史李重進爲大內都點檢兼馬步都軍頭,領恩州團練使, 和州 襄州大水。 刺 史, 張永德,原本作「承德」,今從宋史改正。(影庫本粘籤) 齌,樞密使、內諸司使已下共設一齋,其餘前任職員及 丁卯,詔復升陳州、曹州爲節鎭。 辛未,詔相州節度使李筠權知路州軍州事。 今後中書門下與文武百官共設 以侍衞馬軍都指揮 充小底第一軍 以內殿直都 丙子,以 · 如故。 角

八月甲 中朔, 翰林學士、刑部尚書張沆落職守本官。 以中書舍人、史館修撰判館事徐 四八三

麴法 使 今年 已准 土、左 吏部 極 合符 公常 刑 侍 詔送 **思移鎭宋州**, 七月,因步履傷臂,請告數旬,詔穀 爲 鹽麴 散 樞密使王 至是始革之。 禮部 郎 ·騎常 還本土 犯 尙 以戶 五斤已上 侍 書, 峻 陳觀爲工 部 相州 上章,請 甲午, 侍 充翰 郞 一處死,煎賺鹽 節度使李筠移鎭路州。 邊 林 部 韶止絕吏民詣關舉請刺史、 學士 歸 解樞衡,凡三上章, 侍 瀧 為 郎, 承 兵部 依前 旨 者犯一斤已上處死。 į 以 侍 充 扶持三司,刻名印 則 職; 兵部 詔 以 以 侍郎韋勳爲 壬: 不 刑 禮 寅, 允。 部侍 部侍 、縣令。 鄆州節度使高行 庚寅, 郞 郎趙上交爲 先是, !署事 尚書右 景範為左 賜宰臣李穀白 潁州奏, ',仍放朝參。 漢法不計斤兩 丞; 司 卢 ,部侍 以尚 郎中,充 周 先於淮南俘獲孳畜 夢。 書右 藤肩輿。 郎; 庚子,潞 癸丑 樞密直 多少 以 丞 樞 于 時製以 德 州 密 詔 |學士 節 並 改 直 辰 處 鹽 度 學

指 趙 [延义,原本作「廷義」,今從通鑑改 擄 插 鬒 八九八, 者 使 何德 爲 皇 月 庚午, 相 見 官 得 州 筠 留後。 等 軍 入 以 北 率 鼓 兵 界 大 課 俘 戊寅 拒 理 不 之而 掠。 卿劇可久為 已,官軍 正。(影 樂壽都監杜 退。 乙亥,鎭 庫 不 時 本粘籤)爲 契丹聞 敀 太僕卿, 州 心進,其 延熙奏, 奏, 官軍 契丹寇深 太 Ţ 以左 府 壯 於瀛 至 卿 虚 庶子張仁豫爲大理卿, 兼 掠 爲 州南 蕃 翼部 剉 、冀州 可 軍 殺敗 天 所 T 監 壯 遣 殺 製丹, 事 數 龍 而 去。 捷 百 斬首 詔 隨 都 北 指 行, T 面 三百級 丑: 揮 以 沿 狼 使 以 司 邊 狽 劉 奠 州 後 而 誨 、監趙 州 **、牙 馬 防 几 禦 冀 內 自 延 使 部

癸未,帝姨母韓氏追封楚國夫人,故第四姊追封福慶長公主。 癸未 (10), 易州奏,

丹武州刺史石越來奔。

蕃歸 院使 亦無「董」字,蓋上文已云「癸巳,德妃董氏薨」,此處可從省文也,今仍其舊。(影庫本粘籤) 未, 甲, 州 得 爲濟州 上 甲辰,宰臣 每 一供 以 永興軍奏,宣徽北院使、知軍府事翟光鄴卒。 造 軍 器 年占留繫省錢帛不少,謂之「甲料」,仍更於部內廣配土產物,徵斂數倍,民甚苦之。 袁義權 冬十月內戌,以前晉州節度使王彥超爲河陽節度使。庚寅,詔:「諸州罷任或朝覲,並不 萬 漢 作不 ·器外,節度使、刺史又私造器甲,以進貢爲名, 城進貢(11)。」先是,諸道州府,各有作院, 戶 萬 以樞 精,兼占留屬省物用過當,乃令罷之。 李穀以臂傷未愈,上 九千八百戶。 知永興軍府 密院 副 使鄭仁誨爲宣徽北院使兼 事,以 是時,北境饑饉,人民轉徙,襁負而歸中土者, 樞密直學士、工 表辭位, 凡三上章,詔報不允。 部侍郎陳觀權知開封府事。 樞 每月課造軍器,逐季搬送京師進納。 仍選擇諸道作工,赴京作坊,以備役使。乙 丁酉,葬德妃, 密副使。 功費又倍, 庚子, 丁未, 悉取之於民。 「德妃」上疑脱「董」字、考册府元龜 幸樞密院,王峻請之也。 廢朝。 滄州 散居河北州縣,凡 奏, 己亥,升鉅野縣 戊戌、以宣徽南 自十月已前, 帝以諸州器 其逐

+ 月 丙 辰,荆南奏,朗州大將劉言,以今年十月三日領兵趨長沙,十五日至潭州。

周

書

Ξ

太祖

紀

第三

敵境。 以之生事 州。 陝州 等,今後有父母、祖父母亡歿未經遷葬者,其主家之長,不得輒求仕進,所由司亦不得申舉 三分內減二分,其一分於人戶苗畝上 南所署湖南節 四, 兩, 水牛半斤, 犢子皮不在納限。 胄,未免配役 鄆州 折從阮移鎭邠州。 壬 州縣先置巡檢牛皮節級並停。」丙子, 戌,樞密 ,原本作「均州」,今從通鑑改正。(影庫本粘籤) ,<u>姦猾得以侵漁,宜立所規臼</u>, 上靈,多取于民, 度使 使王峻亡妻崔氏 及邊鎬 以前宋州節度使李洪義爲安州節度使。 岳州 助成軍器。 刺 追 史宋德權並棄城遁去。 封趙國 牛馬驢騾皮筋角,今後官中更不禁斷,只不得將出化外 一配定。 用革前弊。 就 夫人,非故事 中皮革,尤峻科刑,稍犯嚴條, 甲戌,詔曰:「累朝已來,用兵不息, 每秋夏苗共十頃納 詔曰:「應內外文武官僚幕職、 應天下所納牛皮, 也。 庚申, Z Η; 連角皮一張,其黃牛納乾筋 以前 癸 酉, 刑部尚書張沆 少府監 今將逐所 青州 皆抵 符彦 州 馬從斌為殿中 縣官舉選人 至於繕治 極 卿移鎮 卒。 納 典, 數 辛未 鄉縣 軍 甲

不行,謀于達曰:「江南召我,不往,必加兵於我矣,爲之奈何!」達曰:「歸之此來,以制置潭、朗爲名, 解送。 出 達(三)、行軍司馬何敬貞、指揮使周行逢等,同共部領戰棹,攻收湖南。 十二月內戌,權武平軍留後劉言遣牙將張崇嗣入奏,於十月十三日, 王進逵等已入潭州。 如是卑幼在下者,不在此限。」已卯,日南至,帝御崇元殿受朝賀,仗衞 案九國志王逵傳:達,朗州武陵 人,或名進達。 邊鎬 爲武安軍節度 偽節度使邊鎬當夜 與節度副使王進 使,召劉言入覲,言 如 公如速行, 正入其 儀

算。 仕 侯入朝,不得進奉買宴。丁酉,皇子澶州節度使榮落起復,加同平章事。 南,諸州屯守皆罷之,盡復湖外之地。 也。」言然之,乃遣與何景眞等同起兵于武陵,號十指揮使,以攻邊鎬。 衞復爲左右屯衞。」「請改左右衞」當作「左右威衞」,蓋當時奏牘之文,因避御名,故去「威」字,今仍其舊。(影庫 王延卒。 武陵負江湖之阻,帶甲百萬,乃欲拱手臣異姓乎?鎬新至長沙, 壬寅,幸西莊。乙巳,以端明殿學士顏衎權知開封府事。 (舊五代史考異) 癸巳,太子太師致仕安叔千卒。 達率舟師南上,至長沙, 經略未定, 乘人心憤怒, 御史臺奏:「請改左右 戊戌,太子少傅致 邊鎬大駭, 引兵攻鎬, 甲午,詔 以所部 可一 今後諸 鼓而擒 奔歸

本粘籤)從之,避御名也。

是冬無雪。

武安、靜江等軍事,進封彭城郡公;武平軍節度副使、權知潭州軍州事、檢校太傅王進逵爲 太傅何敬貞爲檢校太尉,行桂州刺史,充靜江軍節度使,以張倣領眉州 檢校太尉, 太尉劉言爲檢校太師、同平章事,行則州大都督,充武平軍節度兼三司水陸轉運等使,制置 於武陵。」從之。 賜羣臣射於內鞠場。乙卯,武平軍兵馬留後劉言奏:「潭州兵戈之後,焚燒殆盡,乞移使府 廣順三年春正月壬子朔,帝御崇元殿受朝賀,仗衞如儀。幸太平宮起居漢太后。甲寅, 行潭州刺史, 韶升朗州爲大都督府,在潭州之上。丙辰,以武平軍節度使留後日馬、檢校 充武安軍節度使,以武安軍行軍司 '馬兼衙內步軍都指揮使、檢校 刺史, 充武平軍節

周書

Ξ

敕 度 書安撫, 軍 副 使 司 今從通鑑及宋史改正。(影 以 如不從命,即進軍 朱元 自 進 逵 秀領黃州刺史,充靜江 而 下,皆劉言將校 一問罪。 庫本粘籤) 辛酉,詔賜朗州劉言 也 侵擾州 軍 邠州 節 界。 度 奏, 副 使; 詔遣寧州刺 慶州 以 略蕃部野鷄族略 應 周 兩京及諸道舊屬 行逢領集州 史張建武 、等率兵掩 刺 奪 史, 商 湖 充武 旅 南 樓店邸 襲, 安軍節 野 仍 雞, 先賜 原本 度

充永 中永 及権 屬 應 京 含智田 有 行 郡 客 從莊外, 萬 邑各 鹽 自 Z 戶元 是 務 收 戶 一丑,詔:「諸道州府繫屬戶部營田 聚」云。 是歲 部 有 亦 六 亦 歸 + 院及繫縣人戶所納租中課 租 佃繫省莊田、桑土、舍字,便賜逐戶, 口 其餘並割屬州縣, 州 餘 出 牛課戶,往因 賌 縣 載,時 戶三萬餘,百 帝在民間,素 灵 依 用。 移 例 、處分。 帝日 代 改, 梁太祖 「苟利 姓 牛租 知營田之弊,至是以天下繫官莊 所徴租 或有 一旣得爲己業,比戶欣然,於是葺屋植 渡淮,軍士掠民牛以千萬計, **%在,百姓苦之,** 於民, 上言, 利, | 及租 稅 課 與資 以 起今年後並與除放。 利, 一稅課 天下繁官 國 充爲永業, 仍仰縣司給與憑由 官中只管舊額公司,其職 利等,除京兆府莊宅務、瞻國 何 至是 莊 特與除 田 , 甚 梁太 田僅 有 所有見牛犢並賜本戶, 放。 可 萬計, 旭 樹,敢致 ·惜者,若遣貨之,當得 未幾, 盡 給 員節級 悉以分賜 與諸 京兆 《功力。 軍権鹽務、兩 州民,輸 府莊 應諸處元 切停廢。 見佃 叉, 宅務 租 戶 官 東

1 戶部侍郎、權知貢舉趙上交奏:「諸科舉人,欲等第各加對義場數公司,進士除詩

刺 郡,皆強貸於侯伯,爲靑州知州張凝所奏,故有是命。己巳,幸南莊,臨水亭,見雙鳧戲於池 登州,原 賦外, 上,帝引弓射之,一發疊貫,從臣稱賀。 史葉仁魯賜死,坐爲民所訟故也。 本脱「登」字、今從字知損本傳增入。(影庫本粘籤) 別試雜文一場。」 從之。 兩浙弔祭使、 辛未,詔樞密使王峻巡視河堤。 庚午,以前邠州節度使侯章爲鄧州節度使。 仍令所在馳驛放遣。 左諫議大夫李知損責授登州 知損 峻請行,故從之。 銜命江、浙, 司馬, 員外置, 所經藩 前萊州

豐軍 梁租 留守王殷 節 極 馬 民 如 度使榮 清請 故 何敬眞與指揮使朱全秀公心、陳順等,率水陸軍五萬進擊。 加 了, 出 與前 還。 庸使趙巖姪崇勳,見居陳州,量賜繫官店宅,從王峻之請也。 閏 延州 月甲申,朗州劉言、潭州王進逵奏,廣賊占據桂管,深入永州界俘劫,遣朗州行 勁兵夜斫蕃營,斬首六十級,契丹遁去。 甲午,鎭州奏,契丹寇境,遣兵追襲,至 來朝。 加檢 刺 史李穀 衙 契丹國志作無極山,薛史無「山」字,當係史家省文,今姑仍其舊。(影庫本粘籤)內申,皇子澶州 校太尉, 內指揮使高紹基奏言:「父允權患脚膝,令臣權知軍 壬寅,以樞密使、尚書左僕射、同平章事、監修國史王峻兼青州節度使,餘 立 |祠堂。」從之。 時|穀爲宰相,聞郡人陳請,遜讓數四,乃止。 依前 同平章事。 丙午,鎭州節度使何福進、河陽節度使王彥超並 丙戌,迴鶻遣使貢方物。 ·州事。」癸卯, 辛卯,定州奏,契丹攻義 陳州奏:「吏 甲辰,鄴 詔 軍 故 加 都 無

檢 校校 太尉,路州節度使李筠加檢校太傅。 丁未,延州節度使高允權卒。 己酉,開封府奏,都

城內錄到無名額僧尼寺院五十八所。詔廢之。

陝州 陳守愚棄市, 能,晉相維翰之庶弟也,坐據維翰別第爲人所訟故也。 制寶一座。 斯篆之,歷代傳授,事具前史。 秘書監 及 奏,交割 事,及戎王北歸,齎以入蕃。漢朝二帝,未暇別製,至是始創爲之。庚申, 其一以「皇帝承天受命之寶」爲文,其一以「皇帝神寶」爲文。 李洪義、侍衞馬軍都指揮使郭崇、侍衞步軍都指揮使曹英,並加檢校太尉。 司 潭 州 軍 二月辛亥朔,以前西京留守白文珂爲太子太師 員 一州事。 軍 、外置,所在 部 陳觀 府與副 衆 開運末,北戎犯闕,少帝遣其子延煦送于戎王,戎王訝其非眞,少帝上表具訴其 ,原本作「陳官」,今從宋史顏衎傳改正。(影庫本粘籤) 坐剋留戶民蠶鹽一千五百斤入己也。 奔潰。 甲子, 使張圖。 「馳驛發遣。戊辰,左監門上將軍李建崇卒。 湖南 樞密使、平盧軍節度使、尚書左僕射、平章事、監修國史王峻責授商州 王進逵以敬眞失律,已梟首訖。 己巳,朗州劉言奏,當道先遣行軍司 至唐末帝自燔之際,以實隨身,遂俱焚焉。 致仕,進封韓國公。 內制國 壬申,鳳翔 癸酉,以戶部侍郎、知貢舉趙上交爲 以 寶兩座, 樞 按, 密直學士、工部侍郎陳觀爲 馬何敬眞率兵掩擊廣賊,行 延州牙內都指揮使高紹基 傳國寶始自秦始皇,令李 少尹桑能責授鄧州長史。 韶中書令馮道書寶文, 癸丑, 遣將作監李瓊知 晉高祖受命, 特 唐 安州 州方城縣令 節 度 使

勾落姓名,故上交移官。 太子詹事。是歲,新進士中有李觀者,不當策名,物議諠然。中書門下以觀所試詩賦失韻 丁丑,幸南莊,賜從官射。命客省使向訓權知延州軍州事。 永樂大典

校勘記

卷八千九百八十。

劉仁瞻 殿本、劉本、本書卷一二九劉仁瞻傳同, 大典卷八九八〇「瞻」作「瞻」。影庫本批校云:

「劉仁膽,『膽』應作『瞻』。」

 Ξ 按二十史朔閮表,廣順二年正月戊午朔,無丙申,在甲子初七日與庚午十三日之間,應爲丙寅初 原作「丙申」,影庫本粘籤云:「丙中,以長曆推之,當作丙寅。今無別本可校,姑仍其舊。」

九日。今據殿本改。

沭陽 原作「沐陽」,據殿本、劉本、通鑑卷二九〇改。下同。

癸卯 及冊府卷一六七改「癸巳」爲「癸卯」,據殿本改「壬寅」爲「壬子」。 朔,本卷上文已有「癸巳」,此處在「庚子」後,當爲「癸卯」,在「癸卯」後不應有「壬寅」。 今據殿本 文壬寅當作壬子。今無別本可檢,姑仍其舊,附識于此。」按二十史朔閏表,廣順二年二月丁亥 原作「癸巳」,下文「壬子」原作「壬寅」。影庫本粘籤云:「以長曆推之,癸巳當作癸卯。下

- (H) 今年所徵夏秋稅 「稅」字原無,據殿本補。
- (1) 只放夏稅 「夏稅」二字原無,據大典卷八九八〇補。
- (七) 李 澣 原作「李瀚」, 據殿本、劉本、大典卷八九八○、宋史李澣傳改。 影庫本批校云:「『李瀚』,

據宋史作李澣。」

癸卯 按二十史朔閏表,廣順二年六月乙酉朔,癸巳爲初九日,此處在壬寅十八日與乙巳二十一日之 原作「癸巳」,影庫本粘籤云:「癸巳,以長曆推之,當作癸卯。今無別本可梭,姑仍其舊。」

間,當爲癸卯十九日。今據殿本、大典卷八九八〇改。

- (元) 自守疆場 「場」原作「場」,據殿本、大典卷八九八○改。 劉本作「土」。
- 6 癸未 原本有舛誤。今無別本可梭,姑仍其舊,附識于此。」 劉本、大典卷八九八○同,殿本無此二字。 影庫本粘籤云:「『癸未』二字與上文複見,疑
- □□ 不得以器械進貢 「得」字原無,據大典卷八九八○補。
- $\stackrel{\frown}{=}$ 宜立 所規 劉本、大典卷八九八〇同。殿本、彭校、册府卷四八八「所」作「新」。
- 今將逐所納數 殿本、劉本、大典卷八九八〇同,冊府卷四八八「逐」下有「年」字。
- 王進 逵 「逵」原作「達」,據殿本、劉本、歐陽史卷六六楚世家改。本卷下文同。影庫本批校云:

「『王進達』,據九國志應作王進達。」舊五代史考異云:「案:原本作『進達』,後又作『王逵』,考九

國志:王達或名進達,今改正畫一。」

呈 武平軍 「軍」字原無,據大典卷八九八〇及本卷上下文補。

公古 官中只管舊額 「官」原作「宮」,據殿本、劉本改。影庫本批校云:「宮中,據下文應作『官中』。」舊

近代史考異云:「案:『官中』誤『宮中』,今據下文改正。」

全 各加對義場數 「對」原作「封」,影庫本粘籤云:「『封義』二字原本似有舛誤,考五代會要亦作

『封義』,今無別本可校,姑仍其舊。」今據大典卷八九八〇、冊府卷六四二、本書卷一四八選舉志

改。

CIS 何敬真 批校云:「何敬真,前作『敬貞』,後作『敬真』,未詳孰是。」 大典卷八九八〇、通鑑卷二九一同。殿本、劉本、九國志及本卷上文作何敬貞。

影庫本

舊五代史卷一百一十三

周書四

太祖紀第四

以皇子澶州節度使榮爲開封尹兼功德使,封晉王,仍令所司擇日備禮册命。 節 充職,以左司郎中、充樞密直學士景範爲左諫議大夫充職。 職,守兵部侍郞。 北院使兼樞密副使鄭仁誨爲澶州節度使,以殿前都指揮使李重進領泗州防禦使,以客省使 庚寅,端明殿學士、尚書兵部侍郎顏**衎落職守本官。案宋史顏衎傳云:**佈權知開封府, 向訓爲內客省使。己丑,以棣州團練使王仁鎬爲右衞大將軍,充宣徽北院使兼樞密副使。 度使,以前兗州防禦使索萬進爲延州節度使,以亳州防禦使張鐸爲同州節度使。 廣順三年春三月庚辰朔,以相州留後白重贊爲滑州節度使,以鄭州防禦使王進爲相州 蓋當時以晉王爲開封尹,故衎罷職。 與薛史異。以翰林學士、中書舍人王溥爲戶部侍郎 秘書監陳觀責授左贊善大夫, 丙戌,以宣徽 王峻敗, 甲申, 行罷

周

書四

太祖紀

第四

디 峻 黨 也。 癸巳,大 風 雨土。 戊申,幸南

使常思移鎭靑州 夏 辺 月甲寅, 禁沿邊民鬻兵仗與蕃 鳳翔節度使趙暉移鎭 人。 宋州, 戊辰, 河中節 河陽 節 度使王彦超移鎮 度使王景移鎭鳳翔(1),宋州節 河中。 賜 朝州 劉 度

也。

一將士持

支救

接

討伐, 官軍 事、集賢殿大學士、權判門下省事范質,可權監脩國史。 本作「殺牛于族」,考通鑑、五代會要、宋史、東都事略俱作殺牛族,知原本「于」字衍, 兵攻之。 其率化。 以彥欽再刺慶州,兼掌権鹽,彥欽擅加 及建武,俱罷其任,及逐欽至京師,故有是命。 族,彥欽作法擾之。 言絹三百匹,以兵革之後匱乏故 匹 一萬 不利,爲蕃 五月己卯朔,帝御崇元殿受朝,仗衞如儀。 相聚餉饋, 欣然迎奉。 千四 建武勇於立功,徑取野鷄族帳,擊殺數百人。又,殺牛族素與野鷄族有 蕃人既苦彥欽貪政,不時報命, 百兩,請徵入官。 ·人迫逐,投崖墜澗而死者數百人。從阮等以兵自保,不相救應。 蕃情獷猂,好爲 官軍利其財貨孳畜,遂劫奪之,翻爲族所誘,至包山 韶宋州給還人戶契券,其絲不徵。 不法,彥欽乃奏野鷄族掠奪綱 詔在 権錢,民夷流怨。 京諸軍 朝廷乃詔邠州節度使折從阮、寧州刺 丁亥,新授青州節度使常思在宋州 辛巳,前慶州 州 北· 刺 + 今刪。(舊五代史考異) 史郭彦欽 五里寡婦 商, 甲午,中書侍郎、同平章 帝遣使 勒 Ш 歸 有蕃部 齎 私 史張建武 詔撫 第。 負險之地, 日出 帝怒彥欽 且開官軍 諭 國初, 案 野鷄 放得 進 原

及職員戶人孳畜七千頭口歸化。 六月壬子,滄州奏,契丹幽州権鹽制置使銀防州刺史、知盧臺軍事張藏英,以本軍兵士 案:歐陽史作秋七月,張藏英來奔。(舊五代史考異) 癸丑,以前 開封

尹、楚國公侯益爲太子太師,以前西京留守、莒國公王守恩爲左衞上將軍,案:原本作「守思」,今

宋彥筠爲太子少師,以太子少師楊凝式爲尚書右僕射致仕。 據通鑑改正。(舊五代史考異) 以前永興軍節度使李洪信爲左武衞上將軍。 癸亥, 前河陽節度使王 甲寅, 以左衞上將軍 繼 弘

。是月河南、河北諸州大水,霖雨不止,川陂漲溢。

襄州漢水

溢入城,深一丈五尺,居民皆乘筏登樹。 羣烏集路州,河南無烏

己巳,太子太傅李懷忠卒。

裔 戌(三),以左金吾上將軍安審信爲太子太師致仕。 使韓通爲陝州留後。庚寅,太府卿、判司天監趙延乂卒。辛卯,以前西京副留守盧價爲太 上將軍,以前鄧州節度使張彥成爲右金吾上將軍。己丑,以虎捷左廂都指揮使、永州防禦 孫卒。 秋七月戊寅朔,徐州言,龍出豐縣村民井中,即時澍雨,漂沒城邑。 甲申,鄴都王殷奏乞朝覲,凡三上章,允之。 丁亥,以右金吾上將軍張從恩爲左金吾 尋以北邊奏契丹事機,詔止其行。 癸未,太子賓客馬

一四九七

承旨、尙書禮部侍郎徐台符爲刑部侍郎充職。丙申,太子太師致仕安審信卒。

丁酉,詔曰:

乙未,以御史中丞邊光範爲禮部侍郎,以刑部侍郎張煦爲御史中丞,以翰林學士

「京兆、鳳翔府、同、華、邠、延、鄜、耀等州所管州縣軍鎮,頃因唐末藩鎮殊風,久歷歲時,未

子賓客。

以 得差監徵軍將下縣。」 家,家在壽光縣,爲縣吏馮 部民,合是軍鎭警察之職。 能 鴻 釐 臚 革, 少卿趙脩己爲司 政途 不 何以教民。 戊戌, 天監 勳所訟, 今後各守職分,專切 衞尉 其婚田爭訟、賦稅丁徭, 少卿 故黜之。 李温美責授房州 供奉官武懷贊棄市, 另提撕? 如 司 合是令佐之職。 所 戶 職 多軍。 疏遣 坐盜馬價入己也。 (图),各行按責,其州 温 美奉使祭海, 其擒 姦捕盗、 便道歸 府不 庇 護

爲諸 詞移鎭 成」,那州 士薪獨有差。 [言與准賊通連,差指揮使鄭珓部領兵士,欲倂當道。 聽,私至近縣止宿,及報隄防危急,安寢不動,遂致橫流,故有是 雨 連綿,漂沒田稼,損壞城郭廬舍。 軍所廢,臣已至朗州安撫訖。」詔劉言勒歸私第, 八月己酉,幸 河陽。 原本作「刑州」, 辛酉, 癸酉, 南莊。 今各據通鑑改正。(影庫本粘籤) 以翰林學士、戶部侍郎王溥爲端明殿學士。 以龍捷左廂都指揮 丙辰,內衣 庫使齊藏珍除名,配沙門島。 使、 閬州 丁卯,河決河陰,京師霖 防禦使田景咸爲 委王逵取便安置。 鄭珓為軍 衆所執 甲戌, 邢州 藏珍 責。 雨 庚申, 奉韶脩河,不於役所 留後。 潭州王逵奏「朗州 不 奔入武陵,劉言尋 是月所在州郡奏 止。 那州 景咸, 給賜 節 原本作「景 諸 度 軍 使 劉

九月已卯,太子少保盧損卒。 齊州保寧郡兵士屯於樂壽(哥) Ţ 酉,深州上言:「樂壽縣兵馬都監杜延熙爲戍兵所害。 都頭劉彥章等殺延熙爲亂。 時鄭州開道指揮使張萬

庫本粉籤)諤乃與萬友擒彥章等十三人斬之,餘衆奔齊州。 友亦屯於樂壽,然不與之同。 朝廷急遣供奉官馬諤省其事,馬諤,原本作「馬咢」,今從通鑑改正。(影 是月多陰曀,木再

位 尚書左丞兼判國子監田敏權判太常卿,以禮部尚書王易權兵部尚書。 中書令馮道赴西京迎奉太廟神主。甲子,中書令馮道率百官上尊號日聖明文武仁德皇帝, 崇諒爲禮部侍郎,充翰林學士。時崇諒解職於陝州就養,至是再除禁職,仍賜詔召之,令本 未,前寧州刺史張建武責授右司禦副率,以野鷄族失利故也。以前翰林學士、工部侍郎魚 防禦使郭瓊爲權宗正卿。甲寅,以前光祿卿丁知浚復爲光祿卿。 權兵部尚書王易爲鹵簿使,御史中丞張煦爲儀仗使,權判太常卿田敏爲禮儀使。以前潁州 率斂。已酉,右金吾上將軍張彥成卒。 州給行裝鞍馬,侍親歸朝。以太子賓客張昭爲戶部尙書,以太子賓客李濤爲刑部尙書。 [制度,請下所司脩奉,從之。以中書令馮道爲南郊大禮使,以開封尹、晉王榮爲頓遞使, 多十月戊申朔,詔以來年正月一日有事於南郊,諸道州府不得以進奉南郊爲名, 允,凡三上章,允之,仍俟郊禮畢施行。 庚戌,以前同州節度使薛懷讓爲左屯衞上將軍,以 壬申, 鄴都、邢、洛等州皆上言地震,鄴都尤 丙辰,幸南莊、西莊。 太常奏,郊廟社稷壇 輒

十一月辛巳,廢共城稻田務,任人佃蒔。 乙酉,日南至,帝不受朝賀。庚寅,鎭州節度

作監· 使 何 上 李瓊 福 爲 進 緊 為 奏乞朝覲,三奏,允之。 、縣,一 濟州 刺史。 千戶已上爲上縣,五百戶以上爲中縣,不滿 壬寅,詔:「重定天下縣 詔侍衞步軍都指揮使曹英權知鎭州 邑,除畿 赤外,其餘 五 百戶為 三千戶 中下 軍 府 户上 事 縣 爲望縣,二 以將

禮。 宿 爲 本作「陸 使 所 神 肉,並不 不, 點都 亚 何 于太廟 訟 而 是日 故 獻 退。 福 僧, 進 也。 問 留 通 來朝。 一月戊 壬 今從通鑑及契丹國志改 罪。 守、 車 攝 乙亥質明,帝親 子, 甲寅, 移獻行 駕赴 、侍衞 申,雨木冰。 癸 前 乙 郊宮 酉 詔 |単州 親 丑: 事 諸 帝宿 , 軍 ,」從之。 鄴 道 刺 都 都 州 史趙 指 變 齌 留守王 府縣 是 正。(影 太 於 揮 日,四 鳳 崇元殿,爲來 廟, 使王 己巳,左 鎭 賜 庫本粘籤) 自齋 殷 城內 殷 死, 廟 來 削 神主 宫 朝。 單州 人戶,舊請 奪 補 乘 至 在 闕 11-,原本作「善州」,今據趙鳳本傳改正。(影庫本粘籤 年 步 丙寅, 自身官 王伸 及一室行禮,俛首而退,餘命晉王率有 西郊,帝郊 輦 IF. 月一 至 停任, 「爵,長 蠶 禮儀 廟 鹽徵價,起今後並 庭, 日 使奏:「皇帝郊 流 親 迎 坐 被衮冕, 登州 檢) 奠變, 祀 南 田 郊 於亳州, 尋賜死 奉 也。 令近臣 神主入于太 廟 時 停。 於 虚 帝已 行 翼侍 北 憑 事, 甲子,鎭 郊。 紐 陞 不 請 配 廟, 階, 豫 其家 故 以 晉 司 也 州 坐 設 **陞階**,原 甲 7終其 人骨 Ŧ 愛安 節 爲 戌, 榮 民 辛 度

顯 [億元年春正月丙子朔,帝親祀圜丘,禮畢,詣郊宮受賀。 車駕還宮,御明德樓,宣制。

賀。 優散 者, 平王 可開 緋 進 陳 氐、房、原本作「互方」,今從通鑑及契丹國志改正。(影庫本粘籤) 下 「大赦天下,改廣順四年爲顯德元年。 赦除之。 一露寢。 帝 十五五 封 故有郊禋之命。 同 官 申 府儀 時 王 戊 明 1,賜緋。 寅, 國 陵 年 帝 甲申 鄆州 經出· 文廟及 同三司、檢校太尉、兼侍中, 郊 與賜紫。 內外將士各優給,文武職官並與加恩,內外命婦 若散財以 詔廢鄴都依舊爲 符彥卿進封衞王 祀,御樓受册,有司 宋州 西京 [身,今後諸寺監不得以白身署攝。 名臣墳 應奉郊廟職掌人員, 選軍 武 致福,遷幸以避災,庶幾可 州 行 洎歲暮,帝疾增劇,郊廟之禮蓋 縣官曾經五度參選,雖未及十六考,與授朝散大夫階,年七 墓無後,官爲檢校」云。 應進封譙國公,許州郭從義加檢校太師,鳳翔王景進 進封韓國公, 天雄軍 , 移鎭 多略其禮,以帝不豫 青州 天雄 並與恩澤。 行開封 大名府在京兆府 自正月一日昧爽已前,應犯罪人,常赦所不 常思 軍 护 荆南 ·以驅禳矣。」帝以遷幸煩費,不可 宣赦畢,帝御崇元殿受册尊 進封萊國公,徐州 、功德使, 升朝官兩 今後不得以梁朝及淸泰朝爲 乃鄭、宋之分, 高保融 勉而 故也。 之下。 行之耳。 進 並 判內外兵 任已上,著綠十五周年 先是,有占者言:「鎭星在氐、房,)封南平王; 與進封。 庚辰, 王晏進封滕 當京 馬 制皇子 事。 寺監攝官七周年已上 師之地; 夏州 號, 襄州 開封 封褒國公, 國 禮畢, 李彝興 偽朝偽主, 天 公, 輕議,散 安審 兼氐宿主帝 尹、 與賜緋,著 十已上,授 鄧州 原者,咸 晉王榮 羣臣 進 琦 封 財 進 侯 封 稱 西 山

孫 侍 糶 使 滄 司, 樞 家萬 彦 英 武 密 方 州 衞 以 折從阮 使 留 超 爲 馬 李 諫 濟 後 戊 鎭 進 加 暉 進 軍 饑 加 爲 馮 州 封 H 都 加 民。 原 同 , 平平 繼 曹 平 節 指 檢 蕭 本作「從玩」,考從阮 晉州 業 州 章 校 度 揮 或 章 詔 公 使, 使 節 事 太 並 事 潭 藥 郭崇 ; 尉 Œ 度 州 加 元 以鎭 使, 授 自 ; 同 依 鄜 福 節 安州 爲 趙 平 舊爲 州 加 州 澶 暉 度 ·章事 檢 滑 楊 本名 已下 使。 節 李 州 校 州 信 大 洪義 度 節 |從遠,漢 ; 太 白 都 加 庚寅 使 並 度 傳; 潭 督 重 開 加開 使 何 加 府, 贊、 州 府 時避 夜, 檢 福 定州 儀 \pm 府儀 在 校 進 加 相 逵 高 東 同 朝州 爲 太 同 州 祖 北 留 加 三司 耶州 平 御名,始改作 同三司。 師 王 特進、 後 有 章 進 桂州 孫 大 節 事 貝 進 星 行 州 封 度 同 兼 之上 墜, 友、 杞 使, 州 侍 以 王 阮, 其聲 曹州 酉 邢 饒 國 張 中 今 改 0 州 鐸 公 加 加 分命朝臣往諸 丙 如 河陽 節 Æ 留 並 同 檢 戌, 雷 後 平 度 邠 加 校 (影 以 章 太 田 檢 劉 使 州 庫 景 本 澶 校 事 尉 折 詞 兼 粘 從 威 ; 侍 州 太 加 籤) 節 潞 以 傅 檢 衞 阮 陝州 州 步 州 校 改 陳 度 加 開 封 使 以 李 太 軍 州 開 留 倉 筠 尉 鄭 延 都 節 鄭 府 後 州 指 减 加 度 國 儀 仁 韓通 節 使 日 河 揮 公 誨 價 同 度 中 平 使 兼 爲 出

學士草 汧 或 以 壬 制 端 辰 以 司 明 溥 宰臣 空蘇禹珪進封莒國公, 為中書 殿 學 馮 信 道 鄓、 尚書戶 加守太 同中書 門下 部 師 侍 卒 ٠, 范質 章 郎 事。 並 Ī 加開府儀同三司。 溥 加 已 佁 宣 爲 制 書 中 書 左 太 祖 侍 僕 日:「吾」 郎 射 平 監 無 章 恨 修 以宣 矣。」 事 國 . 史 (舊五代 徽南院使、 案 東 李 穀 都 、史考異) 事略 加 右 Œ 知永興 僕 | 溥傳 司 射 太祖 徒 軍 竇 集賢殿 將 府 貞 大漸 固 袁 ,促召 淮 大 學. 封

書四 太祖紀第四

温爲 如故; 爲延州節度使; 景色昏晦,日月多暈,及嗣君卽位之日,天氣晴朗,中外肅然。 殿廷,宣遺制:「晉王榮可於柩前卽皇帝位,服紀月日一 熊」,今從通鑑改正。(影庫本粘籤)洋州節度使,加檢校太保;以虎捷左廂都指揮使、 日巳時,帝崩於滋德殿、聖壽五十一。 何徽爲侍衞步軍都指揮使、利州節度使,加檢校太保,以樞密承旨魏仁浦爲樞密副 陳州節度使; 以龍捷左廂都指揮使、 以宣徽北院使兼樞密副使王仁鎬爲永興軍節度使,以前安州節度使王令 以殿前都指揮使、泗州防禦使李重進爲武信軍節度使、檢校太保, 陸州防禦使樊愛能爲侍衞馬軍都指揮使、 秘不發喪。 乙未,遷神柩於萬歲殿,召文武百官班於 如舊制」云。 是歲,自正月朔日後, 樊愛能, 果州 原本作「受 防禦使 使。 典軍

獸,只立一石記子,鐫字云:『大周天子臨晏駕,與嗣帝約,緣平生好儉素,只令著瓦棺紙衣 長公主。 正。(影庫本粘籤) 遍視過陵內,切不得傷他人命。勿脩下宮,不要守陵宮人,亦不得用石人石 和雇,不計近遠,不得差配百姓。陵寢不須用石柱,費人功,只以磚代之。用瓦棺紙衣。 入陵之時,召近稅戶三十家爲陵戶,下事前揭開瓦棺,下事,原本作「卞是」,今從通鑑及契丹國志改 「我若不起此疾,汝卽速治山陵,不得久留殿內。 帝自郊禋後,其疾乍瘳乍劇,晉王省侍,不離左右。 重進年長于世宗,及太祖寢疾,召重進受顧命,令拜世宗,以定君臣之分。(舊五代史考異) 累渝晉王 曰: 陵所務從儉素,應緣山陵役力人匠,並須 案東都事略: 李重進,周太祖之甥, 母即隔慶

灑掃, 遭開 葬。 岩 發。 如 違 無人去,只遙祭。 此 汝 不聞漢文帝儉素,葬在霸陵原, 言, 陰 靈 不相 助。」又言:「朕攻收河府時,見李家十八帝陵園,廣費錢物人力,並 兼仰於 河府、 魏府各葬 至今見在。 副 劍 如每 甲, 澶州 年寒食無 葬通 天冠、絳紗 事 時, 卽 仰量 袍,東京葬 事 注: 人

副 平天冠、袞龍 服。 千萬千萬, 莫忘肸言

二月甲子,太常卿田 敏 上 一尊諡 日 聖神恭肅文武孝皇帝, 廟號太祖

五代史補 人間讖 也。」未 消高 耶 下,用爲報答,已 使、覩其紛擾、竊憤之、乃大呼 膩 及河中、鳳 !」於是持弓矢,於所居巷口據牀坐,凡軍人之來侵犯者,皆殺之, 開 圃 ·m **小幾,逐** 四月乙巳,葬於嵩 云 厭 恐 ,趙氏合當爲天子,觀此 懼 世未十年,而皇宋有天下,趙氏之識乃應,于斯知王者不死,信矣哉。 翔 高祖之爲樞密 為三軍 、永興等處反,詔命 居 堆 無 集如 何,忽覩 所 推 斤 戴 使也, 陵焉。 前 於衆中曰:「樞密太尉 導者服色,緋者改紫,綠者改緋, 陵 高祖 每出入, 人才略度量近之矣,不早除去,吾與汝其可保乎 童子見而笑曰:「吾豈求利者耶 髙 宰臣李穀撰諡 祖之入京師也,三軍紛擾,殺人爭物 征之,一 常恍然觀 舉而三鎭瓦 人前導, ,志在除君側以安國, 册文,王溥撰哀册文(云)。 解(七)。 狀若臺省人吏, 高祖 1. 自是權傾 ,由是居 心始安, 於是 者不可勝數。 虚 所謂兵以 歸 人賴以保全僅 (天下, 其服色一 曰:「彼二人者, 其主。 • 高祖 論者以 義舉; 使 高祖 緋 征李守貞, 時 人誣告,收 有 數千 聞而 鼠輩 爲功 永樂大典卷八千九百八十。 綠, 趙童子 但見其升, 家。 異之, 敢 高不賞, 高 軍次河上, 爾 付 祖 者, 其 御 以 陰謂 間 乃賊 史府 知書善 爲不 郭氏 亦 不 有致 世宗 也, 見其降, 祥, 高祖 劾 其 射,至 深憂之。 金帛 危乎 豈 日 而 一一吾聞 慮其爭 誅之。 太 吉 于 尉 防 ! 門 禦 兆 意 高

朝,韶 役,周祖以便宜從事,卒成大功,然亦軍旅歸心,終移漢祚。 謀反耳。 辭以不在其位,不 風。 請道詣徐州册湘陰公爲漢嗣,道曰:「侍中 京師,百官謁,周祖 望風而 御史臣修周祖實錄,故道之事,所宜諱矣。 期月而弊政皆除, 旋屬漢道斯季,天命有歸 史臣 今相公誠能不惜官錢,廣施惠愛,明其賞罰, 周 曰:周太祖昔在初潛, 散; 道曰:「是行亦猶博也。 敢議國事。 見道猶設拜,意道便行推戴,道受拜如平 井門遺孽,引 周祖 逾歲而 固問之,道不得已,謂周祖 日偷生。 羣情大服, 未聞多譽, 由 夫博,財多者氣豪而 縱虎旅以盪神京ほう,不 衷乎? 及鼎駕之將昇,命瓦棺而薄葬,勤儉之美,終始可稱 周 使軍心許國, ,洎西平蒲阪 祖 何遷善之如是,蓋應變以無窮者也。 設誓, 道曰:「莫教老夫爲謬語, 時,徐日 又, 周祖 曰:「相公頗知博乎?」周祖微時好蒱博, 勝,財寡者心怯而 自鄴起兵赴闕,漢隱帝兵敗, :「侍中此行不易。」 則守貞不足慮也。」 , 北鎭鄴臺,有統御之勞, 無慚德 輸。 守貞嘗累典禁兵,自謂軍情附 攬龍圖 周祖. 周 令爲謬語人。」 祖曰:「恭聞命矣。」 氣沮, 遇害於劉子波。 而登帝位、遂 故禪代之謀稍緩。 屢以 臣 所以魯國 「謹案, 此 顯英偉之 抵罪, 故伐蒲之

周世宗

及

周祖

入

高祖

棄弓顧羣鴉而笑曰:「得非天使汝驚動吾耶,如此則李守貞不足破矣。」

未及坐,忽有羣鴉噪于上,高祖退十餘步,引弓將射之。

矢未及發而岸崩,

其璺裂之勢,

在高祖足下。

於是三軍欣然,

各懷鬭志矣。

五代史闕

問伐蒲策

道

疑

道

遂

在漢隱帝朝爲樞密使,將兵伐河中李守貞,時馮道守太師,不與朝政,以請告,周祖謁道于私第,

濟,臨岸而諭之

文。周太祖

四 太 祖 紀 第 四 校 勘 記

闡皇

冈

雖享國之非長,亦開基之有裕矣。 然而二王之誅,議者譏其不能駕馭權豪,傷於猜忍,卜年

校勘記

斯促,抑有由焉。

永樂大典卷八千九百八十。

河中節度使王景移鎮鳳翔 「鎭」原作「領」,據殿本、劉本改。 影庫本批校云:「移領之『領』應作

質。」

 Ξ 宋州節度使常思移鎮青州 「常思」原作「常思進」,劉本、大典卷八九八〇同。 據殿本、 本書卷

一一二周太祖紀、卷一二九常思傳、歐陽史卷四九常思傳改。 下同

(m) 丙戌 二字原無、據大典卷八九八〇補。

(国) 如所職疏遣 四周世宗紀有「職業発疏遺之咎」句,疑「遺」字是。 殿本、大典卷八九八〇同。劉本「遣」作「違」、冊府卷六一作「遺」。 按本書卷一

(至) 先是齊州保寧郡兵士屯於樂壽 「先」原作「光」,據殿本、劉本、大典卷八九八〇改。「保寧郡」,

劉本作「保寧都」, 通鑑卷二九一云:「契丹寇樂壽,齊州戍兵右保寧都頭劉漢章殺都監杜延熙,

謀應契丹。」

公 王溥撰哀册文 「文」下原有「云」字,據殿本、大典卷八九八〇刪 配

訛『縱』。,按郭威入汴原,曾縱兵大掠,此處作「縱」字可通。

(人) 縱虎旅以盪神京 劉本、大典卷八九八〇同。 殿本 縱」作「總」。 影庫本批校云:「縱虎旅,『總』

舊五代史卷一百一十四

周書五

世宗紀第一

頗銜之。 監門衞將軍。 心經度,貲用獲濟,太祖甚憐之,乃養爲已子。 冠,因侍聖穆皇后,在太祖左右,時太祖無子,家道淪落,然以帝謹厚,故以庶事委之。 九月二十四日丙午,生於邢州之別墅。 日:「上帝有命,郭郎爲天子。」考樂翁即守禮之父,史佚其名。(舊五代史考異)帝以唐天祐十八年,歲在辛巳, 少保致仕。 世宗睿武孝文皇帝,諱榮,太祖之養子,蓋聖穆皇后之姪也。 及即位,令因部夫犯贓數百疋,宰相范質以具獄上奏,世宗曰:「親民之官,贓狀狼藉,法當處死。」范質奏曰:「受 案隆平集云:柴翁者,嘗獨居室,人以爲司冥事。 案國老談苑云:周世宗在漢爲諸衞將軍,嘗遊畿甸,謁縣令,忘其姓名,令方聚邑客蒱博,勿得見,世宗 邢州、原本作「雒州」、今據五代會要改正。(影庫本粘籤) 漢初,太祖以佐命功爲樞密副使,帝始授左 一日,笑不止,妻問其故,不答。翁嗜酒,妻醉之以酒,乃 本姓柴氏, 父守禮, 太子 年未童 帝悉

周

書

五

所監 牙內都指 也。」質日 臨財物有罪, :「陛下殺之則可,若付有司,臣不敢署敕。」遂貸其命〔一〕。(舊五代史考異) 揮 ,使,領貴州 上贓雖 多,法不至死。」 刺史、檢校右僕射。 世宗怒, 厲聲曰:「法者自古帝王之所制, 三年多,太祖 入平內難,留帝守鄴城 本以防姦,朕立法殺贓吏, 二年,太祖鎭鄴,改天雄 非酷 刑

街肆 問,卽署右職。(舊五代史秀異)二年正月,兗州慕容彥超反,帝累表請征行,太祖嘉之。 |祖曰:「寇不可翫,如股不可行,當使澶州兒子擊賊,方辦吾事。」時樞密王峻意不欲帝將兵, 授開封尹兼功德使,封晉王。 故太祖親征。 東討,數月無功,太祖欲親征,召羣臣議其事。 保,封太原郡侯。 廣順 增其廨宇,吏民賴之。 元年正 六月, 兗州平。 月,太祖踐祚,帝懇求入覲, 帝 在鎮,爲政淸肅,盜不犯境。 案宋史王贊傳:周世宗鎭澶淵,每旬決囚,贊引律令,辨析中理。問之, 十二月,加檢校太傅、同平章事。 忽夢至河而不得渡, 宰臣馮道奏以方當盛夏,車駕不宜 先是,澶之里衖湫隘,公署毁圮, 三年正月,帝入覲。 尋授澶州節度使、 帝 衝 及曹英等 知其嘗事學 即廣其 冒。 檢校太

疾,不俟召來見世宗〔三〕,密言曰:「王爲冢嗣,不事醫藥,何以副天下望?」世宗悟,入侍禁中,以府事命翰總決。(舊五代 內外兵柄, 尉、兼侍中,依前開封尹兼功德使,判內外兵馬事。 顯 德 元年正月庚辰,加開府儀同三司、 咸以 為人物 案隆平集: 曹翰隸世宗幕下,世宗鎭澶淵, 開府, 原本作「開封」, 時太祖寢疾彌留,士庶憂沮,及聞帝總 以爲牙校。 今據文改正。(影庫本粘籤) 及尹開封,翰猶在澶淵, 檢校太 聞 周 祖 寢

史考異) 卽 皇帝: 位。 壬辰,太祖崩,祕不發喪。 庚子,宰臣馮道率百僚上表請聽政,凡三上。壬寅,帝見羣臣於萬歲殿門之東 丙申,內出太祖遺制:「晉王榮可於柩前卽位。」羣臣奉帝

廡

F

|暉率 張昭充 之,至有朝行殺奪,暮升 天下 強 之衆, 苟遇王 從通鑑改 不 氣 表,請御殿,凡三上,允之。丁卯,以中書令馮道充山陵使,太常卿田敏充禮儀使,兵部尚書 " 昔唐太宗之創業,靡不 宜. 奪, 前 輕舉,命將禦寇,深以爲便。 口 未有復振之理,竊慮聲言自來,以誤於我。 月庚戌,潞州奏,河東劉崇與契丹大將軍楊衮,舉兵南指。 取, 鋒自 正。(影庫本粘籤) 鹵簿使, 帝以趫 謂 「團柏谷入寇,帝召羣臣議親征。宰臣馮道等奏, 一師,必如 神器 捷勇猛之士,多出於羣盜 御史中丞張煦充儀仗使, 可 圖, 帝不 山 親征 軍籍,讎人遇之,不敢仰視。 壓卵耳。」道曰:「不知陛下作得 此際必來, 悦而 ,朕何憚焉。」道曰:「陛下未可便學太宗。」帝又曰:「劉崇烏合 罷。 帝曰:「劉崇幸我大喪,聞我新立,自謂良便,必發狂謀,謂 斷無疑耳 詔諸道 一中,故令所在招納,有應命者, 開封少尹、權判府事王敏充橋道使。 夢山林亡命之徒有勇力者,爰於闕下,仍目之爲 」馮道等以帝銳於親征,因固諍之。 陛下纂嗣之初,先帝山陵有日,人心易搖, 帝意亦患之,其後頗有不獲宥者 山 否? 以劉崇自平陽奔遁之後,勢弱 作得山否,原本作「昨待山否」, 壬戌,宰臣馮道率百僚上 即貸其罪, 河東賊將張 以禁衞處 帝日: 今

周

等,領兵 並 陟 詔 主 敍 與 天 能 彦 雄 用 加 恩 超 月 軍 先 應 步 節 領 T 赴 軍 父 配 度 兵 丑 澤 流 都 母 坂 使符彦 路州 徒 指 在 州 晉州 者 役 揮 並 入,並 辛巳, 使 卿 路 何徽 與恩澤, 河東劉 東 領 制:「大 向 放逐便。 兵 (自磁 滑州 邀 当崇入寇 亡沒 擊,以陝府節度使 赦 節 州 者 度 固鎮路赴潞州 天下,常赦所不原者, 諸 使白 與封贈,其母妻未敍者,特與敍封」云。前 道 兵馬監押穆令均部下兵士為賊 州 「重贊、鄭州 府所欠去年夏秋租 韓通 以澶州節度使郭崇副之。 爲副 防禦使史彥超、前耀州團 咸 赦 命宣徽使 税並 除之,諸貶降責授官, 放。 向 軍 內外見任文 訓 ·所襲, 馬 涇州 練 軍 詔 官 使 都 河 軍 節 武 符 指 中 量 不 度使 職官 興 彥 揮 節 使 度

廂 原 觀 初, 西 兵 車 車 侍 列 有 於 癸 駕發 駕 衞 東 陣 敗 行 馬軍 , 1 1 北 京 次 詔 頗 郊,距 來 泂 師 以 亦 都指 者 陽, 劉 嚴 崇入 云 州 壬 整。 聞 揮使樊愛能 辰, + 劉 寇, 劉 五 乃令 崇 至 崇 里, 自 澤 車 自 侍 夜宿 州 駕 潞 將 衞 取今月十一 丽 步軍 騎 馬 癸巳 於 南, 三萬, 步 公村舍。 都指揮使 軍 三,王 倍 都 井 程 師 虞 契丹 日 十九 而 興 候 親征 何徽 淮 河 李 萬 日 東 重 餘 0 將 劉崇、 前 是 進、 騎 甲申,以 有 月 鋒 滑 與賊 嚴 十八八 契丹楊衮 居 州 陣 節 陣 以 日 軍. 樞 之東廂 度 待官 相 密使鄭仁海爲東京留守。乙 至 使 遇, 大戦 澤 白 軍 賊 州 重 陣 於高平,賊 贊 宣 帝 旣 於 徽 將 促 晡, 高 使 左, 兵 反向訓 平 、以擊之,崇 帝 縣 居陣 軍 御 南之高 戎 敗 鄭州 之西 服

周書五 世宗紀第一

聞錄作張令徽,考歐陽史、十國春秋俱同薛史作張暉,今附識於此。(影庫本粘籤) 前鋒,與周師遇于巴公,元徽以東師先登陷陣,擒監軍使一人,降其步卒千人而旋。 泛作張元徽乘勢復入,馬倒,爲周師所擒,殺之。與薛史異,通鑑從薛史。(舊五代史考異) 案隆平集馬仁瑀傳:從世宗親征劉崇,王師不利,仁瑀謂衆曰:「主辱臣死!」因躍馬大呼, 其然乎!案九國志張元徽傳:前鋒兵將次巴公,一夕,營中刁斗皆嗄,元徽亟遣詣劉崇大營易之〔三〕,凡易數十,皆嗄 流行數丈,墜於賊營之上。及戰,北人望見官軍之上,有雲氣如龍虎之狀,則天之助順,亶 倒,爲周師所擒, 阻澗而陣。 振。(舊五代史考異)今上馳騎於陣前,先犯其鋒,戰士皆奮命爭先,賊軍大敗。 防禦使史彦超, 而不可擊,因以自崇。崇怒曰:「故要吾金鈿耶?」遂止。是夜有大星墜元徽營中,明日果敗。(凡本)是日,危急之 也,風自東北起,不便於我,及與賊軍相遇,風勢陡迴,人情相悅。戰之前夕,有大星如日, 興器服等不可勝紀。其夕, 追襲,殭尸棄甲,塡滿山谷。 樊愛能、何徽望賊而遁,東厢騎軍亂,步軍解甲投賊, 會劉詞領兵至,與大軍迫之,賊軍又潰,臨陣斬賊大將張暉 殺之。考薛史作大將張暉戰于高平縣南,與九國志人名地名互異。 以精騎當其中,殿前都指揮使張永德以禁兵衞蹕。 殺降軍二千餘人,我軍之降敵者亦皆就戮。 初夜,官軍至高平,降賊軍數千人,所獲輜重、兵器、駝馬、偽乘 及僞 劉崇大褒賞之。 帝乃自率親騎, 通鑑從難史。(凡本)諸將分兵 樞密使王延嗣。 引弓連斃將卒數十, 帝介馬觀戰。 案九國志張元徽傳: 張暉,通鑑考異引晉陽見 初, 日暮,賊萬餘 元徽乘勝復入, 兩軍之未整 臨 陣督戰。 案: 兩軍交 元徽爲 士氣始 · 九 《國

部。 頃刻莫保, 是 日 平 大 縣 雨。 賴 詔 帝 戊 賜 戌 英 河 武 車 東 果 駕 降軍 敢 至 潞 親 二千 州 臨 寇 餘 敵, 案: 人 各絹 歐 不然則社 陽史作 匹, T 酉,幸 稷幾若綴旒矣。 井 | 潞州, 給 其 與 薛 衣 裝, 史異。 鄕 兵各給 是 通鑑從歐陽史, 夕 帝 絹 宿 於野 匹, 五代 放還本 春秋作 甲

戌,誤。

河

南

府上

一言,前

青州

節

度

使常

思卒

都事略 方稍: 帝遣 籤) 成 知 列 侍 近臣 稍 衞 賊 世 帝以 而 宗 騎 步 宣 迴。 謂 來挑 軍 侍 張永德 何徽 諭 都 衞 帝至 止遏,莫肯從命,皆揚言 戰,愛能 指 馬 有平陽守禦之功, **1**... 揮 軍 潞州,錄其奔遁 使、 都 樊愛能及偏 指 壽州 望 揮使、 風 節 而 婦七十 退, 度使何徽等丼諸 夔州 色者,自 欲貸 何徽以 餘 節度使 人, 日:「官 (其罪, 吾欲盡 軍 **公徒兵陣** 使 樊愛能, 一按軍 竟 以 軍 將校 Ŀ 不 大敗,餘衆已解甲矣。」 於後, 法, 可, 及監 七十 何 夔州, 如 與 押 爲 ? 、愛能 ,使臣並 奔騎所 餘 **...** 原本作「萱州」, 對 人,並 曰:「必欲開 俱 殺之, 突, 斬 伏 Ź, 誅 卽 拓疆 皆給 由 至暮, 今從通鑑改正。(影 時 高平之役, 是 潰 宇 驕 亂 槥 威加 以 車 將 官 歸 墮 四 海 將 軍 兵 葬 兩 克捷, 南 庫本 安可 軍 案源 粘

殿 鄭 州 नींवि 防禦使史彥超爲華州節度使,賞高平之功 都 庚 指 子, 揮 以侍 使 張永 衞馬 徳爲 步都虞候李重 武武 信 軍 節 度 進 使, 為 許 職 並 州 加 節 也。 度使, 故 以 以 以宣 滑 晉州節度使樂元福 州 徽 餰 南院 度 使 使 白 向 重贊 訓 爲 爲 為 滑 同 鄜 州 州 州 節 節 節 度使, 度 度 使, 使, 以 以 以

也

世宗

善其

悉

誅

愛

能

等

以

徇,

軍聲

始振。(舊五

代史考異

使董 華州 營副 以天 前 禦使 字,今據宋史改作弘殷。 爲 節 以 禦使,以前耀州 暮將降,我士卒精銳,驅以先登,必死傷者衆,少待之。」翼日,州將<u>董希額</u>果降。(舊五代史考異) 隨 度 控鶴第一 都虞侯韓令坤爲龍捷左廂都指揮使,以鐵騎第一 使韓通 、雄軍節度使、 節 駕 部署 希顏以城歸順。 夏 以虎捷右廂都指揮使張順爲登州 20 度使史彥超爲先鋒都指揮使,領步騎二萬, 副 月乙巳,太祖靈駕發東京。 部 署。 ,率兵自陰地關討賊。 以宣徽南院使向訓爲行營兵馬都監; 軍都指揮使趙鼎爲虎捷右廂都指揮使, 團練使符彥能爲澤州 衞王 爲龍捷右廂都指揮使,以散員都指揮使慕容延釗爲 案宋史王彥超傳:彥超自陰地關與符彥卿會兵圍汾州,諸將請急攻, |符彥卿爲河東行營都部署,知太原行府事 以 乙卯, 防禦使,以散員都指揮使李繼勳爲殿前都 河陽節度使劉詞爲隨駕都部署,以鄜州節度使白 防禦使,以龍捷左第二軍都指揮使孫 葬於嵩陵。 以侍衞都虞候李重進爲行營都虞候。 進討 軍都指揮使趙 並遙 河東。 河中節度使王彥超奏, 授團練使, 韶河中節度使王彥超、陝府 ; 弘殿 以澶州節度使郭崇爲行 其餘改 虎捷左廂都指 案:原本注「宣祖 彦超日:「 ,轉有差。 董希 延進爲 偽汾州防禦 i 虞侯 額, 城已危矣,且

以

官

徽

北院使楊廷璋爲晉州節度使,以同州節度使張鐸爲彰義軍節度使,

揮使李千爲蔡州

、防禦使,以龍捷右

廂

都指揮使

田

中爲

密州

防

鄭州

防

廟諱

四

以殿

;揮使,

以客省使吳延祚

宣

徽

北院

使,以龍捷左廂都指

周 書 五 世 宗 紀 第

原本作「革

之, 王彥超 州 射、 廟。 主 希顔」,今從通鑑 酉,符彥卿 只令徵納當 僞 張 擒其守將安彥進 平章事 監 庚 氏 奏,收下 軍 午,曲赦 進 ·李勍 封晉國長公主。 奏,嵐、 年 改 剕 殺 租 IE 右 潞 獻行在。 三司 刺 。(影庫本 稅, 州 憲 州 史趙皐及 見禁罪 李穀赴河東城下, 及募民入栗五 獲僞 (舊五代史考異) 州 粘籤) 歸順。 刺 乙丑,東京奏, 人, 製丹 史 丙辰,偽遼州 安彥進。 除死罪外並 壬 大將 一戌, 白 癸亥,僞 斛、 楊 制 計 耨站 太師 案宋史王彥超傳 立衞國夫人符氏 草五 度 刺 釋 心 軍 史張漢超以 放。 州 儲。 以 E|-1 百圍者賜山 刺史李廷誨以 城 書令 是 詔 歸 日, 引兵趣 河 馮 順 東 道)城歸順。 車駕發踏 爲皇后,仍令有 城 詔授 薨。 身, 石州 下諸 李勍忻 城 彦超 千 丙寅, 將, 斛、 歸 丁 州 親 順 已, 千 招 太 鼓 州 親 士乘 園者授: 撫 幸 祖 甲子 刺 征 司 皇帝 柏 戶 城, 擇 劉 口,禁 谷寺。 崇。 躬 日 州縣官。 神 皇 冒矢石,數日下 備 妹 主 禮 癸酉,忻 止侵掠 耐 壽 遣右僕 册 於太 辛

崇諒又 充翰 以 順 州 在五 防 禦使 林 表 五 月 學士。 軍 丙 陳 月 泔 爲額,以鄭處謙爲節度使。 옕 病, 興遼史 處 韶許 謙 案宋史陶穀傳:從征 以尚 以 歸 月 城 陝州就養,以穀 日 書右 F 婦順 異。 丞 T 邊歸讜守本官, 丑, 案遼史穆宗紀 太原,時魚崇諒迎 為翰 觀兵 林 學 (於太原 戊寅, 士。(舊五代史考異) 四年 母後至,穀乘 斬偽命石州刺 五 充 城下,帝 月乙亥,忻、代二 樞 密直 親 間言 丙子, 學士 自 日 慰 史安彥進於太原城下,以其拒王 州 ; 「崇諒を 勉, 叛。 車 以 駕 錫 據薛史, 尙 至 留不 賚 書 太原 有 戸 來, 則 差。 部 忻州 城 有顧 侍 ト。 升 島 郞 望意。」 順 陶 在 是 州 穀 QU 世: 日 爲 H 守本官 宗 節 代州歸 疑 僞 鎭 Ife

拔樹。 師也。 連下數州。彥卿等皆以芻糧未備,欲旋軍,世宗不之省,乃調 禦使折德扆爲節度使。 攻擊,且令觀兵城下,徐圖進取。及周師入境,汾、晉吏民,望風款接,皆以久罹虐政,願輸軍需,以資兵力。 重贊、史彥超等,率步騎萬餘赴忻州。 庚辰,以前中武軍節度使郭從義爲天平軍節度使(B)。 壬午,以宰臣李穀判太原行府事。 案宋史符彥卿傳:彥卿之行也,世宗以丼人雖敗,朝廷饋運不繼,未議 辛丑,升府州爲節鎮,以永安軍爲軍額,以本州防 山東近郡輓軍食濟之。(舊五代史考異)是夜大風,發屋 遣符彥卿、郭從義、 世宗從之,而 向訓、

退, 急攻其城,旦夕之間,期於必取。 而退。(舊五代史考異) 易,退軍甚難。」世宗曰:「一以委卿。」遂部分卒伍爲方陣而南,元福以麾下爲後殿。 騎,間之以步卒千人,長槍赤甲,衒趫捷跳梁于城隅,晡晚殺行而抽退。 失者,賊城之下,糧草數十萬,悉焚棄之。 案五代會要云: 六 乙旦,車駕至潞州。 指麾之間,頗傷忽遽,部伍紛亂,無復嚴整,不逞之徒,訛言相恐,隨 月癸卯朔、詔班師、車駕發離太原。 顯應元年二月,車駕征太原回,親拜嵩陵,望陵號 賜守陵將吏及近陵戶帛有差。 癸丑,帝發潞州。 會大雨時行,軍士勞苦,復以忻口之師不振, 案通鑑考異引晉陽見聞錄云: 時大集兵賦,及徵山東、懷、孟、蒲、陝丁夫數萬, Z Н; 庚午,帝至自河東。 幸新鄭縣。 宋史藥元福傳: 慟。 至陵所,俯伏哀泣,感于左右, **崇果出兵來追,元福擊走之。**(舊五 丙寅, 六月旦, 詔令班師, 元福 帝至自河東,原本脱「自」字, 帝親 周 師南轅返旆, 軍資用,頗有遺 拜嵩陵,祭奠而 上言曰:「進軍 帝遂決旋師 再拜訖, 惟數百 (代 甚

周書五

世

今據五代春秋增入。(影庫本粘籤)

以 未 度 萬 鎭 李 帥 邊 祉 揮 使 所 加 」,今從通 使、 曹 光 金 部 使 重 兼 湖 衞 州 範 張 艱 爲 進 侍 秋 襄 南 西 Ŧ 州 企, 廊 州 爲 永 移 中 七 平 鑑 符 月癸 加 刑 德 鎚 節 州 餰 進 改 蕃 王 彥 檢 宋 度使孫方諫 度 部 潞 溜 爲 正。(影 逵 情 李 卿 校 使、 後 侍 滑 州 州 四 加 彝 反 進 太 朔 州 李 郎 二宝 陳王 覆, 庫 興 兼 位 傅。 庚 節 筠 本 削 中 加 守太 權 辰, 粘 度 加 奏乞入 安 書 守 河 加 紃 籤) 為同州 帝 使, 兼 令; 太保 同 西 審 幸 傅, 開 卽 侍 加 琦 平 軍 加 南 位 封 朝 中; 檢 加守 改 天 檢 章 節 之初 莊 府 節 校 校 德 事 封 尋 度 西 事 度 河 太 京 使 太 太 魏 留 軍 ်ဝ 兼 辛 , 中 使, 尉 覃 傅, 侍 王 申 節 留 尉 其 È, T 王 ; 守 衞 度 慶 子 師 丑: 典 彦 加 鄜州 使 於 爲 武 荆 戊 親 厚 鄆 , 軍 超 兼 諸 寅 州 郭 留 責 南 天 軍 行 移 中 如 白 後 下 德 侯 都 郭 授 勳 節 右散 書 鎭 故 重 度使、 兵 指 了; 不 右 從 邠 徐 許 令 ; 且賞 櫭 監 馬元 揮 義 州 俟 州 州 騎 同 移 門 使 加 以 常 南 州 詔 折 王 鎭 從 帥 衞 兼 加 前 晏、 薬 平 侍 離 從 征 河 中 桽 兼 吳越 張 王 永 阮 元 任 之功 陽 書 府 鄧 侍 以 興 高 福 可 州 令 故 副 安 中 軍 保 國 移 武 復 加 也 ; 州 侯 ; 責 쬭 節 卒。 鎭 檢 信 融 王 之。 李 許 河 錢 度 校 陝 軍 加 丙 洪 州 陽 師 使王 州 節 並 守 以 俶 太 子 厚 義 節 劉 Z 中 前 尉 度 加 加 , 度 在 詞 書 藥元 使 亳 天 以 並 兼 , 移 凉 侍 錦 令 下 前 ||陜 天 加 中 州 兼 鎭 福 州 州 殿 雄 爲 書 禮 衞 防 兵 兼 原原 永 嵗 夏州 令 禦 韓 前 軍 河 侍 馬 部 都 本 興 餘 使 節 中 虞 中 都 侍 涌 作 都 ; 節 以 節 李 候 度 癸 移 指 郎 元 元

節,原本作「本清」,今從五代會要改正。(影庫本粘籤) 進、延州袁義,並加檢校太尉。 度使,加檢校太尉。 乙酉,滄州李暉、貝州王饒、鎭州曹英,並加兼侍中; 壬辰,百僚上表,請以九月二十四日誕聖日爲天淸節, 從之。 癸巳,以左僕射兼門下侍郞、平章事、監修 涇州張鐸、相州 天清

魏仁浦爲樞密使、檢校太保。 楊廷璋加檢校太保,以太子詹事趙上交爲太子賓客。 同平章事鄭仁誨加兼侍中; 大學士;以樞密院學士、工部侍郎景範爲中書侍郎、平章事, 郎、平章事, 五代史考異) 為親王、軒車高大、門不能容,世宗即下馬步入。及嗣位,從容語質曰:「卿所居舊宅耶,門樓一何小哉。」遂爲治第。〈舊 國史范質爲守司徒兼門下侍郎、平章事、弘文館大學士;案國送談苑云:周太祖嘗令世宗詣范質,時 代史考異) 丙申,以中書舍人、史館修撰、判館事劉温叟爲禮部侍郎,判館如故。 以左僕射兼中書侍郎、平章事、集賢殿大學士、判三司李穀爲守司徒兼門下侍 監修國史,以中書侍郎、平章事王溥爲中書侍郎兼禮部尙書、平章事、集賢殿 靈武馮繼業、定州孫行友、邢州 案東都事略云:議者以仁浦不由科第進,世宗曰:「顧才何如耳!」遂用之。(舊五 乙未,以樞密副使、右監門衞大將軍 田景咸, 判三司; 並加檢校太傅; 樞密使、檢校太保、 丁酉,相州 晉州

丞 歸讜爲尙書左丞充職。 八月壬寅朔,以宣徽北院使吳延祚爲右監門衞大將軍充職,以樞密院直學士、尚書右 周 書 五 世 宗 紀 甲辰,幸南莊,賜從臣射。乙巳,以吏部侍郎顏而爲工部尚書 一五一九

節度使王進卒。

依舊爲 兼太常 中丞 帝 也任了。 使、 壬子, 龜增入。(影庫本粘籤) 彦崇初見王 致 與賊 · 以 檢校 以 郡。 博士尹拙爲 軍 丙 金州 御 丁巳,以 午,同 相 . 史中丞 庚午, 遇,即令彦崇領 防禦使王暉爲同州 州 從錢俶之請 戶 張煦爲兵部侍郎,集賢殿學士、判院事司徒詡爲吏部侍郎,以左散騎常侍 節 以 部 國 度使孫方諫卒。 給 郞 子祭酒。 事 中致仕景 中劉 兵守江猪嶺,以遏寇之歸路。 也。 一師已却, 悦、康澄 丙辰, 留後。 以太子少師宋彥筠爲太子太師 初爲太僕卿致仕,宰臣範之父也。己巳,華州鎭國軍宜停, 己酉,前澤州刺史李彦崇責授右司 皇姑故 並爲 卽時而退,及劉崇兵敗,果由茲嶺而 癸丑,以吳越國內外都指揮使吳延福爲 行散騎常侍。 福慶長公主追封燕國大長公主, 以遏寇之歸路, 辛未,以左散騎常侍襲異爲御史 致 仕。 原本脱「遏」字, 甲寅, 禦副 遁, 率。 寧國 李重進之母 以兵部郎 故有是責 高 今據册府元 平之役, 軍 節 中 度

丙戌, 戌,以 韓昭裔、 薛沖乂為 丑,斬宋州巡檢供奉官、 九 武 右 月 安 屯 左 壬 Ĭ 軍 僕 衞 申朔,以 部 射 節 將 侍 度 致 軍 郎 仕 薛 副 楊 使、 東京舊宅爲皇建 訓 除名,流 凝式並為 副都知竹奉璘於寧陵縣, 知 潭州軍 沙門島, 太子太保致仕,以太子太傅致 府 事 一禪院。 周 坐監 行逢 皇建, 雍兵 爲 鄂州 倉, 坐盜掠商船不 原本作「皇逮」,今從五代會要改正。(影庫本粘籤) 節度 縱 吏卒掊斂 使, 知 仕李肅爲 捕獲也 潭州 也。 軍 府事 太子 , 太師 以 加 右 檢校太尉。 致仕。 僕 射致仕 甲 辛

其名不 侍 度使, 編 以 洪 略之文,職業冤疏遺之咎。」從之。 其 司 樞 右 並 京 聖 密直 史 作 自 停。 義 以 衞 但 一德 也。 諮 古 留守武 爲青州 取 史 步 冬十月甲辰,左羽林大將軍孟漢卿賜死, 充侍 書。 軍 王者, 詢 武 學 兩 壬 之事 都指揮使。 功, 省 子, 士,皆輪 唐文宗朝, 衞 行 節 制書,此 人君言動,則起居注創 蓋緣聞見之間,須 | 咸建 以今上爲永州防禦使, 神謀睿略,皆係萬幾宥密,丹禁深嚴, 馬軍都指揮使;以虎捷右 德爲徐州節度使。 度使,以具州節度使王饒爲相州節度使,以徐州節度使王晏爲西京留守,以 裁制之規, 定定官。 修 外 `命其官執筆,立於殿階螭頭之下,以紀政事。 日 己酉, 歷,旋送史官,以備纂修。 雖有訪 君臣獻替之謀,皆須備載; 別命近 太子太保致仕楊凝式卒。 有來處; 聞,例非端的。 戊申,以龍捷左廂都指揮使、泗州防禦使韓令坤爲洋州節 臣,旋具抄 於累朝; 因命樞密直學士,起今後於樞密使處,逐月 依前 記錄之際, 廂都指揮使、永州防禦使李繼勳爲利州節 殿前都虞候。 輔相經綸,則時政記興於前代。然後採其事實, 錄,每當 坐監納厚取耗餘也。 伏自先皇帝創開昌運,及皇帝陛下纘 及近朝,此事皆廢, 得以審詳。 非 修撰 家國安危之道,得以直書。 外臣 詔安、貝二州依舊爲防禦州,其軍額 戊午,監修國史李穀等上言曰:「竊 之所 日 歷,卽 知, 今之左右起居郎, 令封 後則 豈庶僚之可訪。 丙午,以安州節度使李 史官唯 明宗 付 史臣, 庶國 朝,命端明殿 憑 百 抄錄事件,送 司 歷代已來, 即古之左 度使,充 '報狀,館 嗣丕基, 事無 此 後欲 及 漏

超絕及有身首者,分署爲殿前諸班。(舊五代史考異) 縮,慨然有懲革之志。又以驍勇之士,多爲外諸侯所占,如是召募天下豪傑,不以草澤爲阻,在于闕下,躬親試閱, 兵在精不在衆,宜令一一點選,精銳者升爲上軍,怯懦者任從安便, 底期可用, 叉不虛費。」先是, 上按於高平, 捷、虎捷以降,一一選之,老弱贏小者去之,諸軍士伍,無不精當。由是兵甲之盛,近代無比, 爲殿前諸班,因是有散員、散指揮使、內殿直、散都頭、鐵騎、控鶴之號。 且減冗食之費焉。案近代會要云:顯德元年,上謂侍臣曰:「侍衞兵士,老少相半,強懦不分,蓋徇人情, 今春股在高平,與劉崇及蕃軍相遇,臨敵有指使不前者,苟非朕親當堅陣,幾至喪敗。況百戶農夫,未能贍一甲士,且 帝自高平之役,覩諸軍未甚嚴整,遂有退却。 己未,供奉官郝光庭棄市,坐在葉縣巡檢日,挾私斷殺平人也。 至是命今上一概簡閱,選武藝超絕者,署 復命總戎者,自龍 是日大閱,帝親臨 不能選 觀其退

州之地,洪流爲患,故命穀治之,役丁夫六萬人,三十日 使、檢校太尉,充荆南節度行軍司馬。 澶州節度使郭崇爲鎭州節度使。 月戊寅,以太子賓客石光贊爲兵部尚書致仕。壬午,鎭州節度使曹英卒。乙酉,以 乙未, 戊戌,詔宰臣李穀監築河隄。 以荆南節度副使、 而罷 歸州刺 史高保勗爲寧江軍節度 先是,鄆州界河決,數

十二月己酉,太子太師侯益以本官致仕。 永樂大典卷八千九百八十四。 記

- [1] 遂貸其命 「遂」原作「令」,據殿本、劉本、國老談處改。
- (三) 不俟召來見世宗 「召」原作「朝」,據殿本、劉本、隆平集卷一九曹翰傳改。
- [三] 元徽亟遣詣劉崇大營易之 「亟」原作「互」,據九國志卷八張元徽傳改。
- 中

 定

 中

 定

 本 盧本同。殿本、劉本「中武」作「忠武」。影庫本批校云:「『中武』 疑當作 『忠武』。

考梁

(三) 侍衞都虞侯 「侍」原作「使」,據殿本、宋史卷四八四季重進傳及本卷上文改。

時忠武軍至後唐已改額宣武,又疑原本『中』字不誤。今無別本可核,姑仍其舊。」

- (4) 侍衞親軍都指揮使 「衞」字原無、據殿本、彭校補
- (七) 李重進 「重」原作「從」,據通鑑卷二九〇、宋史卷四八四李重進傳、東都專略卷二二李重進傳

舊五代史卷一百一十五

周書六

世宗紀第二

北 內歸業者,三分交還一分;五周年外歸業者,其莊田除本戶墳塋外,不在交付之限。其近 正。(影庫本粘籤) 供納稅租: 輕,連坐舉主。」乙未,詔:「應逃戶莊田,並許人請射承佃,請射,原本作「請藉」,今從五代劍要改 者、交還一半; 姻 族近親,亦無妨嫌。授官之日,各署舉主姓名,若在官貪濁不任,懦弱不理,並量事狀重 地諸州 顯德二年春正月辛未朔,帝不受朝賀。辛卯,詔:「在朝文班,各舉堪爲令錄者一人,雖 應有陷蕃人戶,自蕃界來歸業者:五周年內來者,三分交還二分;十周年內來 十五周年來者,三分交還一分;十五周年外來者,不在交還之限。」 如三周年內本戶來歸者,其桑田不計荒熟,並交還一半;五周年

一五二五

周書

六

世宗紀

第二

二月戊申, 遺使赴西京, 賜太子太師致仕侯益、白文珂、宋彥筠等茶藥錢帛各有差, 仍

降韶存問。 壬戌, 詔曰:

康之至明,尙猶思逆耳之言,求苦口之藥,何況後人之不逮哉! 善操理者不能有全功,善處身者不能無過失,雖堯、舜、禹、陽之上聖,文、武、成、

間別邪? 昧不足與言邪?豈人之循默未肯盡心邪?豈左右前後有所畏忌邪?豈高卑疏近自生 豈不察。而在位者未有一人指股躬之過失,食祿者曾無一言論時政之是非,豈肸之寡 極,已過周星,至於刑政取捨之間,國家措置之事,豈能盡是,須有未周,殷猶自知,人 朕承先帝之靈,居至尊之位,涉道猶淺,經事未深,常懼昏蒙,不克負荷。 自臨宸

辭,詢正直之議,共申裨益,庶洽治平。庶洽,原本作「書計」,今從册府元龜改正。(影庫本粘籤)股 於卿大夫,才不能盡知,面不能盡識,若不採其言而觀其行,審其意而察其忠,則何以 位,無不言之人。然則爲人上者,不能感其心而致其言,此朕之過也,得不求骨鯁之 見器略之淺深,知任用之當否。若言之不入,罪實在予,苟求之不言,咎將誰執 古人云:「君子大言受大禄,小言受小禄。」又云:「官箴王闕。」則是士大夫之有祿

言;時政之有瑕疵,勿宜有隱。方求名實,豈尙虛華,苟或素不工文,但可直書其事, 應內外文武臣僚,今後或有所見所聞,並許上章論諫。若股躬之有闕失,得以盡 周書六 世宗紀第二

限滿 辭有謬誤者,固當捨短,言涉傷忤者,必與留中,所冀盡情,免至多慮。 位之中,遷除改轉之際,卽當考陳力之輕重,較言事之否臧,奉公切直者當議甄升, 僚有出使在外迴者,苟或知黎庶之利病,聞官吏之優劣,當具敷奏,以廣聽聞。 者,各宜舉職,事有不便者,革之可也,理有可行者,舉之可也,勿務因循,漸成訛謬。臣 事蓄縮者須期抑退。 一綱,是擊搏糾彈之地;論其職分,尤異羣臣,如逐任官內,所獻替啓發彈舉者,至月 合遷轉時,宜令中書門下先奏取進止。 翰林學士、兩省官,職居侍從,乃論思諫諍之司;御史臺官,任處 諸有司局公事 臨

代史考異) 先是, 貝、冀之境, 密邇戎疆, 居常敵騎涉河而南, 馳突往來, 洞無阻礙, 北鄙之地, 州」,今從通鑑注所引薛史改正。(影庫本粘籤) 以來,多有濫進,或以年勞而得第,或因媒勢以出身。今歲所放舉人,試令看驗,果見紕繆, 賦、文論、策文等。 不敢涉河, 晏口,以兵戍守,功未畢,契丹衆尋至,彥超等擊退之。及壘成, 民不安居。 三月辛未,以李晏口爲靜安軍,其軍南距冀州百里,北距深州三十里,北距深州,原本作「恆 帝乃按圖定策,遣許州節度使王彥超、曹州節度使韓通等領兵他徙,築壘於李 邊民稍得耕牧焉。 詔曰:「國家設貢舉之司,求英俊之士,務詢文行,方中科名。 壬辰,尚書禮部貢院進新及第進士李覃等一十六人所試詩 夾胡盧河爲壘。 案通鑑:浚胡盧河在正月,至三月始建軍額。〈舊五 頗扼要害, 自是敵騎雖至, 比聞近年

劉温叟失於選士,頗屬因循,據其過尤,合行譴謫,尙視寬恕,特與矜容,劉温叟放罪,其將 文、劉選、程浩然、李震等一十二人,藝學未精,並宜勾落, 須至去留。 正。(影庫本粘籤)宜放及第。 其李覃、 何曮、 其嚴說、武允成、王汾、閭丘舜卿、任惟吉、周度、張愼徽、王翥、馬 楊徽之、趙鄰幾等四人,趙鄰幾,原本作「鄰其」,今從五代會要及宋史改 且令苦學,以俟再來。 禮部侍郎

以修文德、來遠人爲意,惟穀與寶儀、楊昭儉、王朴以封疆密邇江、淮,當用師取之。 被,宜令近臣各爲論策,宣導經濟之略。」乃命承旨徐台符已下二十餘人,各撰爲君難爲臣不易論、平邊策以進。 臣治平之道,誠爲不易,又念唐、晉失德之後,亂臣點將,潛竊者多。 亥,以翰林學士、中書舍人楊昭儉爲御史中丞。 戊午,以翰林學士、給事中竇儀爲禮部侍郎,依前充職,以禮部侍郎劉温叟爲太子詹事。癸 來真舉公事,仍令所司別具條理以聞。」 行過州府,不得受館驛供給及所在公禮。」乙卯,詔於京城四面,別樂羅城,期以來春興役。 天下,及覽其策,欣然聽納,由是平南之意益堅矣。(舊五代史考異) 人,各撰爲君難爲臣不易論、平邊策各一首,帝親覽之。 夏四月庚戌,以內客省使李彥頵爲延州留後。 是月,詔翰林學士承旨徐台符已下二十餘 辛亥、詔:「應自外新除御史、未經朝謝、 今中原甫定,吳、閩、幽、抖尚未平附, 案宋史陶穀傳: 世宗自克高平,常訓兵講武, 世宗謂宰相曰:「殷觀歷代君 聲教 其略率 未能遠 思混

五月辛未,迴鶻遣使貢方物。 鳳翔節度使王景上言:「奉詔攻收秦、鳳二州,已於今月

王溥傅: 從通鑑及歐陽史改正。(影庫本粘籤)以秦、成、階三州入蜀,蜀人又取鳳州。 之苛政,相次詣闕,乞舉兵收復舊地,乃詔景與宣徽南院使向訓率師以赴焉口。 日領軍由大散關路進軍次。」先是,晉末契丹入晉,秦州節度使何建 世宗將討秦、鳳,溥薦向拱,遂平之。 世宗因宴,酌卮酒賜之,曰:「成吾邊功,卿擇帥之力也。」(舊五代史考 至是,秦、鳳人戶怨蜀 何建,原本作「賀建」,今 案東都事略

異) 甲戌, 詔曰:

寺院, 規繩。 徒,託住持而隱惡。 釋氏貞宗,聖人妙道,助世勸善,其利甚優。 漸至繁多,鄉村之中,其弊轉甚。 近覽諸州 一奏聞,繼有緇徒犯法,蓋無科禁,遂至尤違,私度僧尼,日增猥雜,創 將隆教法,須辨否臧,宜舉舊章,用革前弊。 漏網背軍之輩,苟剃削以逃刑; 前代以來,累有條貫,近年已降,頗紊 行奸爲盜之 修

內僧尼各留兩所。今後並不得創造寺院蘭若。 廢寺院內,選功德屋宇最多者,或寺院僧尼各留一所,若無尼住,祇留僧寺院 佛像及僧尼,並騰併於合留寺院內安置。 軍鎭坊郭及二百戶已上者,亦依諸縣例指揮。 王公戚里諸道節刺已下云,今後不得奏請創造寺院及請開置戒壇。 諸 道州府縣鎭村坊,應有敕額寺院,一切仍舊,其無敕額者, 天下諸縣城郭內, 若無敕額寺院, 如邊遠州郡無敕額寺院處,於停廢寺院 蘭若,原本作「蘭著」,今從五代會要改正。(影庫本 並仰停廢, 所有功德 祇於合停 一所。 男子女子

周書

剃頭間,須留髮髻,如有私剃頭者,却勒還俗,其本師主決重杖勒還俗,仍配役三年。 僧,並仰收捉禁勘,申奏取裁。 等,並不得出家剃頭。如有寺院輒容受者,其本人及師主、三綱、知事僧尼、鄰房同住 之人,及棄背父母、逃亡奴婢、姦人細作、惡逆徒黨、山林亡命、未獲賊徒、負罪潛竄人 並同私剃頭例科罪。應合剃頭受戒人等,逐處聞奏,候勅下,委祠部給付憑由,方得剃 三處,祇委本判官錄事參軍引試。如有私受戒者,其本人、師主、臨壇三綱、知事僧尼, 兩京、大名府、京兆府、青州各處置戒壇,候受戒時,兩京委祠部差官引試,其大名府等 十紙,或讀得經文三百紙者,經本府陳狀乞剃頭,委錄事參軍本判官試驗經文。 頭受戒。 有志願 男年十五已上,念得經文一百紙,或讀得經文五百紙,女年十三已上,念得經文七 應男女有父母、祖父母在,別無兒息侍養,不聽出家。 出家者, 並取父母、祖父母處分,已孤者取同居伯叔兄處分,候聽許方得出 曾有罪犯,遭官司刑責

切 道 每年造僧賬兩本,其一本奏聞,一本申祠部,逐年四月十五日後,勒諸縣取索管界寺院 上絕。 」具、符禁左道、妄稱變現還魂坐化、聖水聖燈妖幻之類,皆是聚衆眩惑流俗,今後一 僧尼俗士,自前多有捨身、燒臂、鍊指、釘截手足、帶鈴掛燈、諸般毀壞身體、戲弄 如有此色人,仰所在嚴斷,遞配邊遠,仍勒歸俗,其所犯罪重者,準格律處分。

周書六 世宗紀第二

僧尼數目申州、 州司攢賬,至五月終以前文帳到京,僧尼籍帳內無名者,並勒還俗。 其

巡禮行脚,出入往來,一切取便。

守,以微累而當極刑,時論惜之。戊子,以沙州留後曹元忠爲沙州節度使、檢校太尉、同平 部侍郎。己卯,刑部員外郎陳渥賜死,坐檢齊州臨邑縣民田失實也。 係籍者六萬一千二百人。戊寅,以刑部侍郎邊光範爲戶部侍郎, 是歲,諸道供到帳籍,所存寺院凡二千六百九十四所,廢寺院凡三萬三百三十六,僧尼 丙申,禮部侍郎竇儀奏,請廢童子、明經二科及條貫考試次第,從之。 以前御史中丞裴巽爲刑 渥爲人淸苦,臨事有

州留後。 定遠軍。 判官,如是隨幕已曾任此職者聽奏。防禦團練刺史州,各置推官一員。」辛酉,廢景州爲 六月己酉,以曹州節度使韓通充西南面行營都虞候。丙辰,以亳州防禦使陳思讓爲邢 庚申, 韶:「兩京及諸道州府, 不得奏薦留守判官、兩使判官、少尹、防禦團練軍事 癸亥,以前延州節度使袁義爲滄州節度使, 以前邢州節度使田景咸爲鄧州節度

度使 向訓 秋 七月丁卯朔,以鳳翔節度使王景兼西南面行營都招討使,以宣徽南院使、鎭安軍節 兼 西南面行營都監。 戊辰,太子太傅、魯國公和凝卒。 魯國,原本作「路國」,今從和凝本

改正。(影庫本粘籤)

使。

光祿 及太廟 事,宜令太常博士及監察御 官更躬親檢校,務在精至。 子太師 「今後應有病患老弱馬,並送同州 、大夫,依前中書侍郎、平章事, 八月癸卯 致仕趙暉卒。 即用太牢, ·, 兵 部尚書張昭、太常卿田敏等奏,議減祠祭所用犧牲之數,由是圜丘、方澤 餘皆以羊代之。 乙丑,詔曰:「今後諸處祠祭,應有牲牢、香幣、饌料、供具等,仰委本司 史用心點檢,稍或因循,必行朝典。」 行事儀式,依附禮經,大祠祭合用樂者,仍須祀前教習。 沙苑監、 進封開國伯,以樞密院承旨張美權判三司。 丁未,中書侍郎、平章事、判三司景範罷判三司,加 衞州牧馬監,就彼水草,以盡飮齕之性。」庚子,太 辛亥, 凡關祀 銀青 詔

使王景,部送所獲西川 並爲太子賓客。 鑄錢,冀便公私〔三〕,宜行條制。 切禁斷。」(舊五代史考異) 九月丙寅朔,詔禁天下銅器,始議立監鑄錢。 乙酉,詔文武百僚,今後遇天淸節,依近臣例各賜衣服。 軍校姜暉已下三百人至闕。 詔所獲西川、河東軍校已下並釋之,各賜錢帛有差 癸未,以太子賓客趙上交爲吏部侍郎,以吏部侍 今後除朝廷法物、軍器、官物及鏡, 案五代會要: 甲午,潞州部送先擒到河東兵馬監押程 丼寺觀內鐘磬、鈸、 顯德二年九月,敕云:「今采銅興冶,立監 相輪 [四]、火珠、鈴鐸外, 辛卯, 鄭于德辰、 西南 司 面 其餘銅 招討 徒 詡

正。(影庫本粘籤) 閏月壬子,西南面招討使王景奏,大破西川賊軍於黃花谷, 換偽命都監王巒、孫韜等一千五百餘人。 案九國志李廷珪傳: 黃花, 原本作「黄化」, 周師攻秦、鳳, 今從通鑑 以廷珪爲 改

又遣染院使王轡領兵出唐倉,與周師遇,蜀師敗走,王巒死之。而馬嶺、斜谷之兵聞之皆退奔,高彥懤與諸將謀退守靑泥 北路行營都統,高彥儔、呂彥珂爲招討。 廷珪遣先鋒指揮便李進以兵據馬嶺,分兵出斜谷,營於白澗,將腹背以攻周師;

(嶺 用師西征,戰無不勝,蜀中所遣將皆武勇者,卒皆聽健者,然殺戮遁逃之外,幾無孑遺。我輩安忍坐受其禍,去危就安,當 史。 由是秦、鳳、階、成之地,皆陷於周矣。 案宋史趙玭傳:高彥僑出師救援,未至,聞軍敗,因潰歸。、玭閉門不納,召官屬論之曰:「今中朝兵甲無敵于天下,自 癸丑,秦州僞命觀察判官趙玭以本城降,詔以玭爲郢州刺

在今日。」衆皆俯伏聽命,玭遂以城歸順。 世宗欲命以藩鎮,宰相范質不可,乃授郢州刺史。(舊五代史考異)先是,帝

以 西師久次,艱於糧運,命今上乘驛赴軍前,以觀攻戰之勢。及迴,具以事勢上奏,帝甚悅,

至是果成功焉。甲子,祕書少監許遜責授蔡州別駕,坐先假竇氏圖書隱而不還也。

舊、《影庫本粘籤》右散騎常侍康澄責授環州別駕,左司郎中史又玄責授商州長史(代),左聽衞 敏爲工部侍郎。戊寅,高麗國遣使朝貢。丁丑,丁丑,以長曆推之當作「丁亥」,今無別本可校,姑仍其 多十月庚午,召近臣射於苑中,賜金器鞍馬有差。辛未,成州歸順。癸酉,以給事中王

大將軍元霸責授均州別駕,右聽衞將軍林延禔責授登州長史。澄等奉使浙中,迴日以私便 沙門,原本作「河門」,今從李知損本傳

改正。(影庫本粘籤) 停留,逾時復命,故有是責。右諫議大夫李知損配流沙門島, 坐妄貢章疏,斥讟貴近,及求使兩浙故也。己丑,前太常卿邊蔚卒。是月始

議南征。

周書六 世宗紀第二

節度使王彥超爲行營副部署,命侍衞馬軍都指揮使韓令坤等一十二將, 十一月乙未朔,以宰臣李穀爲淮南道前軍行營都部署,知廬、壽等州行府事;以許州 各帶征行之號以

從焉。己亥,諭淮南州縣,詔曰:

曲直 亂,飛揚跋扈,垂六十年,盜據一方,僭稱僞號。幸數朝之多事,與北境以交通,厚啓戎 潭之士庶。以至我朝啓運,東魯不庭,發兵而應接叛臣,觀釁而憑凌徐部。 守貞之叛河中,大起師徒,來爲應援,攻侵高密,殺掠吏民,迫奪閩、越之封疆,塗炭湘、 心,誘爲邊患。晉、漢之代,寰海未寧,而乃招納叛亡,朋助凶慝,李金全之據安陸,李 契丹,至今未已,結連丼寇,與我爲讎,罪惡難名,人神共憤。 顧茲昏亂之邦,須舉弔伐之義。 |可知,尙示包荒,猶稽問罪。 邇後維揚一境,連歲阻飢,我國家念彼災荒,大許糴 前後繳獲將士,皆遣放還,自來禁戢邊兵,不令侵撓。我無所負,彼實多姦,勾誘 朕自纘承基構,統御寰瀛,方當恭己臨朝(+),誕修文德, 豈欲興兵動衆, 專耀武 蠢爾准甸,敢拒大邦,因唐室之陵遲,接黃寇之紛 沭陽之役,

廷,莫聞聲教,雖從僞俗,應樂華風,必須善擇安危,早圖去就。 孫皓之計窮,自當歸命;陳叔寶之數盡,何處偷生!應淮南將士軍人百姓等,久隔朝 今則推輪命將,鳴鼓出師,徵浙右之樓船,下朗陵之戈甲,東西合勢,水陸齊攻。吳 如能投戈獻款,舉郡來

周書六 世宗紀第二 校勘記

降, 令,信若 具牛酒以犒 丹青,苟或執迷,寧免後悔。 師,納圭符而請命,車服 王師 玉帛,豈吝旌酬,土地山 所 至,軍政甚明, 不 犯秋毫, 河, 誠 無愛惜。 有 如時 雨, 刑賞之 百姓

父老,各務安居,剽擄焚燒,必令禁止云。

卯, 西南 故。 漢主殂,遣使告於<u>契</u>丹。 戌,淮南前軍都部署李穀奏,先鋒都指揮使白延遇破准賊於來遠鎭 十一月,漢主崇殂(兄), 曲赦秦、鳳、階、成等州管內罪人,自顯德二年十一月已前,凡有罪犯,無問輕 丁巳,前邠州節度使折從阮卒。 面行營都部署王景奏,收復 辛亥,以前滄州節度使李暉爲邠州節度使。 高 麗國王王昭加開府儀同三司、檢校太尉, 應曆五年即周 考異引王保衡見聞要錄、劉繼顯神道碑爲據, 廣順二年也, 鳳州 己未,邢州奏, , 與薛史合, 案:歐陽史作戊申。(舊五代史考異) 蓋薛史、遼史皆以實錄爲據: 依前使持節玄菟州都督、 壬子,潞州奏,破河東賊軍 河東劉 疑薛史作二年爲誤。 崇死。 案: 獲僞 也。 通鑑作顯德元年十一月,北 今考遼史穆宗紀, 命節度使王環。乙 五代春秋亦作二 大義軍使, 於 祁 縣。 重,一切釋 應曆五 癸丑 王 如如 壬 年

知開 林學 事 景範卒。 士承旨徐台符卒。 封 <u></u> -府 月丙寅,以左金吾大將軍蓋萬爲右監門上將軍。 事 王朴爲 庚午,右金吾衞上將軍王守恩卒。 左散騎常侍,充端明殿學士,依前權知開封府事。 甲戌,李穀奏,破淮賊二千人於壽州城下。 辛未,安州奏,盜殺防禦使張穎。 丁卯,淄州奏,前中書侍 丙子,以左諫議大夫、權 永興軍奏, 節度使劉 是日, 郎、 同 平

洞卒。 都部署王景,差人部送所獲偽鳳翔節度使王環至闕。 一卯,李穀奏,破准賊千餘人於山口鎮。 丙戌,樞密使鄭仁誨卒。 詔釋之,仍賜鞍馬衣服, 辛卯,一 西南 尋授右驍衞 面行營

大將軍(丸)。

聲, 聞於道路,有悼耄之輩,不勝其刑而死者數人,物議以爲不允。 是多,命起居郎陶文舉徵殘租於宋州。文舉本酷吏也,宋民被其刑者凡數千,宽號之 永樂大典卷八千九百八十四。

校勘記

[1] 宣徽南院使 「使」字原無,據殿本及本卷下文補。

王公戚 里諸道節刺 早下 「王公」原作「公王」,據殿本、會要卷一二改。「下」,殿本、劉本同,會

要卷一二作「上」。

- 今采銅興冶立監鑄錢冀便公私 「治」原作「治」、「便」原作「使」,據會要卷二七改。
- (11) 相輪 原作「相輸」,據會要卷二七改。
- 至 程 交 盧 本同。 殿本、劉本作「程支」,冊府卷一六七作「程友」。
- [代] 責授商州長史 「授」字原無、據殿本、劉本補
- (十) 方當恭己臨朝 「恭」原作「躬」,據殿本、冊府卷一二三改。

一五三七

(3) 漢主 原作「漢王」,據殿本、劉本及遼史卷六穆宗紀改。

(A) 右驍衞大將軍 「大」字原無,此處原有注文云:「按原本闕一字。」按本書卷一二九王環傳作「授

右驍衞大將軍」,通鑑卷二九二作「以王環爲右驍衞大將軍」,則闕文當爲「大」字,據補。

舊五代史卷一百一十六

周書七

世宗紀第三

|窰。 乾沒外孫女霍氏之貲產,爲人所訟故也。 殿學士王朴爲副留守。壬寅,車駕發京師。 戊戌,發丁夫十萬城京師羅城。 援軍大至,乃與將佐謀曰:「賊軍舟棹將及正陽, 師朗已下,獲戎甲三十萬副、馬五百匹。 重進奏,大破准賊於正陽,斬首二萬餘級,伏尸三十里,臨陣斬賊大將劉彥貞,生擒偏將咸 上窰,原本作「上黨」,其地與淮南殊遠。 顯德三年春正月乙未朔,帝不受朝賀。 庚子, 詔取此月八日幸准南。 考通鑑作上窰,胡三省注云: 先是,李穀駐軍於壽春城下,以攻其城,旣而 辛丑,以宣徽南院使向訓爲權東京留守,以端明 丁未,李穀奏,自壽州引軍退守正陽。 前司空蘇禹珪卒。 正陽,原本作「上陽」,考歐陽史、五代春秋、通鑑俱作正 壽州南有地名上窰。 殿中監馬從贇兔所居官,坐 丁酉,李穀奏, 今改正"(影庫本粘籤) 破准賊於上 辛亥,李 准

周書七

世宗紀第三

浮橋 陽,今改 捷馬牌 皆 陽 命宰臣 |点 援,未交戰 被擒,彦貞 飾以丹碧,立陣前 戰,士未及朝食,即督以進,遇周將李重進于正陽東。 ·曹劉彥貞傳:一彥貞生長富貴,不練兵事,裨將武彥暉、張廷翰、咸師朗皆鬭將〔一〕,無籌略,見剧師退,以爲怯, 既至正陽,聞准軍在近,率諸將渡橋而進,與賊軍遇, 乘李殼退軍之勢,發戰棹數百艘,沿淮而上,且張斷橋之勢,彥貞以大軍 亡失,准北役夫, 一日 爲 「唐兵且至,宜急擊之。」彥貞 我 以以 軍容在我,汝輩 以俟變 正。(影 李穀判壽州行府事。 將 [歿于陣。(舊五代史考異) 皮雞 而 趙 敵人退,不可測也,愼勿追逐。 布 庫本 晁 |輅。」諸將皆以爲然,遂燔其糧草而退。 鐵蒺藜于 所殺。 號摙馬牌, 粘籤) 何知? 亦有陷於賊境者。 地。 我師無水戰之備,萬一橋梁不守, 甲 沮 叉以革囊貯鐵蒺藜布于地。 周兵見而 茰 吾事者斬 **車駕至** 等聞穀退軍,皆以爲怯,裨將咸師朗曰:「追之可大獲。」劉仁瞻使人喩之曰:「君來 乙卯, 馬令南唐書 知其怯,一鼓 !」比至正陽 君爲大將,安危以之,脱有不利,大事去矣。」前軍 正陽。 車駕渡淮。 帝聞之, 急詔侍衞都指揮使李重進率師赴之。 彦貞置陣 m 而敗之,彥貞死于陣。(殿本)殺獲之外,降者三 世宗親征,行至圉鎮,聞穀軍却, 以 重進先至,未及食而戰。 侍 周師望而笑其怯, 衞 内辰,至壽州城下,營於州西 ,横布拒馬、 都指揮使李重 軍迴之際,無復嚴整, 重進等合勢擊之,一鼓而敗之。 則大軍隔絕矣。 聯貫利 銳氣已增。 **刃,以鐵繩維之,** 彦貞 進爲 意唐兵必追之, 施利 准 戰我師 7万十五 南 張全約亦曰:「不可追。」 彦 列陣而 不如全師 道 公私 . 北 馬 大敗(<u>11)</u>, 行 刻木為猛 淝水之陽,詔 營都 遺李重進急 义刻木為獸 進。 之間, 退守 惟恐不得速 千餘 **默攫**挐 招 師 時 李 計 笨鹋 朗 推财 重進 主 陽 頗 等皆 趨 狀 赴 酒 IE

錄云:家有范魯公雜錄,記世宗親征忠正〔三〕,駐蹕城下,中夜有白虹自淝水起, Ē 陽浮橋於下蔡。 壬戌,今上奏,破准賊萬餘衆於渦口,斬僞兵馬都監 下蔡,原本脱「下」字,今從通鑑增入。(影庫本粘籤) 何延錫等,獲戰船五 庚申, **亙數**丈, 耀兵於城下。 下貫城中, 數刻方沒。(舊五 一十艘。 案春明退朝

記:李景 即本于 今關 學究 于清 州 史高 本作「青琉」,今從歐陽史改正。(影庫本粘籤) 進 五 流 在 Ţ. 擒 弼 **逵奏**,領兵入淮南 一千人異。 村 關 此 有徑路,人無 僞 聞 月丙寅,幸下蔡。 以 中 盗 世宗親至淮上,而滁 命江州 上之。優韶 第皇 教 路,周師大敗,暉整全 獻。 學,多智計 甫暉 詔釋之。 行 節度使、充行營應援使皇甫暉 老談苑云:太祖 以 者 《傷重被: 褒美,仍以器幣賜之。 ,雖牌軍 村民 界。 べ有に 擒,而 州其控扼,且援籌州, 兵部尚書張昭奏, 準韶 等訟者. 斬前濟州 亦不 師 入憩滁州 戊辰,廬壽巡檢使司超奏,破淮賊三千於盛唐,獲都 提周師甚寡〔四〕,當李景兵十五萬于淸流 談苑云臨陣親斬,小說家多傅會之詞, 知之,乃山之背也,可以直抵城下。 ,多請以決 城下, 馬軍都指揮使康嚴於路 曲 案歐陽修豐樂亭記,太祖以周師破李景兵十五萬于淸流關下,與薛 會 命大將皇甫 直。 翊日再出。 壬申, 太祖 常州 撰集兵法,分爲十卷,凡四十二門,目之爲制 往 今上奏,破潍賊萬五千人於淸流山, 暉、監軍姚鳳 訪之,學 太祖兵聚關下,且虞暉兵再至, 團 練使、充應援都監 究日:「我 方值西澗水大漲之時, 恐不足信。(舊五代史考異) 左,坐橋道 提兵十萬扼其地。 山下, 有奇計, 臨陣親斬驍將皇甫 不謹也。 所 謂 姚 聞諸 太祖 彼必 因 鳳 敗 以 《爲勝, 以 謂 村 暉。 周 獻。 監偽 我旣敗之後, 乘勝攻下 朗州節度使 師 疑豐樂亭記 云有 轉 數千與暉遇 吉州 案王 清流,原 鎭州 爲 至 默 福 滁 刺 }史 趙 無

周

書

降,獲糧草二十餘萬。侍衞馬軍都指揮使韓令坤上言,泰州降。癸巳,荆南上言,朗州節度 (代)

然與)丁亥,壽州城內左神衞軍使

徐象等一十八人來奔。

庚寅,朗州節度使

王進逵上言, 領兵入鄂州界,攻長山砦,殺賊軍三千餘衆。 本粘籤)收下揚州。 辭,而 衣、金帶、鞍馬等。 茗、藥物等,又進犒軍牛五百頭,酒二千石。是日,賜謨等錦綺綾羅二百匹,銀器一百兩,襲 奉表來上,敍願依大國稱臣納貢之意,仍進金器千兩, 部侍郞鍾謨、僞工部侍郞文理院學士李德明等, 送所獲江南二將皇甫暉、姚鳳至行在, 詔釋之。 至滁 太祖 敢躡其後者,誠 遠 助 /圖,下交小國,悉班卒乘,俾乂蒼黔,慶鷄犬之相聞,奉瓊瑤以爲好,必當歲陳山澤之利, ·巷戰,三縱而三擒之,遂下滁州。(舊五代史考異) 遣人前導,即下令誓師,夜從小徑行, 州 軍旅之須。 本州 能 以聞,書稱唐皇帝奉書於大周皇帝,其略云:「願陳兄事, 由山背小路率兵浮西澗 虔俟報章,以聽高命,道塗朝坦,禮幣夕行」云。 書奏不答。 乙亥,今上縶 案東都事略韓令坤傳:率兵襲揚州,將吏開門以迎之,令坤整衆而入,市不易肆,人甚悅。(舊五 丙戌,侍衞馬軍指揮韓令坤奏, 水至城下,斬關而入,可以得志。」太祖大喜, 三軍跨馬浮西澗以迫城, 甲戌, 辛卯,今上表僞命天長軍制置使耿謙以本軍 江南國主李景遣泗州 壬午, 江南國主李景遣其臣偽翰林學士戶 李德明,原本作「德名」,今從通鑑改正。(影庫本粘籤) 韓令坤,原本作「全坤」,今從通鑑及宋史改正。(影庫 軍果不 錦綺綾羅二千匹及御衣、犀帶、茶 爲備。 奪門以入, 且命學究以指其路。 牙將王知朗齎書一函 永奉鄰歡,設或俯鑒 暉始聞之, 率親兵擐甲與 學究亦不

乃乘輕舸奔歸武陵,叔嗣追殺之于朗州城外。(舊五代史考異)遣人詣潭州, 使王進逵爲部將潘叔嗣所殺, 占者以爲不利,遂留<u>長沙</u>。 令行營副使毛立領兵南下,以潘叔嗣、張文表爲前鋒。 案九國志王逵傳: 領衆逼宜春(至),道出長沙,耀兵金波亭,有蜜蜂集糤蓋中, 請周行逢爲帥, 叔嗣怒,至澧陵摊衆而還。 行逢至朗州 逵聞兵叛,

斬 叔嗣 於市。

兩浙 奉表 宗征淮、舒州堅壁不下,以郭令圖爲刺史,命審琦、司超將兵攻城。 逸。 州,聞令圖被逐,乃選騎銜枚襲城,夜敗其衆而復納之。〈舊五代史考異〉江南國主李景表送先隔過朝廷兵士 子 殺,獲其 日 文武 五. 奏,遣大將率兵攻常州。 來上,仍進金 帝怒其奔竄, 三月丙申,行光州刺史何超奏,光州僞命都監張承翰以城歸順,尋授承翰集州刺史。庚 十人至行在。 了百僚再上表請聽樂,韶允之。 香 帥 高鬧兒等十人,磔於市 盡戮之。 一千兩,銀十萬兩,羅綺二千匹,又進賞給將士茶絹金銀羅帛等。 其軍卽蜀軍也,秦、鳳之役,爲王 丙午, 延州留後李彥頵奏, 江南國主李景遣其臣偽司空孫晟、偽禮部尚書王 行舒州刺史郭令圖奏,收下舒州。 **彥頵本賈人也,貪而好利,蕃漢之民怨其侵刻,故至** 一夕拔之。今圖入,復見逐于郡人。 蕃衆與部民爲亂, 一師所擒,配隸諸軍,及渡淮, 尋與兵司都監閻綰掩 案隆平集王審琦傅: 審琦方進軍援黃 輒復南 崇質等 庚戌,

周 書 頃自 七 **|有唐** 世 宗 失御,天步方艱,巢、蔡喪亂之餘,朱、李戰爭之後, 紀 第 Ξ 朱、李,原本作「朱子」,今 於是。

辛亥,賜江南李景書曰:

據文改正。(影庫本粘籤)中夏多故,六紀於茲,海縣瓜分,英豪鼎峙,自爲聲教,各擅烝黎, 連衡而交結四夷,乘釁而憑凌上國。 華風不競,否運所鍾,凡百有心,孰不興憤。

前鋒所向,彼衆無遺,棄甲僵屍,動盈川谷。 **羽翼,潰其心腹,扼其吭喉而不亡者哉!** 魔上,問罪江干,我實有辭,咎將誰執。 朕親提金鼓,尋渡淮、淝,上順天心,下符人欲, 位已來,懷安不暇,破幽、抖之互寇,收溱、鳳之全封,兵不告疲,民有餘力。一昨迴軍 三十萬之甲兵(松),農戰交修,士卒樂用,思欲報累朝之宿怨,刷萬姓之包羞。 是以踐 朕猥承先訓,恭荷永圖,德不**迨於前王,道不**方於往古。 然而擅一百州之富庶,握 收城徇地,已過滁陽,豈有落其爪牙,折其

義,所以懷遠人,五帝三王,盛德大業,恆用此道,以正萬 所謂君子見機,不俟終日,苟非達識,孰能若斯。但以奮武興戎,所以討不服,惇信明 腰帶、金銀器幣、茶藥牛酒等;今又使人孫晟等並到行朝。 早者,泗州主將遞送到書一函;尋又使人鍾謨、李德明至,齎所上表及貢奉衣服 邦。 觀其降身聽命,引咎告窮,

不能 違天,兼且咈衆。 恢復內地,申畫邊疆,便議 朕今躬統戎師,龔行討伐,告於郊廟社稷,詢於將相公卿,天誘其衷,國無異論。苟 但以淮南部內,已定六州,廬、壽、濠、黃,大軍悉集,指期剋日,拉朽 班旋,眞同戲劇,則何以光祖宗之烈,厭士庶之心,匪獨

匪枝游,俟諸郡之悉來,卽大軍之立罷。質於天地,信若丹青,我無彼欺,爾無我詐,言 也雖然,今則不取,但存帝號,何爽歲寒。 儻堅事大之心,終不迫人於險,事資眞慤,辭 臣禮,非無故事,實有前規。蕭詧奉周,不失附庸之道;孫權事魏,自同藩國之儀。 悉遣放還,江北軍民,並當留住,免違物類之性,俾安鄉上之情。至於削去尊稱,願輸 復。「豈同迷復」下疑原本有脫誤,今無別本可校,姑仍其舊,附識于此。(影庫本粘籤) 焚枯,其餘數城,非足介意(+)。 必若盡准甸之土地,爲大國之隄封,猶是遠圖,豈同迷 如此則江南吏卒,

翹想所深,勞於夢寐。 切以陽春在候,庶務縈思,願無廢於節宣,更自期於愛重。 音塵非遠,風壤循殊, 盡於此,更不煩云,苟曰未然,請自茲絕。

又賜其將佐書曰:

颁元顯改正。(影庫本粘籤)旦夕之間,克捷相繼。 至若兵興之所自,釁起之所來,勝負之端 倪, 戎甲之次第, 不勞盡論, 必想具知。 股自類碼出師, 麾旄問罪, 絕長淮而電擊, 指建業以鷹揚, 建業,原本作「逮業」,今據册

但以南邦之土地,本中夏之封疆,苟失克復之期,大辜朝野之望,已興是役,固不徒 近者金陵使人,繼來行闕,追悔前事,委質大朝,非無謝咎之辭,亦有罷軍之請。

周

七

世宗紀

第三

彼 還〔六〕。 既服 必若自 |准 以南、畫 江爲界,盡歸中國,猶是遠圖。 封崇,待以殊禮。 凡爾將佐,各盡乃心,善爲國家之謀, 所云願爲外臣, 乞比湖、浙,

勉

澤恆

久之利

州之地,歸於大朝。」帝志在盡取江北諸郡,不允其請。 「願陛下寬臣數日之誅,容臣自往江南,取本國表, 初,李景遣 鍾謨、李德明奉表至行闕,使人面奏云:「本國主願割壽、濠、泗、楚、光、海六 盡獻 使人見王師急攻壽陽,李德明 江北之地。」帝許之,乃令李德明、王 奏曰:

崇質

、齎此書以賜李景。

零秋改正。(**影庫本粘**籤) 王師 亦以 州 俊。 州 城下水砦都部署。 表 步騎二千人屯於六合。 不守,韓令坤欲棄揚州 初,兩 今上表大破江南軍於六合, 夏 四月 聞。 浙錢俶承詔遣部將率兵攻常州,爲江南大將陸孟 乙亥, 甲子,以徐州節 駐蹕於濠州 令坤迎擊,敗之,生擒孟俊。 己巳, 而迴。 度使武行德爲濠州城下行營都部署,以前鄧州節度使侯章爲壽 車駕發壽春, 俄而 城下。 陸孟 斬首五千級。 帝怒, 急遣殿前 丁丑, 俊領其徒自海陵抵揚州 循准 揚州韓令坤破江南賊軍於州東境, 而東。 時李景乘常州之捷,遣陸孟 李景遣其弟齊王達率大衆由瓜步濟江,距 都指揮使張永德 辛未, 俊所敗,將佐陷沒者甚衆,李景 揚州 陸孟 奏,江南大破 帥親兵往援之,又命今 俊, 原本作「盂後」,今從十國 俊領兵迫泰州 獲大將陸孟 兩浙 軍 於常

節度 沿 六合 濫 不可 丙戌,以宣 一至有 江 (使,依: 勝 副 一舍而設栅。 刼 招 紀。 人婦女者。 前宣徽使兼沿江招討使, 討 一徽南院使向訓爲權淮南節度使,充沿江招討使, 使。 己卯,韓令坤奏, 案宋史向拱傳 及拱至,戮其不法者數輩,軍中肅然。(舊五代史考異) 居數日,乃棄栅來迫官軍,今上壓兵以擊之,賊軍大敗,餘衆赴江溺死者 以令坤爲副。 :揚州初平,南唐令境上出師謀收復,韓令坤有棄城之意, 敗楚州 賊將馬在貴萬餘衆於灣頭堰,獲漣州 時周師久駐淮陽, 都將趙晁、白延遇等驕恣橫暴,不相稟從, 丁亥, 以侍衞 車駕發濠州 馬 軍都指 即驛召拱赴行在, 刺 史秦 揮 幸|渦 使韓令坤充 進崇行了。 拜淮南 惟務 貧

陳州 再幸 度,不得輕弱假僞, 揚州 賓客 節 五 月壬 ,宰相范質以 度 于 使王令温 ·德辰 辰朔,以渦 卒。 師 卒。 老泣諫,乃班師。 犯者擒捉送官。」 辛酉、詔:「天下公私織造布帛及諸 口 戊午, 爲 鎭淮 以江南偽命東 (舊五代史考異) 軍 戊戌,車駕還京, 乙卯, 都 副 留守、 上至 發渦口。 自淮南, 工部侍 色匹段, 郞 詔 案馬令南唐書"天子駐于渦口,猶欲 幅尺斤兩, 馮 赦都 延魯爲太府卿。 下見禁罪 並須依 向來制 1

11:

一,以前

湖南節

度使馬

希崇爲左

羽

林

統

軍

州節 度使,加檢校太 度使 六月 向 7甲子, 訓 爲 尉 准 以 鳳翔 南 以 節 亳州防禦使王全斌爲隴州防禦使,遙領利州昭 節度使王景爲秦州 度使,依前南 院宣徽使,加檢校太尉; 節 度使,兼 西 面沿 邊都 以曹州 部 署; 武 節 軍 度使韓通 以宣 兩使留後。丙寅 徽南院使、陳 爲 許州節

周

書

+:

戊子 許 具 軍 前 諫 承 史 云。 毒 張 城 並 都 州 議 並 凡), 升 戊寅, 指 F 爲 糸L Ŧ 有違 糧 本官 夫, 賊 以 彥 揮 並 赡 因 運 所 使 水 停 招 充 充 爲 不 國 犯 以 部 李 移 焚, 任 昭 翰 駐 繼 軍 右 繼 鎭 員 無 將士 文館 為 0 留 林 坐 衞 勳 外 永 問 濱 鞫 學 旬 李 營於 F 鄓 興 輕 主 繼 學 州 日 死 獄 將 知 軍 重 土 者 失 勳 壽州 軍 制 王 喪 數 , 以 實 准 · 扈 彦 判 誥 並 鄧 師 給 也 失之後, 百 南 之南 館 復 不 扈 州 人。 道 事 珂 載 窮 振 事 田 丁 招 中 爲 景咸 問 李 攻 討 高 卯 太子 度 壬 軍 防為 ٠, 重 賊 使 申 移 先 支 以 無 進 壘 李 太 貨鎮 , 固 屬 員 翰 右 在 曲 重 師 **志**, 外 鄜 江 林 是 散 東 進 赦 致 南 郎 州 學 砦, 諸 日 奏, 淮 騎 仕 芝 王 士 常侍 將 , 南 時時 壽 著, 戶 亦 賊 御 道 議 庚 ٠, 不 州 軍 史 王著, 部侍 諸 欲 ; 應 辰 中 能 賊 出 以 州 退 有 丞楊昭 救 城 軍 以 前 軍 郎 見 原本作「王 非 來 攻 之禁罪 , 西京 陶 都 理 時 攻 南 賴 穀 官 科 治 完 王 儉 我 城 今上 留守 人, 爲 郎 徭, 署」, 堅 軍 中、 兵 知 自 未 自六合領 部 破 王 無 雜 師 今從宋史改正。(影 下 今年六月 知 名 晏 侍 侍 栅 不 , 制 爲 配 御 利 郎 師 而 誥 史趙 率, 老 鳳 充翰: 薛 兵 翔 於 先 其攻 + 居 歸 外, 是 礪 節 切 IE 林 闕 度 庫本 停 城 日 爲 學 侍 加 使 步 温 日 御 粘

使, 庚 秋 檢 子 ---校 , 月 廬州 太 辛 尉 卯 行營都部署劉 朔 兼 侍 以 中 武 淸 T 軍 重 酉 節 進 度 以 奏 使、 太 (CIO); 子 知 破准 賓 潭 客 州 盧 軍 賊 價 府 千 爲 事 餘 禮 周 人於州 部 行 逢 尙 爲 書 界。 朗 致 州 仕 丁 大 未, 以 都 濠州 給 督 事 , 行 中 充 營都 武 李 明 平 部 爲 軍 署 節 大 武 度 理

州 使 德奏, 復 向 訓 吳 自 敗淮賊二千人於州界。 揚州 人所據,故棄揚 班 師 迴 証 壽 州 倂 春。 力於 庚戌, 時 壽春焉。 王 師 太子太保王仁裕卒。 攻壽 春, 案馬令南唐書: 經年: 未 下, 向訓請棄揚州 江、淮盜 辛亥, 賊充斥, 皇后符氏薨。 ,併力以攻壽春,乃封府 舒、 蘄 准 和 庫付 泰等 節 度

,遣淮南舊將按巡城中,秋毫不

犯而去。

准人大悅,皆負糗糧以送人問師。

(舊五代史考異

禦之。 製序, 獝 鄧 南 金 州 在 、停任 爲 壽 節 仍付 月 河陽 度使, 州 有 頃, 主 遣 司 坐 戌 記 爲 風 其 天 以侍 室也 勢倒 將 監 河陽 舉官累也。 行 林 衞 指,賊衆稍却 仁肇、 用。 白 步 南金,原本作「南 重贊移鎮 軍 殿前 都指 郭 戊辰,端明殿 廷謂 都指揮使張永 揮使、 涇州 率 愈」,今從王敏本 因爲官 水陸軍 彰信 ,張澤移鎭 學士王朴 軍 軍 至下蔡, 節 、德奏, 所敗。 废 傳改正。(影 河 使 撰成 中(三) 李繼 破准 己 欲奪浮 卯, 新 庫本粘質 賊 勳 0 曆上之, L 於 爲 甲子 梁,以舟實 下蔡。 河陽 部 籤 侍 ',以前 節 鄓 命日 先是, 度 王敏停 不薪芻, 鄧州 使。 顯德欽 節度使侯章復爲 江南李景 任, Z 乘 丑 天 風 坐 (曆, 縱 太僕 薦子壻陳 火, E 以 永 Ŧ. 親 卿 德 師 劇

使; 以 九 月 右 丙 M 午, 林 統 以端 軍 焦繼 明殿 勳 學士、 爲 左 左散 屯 衞 騎 E 常侍 將 軍 權 以 知 左衞上將軍楊 開 封 府 事 王 朴 承信爲右 爲 尙 書戶 羽林統 部 侍 郎, 軍 充 $\stackrel{\frown}{=}$ 樞 密 以 副

户 辛 酉, 葬宣懿皇后 於懿陵。 癸亥,以右神武統軍宋延渥爲廬州 行營副部署。

周

左監

門

上

將

軍

宋

延

渥

爲

右

神

武

統

軍

五代史考異) 妻父所訟,彰其醜行,故逐之。 而 也、形貌樸野、粗學爲文。前年徒步上書、帝以急於取士、授右拾遺、聞者駭其事。 漢上十餘年,至是來朝,故以命籠之。癸未,右拾遺趙守微杖一百,配沙門島。 賓客致仕 清軍節度使,知潭州 懿皇后神主入廟,時有司請爲后立別 引薛史與永樂大典同, 當執役之際,悉藉 補役人,並須 丑,舒州 商,逐處有鹹 人材,考校筆札。 國 昭諫曰:「昔唐初劉洎、馬周起徒步,太宗擢用爲相,其後朱朴、柳璨在下僚〔1四〕, 昭宗 刺 |薛仁謙卒。 用之於後而國亡,士之難知 甲申,宣授今上同州節度使兼殿前都指揮使; 史 郭令圖 人材 鹵之地,一任人戶煎鍊。」壬 !俊利,身言 今仍其舊。(影 公勤,及聽選之時,尤資幹敏,苟非愼擇, 其中選者, 軍府事。 責授虢州教練使,坐棄郡逃歸也。 丙子,襄州節度使、守太尉、兼中書令、陳王安審琦加守太師。 可採,書札堪中, 庫本粘籤) 連所試書跡及正 癸酉,淮南招討使李重進奏,破淮賊於盛唐、斬二千級。 也如 案東都事略張昭傳: 此 廟、禮也。 餘從前後格敕處分,仍每年祇得一度奏補。」丁卯, 臣願陛下存舊法而用人口吾,以劉 申,以武平軍節度副使、知潭州軍府事宇文瓊爲武 自前 身引過 世宗好拔奇取俊,有自布衣上書、下僚言事者, 己巳,韶:「漳河巳北郡縣台」, 行 止,委 中書, 丙寅, 宣授內外馬步軍都軍頭袁彥爲曹 無訛濫 漸 IE 致 韶曰:「諸司 身引 、馬爲鑑,朱、柳爲戒, 因 昭宗亦以大用, 過,原本似有脫落,考冊府元驅所 , 循 勒本司關送 應 諸 職 司 員, 然則太宗用之於前 寺 守微本村民 並許鹽貨 更部, 皆係奏補, 監,今後收 則善矣。」(舊 審琦鎭 多不次進 至是爲 太子 引 通 宣 驗

州節度使兼侍衞步軍都指揮使。 戊子,右神武統軍張彥超卒。 張彥超,原本作「彥起」,今從通鑑改

正。(影庫本粘籤)

|搏歸山。 也。乙巳,江南進奉使孫晟下獄死,江南進奉使鍾謨責授耀州司馬。戊申, 濠州送糧軍二千人於下蔡,奪米船十餘艘。 十一月已丑朔,詔廢天下無名祠廟。 帝素聞摶有道術,徵之赴闕,月餘放還舊隱。庚戌,殿前都指揮使張永德奏,敗 庚子,日南至,帝不受朝賀,以宣懿皇后遷祔日近 宰臣李穀以風痹請告十旬, 三上表求解所任, 放華山隱者陳

不允。

際、宋、亳、潁、曹、單等州丁夫城下蔡。辛巳,故襄邑令劉居方贈右補闕,男士衡賜學究出 事。辛酉,以許州節度使韓通兼侍衞馬步軍都虞候。壬戌,以右領軍大將軍、權判三司張美 處求訪補塡。如有收得書籍之家,並許進書人據部帙多少等第,各與恩澤;如是卷帙少者, 月,張昭奏請國子祭酒尹拙、太子詹事劉温叟同編修。(舊五代史考異)又詔曰:「史館所少書籍,宜令本館諸 張昭纂修太祖實錄及梁均王、唐淸泰帝兩朝實錄。案五代會要云:同修撰官委張昭定名奏請,至四年正 身,獎廉吏也。癸亥,癸亥,以長曆推之,當作「癸未」,今無別本可校,姑仍其舊。(影庫本粘籤) 領三司使。 十二月己未朔,以給事中張鑄爲光祿卿,訴以官名與祖諱同,尋改祕書監,判光祿寺 壬申,以滑州節度使兼殿前都指揮使、駙馬都尉張永德爲殿前都點檢。 韶兵部尚書 發陳、

[

當

七

世宗紀

第三

校勘

記

量給資帛。如館內已有之書,不在進納之限。仍委中書門下,於朝官內選差三十人,據見在 奏,破准賊二千人場山北。 書籍,各求眞本校勘,署校官姓名,逐月具功課申報中書門下。」戊子,淮南道招討使李重進 永樂大典卷八千九百八十四。 「場」字上疑脫「於」字,考册府元龜所引薛史與永

校勘記

梁大典同,今仍其舊。(影庫本粘籤)

- 咸師朗 「咸」原作「成」,據本卷正文、陸游南唐書卷六劉彥貞傳改。
- Ξ 我師大敗 「我」字原無,據陸游南唐書卷六劉彥貞傳改。
- [三] 記世宗親征忠正 「記」字原無,據殿本、**劉**本補
- 回り 太祖 提周師甚寡 「提」原作「捷」,據殿本考證、劉本考證、國老談苑改。
- **全** 領衆 逼宜 春 「逼」原作「適」,據殿本、劉本及九國志卷一 一王逵傳改。
- **公** 三十萬 原作「三十一萬」,據殿本、劉本、彭校及冊府卷一 六七改。
- (十) 非足介意 「介」原作「屆」,據殿本、劉本、彭校及冊府卷 六七改。
- **3** 固 不 徒還 「還」原作「遷」,據殿本、劉本、彭校及冊府卷 一六七改。
- (元) 漣州 原作「連州」,據殿本、劉本、宋史卷二五一韓令坤傳、通鑑卷二九三改。

8 廬州行營都部署 「行」字原無,據殿本、劉本、彭校及本卷下文補。

張澤 殿本同。 劉本作張鐸。按本書卷一 四世宗紀有「以同州節度使張鐸爲彰義軍節度使」,

宋史卷二六一有張鐸傳,疑當作張鐸。

 $\stackrel{\triangle}{=}$ 楊承信 原作「楊信」,據殿本、劉本、宋史卷二五二楊承信傳改。 參見本書卷一〇二「安**州**節度

使楊信」下注文。

CIED 漳河 原作「彰河」,據劉本改。

柳璨 原作「柳燦」,據殿本、劉本、東都事略卷三〇張昭傳改。

哥 **願陛下存舊法而用人** 「存」原作「在」,據殿本、瀏本、東都事略卷三〇張昭傳改。

舊五代史卷 一百一十七

周書八

世宗紀第四

編紀 錄,請依宋書劉劭例,書爲「元凶友珪」,其末主請依古義書曰後梁實錄。又,唐末主之前,有應順帝,在位四月出奔,亦未 實錄。」從之。案:自「唐末主」以上,原文疑有脫誤。據五代會要云:梁末主之上,有郢王友珪,篡弑居位,未有紀 臨在太祖之前,歷試之績,並在隱帝朝內,請先修隱帝實錄,以全太祖之事功。 <u>(書</u>者先爲項籍,編獨記者首序劉璋,貴神器之傳授有因,歷數之推遷得序。 之前有閔帝,在位四月,出奔於衞,亦未編紀,請修閔帝實錄。 切釋放。 請書爲前廢帝,淸泰主爲後廢帝,其書並爲實錄。(舊五代史考異)丁未,淮南道招討使李重進奏,破淮 顯德四年春正月己丑朔,帝御崇元殿受朝賀,仗衞如儀。 壬寅、兵部尚書張昭上言:「奉詔編修太祖實錄及梁、唐二末主實錄。 韶天下見禁罪人,除大辟外, 其淸泰帝實錄, 伏緣漢隱帝君 請書爲廢帝 又以唐末主 伏以撰漢

周書

入

世宗紀第四

紫金山 鑑改正 賊五 案宋史李穀傳:師老無功,時請罷兵爲便,世宗令范質、王溥就穀謀之。 相應 (影 原本作「柴金山」, 又築夾道 庫本 於於 粘籤) 州 數里,將抵壽春,爲運 北 達 留 考通鑑及宋史、東都事略俱作「紫金」,今改正。(影庫本粘籤) 先是, 駐 豪州 李景 遣其將許文縝、邊鎬、朱元領 遣其弟僞 糧之路, 齊王達率全軍來援壽州, 至是 爲 |穀 手 重進 疏 請親征,有必 所 兵 敗。 數萬 戊 , 設 齊王 泝准 申, 勝之利者三,世宗大悅, + ·餘砦, 詔 原本作「蔡王」, 而 取 上 來 與城 月 至 幸 紫 內烽火 准 今從通 金 用其

也。 兼 准 月庚申,以前 封府,以三司 南道行營都監向訓奏,破准賊二千於黃蓍砦。 使張美爲大內都巡檢。 工部侍郎王敏爲司農卿。 乙亥,車駕發京師。 辛酉, 詔每 甲戌,以樞密副 遇入閤日,賜 乙酉,次下蔡 使王 百官廊 朴爲權東京留守 下食, 從舊制 策。(舊五代史考異)

戰 萬 元與先鋒壕寨使朱仁裕等舉寨萬餘人降(1)。 餘 斷 黨 餘 其 剕 開 糧 來路,賊軍首尾不相救。 船 月 流 數百 東寅旦,帝率諸軍駐於紫金山下,命今上率親軍登山擊賊,連破數砦,斬獲數 東奔 37 日 艘、 帝 盡 陷 錢帛器仗不可勝數。 自 1諸砦, 率 親 騎沿 殺獲甚衆, 准 是夜,賊將朱元、朱仁裕、孫璘各舉砦來降, 北岸 據薛史, 追 擒賊 賊。 甲午,詔發近縣丁夫城鎭淮 大將建州節度使許文縝、前湖南節度使邊鎬 則朱元等之降卽在庚寅, 及晡, 馳二百餘 里,至鎮 與通鑑異。(舊五代史考異)降其衆 軍,仍搆浮梁於淮上。廬 淮軍, 案通 殺獲數千人,奪 鑑 云:辛卯夜,朱

幸下 曾受江 釋放。 上 本傳亦 淮 州 以故 命 露 自 城 殿 舒 羽 汇 南 用 表乞降, 州 林 清 骸 都 兵 蔡 部 骨 節 統 准 壽 惠 言 壽州監軍 劉仁 (已來, 南 署 應 州 孫 度 軍 軍 練使朱元爲蔡州 並 羽詐爲仁 使 劉 楊 爲 壬寅 節 文 歸 仰收 帝遣閤門使張保續 | 瞻與將佐已下 **今聚集** 壽 向 重 信為壽州節 度使、檢校 順 被擄 春縣。 訓 淮 職 ·使周 拾 贈書以 賜淮 奏,殺賊三千人於壽州 員, 爲 埋 却 徐州 山 並 瘞。 南降軍 延 骨 \城降, l林者, 是日 與加 構爲衞尉卿, 太尉、兼侍 肉者, 防禦 度使 節度使,充淮南 自前 及兵 與薛史異〔三〕。 曲赦 恩。 許文縝 並不 使, 不計 政 入城慰撫。 土萬 壽州管理 壽 令有不 問 1 舒州, 是日 遠近, 州管內見禁罪 邊鎬 罪 餘 劉仁贍 以江南偽命壽州營田 人出降, 原本作「抒州」 道 東 界去 便於民者,委本州條例 帝慰勞久之, 如 劉 並許本家 已下萬 7 Ш 行 有 爲特進、檢校太尉、 仁贍卒。 營都 城 日 口,皆紫金山之潰兵也。 曾相傷害者, , 五 案通鑑考異 仁赡 五 監 ۰, 十里 人,自今月二十一日 白 識 今從通鑑改正。(影 壬 卽 復令子 人 認, 內, 恩賜有差。 子 衣 命 云 ,以江 服 官中給 屯鎭 副使孫羽爲太僕 放今年秋夏租 今後不得 崇讓 仁贍降書蓋其副 錢 兼 聞 帛 准 南 奏, 物收贖。 中書令、 有差。 上表 上。 庫本粘籤) 僞 庚戌, 當 更有 命 戊戌, 已前, 公請罪。 己亥, 行 西 稅。 丙午,壽 鄆州 *釐革。 詔 使孫羽等爲之。 相 北 以江 曾經 卿 移壽州 栅 授宣徽南院使、 凡 面 帝自 戊 自 有 節 行 及經官論 以壽州 南 申, 陣敵處 來 辛亥, 過 營都監 度 鎭 州 僞 百 使, 犯 於下蔡, 幸壽 劉 准 命 姓, **歐陽** 並. 仁 文德 節 以 所 軍 以 使、 從 有 復 州

度

右

僞

暴

贍

{史

死。(舊五代史考異) 之,爲項城民武 倫 判官鄭牧 一, 侍 帝 衞 愈怒, 馬 爲 軍 鴻 都指揮 遽令追 臚 都 造左諫議大夫尹日就於壽州開倉賑饑民。 卿 等所訟。 一劾,盡得其實,故有是命。 使令坤之父 賞 録 順 帝命殿 也。 也(目)。 癸 中侍 丑 , ·御史率汀就按之,倫詐報汀云「準詔赴闕」, 追 令坤領陳州 奪前許州行 案宋史韓令坤傳云: / ; |倫 軍司馬韓倫在 在州 丙辰,車駕發下蔡還京 、干預 倫法當 郡 東市, 政, 身官爵 掊斂之暴, 令坤泣 配 請于世宗, 流 沙 公私 汀 菛 卽 患

如家有 愧謝 誠再贈太傅, 五代史考異) 斬 盧 節 檢 繼 延 度 校 而 希 使 太 昇 四子,一 夏 退。(舊 介。 四 邊 尉 並 而 許文縝 鎬為 韶 停 月已已,車駕 癸未, 五 案宋史李穀傳 延勛 人有疾,棄而 職 代史考異) 追封吳王, 左千牛 等。 時 爲左監門衞上將 故 重 皇子 - 衞上將 脩 · 一穀扶疾入見便殿,韶令不拜,命坐御座側。 1 不養,非父之道 壬 至自下蔡。 午, 永 丑 贈 故皇子贈左屯衞大將軍鹹再贈太保,追 福 左 故 斬 殿, 軍 驍 彭 內 T、檢校: 衞 命 城 供 也。 軍、檢校太尉, 大 延希 郡 奉 辛未,以江 、將軍誼 股君 人太傅。 官 夫 督 孫延 人 臨 役,上 劉 萬方,卿 再 氏 希 丙子, 南僞命 贈 追 於都市,御 見役 以偽命 太 處 册 輔相之位,君臣之間,分義斯在,奈何以祿 宰臣李穀以 尉 爲 大方 西北面 皇后。 以抱疾久,請辭相位, 追 西北 就 廚 封 越王 行營應援使、前永安軍 使 瓦 面 案 董 中 風痹經年,上章請退,凡三上 **一行營應援** 歐陽史作癸未追 封 延勛、 ; 噉 韓王。 故 飯, 皇 副 以 世宗怡然勉之, 子 都軍使、前 使張皓、 柿 贈 故皇弟贈太保侗 爲 左 册, 匕者, 武 與薛史異。〈舊 武 奉爲 衞 節 武 謂曰:「譬 大 言。」穀 度 安軍 將 副 軍 使

八 世宗紀第四

贈右武 左衞 再贈· 國 長 大將軍,故皇從弟贈左監門將軍奉超再贈右衞大將軍,故皇從弟贈左千牛衞將軍歷再 太傅,追封郯王;故皇弟贈司空信再贈司徒,追封 公主(fi),故皇第五妹永寧公主追册梁國長公主。 、衞大將軍。 甲申,以先降到江南兵士,團結爲三十指揮,號懷德軍 杞王。 故皇從弟贈左領 故皇第三妹樂安公主追册莒 軍 大將軍守愿再贈

使、岳州防禦使袁彥爲曹州節度使,加檢校太保,並典軍如故。 侍衞馬軍都指揮使、洋州節度使韓令坤爲陳州節度使,加檢校太傅; 節度使,加檢校太尉、同平章事。 充淮南道行營都招討李重進加檢校太傅、兼侍中; 檢視本州夏苗,移牒希進分檢,希進以不奉朝旨,不從。 庫本粘籤) ????有廣政殿,此又云改爲廣政殿,疑周太祖時宮殿之名多所更易,至世宗又從舊稱也。 上以三年十月宣授同州節度使,未於正衙宣制,至是移鎭滑臺,故自永州 改正。(影庫本粘籤) 酉,以滑州節度使衆殿前都點檢、駙馬都尉張永德爲澶州節度使, 五月丁亥朔,帝御崇元殿受朝,仗衞 辛卯,以端午賜文武百僚衣服, 加檢校太尉,以今上爲滑州節度使,加檢校太保,依前殿前都指 丙申, 斬密州防禦副使侯希進於本郡。 書始也。 如式。 己丑,以新修永福殿改爲廣政殿。 癸巳,侍衞親軍 以宣徽南院使、淮南節度使向訓爲徐州 糺具事以聞, 己亥,以左神武統軍劉 都指揮使、宋州節度使、 都尉,原本作「較尉」,今從宋史 今無可復考, 姑附識於此。(影 以權侍衞 帝怒, 防禦使授焉。 時太常博士張糺 遣使斬之。 步軍都指 揮使。 群史漢隱 以 揮

判河南府事。 徽北院使吳延祚爲宣徽南院使,吳延祚,原本作「廷祚」,今從東都事略改正。(影庫本粘籤)權西京留守, 傅,進封開國公。 辛亥,知廬州行府事劉重進奏,相次殺敗賊,獲戰船三十艘。 遇爲同州節度使。 定,奏取進止。」從之。 爲鄧州節度使,以虎 十人詳定。候畢日,委御史臺尚書省四品已上、兩省五品已上官,參詳可否,送中書門下議 是月,詔中書門下,差官詳定格律。 辛丑,宰臣范質、李穀、王溥並加爵邑,改功臣。 樞密使魏仁浦加檢校太 捷左廂都指揮使、閬州防禦使趙晁爲河陽節度使,以兗州防禦使白延 中書門下奏:「差侍御史知雜事張提等一 壬子,以宣

民淘取之,詔勿禁。乙酉,詔在朝文資官再舉堪爲令、錄、從事者各一人。 帝旣誅孫晟,尋竄謨爲耀州,旣而悔之,故有是命。辛酉,西京奏,伊陽山谷中有金屑, 六月丁巳,前濠州刺史齊藏珍以罪棄市。 己未,以責授耀州司馬鍾謨爲衞尉少卿,賜

校,姑仍其舊。(影庫本粘籤) 司農卿王敏卒。甲辰,詔曰:「準令,諸論田宅婚姻,起十一月一日至 河陽節度使李繼勳爲右衞大將軍,責壽春南砦之敗也。 **德分兵屯定遠縣,旣爲淮寇所襲,王師死者數百人,帝懲其償軍之咎,故以環衞處之。** 致仕,以右監門衞上將軍蓋萬爲左衞上將軍致仕。己酉, 秋七月丁亥,以前徐州節度使、檢校太師、兼中書令武行德爲左衞上將軍。 壬辰,以刑部尚書王易爲太子少保 己酉,以長曆推之,當作丁酉,今無別本可 先是,詔行 以前

周鲁八 世宗紀第四

伸。 者,不拘此限。」 凡有訴競,故作逗遛,至時而不與盡辭,入務而即便停罷,強猾者因茲得計,孤弱者無以自 三月三十日止者。 起今後應有人論訴陳辭狀,至二月三十日權停。若是交相侵奪、情理妨害、不可停滯 州縣爭論,舊有釐革,每至農月,貴塞訟端。 近聞官吏因循, 由此成弊,

專馳信使,謹因胡立行次,聊陳感謝披述」云。初,王師之伐秦、鳳也,以立爲排陣使,旣而 **丼都,亦承皇帝鳳起晉陽,龍興汾水,合敍鄕關之分,以陳玉帛之歡。 儻蒙惠以嘉晉,佇望** 請。 右千牛上將軍邊鎬、右衞大將軍王環、衞尉卿周延構、太府卿馮延魯、太僕卿鄭牧、鴻臚卿 常卿。辛未,詔在朝武班,各舉武勇膽力堪爲軍職者一人。甲戌,賜左監門上將軍許文績、 爲蜀所擒。 孫羽、衞尉少卿鍾謨、工部郎中何幼沖各多服絹二百匹,綿五百兩。文縝已下,皆吳、蜀之 昭具制舉合行事件,條奏以聞。丙辰,以太常卿田敏爲工部尚書,以太子賓客司徒詡爲太 士也。乙亥,宰臣李穀罷相,守司空,加食邑實封。穀抱疾周歲,累上表求退,至是方允其 以樞密副使、戶部侍郎王朴爲樞密使、檢校太保。癸未,前濮州刺史胡立自僞蜀迴, 八月乙卯朔,兵部尚書張昭上疏,望準唐朝故事,置制舉以罩英才。帝覽而善之,因命 及秦、鳳平,得降軍數千人、其後帝念其懷土,悉放歸圖,至是圖人知感,故歸立

於我。

宋州節度使李重進爲鄆州節度使,典軍如故。 九月甲申朔,宰臣王溥、樞密使王朴皆丁內艱,並起復舊位。 己丑,以前翰林學士、禮部侍郎竇儀爲端明 以侍衞馬步軍都指揮使、

殿學士,依前禮部侍郎

是命。 化科。 令光棄市。 州 壬申(+),駕發京師。壬午,以前鄆州節度使郭從義爲徐州節度使,以徐州節度使向訓爲宋 取月內車駕暫幸准上。己巳,以樞密使王朴爲權東京留守,以三司使張美爲大內都點檢。 三:其一曰賢良方正能直言極諫科,其二曰經學優深可為師法科,其三曰詳閑吏理達於教 甚有廉幹之譽。 帝素重其爲人,每加委用,至是以小過見誅,人皆寃之。 戊午,詔懸制科凡 至庭救解,帝起入宫氏了,遂戮於都市。令光出勳閥之後,歷職內庭,以淸愼自守,累總繁劇, 度使。 冬十月丙辰,賜京城內新修四寺額,以天淸、天壽、顯靜、顯寧爲名。 癸亥,河東僞命麟州刺史楊重訓以城歸順,授重訓本州防禦使、檢校太傅。 戊辰,詔 不限前資、見任職官,黃衣草澤,並許應詔。 時帝再議南征,先期勅令光廣造軍士袍襦,不即辦集,帝怒,命斬之。 時兵部尚書張昭條奏,請興制舉,故有 壬戌,左藏 時宰臣等 庫使符

十一月癸未朔,以內客省使昝居潤爲宣徽北院使,權東京留守。 案: 上文以王朴爲權東京留

守, 濠州 |州, 奪關城, 破水砦, 賊衆大敗, 焚戰艦七十餘艘, 斬首二千級, 進軍攻羊馬城。 車 城,帝親冒矢石 追 口」,今從通鑑改正。(影庫本粘籤)斬肖五千級,收降卒二千餘人,奪戰船三百艘,遂鼓行 人跨 駕 不應復以命昝居潤。 水陸 團 至 濠州 「練使郭廷謂上表陳情,且言家在江南、欲遣人稟命於李景,從之。辛丑、帝自濠州率 馳以濟。 晝夜不 城下。 進,循准而下,命今上率精騎爲前鋒。 息,沿淮城栅,所至皆下。 以攻其壘。 今上以騎軍浮水而渡,遂破其砦,擄其戰艦而迴。 戊子,親破十八里灘。 據東都事略昝居潤傳, 丙午,日南至,從臣拜賀於月城之上。 世宗幸淮上, 砦在濠州東北淮水之中, 乙巳,至泗州。 命爲副留守, 癸卯,大破淮賊於渦口, 今上乘勢麾軍(云),焚郭門,奪月 疑原本脫「副」字。(舊五代史考異) 癸巳,帝親率諸軍攻濠 四面阻水,上令甲士數 渦口, 内中夜, '而東, 原本作「齊 **内戌**, 以

之數 棹,無如之何,敵人 外得 里。 命今上領兵行於南岸,與帝夾准而進。 十里, 三百餘艘,將士除殺溺外得七千餘人。 辛酉,至 十二月乙卯,泗州守將范再遇以其城降,授再遇宿州團練使。 今上擒賊 一楚州 西北,大破賊衆,水陸俱奔,有賊船數艘,順流 介以 大將僞保義軍節度使、江 此自恃,有輕我之意。 己未,至清口,追及准賊,軍行鼓躁之聲,聞數 初, 北 帝卽於京師大集工徒,脩 都應援使陳承昭以獻。 帝之渡淮 也, 比 而 無水戰之備, 逸。 戊午,帝自泗州率衆東 帝率驍騎與 收獲 成 艛 艦 舟 每遇 船, 踰歲得數 今上 賊之戰 除焚盪 追

周

書

八

世

宗

紀第

79

校勘記

籤 代史考異) 宗曰:「江南諸將,惟卿斷渦口橋,破定遠寨,足以報李景祿矣。 萬迪以漣水歸順。 皆捷,故江南 百艘, 太尉,故濠州刺史唐景思贈武清軍節度使。 上將軍。 以城歸順 兼得江、淮舟船,遂令所獲南軍教北人習水戰出沒之勢, 未幾, 以偽命濠州兵馬都監陳遷爲沂州團練使, 江南李景遣兵驅擄揚州士庶渡江,焚其州郭而去。 大震。 案:郭廷謂以城降,歐陽史作庚申,通鑑作辛酉,與薛史異。(舊五代史考異)乙丑,雄武軍使崔 丙寅,以郭廷謂爲亳州防禦使, 壬戌,偽命濠州團練使郭廷謂 丁丑,泰州平(光)。 濠上使李景自守,亦何能爲!」乃授以亳州防禦使。(舊五 案隆平集: 郭廷謂,原本作「廷渭」, 以偽命保義軍節度使陳承昭爲右監門 廷謂望金陵大慟、再拜,然後以城降。 丙子,故同州節度使白延遇贈 永樂大典卷八千九百八十四。 舟師大備。 今從宋史改正。(影庫本粘 至是水陸 世

校勘記

- (1) 舉寨萬餘人降 「舉」原作「與」,據殿本考證、劉本考證、通鑑卷二九三改。
- 歐陽史……與薛史異 二十一字原無,據舊五代史考異補
- 楊信 殿本、劉本、通鑑卷二九三同。本書卷一一六世宗紀、宋史卷二五二楊承信傳作楊承信。
- 侍衞馬軍都指揮使令坤之父也 「都」字原無,據劉本、通鑑卷二九三及本卷下文補。
- (A) 故皇第三妹 「故皇」二字原無、據殿本補。

[K] 帝起入宮 「宮」原作「營」,據殿本、劉本、彭校改。

(記) 壬申 一秋作十月壬辰,帝南征,與薛史同。 原作「壬辰」,據孔本、舊五代史考異改。 歐陽史作壬申南征,通鑑作壬申,帝發大梁,與薛史異。 舊五代史考異云:「案:原本作『壬辰』,考五代春

下文有壬午,則十月不應有壬辰,疑原本係傳寫之誤,今從歐陽史、通鑑改正。」

〔八〕今上乘勢麾軍 「勢」字原無,據殿本、劉本補。

(元) 泰州 原作「秦州」,據殿本、劉本、彭本、歐陽史卷一二周本紀、通鑑卷二九三改。

舊五代史卷一百一十八

周書九

世宗紀第五

親冒矢石,壓兵以登城。內午,拔之,案:歐陽史、通鑑俱作丁未,克楚州,與薛史異。五代春秋從薛史作丙 從通鑑改正。(影庫本粘籤)以通運路。乙巳,帝親攻楚州。時今上在楚州城北,晝夜不解甲胄, 都指揮使韓令坤權知揚州軍府事(二)。庚寅,發楚州管內丁壯,開鸛河 櫑河,原本作「觀河」,今 縣官,並以三周年爲考限,閏月不在其內,州府不得差攝官替正官」云。己丑,詔侍衞馬軍 史亦作丁亥取海州。薛史祇载丙戌攻海州,而不载取城之日,疑有闕文。(舊五代史考異)戊子,詔:「諸道幕職州 楚州水寨飛樓, 距城百步, 城卒詬駡, 左右射莫能及。召仁瑪至, 應弦而斃。(舊五代史考異) 乙酉, 降同州爲郡。 右驍衞將軍王環卒。丙戌,右龍武將軍王漢璋奏,攻海州。案:通鑑作丁亥,王漢璋奏克海州。歐陽 顯德五年春正月癸未朔,帝在楚州城下,從臣詣行宮稱賀。案隆平集馬仁瑀傳:世宗征淮南,登

周

書九

世

宗紀

第五

| 卿降| 周 敢言降。 降。 死奮擊 游南 者。 東都 危也 午。(舊五代史考異) 江 一,勢如 周兵死)唐書張彥卿傳云: 彥 , 彦卿方與诸 宮寺民廬、徙其民渡江。 卿頷之,因 ,謂之巷鬭。 彦卿 震霆烈焰。 考 傷亦甚 張 受李 彦 卿 家厚 將立 顧 衆, 死 諸 日 **彦卿獨不爲動**。 斬僞 事 一思,誼 將,指 幕 世宗怒、盡屠城中居民、焚其室廬、然得彥卿子光祐不殺也。 城 保大末,周世宗南侵,彥卿爲楚州防禦使。 甚 上,因 了轉至州解,長短兵皆盡,彥卿猶取繩牀搏戰, 烈,而九國志諸 守將張彥卿等,六軍大掠,城內軍民死者萬餘人, 不降,此 曰:「視彼! 世宗親御旗鼓攻楚州 泣 一諫以周、唐強弱 及梯衝臨城,鑿城爲窟室,實薪而焚之,城皆摧圮〔三〕, 城 吾死 諸 書所載甚略,今附錄諸書以備參考。 所也。 將 方回顧,彥卿則抽劍斷其子首,擲諸地,慷慨泣謂諸將曰:「此彥卿子, ,勢不足以相支,又城危甚,而外無一人援, 諸軍欲降任降,第勿勸我,勸 自城以外皆已下, 周師 及兵馬都監鄭昭業等千餘 發州民濟老鸛河 銳甚,旬日間,海、泰州 又,彥卿,馬令書作彥能,與薛史異 我者同此了矣。」 叉, 趙鼎臣竹隱畸士集云: · (=) , 恐旦夕徒死 遂 廬舍焚之殆 、靜海軍皆 陷。 遣 齊雲 於是諸將愕然亦泣, 人皆死之, 彦卿 戰 無益, 艦 破, 猶 結陣 數 音, 元宗 無 勸彦卿 當 城 人 自淮 城 内, 亦 案陸 中之 命 勸 生 莫 彦 烽 焚 趣 入

(舊五代史考異)

州南巡。 南渡, 温等墓。 遂 月 於故 癸酉, 甲 T 寅,僞 卯, 城 駐 幸揚子渡觀大江。 內 理 於 廣 命天長軍使易贇以城歸順。 就 東 南 陵, 別 築新 詔 發揚州 壘。 揚子,原本作「退子」,今從歐陽史改正。(影庫本粘籤) 戊 部 辰, 內 T 遣使祭故 大萬餘 案: 通鑑作易文質。(舊五代史考異)戊午,車駕發楚 淮南 人城揚州 節 度使楊 帝以 行 揚州 密、 故 焚盪之後,居民 昇府 節 黄州刺 度 使

溥至 隰 給,揮羽扇,引二小吏登城徐步,抖人望之,勒兵不敢動。(舊五代史考異) 史 超奏,破准賊三千人,擒偽舒州刺史施仁望。 征, 拼 襲十里。 人來圍其城,或請速救之,廷璋曰:「賊遽至,未必攻城。」乃募死士百餘人,潛諭謙傅相應,夜銜枚擊之,抖人大 發兵圍隰州,巡檢使李謙溥以州兵拒之而退。 又,李謙溥傳云: 隰州闕守,謙溥攝州事,至則濬城隍, 丙子, 隰州 案東都事略楊廷璋傳 嚴兵備。 奏,河東賊軍逃遁。 未旬日而丼人至,方盛暑,謙溥服絲 · 隰州闕守,乃請監軍李謙 時劉鈞聞

虞候 荆 代史考異) 率 斤,及香藥犀象等。 南高 舟 師 抵 慕容延釗 三月 保融奏, 南岸,焚其營棚 至 丙申, 江 壬午朔,幸泰州。 島以 奏,大破賊軍於東淅州 本道舟 江南李景遣其臣兵部侍郎陳覺奉表陳情,)觀窓。 覺至行 師已至鄂州 而迴。 癸巳,帝臨 ·在, 觀樓船戰棹已泊於

江岸, 丁亥, 甲午,以右武衞大將軍李繼 復幸廣陵。 江望見賊船數十艘,命今上帥戰棹以 〔吾〕。案: 通鑑作甲午,延釗奏大破唐兵于東流州。 辛卯, 幸迎鑾江口。 以爲自天而降、 勳爲左領軍 兼貢羅穀紬絹 遣右武衞大將軍李繼勳 上將軍 追 三千匹, 愕然大駭。 之,贼 0 與薛史異日。(舊五 乙未, 殿前 軍 乳茶三千 退去, 丁酉, 今 都

請以 水 軍 江爲界。 破賊船百餘隻於瓜 戊 戌, 兩浙錢俶奏,差發戰棹四 帝報 日:「皇帝恭問江南國主。 步。 是日 李景遣其臣劉承遇奉表以廬、舒、蘄、黃等四 百 艘,水軍萬七千人,已泊江岸,請師期。 使人至,省奏請分割舒、廬、廝、黃等州,廝、黄, 已亥,今上率 州來獻, 目,

割州 原本脫「黃」字,今據册 路 旣 須 將 念盡 路 能 城」云 士 及 如 艛 干 沿江 是, 戈之役,兩地之交兵未息,蒸民之受弊斯多。 陳。 亦 遭 又復何求。 |兵棹,今已指揮抽 今者承遇爰來,封函 抽 准 拔近 南 (府元鶴增入。(影庫本粘籤) 平,凡得州 內,候彼中起揭逐處將 邊陲頓靜於煙塵,師旅便還於京闕, 一十四、縣六十、戶二十二萬六千五 退, 復至,請割州郡, 兼 网 浙 畫江爲界者。 荆南、湖南水陸兵士,各令罷兵. 員及 軍都家 仍定封疆,猥形 頃逢多事,莫通 口丁畢、祇請差人勾喚在彼將校,交 昨 再辱使人,重尋前意,將敦 永言欣慰, 百 七 信誓之辭,備認始終之意, + 几 玉 深切 帛之歡,適自 誠懷。其常、潤 其廬、黄、嘶三 近

若 彌 無 仍 旣 甫 定 遠, 以 以 行 許 數歲 康 调 先是, 其 勉修 濟 此 通 之心。 是玉 好 也 已 政 李 一還,交兵不 一, 乃 況 景以 理, 帛 降 君 勿倦 重念 交馳之始,乃干 書以 血 江 南 氣方剛, 經綸, 天災流行, 息,備 答之,曰:「別 危蹙,謀欲 保高 春秋 論 追 文 義 分野常 像位 甚富, 悔 載 於 之事 覩 戝 初終, 于世子,使附庸於我,故遣陳覺 來章,備形 之初, 爲一 事,前 力無非 垂 方之英主,得 代賢 豈 遠 · 尅責 圖 可 縟旨, 敍 於 高 哲,所不 之辭,雖 家 謝 君 或 此 臨 百 流 能 姓 輕辭 古人有 日 芳貽 逃。 之歡 傳讓之意,述向 世 荷 慶,不亦美乎! J. 引咎責躬,因 務, 盛 上表陳敍。 與 刨 德之日 今南 其 慕 新, 來高 北 希 災 才 夷之道,曷 則 至是帝以 通, 致懼,亦 尙之懷。 福之 場

庚子,

韶曰"「比者以近年貢舉,

頗是因循,頻詔有司,

精加試練,

所冀去留無濫,

昭然。 **渭之不雜,**冤玉石之相參。 昨據貢院奏,今年新及第進士等,所試文字,或有否臧,爰命辭臣,再令考覆,庶涇、 。 其劉坦、戰貽慶、 戰貽慶,原本作「辭貽慶」,五代會要作「戰」。 據文苑英華辨

證云:戰姓出沛郡,宋初有戰弱,今改正。(影庫本粘籤)李頌、徐緯、張覲等詩賦稍優,宜放及第,王汾 據其文辭,亦未精當,念以頃曾剝落,特與成名〔七〕;熊若谷、陳保衡皆是遠人,深可嗟念,

省過,以戒當官。」先是,濤於東京放牓後,引新及第進士劉坦已下一十五人赴行在,帝命翰 宜修進,以俟將來。 亦放及第,郭峻、趙保雍、楊丹、安玄度、張昉、董咸則、杜思道等,未甚苦辛,並從退黜,更 知貢舉、右諫議大夫劉濤選士不當,有失用心,責授右贊善大夫,俾令

林學士李昉覆試,故有是命。

諤先爲王師所俘,故遣之。 丙午,江南李景遣所署宰相馮延巳獻犒軍銀十萬兩,絹十萬匹, 温、各給守冢戶 錢十萬貫,茶五十萬觔,米麥二十萬石。 庚戌,詔:「故淮南節度使楊行密、故昇府節度使徐 所署臨汝郡公徐遼進買宴錢二百萬,丼遣伶官五十人與遼俱來獻壽觴。 前都虞候慕容延釗爲淮南節度使兼殿前副指揮使。 遣鹽城監使申屠諤齎書及御馬一十匹,金銀銜全,散馬四十匹,羊千口,賜江南李景。 壬寅,復幸揚州,改廬州軍額爲保信軍。 應江南臣僚有先代墳墓在江北者,委所在長吏差人檢校。」辛亥,李景遣 甲辰,以右龍武統軍趙贊爲廬州節度使,以殿 延到,原本作「廷鑑」,今從東都事略改正。(影庫本

器、 滄州 贼 几 破 年 州 24 月 居 +-事 月 見 御 留 辺 趙 +-灈 夏 東 在 衣 南 後。 鹿 DU 纠 礪 九 宿 京 除名, 開 犀 月 日 斬 留 州 首 守 癸 儀 杭 封 庚 數 肅 申 本 丑: 州 府 奉 百 思 金 坐 ·,新 辭 ,宴從臣及江 火, 州 級, 溫 事 銀 推 攻下 之日 不 俘 念錦 廬 太廟 劾 甲 爲 入 - 沿邊州 舍 弛 勘 戌, , 綺、鞍馬 帝旨 府 成 # 慢也。 斷 羊三 署 縣。 澶 遷 州節 南 甚峻, 延 萬 帝大 五. 五 進奉 等。 燒 餘。 先是, 月 廟 度 殆 湖主入 怒, 周 4韓 故 使 使張永 盡 Z 陷 史祇 儀 馮 翰林 卯, |東 遣 書犯 城 Ż 端端 延巳等於行宮, 縣 於其室。 車駕發揚州還京。 用用 徳準 醫官 明 境,未及詳 刑 殿 東都 份 詔 學 馬道玄進狀, 事 於深刻。 上 赴 略郭崇傳云 言, 壬 北 一竇儀 申, 歐陽 邊,以 徐遼代李景捧 派驛往 至自 史闕而 戊 世宗 契丹犯 訴壽州 丙辰,太常博 宁, 准 不 征 按之, 南。 、載。(孔 以 淮 境故也 甸 前 界被 癸酉 契升 及獄 延 本 壽觴以 州 賊 土、權 萬騎 T 命宣 留 殺 成, 丑 案遼史. 後 掠邊境, 却 獻 李彦 坐族 徽 知宿 男 吥 北 進 浙 崇 應曆 獲 院 頵 妃 州 金 帥 正 使 爲 者 酒 軍 帥 八

許州 明 諸 應 殿 州 行 節 營將 學 及 Ŧi. 徐 度使韓通 月 竇儀 士: 辛 宿 歿 已朔 、宋、亳、 於 剉 爲宋州節 河南 Ŧ E 事 御 陳 者 府 崇 兼 潁 元 各 度使, 知 與 殿 西京 許、 、贈官 受 朝 依 習 蔡 前 等 仗 守 親 事 衞 兼侍衞馬 州 的 子 如 所 辛 式。 孫 欠 卯 去 並 步都 詔 量 年 以 侍 才 秋 [虞候 襄 錄 夏 州 衞 用 稅 節 諸 物 軍及 以宋州節度使 度 傷 使 夷 並 安 諸道 殘 賏 審 廢 除 將 琦 者 放 爲 青州 向 別 云 各賜 訓 賜 爲 節 救 丙 等第 襄州 度 戌 使 優給 節 命 准 度 以 南

六月庚午,命中書舍人竇儼參定雅樂。

用。 素號繁饒,然於川澤之間,舊無斥鹵之地,曾承素旨,常在所懷,願均收積之餘,以助軍旅之 曰:「皇帝恭問江南國主。 煑海之利,在彼海濱,屬疆壤之初分,慮供食之有闕。江左諸郡, 馬五匹,金玉鞍轡全,散馬百匹,羊三百匹。賜江南世子李弘冀器幣鞍馬等。 以衞尉少卿鍾謨爲副。賜李景御衣,玉帶,錦綺羅穀帛共十萬匹,金器千兩,銀器萬兩,御 申,以襄州節度使向訓兼西南面水陸發運招討使。己酉,以太府卿馮延魯充江南國信使, 會要作畏景,據下文北門愛景,則南門當以畏景爲是,今改正。(影庫本粘籤)西二門日迎秋、肅政,北三門日 東京羅城諸門名額,東二門日寅賓、延春,南三門日朱明、景風、畏景, 翰,遙臨白馬之津;廣下統戎,即鎭臥龍之地。」(舊五代史秀異)以前同州留後王暉爲相州留後。 節度使,以右神武統軍宋延渥爲滑州節度使,案小畜集宋延渥神道碑云:五月,授義成軍節度使,其制略 雖云酬勳,止於移鎭而已,賞典太輕,物議不以爲允。癸巳,以左武衞上將軍武行德爲鄜州 使,以今上爲忠武軍節度使,依前殿前都指揮使。 元德、長景、愛景。 辛丑,幸懷信驛。 乙巳,詔在朝文賌官各再舉堪爲幕職令錄一人(云)。戊 曰:「長驅下瀨之師,若涉無人之境。除凶戡難,爾旣立夫殊庸;礪岳盟河,予豈忘于豐報。 已下三司,逐年支撥供軍食鹽三十萬石。」又賜李景今年曆日一軸。 淮南之役,今上之功居最,及是命之降, 南燕舊邦,北闕伊邇。 畏景,原本作「思景」, 五代 別賜李景書 乙未,立 |河壖作

辛未,放先俘獲江南兵士四千七百人歸本國。

依舊。」癸酉,禘於太廟。 丁 ,丑,以中書舍人張正爲工部侍郎,充江北諸州水陸轉運使。 歐陽史作四千六百人。(舊五代史秀異)壬申,有司奏御膳料,上批曰:「朕之常膳,今後減半,餘人 乙亥,兵部尚書張昭等撰太祖實錄三十卷成,上之,賜器帛有差。 戊寅,詔諫議大夫宜依舊爲

IF.

|五品上,仍班在給事中之下。

先以 使、刺 以 舊,共庇黎元。 |敏已下皆致仕。 書左丞,以左武衞上將軍薛懷讓爲太子太師,以右羽林大將軍李萼爲右千牛衞上將軍。 成圖,直 奏均戶民租賦,帝因覽其文集而善之,乃寫其辭爲圖,以賜藩郡。 左 領 此 秋 史均田圖各一面。均田,原本作「勻田」,今從通鑑改正。(影庫本粘籤) |書其事,庶王公親覽,觸目驚心,利國便民,無亂條制,背經合道,盡繫變通〔10〕,但要適宜, 軍上將軍李繼勳爲右羽林統軍,以工部尚書田敏爲太子少保,以刑部侍郎裴巽爲尙 圖 七月癸未,以右散騎常侍高防爲戶部侍郎,以左驍衞上將軍李洪信爲右龍武統軍, 編賜之。 今賜 元稹所奏均田圖一 丙戌,中書門下新進册定大周刑統(£),奉勅班行天下。 案近代會要載原詔云:朕以寰宇雖安,蒸民未泰,當乙夜觀書之際,較前賢阜俗之方。近覽元 面,至可領也。(舊五代史考異 唐同州刺史元稹,在郡日 時帝將均定天下賦 丁亥,賜諸道節度 所冀濟務, 因 稅,故 緊乃助 令製素 自

閏月壬子,廢衍州爲定平縣,廢武州爲潘原縣。 壬戌, 河決河陰縣, 溺死者四十二人。

辛 屯 辛丑, 以長曆推之,當作辛酉,今無別本可校,姑仍其舊。(影庫本粘籤) 幸新授青州節度使安審琦

第二]。 癸酉,邢州留後陳思讓奏,破河東賊軍千餘人於西山下,斬首五百級。

八月庚辰,延州奏,溠溪水漲,壞州城,溺死者百餘人。己丑,太子太師致仕宋彥筠卒。

辛丑,江南李景上表乞降,詔書不允。

口

歎,當 廣德殿· 春苑。 面水陸 議定,後主遣悅入貢,世宗爲之加禮。 崇義,建隆初,避宣祖 樞密使及近臣宴於玉津園。 延魯、鍾謨自江南復命,李景復奏欲傳位於其世子弘冀,帝亦以書答之。甲子,賜江南羊萬 」, 馬 侍 時沈遇、馬士元皆不稱職,復用陶縠、李昉于舍人, 九月丁巳,以太府卿馮延魯爲刑部侍郎,以衞尉少卿鍾謨爲給事中,並放歸江南。 轉運制置使,屢發芻糧赴鳳州 三百匹, 秦駞三十頭; 上壽。 郎高防為西南 己丑,太常卿司徒詡以本官致仕。 江南進奉使商崇儀代李景捧壽觴以獻。 [諱改姓湯(三)。 面 水陸轉運使,將用師於巴、邛故也。 ,爲征討之備。(舊五代史考異)丙戌,邠州李暉移鎭 自淮上用兵,凡書詔多悅之作,特爲典膽,切于事情。 初在吳爲舍人,受詔撰揚州孝先寺碑,世宗親征,駐蹕此寺,讀其文賞歎。及畫江 賜兩浙錢俶羊五千口,馬二百匹,橐駞二十頭。乙丑,賜宰臣、 己已,占城國王釋利因德漫遣使貢方物。壬申,天淸節,羣臣詣 壬辰,帝狩於近郊。 其後用扈載, 率由此也。(舊五代史考異) 冬十月己卯,以 案宋類苑云:湯悅,父殷舉,唐末有才名。 案宋史高防傳:世宗謀伐蜀,以防爲西南 癸巳,前相州節度使王饒卒。 世宗每覽江南文字,形於嗟 鳳翔。 戊子,幸迎 本名

戶

周

世 宗 紀

第

均田 甲午, 寡昧平分之意,察 諸 州 詔 鄕 日 左監 軍,並 : 朕以干戈旣弭, 寰海 門上 鄉閭 放 將 歸 治弊之原 農。 軍許文縝 丁 漸寧,言念地 ,明示條章,用分寄任,竚令集事,尤屬推公。 四 、右千牛上將軍邊鎬、衞尉卿周延構, 遣左散騎常侍艾穎等均定河南六十州稅賦 征、罕臻藝極,須並行均定,所冀 /永適 今差使臣往彼檢括, 重 輕。 並 卿受任方隅, 歸 江南。 餘從別 案五代會要載 深窮治 勅。(舊五 本, 韶淮南 賜諸 必 須 {史

義李筠奏,破遼州長淸砦,獲僞命磁 月庚戌。(舊五代史考異) 月丁未朔,詔翰林學士 從嚴之奏也。 竇儼,集文學之士,撰集大周通禮、大周正樂, 州 辛 刺 亥, 史李再興。 日南至, 帝御崇元殿受朝賀,仗衞如式。 甲子,帝狩於近郊。 歐陽史作十

及諸 省一員,六曹判司 順賜死,坐在任隱落推稅錢 也。 延渥移鎭鄧州,以前河中節度使王仁鎬爲邢州節度使,以邢州留後陳思讓爲滑州留後。 七月十七日夜, 州觀察支使、 丙戌,詔重 十二月丁 <u>H</u>: 定諸道州府幕職令錄佐官料錢, 暴雷劈開, 朔, 兩 六曹判司, 朗州 蕃 判官並省。 奏, 其路 原本脫「曹」字,今從五代會要增入。 五十萬、 醴 陵 復 緊玉 通 甲午,帝狩於近郊。 官絲綿二千兩也。 仙 己卯, 觀 山 門中台灣,舊有田二萬頃,久爲 楚州 其 州縣官俸戶宜停。 兵馬都監武 (影 乙未,鄧州 壬 庫本粘籤) 一辰,詔兩京及五府少尹司 懷恩棄市, 劉重進移鎭邠州,滑州 內祇直戶法二曹台門, 己丑 坐 山石 楚州 擅殺降軍 閉塞,今年 防禦使張 一參軍各 四人 宋

齊丘 徵古皆齊丘門人,因進說於景,請委國事於齊丘 以德明爲賣國,請戮之,景遂殺德明。 宋齊丘、僞兵部侍郎陳覺、僞鎭南軍節度副使李徵古等。 至行在 詔翰林學士,今後逐日起居,當直者仍赴晚朝。 等,故齊丘等得罪。 ,帝尋遺德明復命於金陵, 永樂大典卷八千九百八十四。 放齊丘歸九華山,覺等貶官,尋並害之。 德明因說李景請割江北之地求和於我,而陳覺、李徵古等 及江南內附,帝放鍾謨南歸,謨本德明之黨也,因 ,景繇是衡之。及吳人遣鍾謨、李德明奉表 是月,江南李景殺其臣僞太傅中書令 初,帝之南征也, 吳人大懼, 景既誅齊丘等,令鍾謨到 覺與

校勘記

闕,

具言其事,故書。

權 知 揚 州軍 ·府事 揚 」字原無,據殿本、劉本、通鑑卷二九四補

老鸛 河 鸛」原作「鶴」,據殿本、劉本、陸游南唐書 卷 張彦卿傳 改

3 實薪 本、劉本、陸游 而焚之城皆摧 · 南唐書卷一一 圮 薪 張彥卿傳 原作 '「城」, 改。 據陸游南唐書卷 張彥卿傳改。「圮」原作「地」,據殿

考 張 **彦卿……** 與薛 史異 四 十字原無,據 孔 本補。

大 破 城軍 於東流州 「怖」原作「市」,據殿本、劉本及通鑑卷二九四改。

書 九 校 勘 記

周

- 3 疆場甫定 「場」原作「場」,據殿本、劉本改。
- いずり 特與成名 「特」原作「將」,據彭梭及全要卷二二、冊府卷六四二、卷六五一改。
- **3** 文資官 殿本同。 劉本作「文武官」,彭本作「文武資官」。
- へたし 中書門下新進冊定大周刑統 見行條件,望令本司删集,送中書門下詳議聞奏。」疑此處「冊」字當作「刪」字。 殿本、劉本同。 按冊府卷六一三云::「應該京百司公事,逐司各有

8 盡繫變通 「繫」原作「擊」,據殿本、劉本、會要卷二五改。

幸新授青州節度使安審琦第 「授」字原無,據殿本、劉本補。

 $\stackrel{\frown}{=}$ 改姓 湯 姓 原作「名」,據殿本、劉本改。

玉 仙 觀 「玉」原作「王」,據殿本、劉本改。

六

曹判

司

內祇直戶法二曹

兩 京五 府 以少尹、司錄參軍先各置兩員,起今後只置 殿本、劉本同。按本書卷一四九職官志云:「周顯德五年十二月,詔: 一員, 六曹判司內只置戶曹、法曹各一員,其

餘及諸州支使兩蕃判官並省。」疑此處「直」字當作「置」。

舊五代史卷一百一十九

周書十

世宗紀第六

亦以爲可。語在樂志。 是月,樞密使王朴詳定雅樂十二律旋相爲宮之法,幷造律準,上之。詔尚書省集百官詳議, 韶:「禮部貢院今後及第舉人,依逐科等第定人數姓名,并所試文字奏聞,候勅下放榜」云。 戊辰,幸迎春苑。 本作「揀王」,審琦,原本作「審騎」,今從通鑑改正。(影庫本粘籤)爲部曲所殺。 乙丑,賜諸將射於內鞠場。 申文炳爲左散騎常侍。辛酉,女眞國遣使貢獻。壬戌,靑州奏,節度使、陳王安審琦陳王,原 己卯,己卯,以長曆推之,當作「乙卯」,今無別本可校,姑仍其舊。(影庫本粘籤)以翰林學士、中書舍人 顯德六年春正月丁未朔,帝御崇元殿受朝賀,仗衞如式。壬子,高麗國王王昭遣使貢方 甲戌,詔:「每年新及第進士及諸科開喜宴,宜令宣徽院指揮排比。」乙亥。

周書十

世

宗紀第六

贊善大 史錢偡 詔 道 東 應 流 升 於定陶 湖 差攝官各支半俸。 月 夫,坐舉官不當 州 爲 庚 本州節度使,從兩浙錢俶之請 爲 節鎭 辰, ,入於濟,以通 發徐、宿、宋、單等州丁夫數萬濬汴河。 了,以宣 也。 德軍爲軍 丙戌, 青、鄆水運之路。 詔賜諸 以翰林學士承旨、 · 額, 道州 宣德,原本作「直德」,今從十國春秋 府供用糧草有差 也。 辛 又疏導蔡河,以通 丑,幸迎春 、尚書兵部侍郎陶穀 甲申, 苑。 陳、潁 發滑、亳二州丁夫濬 甲辰, 改正。 爲尙書吏部 水運之路。 右補闕王德成責授 (影庫本粘籤) 侍郎 Z 以 酉 五 湖州 丈河 充職 刺

都部 延祚 顯德 赴 滄州 六年, 勅諸 爲 權 月 庚 東京留守口,判開 己巳,濠州奏,鍾離縣飢民死 案東都事略張美傳 道牧 中, 守,每遇除移,特降制書,何假符契,其請 樞密使王朴卒。 :世宗北征, 封 府事 甲子, 以美爲大內都點檢。(舊五代史考異) ; 者五百 以宣徽北院使咎居潤爲 詔以 北境未復,取此 九十有四。 納銅魚,宜廢之。(舊五代史考異) 癸酉, 月內幸滄州。 命諸將各領 副 詔廢諸 使; 以三 州 甲戌, 銅 馬步 以宣 司 魚 使 車 諸 張 徽 駕發 案五代會要 軍 美 南院使吳 皮 爲 京 戦 大 師 棹 內

辛 、師難進,乃捨舟登陸。 止 辰,至乾 一, 至 益 寧軍 津 褟 僞 案通鑑: 寧州 三至益津關 刺史王 壬寅,宿於野次。 洪 契丹 以 城 守將終廷 降。 時帝先期而至,大軍未集,隨駕之士,不及一旅, 丁 暉 以 四、駕御 城降。(舊五代史考異) 龍 舟, 率舟 師 自 順 此 流 以 而 西言 北 首 水 尾 路 數 漸 + 里。

夏四月

辛

卯,車駕次滄州,以前

左

諫

議

大

夫薛居正

爲刑

部

侍

郎。

是

日

, 帝

率諸

軍

北

周書十一世宗紀第六

集:姚内斌 賴今上率材官騎士以衞乘輿。 一平州 人也。 世宗 北征,將兵至 癸卯, 瓦橋關,內斌爲關使,開門請降,世宗以爲汝州刺史。〈舊五代史考異〉 今上先至瓦橋關 偽守將姚內斌以城降。 案隆平

鄭州刺史劉楚信以州來降(E)。 案:剪州之降,通鑑從薛史作四月,遼史作五月,疑誤。

退, 史考異)以益津關爲霸州 軍市。 自 州 指揮使張藏英破契丹數百騎於瓦橋關北,攻下固安縣。 是夜,帝不豫,乃止。戊申,定州節度使孫行友奏,攻下易州,擒僞命刺史李在欽來獻,斬於 萬,不亡一矢,邊界城邑皆望風而下。 遣侍衞 史高彦暉以本城歸順。 雄 司] 比 與薛史異。 臣江 徒 州 五月乙巳朔,帝駐蹕於瓦橋關。 詡 都指揮使李重進率兵出上門,入河東界「台」。壬子,車駕發雄州,案:遼史作五月辛未,周師 己酉至,以瓦橋關爲雄州, . 南,李景方歸奉國家,不欲奪其所屬,但錫詔褒美而已。 卒。 案却掃編:周世宗既定三關,遇疾而退,至澶淵遲留不行,雖幸輔近臣問疾者皆莫得見,中外洶懼。 通鑑從薛史作壬子。還京。 己巳,侍衞都指揮使李重進奏,破河東賊軍於百井,斬首二千級。 關南 案宋史韓令坤傳:爲霸州都部署,率所部兵戍之。(舊五代史考異) 案宋史陳思讓傳:得瓦橋關爲雄州,命思讓爲都部署,率兵戍守。(舊五代 泉州節度使留從効遣別駕王禹錫奉貢於行在,帝以泉 侍衞親軍都指揮使李重進及諸將相繼 丙午,帝與諸將議攻幽州,諸將皆以爲未可,帝不聽。 韶發濱、棣二州丁夫城壩州。庚戌, 丁卯,西京奏,太常卿致 是役也,王師數 至行在,瀛州 是日,先鋒都 甲戌,上至 時張永 刺刺

間爲 德爲澶州節度使,永德尙周太祖之女,以 京師之有變。 教,獨不喻吾意哉!然觀汝之窮薄,惡足當此 世宗言如羣臣旨,世宗問:「誰使汝爲此言?」永德對以羣臣之意皆願爲此, 今澶、汴相去甚邇,不速歸以安人情,顧憚旦夕之勞,而遲 親故,獨得至臥內,于是羣臣因永德言曰:「天下未定, 」即日趣駕歸京師。(舊五代史考異) 回于此,如有不可諱,奈宗 世宗熟思久之, 根本空虚, **歎日:「吾固** 爾何 1 四方諸侯惟幸 永德 知 汝必 然之, 乘

所

ļ

近縣 永興 命。 女薨 賜 長之耳。 長日宜哥,次二皆未名, 率兵入河東 百 四十五人以獻,詔釋之。己丑,宰臣范質、王溥並參知樞密院事 兩 軍 以 浙 Ţ 輟朝三日。 六月乙亥朔, 爲左驍衞上將軍,封燕國公。 (皇長子宗訓爲特進左衞上將 夫二 節 進 (舊五代史考異) 奉使吳延福錢三千貫,絹 度使,永 萬人以塞之。 界,招降堡砦一十三所。 戊寅, 興軍 次日<u>恭皇帝</u>,是亦以宗訓爲第四子也。 路州李筠奏,攻下遼州,獲偽刺史張丕旦(+)。 封 節度使王彥超移鎮 鳳翔奏,節度使李暉卒。 梁王 庚辰,命宣徽北院使昝居潤判開封府 以第二子宗讓 五千匹, 賜江 軍〔六〕,案:恭帝宗訓,通鑑注作第四子。歐陽史周家人傳,世宗子七人, 癸未,立魏王符彦卿女爲皇后,仍令所司擇日備禮册 . 南 鳳翔。 進奉使李從善錢二萬貫,絹二萬匹,銀 銀器 案: 鄭州 三千兩 是紀作皇長子,蓋宜哥與其二皆爲漢誅, 戊子,潞州 歐陽史作宗誼, 奏,河決原武,詔宣徽南院使吳延祚發 丁亥, 部送所獲 通鑑從薛史作宗讓〔五〕。 事。 以前 案:通鑑作脹还。丙子,以皇 以 晉州節度使楊廷璋奏, 遼州 青州節度使李洪義爲 樞密使魏 刺 史張 仁浦 指其現存者而 丕 (舊五代史 萬 旦等二 仁浦,原

也。 .) (票))) (票)) (票))) (票)) (票)) (票) (是) (E) 異。又云〔10〕:美少爲三司小吏、澶州糧料使,世宗鎭澶州,每有求取,美悉力應之,及卽位,連歲征討,糧餽無乏,美之力 宣徽南院使吳延祚爲樞密使,行左驍衞上將軍,案歐陽史:三月,吳延祚爲左驍衞上將軍、樞密使,與薛 本作「仁補」,今從深爽改正。(影庫本粘籤)爲中書侍郎、平章事、集賢殿大學士,依前充樞密使,以 林學士、判太常寺事竇嚴上諡曰睿武孝文皇帝,廟號世宗。十一月壬寅朔二,葬於慶陵。 近代會要、五代春秋俱作萬歲殿,與難史同。(舊五代史考異) 聖壽三十九。 甲午,宣遺制,梁王於柩前即 衞上將軍,充宣徽北院使,判三司。案康都事略張美傳:世宗師還,擢左領軍上將軍、宣徽北院使,與薛史微 判開封事昝居潤爲左領軍上將軍,充宣徽南院使;以三司使、左領衞大將軍張美爲左監門 點檢之命,明年春,果自此職以副人望,則「點檢做」之言乃神符也。辛卯,以宣徽北院使、 木,長二三尺,如人之揭物者,其上卦全題云「點檢做」,觀者莫測何物也。 依前忠武軍節度使。帝之北征也,凡供軍之物,皆令自京遞送行在。 檢、駙馬都尉張永德落軍職,加檢校太尉、同平章事;以今上爲殿前都點檢, 皇帝位,服紀月日,一依舊制。是日,羣臣奉梁王卽位於殿東楹,中外發哀。其年八月,翰 加檢校太尉、同平章事;澶州 然每思澶州所爲,終不以公忠待之。(舊五代史考異)癸巳,帝崩於萬歲殿,案:歐陽史作滋德殿,與薛史異。 澶州,原本作「洹州」,今從通鑑改正。(影庫本粘籤) 節度使兼殿前都點 一日,忽於地中得一 至是,今上始受 加檢校太傅,

服, 宗兵 官坐而 鄭中大商頡跌氏, 忘其名, 往江陵販賣茶貨。至江陵, 見有卜者王處士, 其術如神, 宰臣魏仁浦撰諡册文,王溥撰哀册文云。 之。 酒高 閑暇, 耶 況又卓立不倒,得非爲天下之主乎!」遽起再拜。 有一蓍躍 觀之可也。」製丹不知其謀,從之。 帥多持兩端 曰:「王處士以我當爲天子,若一旦到此,足下要何官,請言之。」 不然,何 」及承郭氏之後踐祚,頡跌猶在,召見,竟如初言以與之。 會,指 少,悔之,日:「吾觀 干 及其奄至,莫不驚駭失次,世宗因以奮擊,遂敗之,追奔于城下。 舉 是立 獲利,一日所獲, 前 寡 出,卓然而立,卜者大驚曰:「吾家筮法十餘世矣,常記曾祖以來遺言,凡卜筮而 著自躍而出者, 有 人親 樊愛能等數人責之曰:「汝輩皆累朝宿將,非不能用兵者也,然退衄者無他, "; 而 功之士以次行賞,自行伍拔于軍 兩利 戰 王師不利。 而 ,兵之機也。」諸 劉崇始敗耶?如此則卿等雖萬死不足以謝天下,宜其曲膝引頸以待斧誅。」言訖,命行刑壯士擒出 周 可以敵商賈數月, 師易與爾,契丹之衆宜勿用,但以 親軍帥樊愛能等各退衄,世宗赫然躍馬入陣, 將以爲然,乃使 **洎世宗之陣也,三軍皆賈勇爭進,無不一當百,** 廂者甚衆,其恩威並著,皆此類也。 私心羨之。 人謂 世宗雖佯爲詰責, ||契丹主將曰:「柴氏與吾,主客之勢,不煩足下餘刃, 永樂大典卷八千九百八十四。 若大官爲天子, 我軍攻戰, **頡跌氏曰:「某三十年作估來,** 世宗之征東也,駐蹕於高平,劉崇兼契丹之衆來迎 凱旋,駐蹕潞州, 而私心甚喜。 自當萬全。 某願得京洛稅院足矣。」 引五十人直衝崇之牙帳。 初,劉崇求援于契丹, 世宗因頡跌氏同往問焉。 如 契丹望而畏之,故不救而崇敗, 於逆族中夜置酒,與頶跌氏 此 誠欲將寡人作物貨賣與劉崇 且欲出其不意以誅退衄者, 則不惟破敵, 五代史補: 未有不由京洛者, 世宗笑曰: 崇方張樂飲酒, 亦足使契丹見而心 得騎數千, 世宗在民間,嘗與 其人貴不 敢請勒兵登高 方布 何 半酣,戲 及覩世 望之卑 每見 卦, 戰。 可 乃置 以示 論者 爾 . 斬 忽 時 稅

周 書 十 世 宗 紀 第 六

是德明 見世宗。 而能 悉。 問,惟泛海以通契丹,舍華事夷, 後引德明等入見。 始尊大,自非英主,其孰能爲之哉。 雖寡薄,庶遵 高謝人寰,栖心物外,養太浩自然之氣,應少微處士之星,旣不屈 屋,不得志而 詩,數學 安之,然後凱還。 罪,且乞保江南 汝愼勿言,當速歸報汝主,令徑來跪寡人兩 ·世宗患諸將之難制也久矣,思欲誅之,未有其體,高平之役,可謂天假,故其斬決而無貸焉。 遠涉山涂,暫來城 即陶穀之詞也。 等戰懼, 不 德明素有 第、慨 隱,必有奇才遠略,於是召到 旓 鑒。 之地,以奉宗 不 然有塵外之趣,隱居華山, 論者以 能措 詞 世宗謂之曰:「汝江南自以爲唐之後, 恐山 辯, 初,摶之被召, 國,狹旬延遇,弘益居多,白雲暫駐於帝鄉,好爵難縻於達士。 中所闕,已令華州刺史每事供須。 世宗加兵於江南,不獨 辭, 以利 廟,修職貢,其詞甚哀。 即日 害說世宗使罷兵。 禮將安在?今又聞汝以 1 告歸。 嘗爲詩一章云:「草澤吾皇詔, 世宗旣下江北 闕下,拜左拾遺。 及見僞主 拜,則 自是其名大振。 臨之以威, 無 世宗具知之二三,乃盛陳兵師,排旗幟戈戟,爲鹿項 事矣。 世宗 []],駐蹕 具陳世宗英烈之狀, 詞說寡人罷兵,是將寡人比六國時一 許之,因曰:「叛則 不然 衣冠禮樂世無比, 抑亦諭之以 摶不就,堅乞歸山 乍反故山 世宗之在位也, 於建安,以書召偽主。 ,則寡人須看金陵城 於王侯,遂高隱於岩壑,樂我中和之化, 圖南摶姓陳。 履茲春序,緬懷高尙, 禮, 征, 可謂得大君之體矣。 恐非四方所能敵。 以 何故與寡人隔一 ,世宗許之。未幾, 四方未服, 服則懷, 三峯十年客, ,借府庫以 昔唐堯之至聖, 偽主惶恐,命鍾謨、李德明 寡人之心也。」 思 當適 欲牢籠 羣癡漢, 帶水, **犒軍** 偽主 自是姑息之政不行,朝廷 賜之書:「勅陳摶、朕以汝 四海 所宜,故茲 ,汝等得無悔乎 陳摶 英傑, 計 有巢、 無所 何不 更不 道以 於是遺 閑人。 慶乎下 Ή, 知 發 且以 陝西 奏御 許爲外臣 撫 人之甚 問 武之期 使奉 摶 世態從來 人, 使 遂 (三) 曾践 者 上 想 能爲 書相 齎 表 宜 於 然 以 服 書 胅 婸 知

日

宗喜 此,世宗 復拜,濤 Ż, 月一 濉 下 |澣 以 時,亦 度 壘 ıŀ. 音望 及五 拜 雖 首 使 有父 濟 I舉之者 朕 日 某 張 情自得 以 卿 F 當 彦 年 著 雍 風 낈 叉叉 驚 爲 疏 試 老百餘輩 得 而 餘 睦 澤 爲 請 爲 日 無 F 如 幾 三 蓄 一、「大哥 然 無 手 大臣 眞。 解 言 窗 卿 年 無 當 其兵 凡 大 聚 朝 · 正 ? 君 月 言 蕃 臣 胸 話 體 超 廷 持牛酒以 五五 「,寡 心,宜早 作 之際,不 部 對 體 風 爲 權 誰 然 卿 デボ 之 六 此 可 狂 以以 居 人當以 日:「陛下 歇後 首 在 耶 物 乃三十 也 0 舉 復 備 一圖之, 獻, 幽 外 į 典之 非常 任 語 此 昭遠 世宗 州 + 新 用 何 何 日 世宗問 之數 车 甪 婦 渚 言 也? 之變,少 必 對 宜 不 開 曰:「今 小亦 参 心 慚 一、往 使 日 也 拓 哉 प्रमा 然 以 無 爲 連 以 蓋 天下 伯 昭 曰:「此地何 往 則 蒼 쬴 臣 宵 主不 間 卿 爲 遠 朴婉 党有 一。」好 建 遁 生. 作。 ·, 十 臣 言 圆 日 世宗 爲 去。 二、陛下 所 繆 納, 甚 患。 年養百 答禮 事者欣然謂之答詔詩。 而 念 見 車 作 澣 公, 志 大高 言 未 ,莫若李濤 名?」對 駕至 梁山 娶 晉 在 然 之。 儀。」 幾先 禮 祖 所 四 姓 此 部 瓦 聽 不 聞 一,十 方 濤 喏 帝 人 納, 卑 侚 橋 止 終不 世宗 喏 遂 日:「歴世 應 年致 書 關 ,自當蒙 名 常 其後 喏 有 日 竇寧 行 探邏 末年,大 恐 天下。 ! 可 世 太平足 契丹 運 我 于 曾不 宗 固 畤 相傳,謂之病龍臺。」默然,遽上馬 祚 福。 不 是 中 常 之女, 聞 速 風, 書 南 間 寔 以 薄 矣。」 舉 世宗 臣 者 [安置。<u></u>] 透透 丽 國家 侵, 才 濤之爲 以 頁 固 莫不 功 略 年 |其後 喜 取 陋 將 以 業不 彦澤 安危 如 申 謂 張昭遠好古直,甚 幽 絕 以 軱 居 何 人, 稍 州 是親 自 果有 倒 就 耳。 爲 以 無 未 長, 瓦 聞 契丹 何,濤 兆 大勳 所 橋 家 以 凡 昭 成 間, 中渡之變, 學 且 關 母。 濤 遠之舉 Œ 婚 凛 聞 推 必 亦 回 之夕, 朴 於閨 濤 集 事 其 之,三十 戈, 卒。 澣 親 精 已 、登高 晉 阿之 先見 究 且 甚 重之, 征 未 濤 高 晉 驚, 術 慚 竇氏 到 祖 爲 阜, 年 內, 君 數 社 馳 且 關 人 後 曾 日:「李濤 非 因 怒。 殲 去。 臣 出 因 而 不 非 賢 焉。 問 不 上 恐 晏駕 以 參 拘 所 日「朕 疏 懼, 存 日 旣 而 是 觀 禮 知 何? 從 禮 濤 先 論 夜, 坐 六 法 也 沿 帝 邠 本 計 容 法 輖 師。 聖體 邊 問 也 與 州 非 欲 望 臣 潛 在 籫 世 之 頃 氏 弟 位 城 如 趣 重 所 稙 餰

悲夫!泳樂大典卷八千九百八十四。 末年,漸用寬典,知用兵之頻併,憫黎民之勞苦,蓋有意於康濟矣。 以仙去之日,遠近號慕。 保其終,故帝駕馭豪傑,失則明言之,功則厚賞之,文武參用,莫不服其明而懷其恩也。所 倦,摘伏辯姦,多得其理。臣下有過,必面折之,常言太祖養成二三之惡,以致君臣之義,不 [秦、鳳之封,江北、燕南,取之如拾芥,神武雄略,乃一代之英主也。 去耶!」遂召大臣,戒以後事。初,幽州聞車駕將至,父老或有竊議曰:「此不足憂,且天子姓學,幽州爲燕地口也,燕者亦 校勘記 煙火之謂也。此柴入火不利之兆,安得成功。」卒如其言。 史臣曰:世宗頃在仄微,尤務韜晦,及天命有屬,嗣守鴻業,不日破高平之陣,逾年復 宣徽 南院 使 「院」原作「苑」,據本卷上下文及宋史卷二五七吳延祚傳改。 然稟性傷於太察,用刑失於太峻,及事行之後,亦多自追悔。 而降年不永,美志不就, 加以留心政事,朝夕不

逮至

不豫,翌日病亟,有韶回戈,朱到關而晏駕。先是,世宗之在民間也口內,常夢神人以大傘見遺,色如鬱金,加道經

卷,其後遂有天下。 及瓦橋不豫之際,復夢向之神人來索傘與經,夢中還之而驚起,謂近侍曰:「吾夢不祥,豈非天命將

周 書 + 校 勘 記

- \exists 自此以西 「此」原作「北」,據殿本、劉本改。 彭校作「關」。
- 3 今上先至瓦橋關 「先」字原無,據殿本、劉本、通鑑卷二九四
- 鄭州刺史劉楚信以州來降 「鄭州」原作「鄭州」,下文注文同,據殿本、劉本改。 按通鑑卷二九

四:「甲辰,契丹莫州刺史劉楚信舉城降。」遼史卷六穆宗紀:「應曆九年五月乙巳朔,陷瀛、莫二

州。」莫州即鄭州,見舊唐書卷三九地理志。

(至) 已酉 `四日、庚戌初六日間,當是己酉初五日。 原作「乙酉」,據通鑑卷二九四改。按二十史朔閏表,顯德六年五月乙巳朔,無乙酉,在戊

(2) 入河東界 「河東」下原有「城」字,據殿本刪。

申初

(4) 獲偽刺 史張丕旦 「刺」原作「判」,據殿本、劉本改。

元 陽史周家 皇長子宗訓 (人傳」,「周」原作「漢」,據歐陽史卷二○周世宗家人傳改 「皇」原作「王」,據殿本、彭校及歐陽史卷二〇周世宗家人傳改。 其下注文中「歐

へたし 通鑑 從薛 史作宗讓 八字原無,據孔本補。

8 世宗 師 還……又云 二十三字原無,據孔本補。

二十史朔閏表,顯德六年十一月壬寅朔,十二月壬申朔,此處當作「十一月」。 月壬寅朔 「十一月」原作「十二月」,據殿本、本書卷一二〇恭帝紀、通鑑卷二九四改。 按

 $\stackrel{\frown}{=}$ 世宗既下江北 「旣」下原有「主」字,據殿本、劉本、五代史補卷五刪。

 $\stackrel{\triangle}{=}$ 世宗具知之 「具」原作「且」,殿本同。 據劉本、五代史補卷五以。

爲鹿項道以奏御 「鹿項道」原作「門頃道」,據五代史補卷五改。

岩 臣所以首舉之者

「以」字原無,據五代史補卷五補。

世宗之在民間也 幽州為燕地 原作「幽者爲燕」,殿本作「幽州爲燕」,今據五代史補卷五改。 「也」原作「已」,據舊五代史考異、五代史補卷五改。

<u>、</u> さ

宝

舊五代史卷 — 百二十

周書十

恭帝紀

常寺事竇儼爲禮儀使,以兵部尚書張昭爲鹵簿使,以御史中丞邊歸讜爲儀仗使,以宜徽南 院使、判開封府事昝居潤爲橋道頓遞使(1)。 (代史考異) 廣順三年,歲在癸丑,八月四日,生於澶州之府第。 表,請以八月四日爲天壽節,從之。 騎於霸州北。 柩前即皇帝位。 進左衞上將軍,封梁王,食邑三千戶,實封五百戶。 恭帝、諱宗訓,世宗子也。 戊戌,文武百僚、宰臣范質等上表請聽政,表三上,允之。 是日,羣臣奉帝卽位而退。 案五代會要云:世宗後宮所生。歐陽史作不知其母為誰氏,今附識于此。〈舊五 癸卯,以司徒、平章事范質爲山陵使,以翰林學士、判太 丁酉,北面兵馬都部署韓令坤奏,敗契丹五百 是月,州郡十六奏大雨連旬不止。 癸巳,世宗崩。甲午,內出遺制, 顯德六年六月癸未, 壬寅, 文武臣僚上 制授特 命帝

周

張鐸同 度使; 揮使、 籤) 州 節 也, 使、檢校太尉、同平章 度 充侍衞馬軍都指揮使、檢校太保 事、檢校太保李繼勳爲邢州節 兼 節 支 度使,加檢校太尉; 以宋州節度使、充侍衞馬步軍副都指揮、檢校太尉、 避恭帝名改焉。(舊五代史考異) 澤縣 中李 郎 度使,充侍衞步軍 秋 姓 故及於罪。 曹州節度使、 以侍衞馬軍都指 中 七 令 月 重進爲淮南節度使、檢校太尉、兼侍中, 盧 故賜今名。(舊五代史考異)壬戌,以鄆州節度使、充侍衞馬步軍都指揮使、 虚 億 T 破 爲 庚 戶 山 以 申,以 陵 也。 檢校太保袁彥爲陝州節度使, 戶 判官。 事 以虎捷 ·都指揮使(三)、檢校太保,仍改名令 部 向拱 揮使、 丁巳, 邢州 尙 書李濤爲 為 辛亥,左散 百僚 左廂都指揮使、岳州防禦使、 陳州節度使、檢校太傅韓令坤爲侍 度使, 節度使王仁鎬爲襄州 河南 考宋史向拱傳 釋服 以虎捷左 尹,充西京留守,加檢校太師、兼侍中; 加檢校太傅; 山陵副 **S**騎常侍 尙 一廂都指揮使、 * 拱本名訓 使, 申 奉 文炳 御 戶部, 以滑州 依 加檢校太傅; 節度使, 金彦英, 前 周 卒。乙卯,右拾遺徐雄 原本脫「部」字, 恭帝 侍衞馬 同平章事韓通爲鄆州節度使, 鐸。 常州 留後、 檢校司 時避御名改爲拱, 進封 本東 步 案宋史張令鐸傳云:本名鐸,以與河中 防禦使、 . 衞馬 檢校 開 夷 軍都指揮使; 以右 徒高懷德爲夔州節度使, 今據 人也, 國 太保 步 公; 莂 文增入。(影庫本粘籤) 都 檢校司空張鐸為遂 林統 今附識于此。(影 奉使高 陳思讓 以侍 **虞侯**, 案通鑑: 奪三 軍 以 衞 一任官, 麗 檢校太 襄州節度 依前 為 權 步 向拱 滄州 軍 稱 知 庫本 卽 依前 陳州 邢 都 臣 坐 傅、 向 以 州 訓

周書十一 恭帝紀

月,諸道相繼奏,大雨,所在川渠漲溢,漂溺廬舍,損害苗稼。 以淮南節度使兼殿前副都點檢、檢校太保慕容延釗爲澶州節度使、檢校太傅,依前殿前 州 侍衞親軍馬步軍副都指揮使,以澶州節度使、檢校太尉、同平章事、駙馬都尉張永德爲許 帝太室歌酌獻辭,舞日定功之舞, 定功,原本作「空力」,今從近代會要改正。(影庫本粘籤) 歌辭不錄。是 太保,依前殿前都指揮使。 都點檢,進封開國伯;以殿前都指揮使、江州防禦使、檢校司空石守信爲滑州節度使、檢校 節度使,進封開國公;以今上爲宋州節度使,依前檢校太尉、殿前都點檢,進封開 丙寅,制大赦天下。 庚午,翰林學士、判太常寺竇儼撰進大行皇 國侯;

書令、褒國公王景進封凉國公,徐州節度使、檢校太師、兼中書令郭從義加開府儀同三司, 守太傅、兼中書令、魏王符彥卿加守太尉,夏州節度使、檢校太師、守太保、兼中書令、西平 中書令、吳越國王錢俶加食邑一千戶,實封四百戶,改賜功臣,天雄軍節度使、檢校太師、 撰進大行皇帝尊諡曰睿武孝文皇帝、廟號世宗,從之。庚辰,天下兵馬都元帥、守尚書令、兼 陵使范質撰進大行皇帝陵名日慶陵,從之。秦州節度使、西面沿邊都部署、檢校太師、守中 鄜州節度使、檢校太師、兼中書令、邢國公武行德進封宋國公,永興軍節度使、檢校太師、兼 一李彝興 八月甲戌朔,以光祿卿致仕柴守禮爲太子太保致仕。 乙亥,翰林學士兼判太常寺竇儼 加守太傅,荆南節度使、檢校太師、守中書令、南平王高保融加守太保。 壬午,山

粘籤) 侍中李 賢殿大學士魏仁浦加兼刑部尚書,依前 事 大 以 封 衞 太 節 尉 楊信 使、檢校 公 檢 、監 學 前 蘄 大 食 俥 度 張 使 鐸,並 檢校 土、參 陝州 將 太 李 封 王, 修 邑三千戶宗讓 尉 魯國 洪 萬 軍 馮 國 食邑三千戶。 一,封 繼業 宋延渥 全爲 義 節 太尉、兼侍中周行逢加檢校太師。甲申,壽州節度使、檢校太師、 加 史、 知 加 度使、檢 **酒階**會。 樞 紀王,食邑三千戶; 、兼侍 開 參 延州節 府州節 密院 邠州 府儀 並加開 知 中李筠 樞 事 校 加檢校太傅, 丙戌,易定 制下, 度使, 密院 節度使、檢校太師劉 同三司 公太尉 范質 度使折德展,並自檢校太保加檢校太傅,進階質。 府儀同三司 加檢校太尉,朗州節度使、朗州,原本作 事 薬元 加開 即令所司 進封 , 王 鳳翔節度使、 溥 節度使孫行友、行友,原本作「行支」,今從宋史改正。(影庫本粘籤) 府儀 福 皇弟 開 加右 進封 爲 國公。 曹州 擇日備 同 į 「僕射, 熙海 曹王,改名熙讓; 三司 涇州 樞密使 重進, 節 मि 庚寅, 度 禮 節度使、檢校太尉白重贊, 檢校太尉、 進 金紫光祿大 進封 封 使,進 册 廬州節度使、檢校太尉趙贊, 命。 開 檢校太傅、右驍衞 皇弟特進檢校太保、左驍 蕭 國 以晉 階 國公; 公; 鹤。 兼侍中郭崇加檢校 夫(三、檢校 熈 國 甲午, 樞密 長 蓮 門下侍 公公主 可光祿: 「狼州」,今從十國春秋 使 守 中 司徒、 張氏爲晉國 上將軍吳延祚依前 鄓 書侍 司 大夫、檢校太保 兼 河中節度使、檢校太 徒、 以延州 禮 同平 同 鄓 太 部 平 左領 衞 尙 章事 師 章 鄧州 同 上 大長公主, 一將軍 平 留後 衞 潞州 (正。(影 、韓國 大 節度使、 同平 弘文館 將軍 (`檢校 、燕國 靈州 節 丁、|集 庫 公 本 ,

周書十一 恭帝紀

以越王爲問答;皇鹽孝經言五德之運;孝經雌圖兼及壬遁之術。皆無當於經義,護附識于此。(影庫本粘籤) 孝經雌圖三卷,歐陽史作一卷。(舊五代史考異) 王爲問目,釋疏文之義。 卷四、皇靈孝經一卷、孝經雌圖三卷。 左金吾上將軍致仕史佺卒。 傅。 爲相州留後。戊戌,宣徽南院使、判開封府事皆居潤,宣徽北院使、判三司張美,並加檢校太 使,進封慶國公;以左武衞上將軍史佺爲左金吾上將軍致仕。 己亥,前司空李穀加開府儀同三司、趙國公,以前太傅、少卿朱渭爲太僕卿致仕。辛丑, 皇靈者,止說延年避災之事及符文,乃逍書也。雌圖者,止說日之環暈,星之彗孛,亦非奇書。又, 壬寅,高麗國遣使朝貢,兼進別序孝經一卷、越王孝經新義 案文昌雜錄云:別序者,記孔子所生及弟子從學之事。新義者,以越 考文昌雜錄云:別敍孝經者,紀孔子生卒之年月;越王孝經新義者, 乙未,以隴州防禦使王全斌

充樞 **誥趙逢**,並 殿學士、禮部侍與竇儀爲兵部侍郎充職;以尙書戶部員外郎、直樞密院杜華爲司門郎中, 以三司副使王贊爲內客省使兼北面諸州水陸轉運使。癸亥,前開封縣令路延規除名,流沙 密直學士,賜紫; 是日,翰林學士、尚書屯田郎中、知制誥李昉,都官郎中、知制 九月壬子,前滄州留後李彥頵卒。 先是,延規有過停任,有司召延規宣勅,拒命,爲憲司所按,故有是命。 加柱 國,賜金紫。 以翰林學士、尙書度支員外郎王著爲金部郎中、知制誥充職,仍賜 乙丑,兵部尚書張昭進封舒國公(E), 乙卯,高麗王王昭加檢校太師,食邑三千戶。 丙辰, 浩**扈蒙**,水部 戶 、部尙 書李濤進封莒國 甲子,以端明 鄓 中、 知制 金

潦爲患,川渠泛盗

公,以太子詹事劉温叟爲工部侍郎,判國子祭酒事。 是月,京師及諸州郡霖雨踰旬,所在水

頁惠,原本作「德惠」,今從歐陽史改正。(影庫本粘籤)丁酉,世宗皇帝靈駕發引。 戊戌,以前相州留後 王暉爲右神武統軍。辛丑,江南國主李景來告,世子弘冀卒,遣御廚使張延範充弔祭使。 丁亥,太子太師薛懷讓封杞國公。 冬十月癸酉朔,以司農卿致仕李鍇爲太僕卿致仕,太常少卿致仕姚遂爲將作監致仕。 壬辰,翰林學士、判太常寺事竇嚴撰進貞惠皇后廟歌辭。

升鳳州固鎭爲雄勝軍。 仕白文珂卒。 十一月壬寅朔,葬世宗皇帝於慶陵,以貞惠皇后劉氏祔焉。戊申,西京奏,太子太師致 丙辰,日南至,百僚奉表稱賀。 戊午, 廢兗州廣利軍, 依舊爲萊蕪監。 丙寅,左羽林統軍馬希崇。 案:原本有脫誤。

西京奏,左屯衞上將軍致仕李萼卒。乙未,大霖,書昏,凡四日而止,分命使臣賑給諸州遭 十二月壬申朔,史館奏,請差官修撰世宗實錄,從之。甲戌,改萬歲殿爲紫宸殿。甲午,

水人戶。

土門東下,與蕃寇合勢,詔今上率兵北征。 顯德七年春正月辛丑朔,文武百僚進名奉賀,鎭、定二州馳奏,契丹入寇,河東賊軍自 癸卯,發京師,是夕宿於陳橋驛。 未曙,軍變,將

周書十一 恭帝紀 校勘記

之側。 謠獄 誤。(凡本)以奉周祀,正朔服色一如舊制,奉皇太后爲周太后。 四年,詔有司取柴氏譜系,於諸房中推最長一人,令歲時奉周祀。(舊五代史考異) 年三月乙卯,房州上言,周鄭王殂,上素服發哀,輟視朝十日。(舊五代史考異)以其年十月,歸葬于世宗慶陵 今上聞之震慟,發哀成服於便殿,百僚進名奉慰。 州。(舊五代史考異) 於是詣崇元殿受命,百官朝賀而退。 佐我高祖,格于皇天,逮事世宗,功存納麓,東征西怨,厥績懋焉。 樹之司牧,二帝推公而禪位,三王乘時以革命,其極一也。 國命有歸。 一大譟呼萬歲,擐甲將刃,推戴今上升大位,扶策升馬,擁迫南行。 訟,附于至仁,應天順民,法堯禪舜,如釋重負,予其作賓,嗚呼欽哉,祗畏天命。」今上 詔有司定諡曰恭皇帝,陵曰順陵。 咨爾歸德軍節度使、殿前都點檢趙〔代〕,案:原空二字。 新舊錄並稱鄭王以建隆三年出居房州。王皡唐餘錄乃云,鄭王以開寶三年自西宮出居房州, 制封周帝爲鄭王,案續通鑑長編云:建隆三年,周鄭王出居房 泳樂大典卷八千九百八十九。 尋遣中使監護其喪。 予末小子,遭家不造,人心已去, 皇朝開寶六年春, 崩于房陵。 稟上聖之姿, 有神武之略, 天地鬼神,享於有德,謳 是日,詔曰:「天生蒸民, 案續通鑑長編云: 仁宗嘉祐 案續通鑑長編云: 開賢六 恐

傳禪,皆知其數而 史臣曰:夫四序之氣,寒往則暑來;五行之數,金銷則火盛。 順乎人也。 況恭帝當執綺之沖年,會笙鏞之變響,聽謳歌之所屬,知命歷 故堯、舜之揖讓,漢、魏之

之有在,能遜其位,不亦善乎。 終諡爲恭,固其宜矣。 永樂大典卷八千九百八十九。

校勘記

- (1) 判開封府事 「府」字原無,據彭本補。
- (11) 常州防禦使……充侍衞步軍都指揮使 二十六字原無,據殿本、劉本補。影庫本粘籤云:「『仍改

名今鐸。以上原本疑有脫誤,今無別本可校,姑仍其舊,附識于此。」

- (三) 皇弟熙誨 劉本同。殿本無「皇弟」二字。影庫本粘籤云:「『熙誨』二字原本疑行『皇弟』二字,
- 今無別本可校,姑仍其舊。」
- 越王孝經新義一卷「一卷」,劉本同。殿本、歐陽史卷七四高麗傳作「八卷」。
- (禹) 進封舒國公 「封」字原無,據殿本、劉本補。
- (K) 殿前都點檢 「殿」字原無、殿本同、據劉本補。

舊五代史卷 一百二十

周書十二

后妃列傳第一

周太祖 寢, 后見五色小蛇入顴鼻間, 心異之, 知其必貴, 敬奉愈厚。 未及貴而厭代。 太祖卽位, 乃 有內助之力焉。世宗皇帝卽后之姪也,幼而謹愿,后甚憐之,故太祖養之爲己子。 此人?」后曰:「此貴人也,不可失也。 旅主人曰:「此馬步軍使郭雀兒者也。」后異其人,欲嫁之,請於父母。 父母恚曰:「汝帝左右人,歸當嫁節度使, 家,行至河上,父母迓之,曾大風雨,止於逆旅數日。 有一丈夫走過其門,衣弊不能自庇,后見之,驚曰:「此何人邪?」 逆 時,在洛陽聞后賢淑,遂聘之。案東都事略張永德傳云:周太祖柴后,本唐莊宗之嬪御也,莊宗沒,明宗遣歸其 太祖聖穆皇后柴氏,邢州龍崗人,案:龍川別志作魏成安人。(舊五代史考異)世家豪右。 也。 此事薛史不載, 蓋當時爲之諱言。 囊中装分半與父母,我取其半。」父母知不可奪,遂成婚於逆族中。 太祖壯年,喜飲博,好任俠,不拘細行,后規其太過,每 所謂 郭雀兒, 太祖嘗 奈何欲嫁 太祖微

卽

周

書

+ =

后 妲

列傳第一

事,「器」字係傳寫之訛,今改正。(影庫本粘籤) 代籍貽芳, 猾傳荇菜之詩; 下制曰:「義之深 宮,俾潛 留於閨 閫, 耀 湘靈 於坤 昌言有助於箴規。 集慶。 象,可 **媽** 無先於作配、禮之重莫大於追崇。 大名, 追命爲皇后。 體柔儀 不及珩璜之貴。 深唯望氣之艱, 而陳闕翟、 彌歎藏舟之速, 仍令所司 **芬若椒**蘭; 俾盛副笄之禮, 定諡 望氣,原本作「望器」,今詳其文義,當是用漢武帝望氣河 一備禮 股當宁載思(I),撫存懷舊。 將開寶祚, 持貞操以選中瑶, 册 命。」 以伸求劍之情。 俄謝璧台(三)。 旣而 有司上諡日 譽光圖史。 故夫人柴氏, 宜 河洲令德, 聖穆。 正 號於軒 懿範尚 顯 間

聘之。 謂姊曰:「此人姿貌異常,不可拒。」姊乃從之。(舊五代史考異) 即以妃嫁于鄉人石光輔,不數年嫠居。 鎔。 之時,所屬封疆,制之於守帥,故韶顏美媛,皆被選於王宮。 德初,太祖 石鴈授之者,其翼 張文禮之亂,妃流離於外。 淑妃楊氏,鎭州眞定人。 案宋史楊廷璋傳:有姊寡居京師 神主入廟,以后祔于其室。 揜左,一揜右,曰:「吾北嶽使也。」言訖不知所之。 父弘裕, 真定少尹。 唐明宗 周 祖微時欲聘之,姊不從。 泳樂大典卷八千九百八十九 太祖佐漢之初,屬聖 在藩、錄其遺逸。 妃睦族撫孤,宜家內助,甚有力焉。 案東都事略楊廷璋傳云: 令媒氏傳 是年生周室淑妃, 安重誨保庇妃家,致其仕 妃幼以 穆皇后 言恐逼,姊以告廷璋。 棄世,聞妃之賢,遂以 良家子 明年生 父洪裕,少漁貂裘陂,有以二 一廷璋。 中選, 廷璋往 當 事 河 進 見周 趙 朔 一、父母 全 祖 王 盛

皆議 卒於太原,因留葬於晉郊。 陪 前。 時以起喪在賊境,未及遷逡至,世宗乃詔有司於嵩陵之側,預營一冢以虚之, 廣順元年九月,追册爲淑妃。太祖凡一后三妃,及嵩陵 就掩,

俟賊平卽議 、 襄事。 顯德 元年夏,世宗征河東,果成素志焉。

早事太祖,即位累歷內職,出爲晉州節度使。 **妃兄廷璋**, 案東都事略: 廷璋係淑妃之弟。 續通鑑長編亦云:廷璋有姊爲周太祖妃。 皇朝撫運,移鎮邢州,又改鄜州,受代歸 俱與薛史異。(舊五代史

卒於私第。

永樂大典卷一千二百六十六。

以太祖舊宅即 皇屬 室。 **今無可復考,** 在太原。 官、檢校工部尙書,事趙王王鎔,歷職中要。 討平之。 太祖 同 貴妃張氏,恆州眞定人也。 日 遇害於東京舊第。 貴,累封至吳國夫人。 太祖從漢祖 時妃年尚幼,有幽州偏將武從諫者,駐旆於家,見妃韶令,乃爲其子聘之。 護附識于此。(影庫本粘籤)天帖末,趙將張文禮殺王鎔,以鎭州歸梁,莊宗命將符存審 妃 遇禍之地, 鎭幷門,屬楊夫人以疾終,無何武氏子卒,太祖素聞妃之賢,遂納爲 因施爲僧院,以皇建爲名焉。 太祖踐祚,追册爲貴妃,發哀,故世宗有起復之命。 漢隱帝末,蕭牆變起, 祖記,成德軍節度判官、檢校兵部尚書。父同芝,本州諮呈 諮呈官及中要,皆不見職官志,疑當時藩鎭所私設之官也。 屠害大臣,太祖 泳樂大典卷八千九百八十九。 在鄴都被讒, 世宗嗣位, 武氏家 妃與諸 繼

時年 嫠居洛陽。 以 念,其兄瑀 將得之,匿于 穎悟,始 納之。 德妃 能 董氏,常山靈壽人也。 言 諸處求訪,垂六七年,後路將入官于朝, 鼎命初 太 妃 ,褚中。 聽,按絲管而能辨其聲。 祖 歸踰年,嫁爲里人劉 楊 淑 建,張貴妃遇禍,中宮虛位,乃册爲德妃 其妻以息女不育,得妃憐之,過于所生, 妃與妃鄉親,平居恆言妃賢德。 祖文廣, 進 超之妻,進超 年 七歲,遇鎭州 唐深州錄事參軍。 為 妃之鄉親頗有 內職,及契丹破晉之歲,陷 之亂, 太祖從漢祖 父光嗣 姆教 親黨羇離 太祖 知者, 幸洛, 師箴, 自聖穆皇后 趙州昭慶 **瑀見**路將, 功容克 與 因憶淑妃之言, 妃 相 早世以 尉。 蕃 備 失。 歿焉 欣 妃孩 潞 妃 來, 家 州 尋 悲 屢 牙 妃

約住, 志欲 內人 各已處分從行。」太祖 邦 承 令內 ,媛,中 廣順 車 或取索鞍馬,不得供應 侍。 駕 三年夏,遇疾,醫藥之際,屬太祖 將行,妃 韓內助,唯妃存 、進侍, 緣 諸 軍 發中使往 奏曰:「正當 在 曰:「妃疾未平 野,不可自安, 焉,加以 來言之。 暑毒, 如意 結珮脫簪,率由 ·,數令診 堅確,即以手勅示之。」旣而平定兗州, 令鄭. 勞陛下省巡, 太祖 竞海之征 手 誨 勅 視, 專 鄭仁 此行 心 一令範 明 體 海 , 一發宵 在 候。 克海, 日:「 近, 征 如 無 切 原本作「衮海」, 德 慮 煩 須 妃津置 德 內 人 人。」 妃以 供 侍, 內 脮 及 今據歐陽史改正。(影 太祖 至 司 車駕還京,妃疾 東 一克州 簿已下 來, 駐 行營, 蹕 便須 魯 典 中, 事 津置 上 庫本 聞 妃

周

無減,俄卒於大內,時年三十九。輟朝三日。

十九。

妃長兄瑀,以左贊善大夫致仕,仲兄玄之,季兄自明,皆累歷郡守。 永樂大典卷八千九百八

世宗隨太祖在鄴,后留居邸第。漢末李業等作亂,后與貴妃張氏及諸皇族同日遇禍。國初, 追封彭城郡夫人。 世宗貞惠皇后劉氏,將家女也,幼歸於世宗。漢乾祐中,世宗在西班,后始封彭城縣君。 顯德四年夏四月,追册爲皇后,諡曰貞惠,陵曰惠陵。 永樂大典卷八千九百八

善候世宗之旨,世宗或暴怒於下,后必從容救解,世宗甚重之,及卽位,册爲皇后。世宗將 其父,自是后常感太祖大惠,拜太祖爲養父。世宗鎭澶淵日,太祖爲世宗聘之。后性和惠, 自蔽,崇訓倉黃求后不及,遂自刎,后因獲免。 守貞叛於河中,太祖以兵攻之,及城陷,崇訓自刃其弟妹,次將及后,后時匿於屛處,以惟箔 使,封魏王。后初適李守貞之子崇訓。崇訓,原本作「崇酬」,今從通鑑改正。(影庫本粘籤)漢乾站中, 宣懿皇后符氏,祖存審,事後唐武皇、莊宗,位極將相,追封秦王。父彥卿,天雄軍節度 太祖入河中,令人訪而得之,卽遣女使送于

疾。 立傳, 河中之難 然引退。 **父有舊,城破之際,據堂門而坐,叱諸軍曰:「我符魏王女也,魏王與樞密太尉,兄弟之不若,汝等愼勿無禮。」** 言。」李守貞素有異志,因與子崇訓娶之,禮舉,守貞甚 宣懿,葬于新鄭,陵日懿陵。 南征,后常諫止之,言甚切直,世宗亦爲之動容。 后賢,又聞 未免闕 顯德二年七月二十一日,崩於滋德殿,時年二十有六。 頃之,高旭至,喜曰:「此女於白刃紛拏之際保全, ,其母欲使出家,資其福壽,后不悅曰::死 命不以出家爲念,愈賢之,所以爲天下 五代史補: 世宗皇后符氏, 永樂大典卷八千九百八十九。 母也。 生有命,誰能髡首跣足以求苟活也!」 即魏王彦卿之女。 有喜色。 可謂非常人也。」乃歸之魏王。 其後據河中叛,高祖爲樞密使, 泊車駕駐於淮甸, 時有相工視之大驚, 案 : 世宗後符后, 世宗甚悼之。 久冒炎暑, 母度不可逼, 至世宗卽位, 即宣懿之女弟也, 受命出征。 密告魏王曰:「此女貴不可 既而· 遂 納爲皇后。 有司 后因憂恚成 后知高祖 啃 於是諸軍 上諡 群史不為 世宗素以 與其 旣 免 聳

主為 封,至 亦 無愧於形管矣。 顯德元年,封晉國長公主。 漢室 史臣 所害,廣順 曰:周室后妃凡六人,而追册者四,故中闈內則,罕得而聞, 元年二月追 永樂大典卷八千九百八十九 第五女永寧公主,廣順元年九月追封,至顯德四年四月, 封,至顯德四 年四月,又追 封莒國長公主。 叉案: | 薛史無 外戚傳,考五代會 第四女壽安公主, 又追封梁國長公主。(舊五代史 唯董妃、符后之懿範, 要云: 降張 永德, 周太祖第三女樂安公 廣順 元 年 四 月

校勘記

(1) 股當宁載思 「思」原作「恩」,據殿本、劉本改。

(11) 俄謝璧台 「璧」原作「壁」,據殿本、劉本改。

(三) 未及遷窆 「窆」原作「定」,據瀏本改。

周書十三

宗室列傳第二

<u> 刻王侗,太祖子,初名青哥,漢末遇害。</u> 太祖即位、詔贈太尉、賜名侗。 顯德四年追封。

永樂大典卷一千二百六十六。

可考。 哥、意哥不知其母誰氏。 泳樂大典卷一千二百六十六。 據歐陽史家人傳云:初,帝舉兵於魏,漢以兵圍帝第,時張貴妃與諸子青哥、意哥,姪守筠、奉超、定哥皆被誅。 杞王信,太祖子,初名意哥,漢末遇害。 太祖即位,韶故第二子青哥贈太尉,賜名侗;第三子意哥贈司空,賜名信。 案:太祖諸子早歲遇害,本無事蹟。 太祖卽位,詔贈司空,賜名信。 永樂大典所錄 群史過于簡略,疑有删節, 顯德四年追封。 皇姪守筠贈左領軍 今無 |青

衞將軍,以「筠」聲近「榮」,爲世宗避,更名守愿。

四年夏四月癸未,詔曰:「禮以緣情,恩以悼往,矧在友于之列,尤鍾惻愴之情。故皇弟贈太保侗、贈司空信,景運初啓,天

奉超贈左監門衞將軍。

定哥贈左千牛衞將軍〔1〕,賜名遜。

世宗顯德

右衞大將軍,遜右武衞大將軍。」 年不登,俾予終鮮,實慟予懷。 左監門衞 將軍奉超〔三〕、贈左千牛衞將軍遜等,頃因季世,不享遐齡,每念非辜, 個可贈太傅,追封<u>修王〔三〕;</u>信司徒,杞王。」又詔曰:「故皇從弟贈左領軍衞將軍守愿、贖 案:歐陽史所載詔辭,薛史已見本紀,今仍附錄于此,以 難忘有慟。 備參考。 守愿可贈左衞大將軍, 奉超

越王 一宗誼 ,世宗子,漢末遇害。 顯德四年追封。 永樂大典卷一萬六千六百二十八。

曹王宗讓 ,世宗子,顯德六年封。 泳樂大典卷一萬六千六百二十八。

一熙謹 ,世宗子,顯德六年封, 皇朝乾德二年卒。 永樂大典卷 萬六千六百二十八。

後十日而世宗崩,梁王即位,是爲恭皇帝。 事,有足傷懷,宜增一字之封,仍贈三台之秩。 爲國日淺,恩信未及于人,須功德大成,慶流于世,而後議 誅,太祖即位,詔賜皇孫名,誼贈左驍衞大將軍,誠左武衞大將軍,誠左屯衞大將軍。 七人,長日宜哥,次二皆未名, 大將軍,封紀王; 之道,聖賢不忘,再思夭閼之端, 蘄王 北復三關,遇疾還京師。六月癸未,皇子宗訓特進左衞上將軍,封梁王,而宗讓亦拜左驍衞上將軍,封 |熙誨,世宗子,顯德六年封。 熙海左領軍衞大將軍〔五〕,封蘄王。 次日恭皇帝, 愈動悲傷之抱。 其年八月,宗讓更名熙讓, 次日熙讓, | 誼可贈太尉,追封越王; 誠太傅, 故皇子左驍衞大將軍誼、左武衞大將軍誠、左屯衞大將軍 永樂大典卷一萬六千六百二十八。 乾德二年十月,熙謹卒, 次日熙謹, 之可也。 明年夏四月癸未 次日熙誨, 封曹王。 熙讓、 照謹、 皆不知其母爲誰氏。 吳王; 誠太保, (国), |照謝皆 顯德三年,羣臣請封宗室, 熙誨不知其所終。 先封太祖 案歐陽史家人傳 前未封爵, 韓王。」而皇子 潜子。 宜哥與其 逐 一誠等, 叉詔 拜 云 熙 世宗以 謹 燕國公。 在 曰:「父子 一皆爲漢 薛史不 載 世宗子 右 者皆不 惟 武 往 謂 衞

校勘記

定哥贈左千牛衞將軍 「衞」字原無, 據本注下文、本書卷一一七周世宗紀、歐陽史卷一 一九凋太

祖家人傳補。

 Ξ 倓王 殿本及本卷上文正文作剡王, 劉本、本書卷一一七周世宗紀、歐陽史卷一九周太祖家人

傳均作郯王。

3 贈左監門衞將軍奉超 「左」原作「右」,據本注上文、本書卷一一 七周世宗紀、歐陽史卷一九周

太祖家人傳改。

四月癸未 「癸未」原作「癸巳」,據本書卷一一七周世宗紀、歐陽史卷二〇周世宗家人傳改。

按

二十史朔趕表,顯德四年四月戊午朔,癸未爲二十六日。 無癸巳。

(宝) 熙誨左領軍衞大將軍 「左」原作「右」, 據本書卷一二〇恭帝紀、 歐陽史卷二〇周世宗家人傳

改。

舊五代史卷一百二十三

周書十四

列傳第三

州人也。 與薛史異。(舊五代史考異)思繼弟爲後軍都將,昆仲分掌燕兵。部下士伍,皆山北之豪也,仁恭 將、嬀州刺史,思繼爲中軍都將、順州刺史,案歐陽史:思繼爲李匡威戍將,先爲晉王所招,後事仁恭。 武幹,聲馳朔方。唐武皇之平幽州也,表劉仁恭爲帥,仍留兵以戍之。以思繼兄爲先鋒都 之。」久之,太原戍軍恣橫,思繼兄弟制之以法,所殺者多。太祖怒,詬讓仁恭,乃訴以高氏 深憚之。武皇將歸,私謂仁恭曰:「高先鋒兄弟,勢傾州府,爲燕患者,必此族也,宜善籌 兄弟,遂倂遇害。 高行周,字尚質,案通鑑考異引莊宗實錄:行周作「行温」。是書唐紀尚仍實錄之舊〔一〕。(舊五代史考異)幽 生于嬀州懷戎軍之鵰窠里。曾祖順厲,世戍懷戎。父思繼,昆仲三人,俱雄豪有 仁恭因以先鋒子行珪爲牙將,諸子並列帳下,厚撫之以慰其心。時行周

周

書

十四四

列傳

第三

乃

夜縋

其弟行周

于

-乞兵。(舊五代史考異)

+ 餘 亦 補 在仁恭 左右。 行珪別有傳,在唐書。 案通鑑考異引周太祖實錄云 行珪 在武州, 食

|祐十八 周 趙 入楊村寨,明宗晨至斗門,設伏將邀之,衆寡不敵,反爲所乘。 環境之,出騎橫擊梁軍,遂得解去。 急德鈞 周曰:「此天贊也,彼必無備。」是夜,涉河入東城,比曙平之。 行欽 嘗一日,兩 也。 及 年始爲副總管。 脏 謂明宗曰:「行周心甚謹厚,必享貴位。」梁將劉鄩之據莘也, 行周,恐傷其意,密令人以利祿誘之。 獲死。 余家昆仲,脫難再生,承總管之厚恩,忍背之乎! 宗收燕,以行周隸明宗帳下, 軍成列,元行欽爲敵軍追躡,劍中其面,血戰未解。 莊宗方寵行欽,召行周撫諭賞勞,而欲置之帳下, 蓋周太祖實錄之誤,薛史未及改正。(舊五代史考異)及兩軍屯於河上,規知梁軍自汴 明宗之襲鄆州 常與唐末帝分率牙兵。 行周辭曰:「總管用人, 也,行周爲前鋒。會夜分澍雨,人無進志, 1 」案通鑑考異云: 明宗 時矛稍叢萃,勢甚危贓。 又念於明宗帳下已奪 行周以麾下精騎 與太原軍對 征燕, 亦爲國家,事總管猶 明宗時爲代州刺史,天 率兵 随行 壘, 突陣 旦夕 鄕 轉 解

天成 隣 ·契丹 ED,用為振武節度使。 中,從王晏球 平 河南,累加檢校太保,領端州 圍定州,敗王都,擒禿餒,皆有功。 明年,以河西用軍, 刺史。 同光 移鎭延安。 賊平, 末,出守絳州 遷潁 清泰初,改潞州節度使。 州 團 「練使。 明宗即位,特深委遇。 長興 初,以北邊

州 庫本粘籤)以李守貞代掌兵柄,許行周歸藩。 第,門宇翛然,賓友過從,但引滿而已。 移鄆州節度使。 中,移鎮睢陽。 行周 行周 翰立許王李從益知南朝軍國事, 遣死士召行周, 辭之以疾, 退謂人曰: 「衰世難輔 羣盜大起,懷德堅壁清野,敵不能入,行周率兵歸鎮,敵遂解去。(舊五代史考異)及契丹主死於變城,契丹將蕭 祖 是不復敢然,敬達遂爲光遠所害。 旭 幸鄴,會安從進叛,命行周爲襄州行營都部署。明年秋,平定漢南。 建義於太原, 知之,引壯士護之。 戎王入汴,召赴京師,會草寇攻宋州急,遣行周歸鎮。 、彥卿引騎拒之,尋爲契丹所敗,遂與敬達保晉安砦,累月救軍不至。楊光遠欲圖敬達, 晉祖入洛,令行周還藩,加同平章事。 開運初,從幸澶淵,拒敵於河上。車駕還京,代景延廣爲侍衞親軍都指揮使, 唐末帝命張敬達征之,行周與符彥卿爲左右排陣使。 時李彥韜爲侍衞都虞候,可否在己。 。敬達性戆,不知其營護,謂人曰:「行周每踵余後,其意何也?」繇 尋改歸德軍節度使,歸德,原本作「歸順」,今從通鑑改正。(影 晉祖都汴,以行周爲西京留守,未幾,移鄴都。晉 晉軍降於中渡也,少帝命行周與符彥卿同守澶 行周雖典禁兵,每心遊事外,退朝歸 案宋史高懷德傳:杜重威降契丹,京東諸州 晉少帝嗣位,加兼侍 契丹主入援太原也, ,況兒戲

漢高祖 居 書 + 入汴,加守太傅、兼中書令,代李守貞爲天平節度使。 四 列 傳 第 = 杜重威據鄴叛,漢祖以行

陽史改正。(影庫本粘籤) 奉迎 궄 周爲招討使,總兵討之。 萬 六十八。 周太祖 七千戶。 興駕,傾家載贄,奉觴進俎,率以身先,太祖待之逾 入立,封齊王。 賙 膊 太祖以行周耆年宿將,賜詔不名,但呼王位 加等,册贈尚書令,追封秦王 據薛史則漢末已封齊王矣。(舊五代史考異) 乾祐中,入覲,加守太師,進封鄴王,復授天平節鉞, |鄴平,授||鄴都留守,加守太尉,進爵臨清王。 諡 武懿 太祖踐阼, 厚。 而已。 廣順 慕容彦超據竞叛,太祖 二年秋,以疾薨於位,享年 加守尚書令, 臨清、原本作「監清」,今從歐 改封齊王。 增食邑至 案歐陽史 親征

子懷德, 皇朝駙馬都尉、宋州節度使。 泳樂大典卷一萬八千一百三十二。

州, 化指揮 護、振 軍使, 初, 兼北 為捧 安審崎,字國瑞,其先沙陁部人也。 武 遷本 使。 面 軍 聖指揮使, 行營排 節 軍指 王 度使,累贈太師,唐書有傳。 師伐蜀,充行營馬軍都指揮使,及凱旋,改龍 揮使。 陣 使,從張 捧聖, 天成初,唐末帝由路邸出鎮 原本作「持聖」,今從通鑑改正。(影庫本粘籤) 敬達 圍太原。 祖山盛,朔州军城都校, 審琦性驍果, 及楊光遠舉晉安寨降於晉祖 河中,奏審琦爲牙兵都校, 善騎射, 武右廂都校,領富 領順 幼以良家子事莊宗 贈太傅。 化軍 審琦亦 節 度使。 父金全, 州刺 未幾, 預焉 其 年 史。 爲義 安北 入爲 鎭 淸 歸 泰 直

晉祖踐作,加檢校太傅、同平章事,充天平軍節度使兼侍衞馬步軍都指揮使,旋以母喪

天福三年,就加檢校太尉,尋改晉昌軍節度使、京兆尹。七年,移鎭河中。 晉少帝嗣

琦曰:「成敗命也,若不濟,與之俱死,假令失此二將,何面目以見天子!」遂率鐵騎北渡。敵 州 位,加檢校太師。 見塵起,謂救兵至,救兵,原本作「救冰」,今據文改正。(影庫本粘籤)乃引去。遂救遇與彥超而還。晉 必爲敵騎所圍,若不急救,則爲擒矣。」從恩曰:「敵勢甚盛,無以枝梧,將軍獨往何益?」審 馬爲流矢所中,勢已危臟,諸將相顧,莫有敢救者。審琦謂首將張從恩曰:「皇甫遇等未至, 俄而敵騎大至,時皇甫遇、慕容彥超亦預其行,乃率所部兵與敵戰於安陽河上。時遇 開運末,朝廷以北戎入寇,以審琦爲北面行營馬軍左右廂都指揮使,與諸將會兵於洛

惠。五年,移平盧軍節度使,承韶赴鎭,因朝于京師,世宗以國之元老,禮遇甚厚,車駕親幸 其第以寵之。 六年正月七日夜,爲其隸人安友進、安萬合所害,時年六十三。 進封陳王。 世宗嗣位,加守太尉。 三年,拜章請覲,優詔許之,加守太師,增食邑至一萬五 百戶,食實封二千三百戶。審琦鎭襄、沔僅一紀,嚴而不殘,威而不暴,故南邦之民甚懷其 而 遁,朝廷賞功,就加守太保,進封齊國公。 歲餘,又加守太傅。 國初,封南陽王。 漢有天下,授襄州節度使、兼中書令。 屬荆人叛命,潛遣舟師數千屠襄、郢,審琦禦之 顯德初,

少帝嘉之,加兼侍中,移領許州,未幾,移鎮兗海。

妾乃取 甚有 泄,乃引 之震悼,輟視 難 初, 審琦所枕劍與 色。 其帳 友 進 其妾曰:「 朝三 下數妓, 與審琦之愛妾私通,有年數矣。 日 , 盡殺以滅其 友進,友進獨惶 爾若不從,我當反告。」友進乃許之。 詔 贈尙 書令, 跡。 追 封 駭 不數日 齊王 不敢 剚 , 其妾常盧事泄見誅,因與友進謀 友進等竟敗,悉爲子守忠臠 刃, 遽召其黨安萬合, 至是夕,審琦 使 沈醉,寢於帳 殺 而戮之。 審 琦。 害審琦, 旣 世宗 而 中,其 慮 事

子矣。」 步而 鎖,僧 向 凡有過 守忠 得 內室,至中 非紫衣錫杖者乎? 仕皇朝 不不 一問輕重 門,審琦 一般之。 累爲 仗劍 因 命之日 及鎮青州 《郡守。 逐之,將及而 僧哥,即 也, 永樂大典卷一萬八千一百三十二。 滅,但 旦方大宴,忽有紫衣僧 安守忠也,自是 聞錫杖聲鏗 然, 審琦稍稍信 入 在 持錫杖 俎 所。 重 直上廳事,審琦赫 審琦 五代史補: 驚懼之際, 怒連叱,是僧安然 有小蒼頭報曰:「 安審琦素惡釋氏, 國夫人生 不 凡居方 顧, 縱

月移 戰 節 全節,原本作「全積」,今從通鑑改正。(影庫本粘籤) 度 Ш 東 鎭 副 个, 定 鄜 使、 審 州 暉 河 河 ·, 字 丁 東 南 明遠, 一,皆預 行 內 軍 製 司 其功。 起復 審琦之兄也 馬。 視 晉高 同 事 光中, 祖 五 龍 年, 授蔚州 起家 飛 以審暉爲副。 以 李金全據安州 自 霸 長 刺 府 直 史。 上 軍 僚授 使, 天成 安陸平,移鎭鄧州,進位檢校太傅。六 叛, 振武 轉外衙 初, 詔 人兵馬 改 馬全節 左 汝州 留後, 廂 軍 防 爲 使。 禦 遷 都 副 泂 部 從莊 使, 陽 署, 節 宗 歷 度使, 領 平 鳳 兵 巡 翔 討之, 不踰 徐 州

以暮齒,願就頤養。 代,歸於京師,養疾累年。 陴,召賊帥以讓之,從進不克而退。 授右羽林統軍。 年冬,襄州安從進叛,舉漢南之衆北攻南陽。 歲餘,出鎭上黨,屬契丹內侵,授邢州節度使。 拜太子太師致仕,封魯國公,累食邑五千戶,實封四百戶。 太祖卽位,召於內殿,從容顧問,尤所歎重。 襄州 平,就加檢校太尉。 南陽素無城壁,唯守衙城, 少帝嗣位,加檢校太師 居無何, 將以祿起之,審暉 賊傅城下, 目疾暴作, 廣順二年春 上章求 審暉登 ,罷鎭, 辭

子守鳞, 仕皇朝爲贊善大夫。 泳樂大典卷一萬八千一百四十四。

廢朝二日,詔贈侍中,諡曰靜

卒,年六十三。

虞候, 敬達,原本作「敬遠」,今從歐陽史改正。(影庫本粘籤) 得之甚悅。 射,世父金全,天成初,為振武節度使,補爲牙將。 太尉、同平章事。 高祖以審信爲汾州刺史、檢校太保,充馬步軍副部署。 安審信,字行光,審琦之從父兄也。 歷同、 其妻與二子在京師,皆爲唐末帝所戮,但貸其老母而已。 陝、許三州馬步軍都指揮使。 審信性旣翻覆,率多疑忌,在蒲中時,每王人告論,騎從稍多,必潛設備, 而審信率先以部下兵遁入幷州, 父金祐, 晉祖起義於太原, 世爲沙陁部偏裨,名聞邊塞。 俄而兄審通爲滄州節度使,用爲衙內都 晉祖 入洛,授河中節度使(三)、檢校 唐末帝命張敬達以兵攻之, 契丹旣降晉安砦,晉 晉祖 以其故人, 審信習騎

終進奉 以 贈侍中、諡日成穆。 詔釋之。 軍 預 將 防其圖己。 帥,以 或 初 二萬緡,盡逐此 時審信久病,神情恍惚,聞臺 審 轉右金吾上將軍。三年夏四月,太祖御乾元殿入閣,審信不赴班位,爲御 信為馬步 專歷許、

克州鎮,

所至以聚斂爲務,

民甚苦之。 永樂大典卷一萬八千一百四十四。 乞索兒輩。 軍 右廂都排陣使,俄改 未幾,以病 |司奏劾,揚言曰:「趨朝偶晚,未是大過,何用 華州節度使。 請退,授太子太師致仕。 漢 會朝廷謀大舉北伐,凡藩侯皆 初,移鎭 同州,入爲左衞上 是歲秋卒,年六十。 彈 史所彈, 、舉,我 將

德軍 |球為 用爲 節度使,加檢校太尉,封涇王。 招討 馬 衙內馬 李從敏,字叔達,唐明宗之循子也。 步 使,率師討之,以從敏 軍都指揮使。 軍指揮使,從平汴、洛,補帳 從明宗入洛,補皇城使, 爲副,領滄州節 徑王,原本作「渭王」,今從歐陽史改正。(影庫本粘籤 前都指揮使, 沈厚寡言,善騎射,多計數。初,莊宗召見,試弓馬, 度使。 出爲: 陝府節 遷捧聖 王都平,移授定州 度使。 都 將。 王都據定 明宗移鎮 尋代范延光為成 真定, 州 叛, 表爲成 命王 晏

意,乃訟令遵冒姓,奪父家財,從敏令判官陸浣鞫其獄,而殺令遵。 案北夢瑣言云: 劉 族乃共推合遵爲方遇子,親族共立 鎭 州 有 市 人劉方遇,家富於財 一劵書,以爲誓信。 方遇卒,無子。妻弟田 累年後,方遇二 令遵者,幼爲方遇治 女取 資於令遵不如 財,善殖 鎭州市民劉方

徐台符鞫之,備明姦狀。及詰二女,伏行賂於節度使趙環、代判高知柔、觀察判官陸院,並 書券安美同情共盗,俱棄市,人知其冤。(舊五代史考異)合遵父詣臺訴冤,詔本州節度副使符蒙、掌書記 令遵興殖,乃聚族合謀,請以令遵姓劉,爲方遇繼嗣,即令鬻券人安美爲親族請嗣。 貨殖,方遇以所積財令令邁興殖焉。 遇,家財數十萬。 用從敏爲節度使,而枉法殺人,我羞見百官,又令新婦奔赴,不須見吾面。」時王淑妃頗庇護 捕下獄,具服贓罪。 俸。(舊五代史考異) 二女初立令遵時,先邀每月供財二萬,及後求取無厭,而石、李二女夫使二女詣本府論訴,云令遵冒姓,奪父家財,令遵下 趙環等三人竟棄市,從敏罪止於罰俸而已。 石、李二夫族與本府要吏親黨,上至府帥判官、行軍司馬、隨使都押衙,各受方遇二女賂錢數千緡,而以令遵與姊及 方遇妻田氏蚤卒,田之妹爲尼,常出入方遇家,方遇使尼長髮爲繼室。 事連從敏,甚懼,乃令其妻赴洛陽,入宮告王淑妃。明宗知之,怒曰:「朕 方遇有子年幼,二女皆嫁。 方遇疾卒,子幼不能督家業,方遇妻及二女以家財數爲 案北夢瑣言云:從敏初欲削官, 券書旣定,乃遣<u>令</u>遵服斬衰居喪。 有田令遵者,方遇之妻弟也, 中宮哀祈, 竟罰一年 善 而

得解。 清泰中, 爾等 長 何物,處雄藩大鎭 興初,移鎭宋州。 從敏與洋王從璋並罷歸第,待之甚薄。 唐末帝起兵於鳳翔,其子重吉爲亳州防禦使,從敏承朝廷命害之。 」二人大懼,賴曹太后見之,叱曰:「官家醉,爾輩速出去!」 方 嘗宮中同飲, 既醉,末帝謂從璋、從敏曰:

漢祖 歳餘 ,以王守恩代還。 入汴,移授西京留守,累官檢校太師、同平章 晉 祖 革命, 降封莒國公,再領陝州, 廣順元年春,以疾卒,年五十四。 尋移鎭上黨, 事 隱帝即位,就加兼侍中,改封秦國 入爲右龍武統軍, 出爲河陽節度使。 韶贈中書令,諡曰恭惠。 永樂大典卷

萬三百九十。

唯仁 及紹 昭 光」,今從冊: 光 海端 鄭仁誨,字日新,晉陽人。父霸,累贈太子太師。 典郡 立以俟,略無懼色。紹光因擲劍於地,謂仁誨 一、仁誨 (於元年改正。(影庫本粘籤) 恃勇使酒,嘗乘醉抽 累爲右 職 後退 歸鄉里,以 色養稱。 仁誨幼事唐驍將陳紹光, 曰:「汝有此器度,必當享人間富貴。 佩 .劍,將剚刃於仁誨,左右 無不 |紹||光, 奔避 原本作

陽史異。 檢校 淵 太祖 轉檢校太保,入爲樞密使,加同平章事 爲 吏 漢 漢高 樞 (舊五 部 有 密 使,乃召仁誨用之,累官至內客省使。 倘 祖 天下,太祖 代史考異) 之鎭 書。 太祖 河東也,太祖 恩州 初領 踐 作, 旌 團 樞務, 練 使, 佐 累就其第,與之燕語,每有質問, 卽 命功,授檢校 尋爲 召爲從職。 太祖 樞 密副 入立,以仁誨爲大內都巡檢。 使。 及太祖 司 空、客省使 踰年轉宣徽北院使、右衞大將軍,出鎭 西征 一。當 兼 大內都 密贊軍機, 無不以正 據此傳,仁誨仕 點 檢、 西 理爲答, 案歐陽史云:漢興,周 師 周始爲客省使, 凯凱旋, 太 八祖深器 累 遷 與 至 礟

周書十四 列傳第三

艱,未幾起復。" 顯德二年冬,疾亟, 喪,哭踰數舉。 世宗之北征也,以仁誨爲東京留守,調發軍須,供億無所闕, 是時,世宗將行,近臣奏云:「歲道非便,不宜臨喪。」弗聽,然而 世宗幸其第,親 加 撫問, 欷歔久之。 駕迴, 加兼侍中。 及卒, 世宗親臨 先之以 尋丁內 桃 其

神道 色,及終,故朝廷咸惜之。 一碑文,官爲 誨 爲人端厚謙 建立,表特恩也 損,造次必由于禮。 詔贈: 中書令,追封韓國公, 及居樞務,雖權位崇重,而能孜孜接物,無自矜之 諡日忠正 旣葬, 命翰林學士陶穀撰

之事,時以爲得禮。

大典卷一章 殷得罪,仁誨 子 勳, 萬八千八百八十。 累歷內職,早卒,絕嗣。 不奉詔 卽 殺其子,蓋利其家財妓樂也。 初,廣順末,王殷受詔赴闕, 及仁誨卒而無後,人以爲陰責 太祖遣仁誨赴鄴都巡檢,及 焉。 永樂

述, 州都 檢校太尉、 澤州 "押牙。 張彥成, 刺史。 同州節 漢祖 父礪, 案通鑑考異:彥成本名彥威,避周祖諱,故改名。 鎭北門,表爲行 度使。 昭義行軍司馬。 隱帝卽位,就加同平章事。 軍 司 馬,以隱帝 彦成 初爲 娶其女,特見親愛。 料門 路州路城 太祖之伐河中,彦成有饋輓之勞,河中 牙 將。 天成中, 人也。 從平汴、洛,累 會祖靜, 汾州 自秦州 鹽鐵務官改鄆 刺 加特進、 史。 祖

宋史楊克讓傳:乾祐中,同州節度使張彥成表授掌書記。 平,加檢校太 歸,授右金吾衞上將軍。 金吾,病篤,奏稱其材可用。 師 乾祐三年冬,移鎭相州。 克讓以彥成死未葬,不忍就祿,退居別墅,俟張氏子外除,時論稱之。(舊五代史考異) 其年秋,以疾卒, 年六十。 周廣順初,彥成移鎭安陽、穰下,克讓以舊職從行。 彥成入爲執 廣順初,就加兼侍中,尋移鎭南陽。三年秋,代 贈侍中。 永樂大典卷六千三百五十一。

「安没字」,言若碑碣之無篆籀,但虚有其表耳。開運初,朝廷將大舉北伐,授行營都排 忘。」乃加鎭國軍 處。」叔千拜謝而退,俄授鎭國軍節度使。 出班效國語,契丹主曰:「爾是安沒字否?卿比在邢州日,遠輸誠款,我至此,汝管取一 涿、易二郡。 師致仕,尋請告歸洛。 俄改左金吾衞上將軍。 |祖踐阼,就加同平章事。 南,爲奉安部將。 安叔千,沙陁三部落之種也。父懷盛,事唐武皇,以驍勇聞。 節度使。 清泰初,契丹寇鴈門,叔千從晉祖迎戰,敗之,進位檢校太保、振武節度使。 天成初,王師伐定州,命爲先鋒都指揮使。 與薛史微異。 廣順二年多卒,年七十二。 詔贈侍中。 契丹入汴,百僚迎見于赤崗,契丹主登高崗駐馬而撫諭漢官,叔千 天福中,歷別、滄、邢、晉四鎭節度使。 漢初,遇代歸京,自以嘗附幕庭,居常愧惕, 案遼史太宗紀:安叔千出班獨立,上曰:「汝邢州之請, 王都平,授秦州 永樂大典卷一萬八千一百四十四 叔千鄙野而無文,當時謂之 叔千習騎射,從莊宗定河 久之, 授太子太 刺 史句,連判 陣使, **朕所不**

書 + 四 列 傳 第 三 校 勘 記

遷開 髻,故軍中目之爲宋忙兒。後雖貴爲節將,遠近皆謂之宋忙兒。(舊五代史考異) 之役,率所部從康延孝爲前鋒,蜀平,歷維、渝二州刺史。 防禦使討安從進於襄陽,以功拜鄧州節度使,累官至檢校太尉。 封府牙校。案絡陽縉練舊聞記:彥筠多力勇健,走及奔馬。 宋彦筠,雍丘人也。 初隸滑州軍,梁氏與莊宗夾河之戰,彥筠時爲戰棹都指揮使,以勞 爲小校時,欲立奇功,每見陣敵,于兜牟上闊爲雙 明宗在位,連典數郡。 莊宗有天下,擢領禁軍。 未幾,歷晉、陝二鎮。 晉初,自汝 伐蜀

州

少帝嗣位,再領鄧州,尋移鎮河中。

漢初,授太子太師致仕。

國初,拜左衞

上將軍

世宗嗣

位,復爲太子太師致仕。 初,產筠 入成都,據 一甲第,第中資貨鉅萬,妓女數十輩,盡爲其所有。 顯德四年多,卒于西京之私第。 輟視朝一 日,詔 贈侍中。 一旦,與其主

微 將終,以伊、洛之間田莊十數區上進,並籍於官焉。 削髮披緇,以侍左右,大爲當時所誚。 後,每歲至 忿,遽擊殺之,自後常有所睹,彥筠心不自安, 金仙 入涅之日,常衣斬 穣號慟於其像前,其佞佛也如是。 又性好貨殖,能圖 乃修浮屠法以禳之, 永樂大典卷一萬三千四十四。 行一 之利,良田 家有侍婢數十人,皆令 因而 甲第,相望於郡國 溺志於釋氏。

史臣 周 曰:近代領戎藩,列王 一爵,祿厚而君子不議,望重而人主不疑,能自晦於飲酌之間,

也至。 乏御家之道,峯摧玉折,蓋不幸也。 保功名於始終之際,如行周之比者,幾何人哉!奕世藩翰, 永樂大典卷一萬三千四十四。 其餘雖擁戎旃,未聞閫政, 固亦宜然。 固不足與文、召、龔、黃爲比 審琦有分閩之勞,

校勘記

- (1) 是書唐紀尚仍實錄之舊 十字原無,據殿本考證、劉本考證補。
- (三 北邊隣契丹 劉本同,殿本「隣」作「陷」。 影庫本批校云:「陷契丹,『陷』訛『隣』。」
- 3 授河中節度使 「河中」原作「河州」,據劉本改。 按下文云「在蒲中時」, 蒲州即河中府, 見舊唐

書卷三九地理志。

- 泰州 殿本、劉本、歐陽史卷四八安叔千傳、冊府卷三八七均作「秦州」。
- 金 不足與文召襲黃爲比 「召」原作「邵」,據殿本改。 按此指文翁、 召信臣、襲逐、黃霸,均見漢書

卷八九循吏傳。

舊五代史卷 一百二十四

周書十五

列傳第四

使,久之代還。清泰中,張令昭據鄴叛,殷從范延光討之,首冒矢石,率先登城,以功授祁州 末,幽、滄大亂,殷父咸珪,遊地南遷,因投於魏軍。 從,殷必不往,雖在軍族,交遊不雜。及爲刺史,政事小有不佳,母察之,立殷於庭,詰責而 刺史,尋改原州。殷性謙謹好禮,事母以孝聞,每與人結交,過從皆先禀於母行,母命不 漸爲偏將。唐同光末,爲華州馬步軍副指揮使口,因家于華下。 杖之。 案歐陽史云:殷爲刺史,政事有小失,母貴之,殷卽取杖授婢僕,自答于母前。 王殷,瀛州人。案:歐陽史作大名人。曾祖昌裔,本州別駕。 殿自言生於魏州之開元寺,既長從軍, 祖光,滄州教練使,因家焉。 與薛史微異。 天成中,移授靈武都指揮

晉天福中,丁內艱,尋有韶起復,授憲州刺史,殷上章辭曰:「臣爲末將,出處無損益於

周書十五

列傳第四

國家。 墓,伏願許臣終母喪紀。」晉高祖嘉而許之。 臣 本燕 泛人,值 鄉國離亂,少罹偏罰,因母鞠養訓導,方得成人,不忍遽釋苴麻,遠離 晉少帝嗣位,會殷服闋,召典禁軍,累遷奉國右 廬

廂都指揮

使

州 以是漢祖嘉之。 漢祖 及李業等作亂,漢隱帝密詔澶帥李洪義遣圖殷,洪義懼不克,反以 受命,從討杜重威於鄴下,殷與劉詞皆率先力戰,矢中於首,久之,出折鏃於口中, 乾祐末,遷侍衞步軍都指揮使,領變州節度使,會契丹寇邊,遣殷領兵屯澶 變告殷,殷與洪義 同

祖遂疑之。 慮殷之不誠,尋遣使止之。 正。(影庫本粘籤) 時,帑廩所儲不少,卿與國家同體,隨要取給,何患無財。」二年夏, 征 遣人至鄴,請太祖赴 于路,宴賜而 人,又以儀形魁偉,觀者無不聳然。 鎭 有成兵處官, 太祖即位,授天雄軍節度使,加同平章事,典軍如故。 是年多,以郊禋有日 去。 令口諭峻之過惡,以慰其心。三年秋,以永壽節上表請覲,太祖 及王峻得罪,太祖遣其子飛龍使承海往鄴〔五〕, 咸禀殷節制。 內難。 何福 殿從平京師,授侍衞親軍都指揮使。 進在 , 又於民間多方聚斂,太祖聞而惡之,因使宣諭 殷自鎭入覲,太祖 [鎭州,素惡殷之太橫,福進入朝, 日,遽入奏曰"「郊禮在近,兵民大集,臣城外防警, 令依舊內外巡警。 殷赴鎮,以侍衞司局從, 承詢,原本作「承謙」,今從通鑑改 太祖征兗還 摭其陰事以奏之,太 |股出 入部從不下數 雖 **E** 曰:「殷離 允其 凡河北 殷 (請, 且 迎 |業3

周書十五 列傳第四

殷有震主之勢,頗憂之。 請量給甲仗,以備非常。」太祖難之。 太祖乃力疾坐於滋德殿,殷入起居,卽命執之,尋降制流竄,及出 時中外以太祖嬰疾,步履稍難,多不視朝, 俯逼郊禋,

都城、遽殺之、衆情乃安。

上馬 揮使,不出候謁行,仁誨誅之,遷其家屬於登州。 失鐙,翻墮于地,人訝其不祥,果及於禍。太祖尋令澶帥鄭仁誨赴鄴,殷次子爲衙內指 是歲春末,鄴城寺鐘懸絕而落至,又火光出幡竿之上。殿之入覲也,都人餞於雜亭, 永樂大典卷六千八百五十一。

其行。 泰中, 吳有李神劍,獨有陳神劍,皆見九國志。 據有鎭陽。 使 拒 進 少從軍 入 戰於內,後明宗 拜左驍衞大將軍。 何福進,字善長,太原人。父神劍,神劍,原本作「伸劍」,册府元龜作神劍。 自彰聖都虞侯率本軍從范延光平鄴,以功歷鄭、隴二州防禦使。 行 次鎭州,聞戎王已斃,其黨尙據鎭陽,遂與李筠、白再榮之儔合謀力戰,盡逐契丹, ,以聽勇聞。 時漢祖已建號於河東,詔以福進爲北面行營馬步都虞候, 知而嘉之,擢爲捧聖軍校,出爲慈州刺史云,充北 唐同光末,郭從謙以兵圍莊宗於大內,福進時爲宿衞軍校,獨出死力 屬契丹陷中原,令中朝文武臣僚凡數十人隨帳北歸行,時福進預 此處當以「神」字爲是,今改正。(影庫本粘籤)累贈左聽衞大將軍。 面行營先鋒都校。 考五代時多有名神劍者,如 開運中,由 尋拜曹州防禦使、檢 潁州團

節度使, 天 平 校太保。 軍 節度使, 不數月,移 太祖 出鎮 加 領鎭州 同 於鄴,將謀北伐, 平章事。 數年之間,北鄙 未及之任,卒於東京之私第,年六十有六,時顯德元年正月 奏以福進自隨。 無 事 及聞太祖將有事 及太祖入平內難,以輔佐功拜忠武 於南郊, 拜章入覲, 改 軍

子繼筠,仕皇朝,領建武軍節度使卒。 永樂大典卷一萬八千一百三十二。 也。

累贈

中書令

以忤於權臣,出爲汝州小校, 麾下,兩河之戰,無不預 劉 詞,字好謙,元城 焉。 人。 凡留滯十餘年。 同光 梁貞明中,事 初,爲効節 故鄴帥楊師厚,以勇悍聞。 軍 清泰初,韶諸道選驍果以 ·使,轉劍直指揮使, 案:歐陽史作長劍指揮 唐莊宗 實禁衞,繇是得 入魏, 亦列 使。 入 典 於 尋

尋命 |城 (a) 或問之,詞曰:「我以勇敢而登貴仕,不可一日而忘本也。 安 陸 詞 晉 敗淮 初, 兼行營都虞候,襄陽 及圍鎭陽,詞自登雲梯,身先士伍,以功 賊萬餘 從侯益收汜水關, 晉祖嘉之, 平 遷本 佐楊光遠平 授奉 州 圑 一國都 練 鄴都, 使。 被, 累 加 在 累遷奉 郡 檢 加加 歲餘,臨 檢 校 司 校 徒、 國第一 若信其温飽,則筋力有怠,將來何 司 空。 事 沁州 之眼, 又從杜 軍都虞候。 刺 史。 必被甲枕戈而 重威敗安重榮於宗 **式** 王 後從 師 方討 馬 全節 臥, ?襄陽, 伐

以報國也」

移鎭邢臺。太祖受命,加同平章事。三年秋,改鎭河陽。 唯詞神氣自若,令於軍中曰:「此小盜耳,不足驚也。」遂冤胄橫戈,叱短兵以擊之,賊衆大敗 初,李守貞叛於河中,太祖征之,朝廷以爲侍衞步軍都指揮使,遙領寧江軍節度使,充行營 而退。自是守貞喪膽,不復有奔突之意。河中平,太祖嘉之,表其功爲華州節度使,歲餘, 馬步都虞候,命分屯於河西。二年正月,守貞遣敢死之士數千,夜入其營,皆怖懼不知所爲, 及漢有天下,復爲奉國右廂都校,遙領閬州防禦使。從太祖平鄴,加檢校太保。 乾祜

勇自負。 據薛史則詞以兼侍中贈中書令,非贈侍中也,疑歐陽史誤。 使,加兼侍中,行京兆尹。二年多,以疾卒于鎭,年六十有五。贈中書令,案:歐陽史作贈侍中。 正。(影庫本粘籤)遇樊愛能等自北退迴,且言官軍已敗,止詞不行,詞不聽,疾驅而北。世宗聞 嘉之,尋命爲隨駕都部署,又授河東道行營副部署。其年夏,車駕還京,授永興軍節度 子延欽,仕皇朝爲控鶴廂主。 顯德初,世宗親征劉崇,詞奉命領所部兵隨駕,行及高平南, 洎領藩鎭,能靖恭爲治,無苛政以撓民,諡以忠惠,議者韙之。 泳樂大典卷九千九十九。 諡日忠惠。 詞發身軍校,亟歷戎事,常以忠 高平,原本作「高中」,今從通鑑改

符彦 相州 從 卒於任。 達 齎 人,時漢 太祖 於闕 變 ,原本作「桐州」,今從通鑑改正。(影庫本粘籤) 狀 超 E 爲 下, 淮 入平內難,以 聞 旭 於朝 河朔 贈檢校太師。 總侍 自并至汴,不六七日復 巡 州 ?郡守, 廷, 良鄉 篇 親 明宗賞其捷足,詔隸 以略 功遷 軍,知其 人。 泳樂大典卷六千三百二十。 少落 虎 誘置之左右。 捷 (驍果) 右 魄,不事 廂 焉, 擢 都 指 爲 繇是恩撫頗厚。 ,生業,爲人勇悍,走及奔馬, 爲政 揮使, 於軍 長興 馬前親校。 之道,頓減於前,議者惜之。 中。 初,彥超鎭安州,屬部曲王希全搆亂 歷汝 洎契丹內寇, 戰於膠口, |鄭 漢祖 防禦使,亦有政聲。俄授相州 繼 鎭 任 河東, 戎 職, 或邊上警急, 累遷 嘗聚黨爲盜, 至 奉國 顯 進獨 德 軍 元年秋,以疾 令進齎封章 追擒六十七 一都指 封境患之。 軍州,令進 節 度使, 揮

|丹入 之寇潞州也,車駕親征,以彥超爲先鋒都指揮使。高平之戰,先登陷陣,以功授華州節 賊鋒 遁。 軍 從 太祖 寇,攻圍 史 彦 攻 或 初 嘉其善守之功,賞賜甚 超 日 雲州 與 州 急, 虎 城月餘,是時 人也。 禦捍有 捷 都指 備 揮 性 ";軍 聽 使 本州 何徴 ·獲,有膽氣,累功至龍捷都指揮使。 政 厚。 甚 無 成晉州 嚴, 帥 未 幾, 居 知 州 人 授 、無擾。 案歐陽 王 龍 萬 } > > > > と と : 捷右 敢 不協 及 彦超遷 廂都 朝 物 廷 指 虎捷都 情, 遣 揮使, 樞 彦超 密使 指 揮使。與 太祖 尋授鄭州 與何徵 王峻總兵 之赴 (薛史異。 協力固 內難, 彥超以 防 爲 禦使。 會 援,寇戎 劉 拒 崇 腹使, 累 與契 宵 桦

先鋒 賊所陷。 將 屯忻州以拒之。 如故。 世宗痛惜久之,詔贈太師,示加等也,仍命優卹其家焉。永樂大典卷一萬一百八十三。 大軍至河東城下,契丹營於忻、代之間,遙應賊勢,詔天雄軍節度使符彥卿率諸 彦卿襲契丹於忻口。 彥超以先鋒軍追蕃寇,離大軍稍遠,賊兵伏發,爲

常諭 聲。 |懿,避宋太祖御名,故去「匡」字。 薛史成于開寶六年,不應豫稱爲太祖,或係宋人讀是書者附注于後,遂混入正文也。〈舊 初, 唯懿堅壁拒命,仍送款於漢祖。 以其弟翰尚晉國長公主,故尤所注意。 卒,懿時年甫弱冠,莊宗以其父歿於王事,召拜昭德軍使,俄遷先鋒左右廂都校, 五代史考異) 一鎭節 廷璋圖徑帥史懿,廷璋屏左右,示以詔書,懿受代入朝,遂免禍。(舊五代史考異)途經洛,卒于其第,年六十 加檢校太師、兼侍中,進封邠 贈中 天成中,爲涿州刺史。 史懿,字繼美,代郡人也。 度使。 書令。 考建瑭,事唐莊宗爲先鋒都校,唐書有傳。 三年,移鎭涇原。 泳樂大典卷一萬一百八十三。 晉初,由趙州刺史遷洺州團練使,尋歷亳、鳳二州防禦使。 本名犯太祖廟諱,故改焉。 國公。 漢有天下,就拜檢校太尉、同平章事,及賜功臣名號。 未幾,契丹入中原,時四方征鎭爲戎王所召者, 顯德元年春, 天福中,授彰武 以抱病歸朝, 莊宗之伐鎭陽,時建瑭爲流矢所中而 軍節度觀察留後。 案「本名」二句,疑爲後人竄入。 案東都事略楊廷璋傳:周太祖 開運 初,歷澶、貝 靡不麖至, 俾嗣其家 考懿名匡 廣順 晉

檢校 初隸 營馬 節度 神武 六十有二。 契丹來寇,時令温奉韶入朝, 敵所迫,令温乃以所乘馬授明宗,而自力戰,飛矢連發, 3太尉、同平章事 使。 彰聖都校。 唐莊宗麾下,稍遷廳直 軍都指 王令温,字順之,瀛州河間人也。 未幾,移鎭 韶贈侍中。 揮使,與都帥杜重威敗賊於宗城, 晉初,自淄 0 延州,又遷靈武。 世宗嗣位,遷鎭安軍節度使,罷鎭歸闕。 永樂大典卷一 軍校。 州刺史遷洺州團 契丹遂陷貝州, 明宗之爲統帥, 萬八千一百三十三。 父迪, 漢有天下,復爲永淸軍節度使, |練使。 **徳州刺史**, 其家屬因沒於契丹。 以功授亳州防禦使, 嘗與 及安重榮稱兵於鎭州,晉祖以令温爲 敵兵爲之稍却。 契丹戰於上谷。 累贈太子太師。 顯德三年夏,以疾卒,時年 尋拜永淸軍節 晉少帝憫之, 尋改安州 明宗臨陣馬逸,爲 及明宗即 令温 少以武 授武勝 度使。 位,歷 國 初, 人勇稱, 遷 軍 屬 加

揮使。 保大軍節度使、檢校太傅。 陽,密皆從征 周 "密,字德峯, 晉天福初,除冀州刺史,累官至檢校司徒, 有功。 應州神武川人也。 莊宗平梁, 屬部民作亂,密討平之,尋移鎭晉州,加檢校太尉。 授鎭州 馬軍 初事後唐武皇爲軍職。 一都指 揮 入爲右羽林統軍、檢校 使。 明宗卽位, 莊宗之平常山, 累遷河東馬 太保 步軍 明宗之襲汝 開運中, 几 年 副 秋, 都 授

周書十五 列傳第四

隨漢 拜右 據 東 城 祖 龍武統軍。 九權據 歸汴,久居於闕下。 西城,相拒久之。 三年秋,出鎭延州。 廣順 初,授太子太師致仕。 會漢高祖建義於太原, 遣使安撫, 密 其年多,契丹陷中原,延州軍亂, 顯德元年春卒,時年七十五 立高允權爲帥, 乃棄其城奔於太原, 時密

長子銳,仕皇朝爲內職。 次子廣,歷諸衞大將軍。 泳樂大典卷一萬八千一百三十三。

位,入爲右羽 通鑑改正。(影庫本粘籤) 天成中,歷陝府、許州 贈太子太師。 重 李 ,懷忠,字光孝,太原晉陽人。 晉祖受命,以懷忠故人,召典禁兵, 夾城之役,懷忠率先登城,以功補 林統軍,改左 泳樂大典卷一萬三百九十。 遙領 滄州 壽州節度使、檢校太保。 武 都指揮使,遙領 衞 上將軍 父海,本府軍校。 廣順中, 本軍副 三遷護聖左右廂都指 辰州 刺 兵馬 以太子太傅致仕。 未幾, 史。 使。 懷忠形質魁壯, 清泰 爲同州節度使、檢校太傅。 莊宗平定山東, 初,以 揮使, 河西 三年夏卒,年六十六。 初事 著部· 護聖,原本作「祜聖」,今從 唐莊宗, 寇鈔 累遷保衞軍使。 ,命懷忠屯 少帝嗣 隸于保

遼州 刺史。 白文珂,字德温,太原人也。 文珂 初 事 後 唐 武皇, 補河東牙將,改遼州副使。 案: 洛陽縉紳舊聞記作河東遼州人。(舊五代史考異) 莊宗嗣位, 轉振武都指揮使。 曾祖 辯。父君成,

府參謁 檢校 宗卽位,封晉 仕。 德之。 乃命 也。 使、 表爲 天成 已奏乞除 魏 府 西 中令長子曰 中,鎭 太師 太祖 副 都 案洛陽縉紳舊聞記:中令以 (舊五代史考異) . . . 南 留守、 指揮 漢祖 一人北京副 面 西 州 招 見之,覩 會河 使,歷瀛 征 廷誨,時爲衙內指揮使,每日以事于郡政,漢祖聞之,怒其失教,遂奏之,罷郡。 節 國 討 檢校太保。 公。 使、 度使王建立表為本州馬步軍都指揮使, 留守,未報,漢祖 中 河中 其儀貌敦厚,舉止閒雅,訪以時事,對答有條,漢祖由是大喜,屢開筵宴,命賓客盡歡而罷。 文珂授 李守貞 檢校 一款、蔚、 顯德 丰, 太 忻代代 案洛陽縉紳舊聞記: 元 西京留守、 年老堅請不已,遂許之,賜 级, 案洛陽縉糾 傅。 年, 因奏公乞就除副留守,朝廷可之。(舊五代史考異) 卒於 詔 漢祖 四 充 一州刺史。 舊聞記:中令 河 定兩京,改天平軍節 河南 西京,年 中府 尹 白中令文珂在代州日, 行營都部署。 領代州 七十九。 肩輿鳩 在北京日,素與周 太祖 踐 日,兼蕃漢馬步都部署。 杖,命 阼, 輟 字臣 遙授舒州刺史、檢校司 度使, 視 加 時文珂已老, 値漢祖 朝 祖 備 兼 親洽,屢召中令諮詢戎事,三叛平, 祖筵于板橋 中書令, 加同平章事 日 授北京留守, 漢 ,餞之。(舊五代史考異) 頃之, 國 朝議 白以屬郡路由幷州,遂 初 建, 河東節度使, 漢高祖 恐非守貞 未 以太子 空, 幾,鎭 授河中節度 歴 青州 鎭 太師 之敵 陝州 料門, 時漢祖 代屬郡 周 致 祖 詣

白 [延遇,字希望,太原人也。 幼畜於晉之公宮,年十三,從晉祖伐蜀, 以趫悍見稱。 子

延誨,

仕皇朝,歷諸衞將

軍卒。

永樂大典卷二萬二千二百十六

有 于宗城,延遇率其屬先犯之,斬級數十,戰旣酣,而劍亦折,諸將由是推伏。 中使以 丽 天下,歷典禁軍,累遷至檢校司空。 來,晉祖命杜重威統諸將以禦之。 寶劍良馬賜之。 當山平,以功授檢校司徒,充馬軍左廂都校。 時延遇不預其行,乃泣告晉祖,願以身先,許之。 天福中,晉祖在鄴, 安重榮叛於鎭州, 後出爲汾州刺史, 晉祖聞之,卽命 帥衆數萬詣闕 及陣 遷

復州防禦使。

州 使,未赴任,復命帥衆南征。 從通鑑改正。(影庫本粘籤) 政 三年春 **《碑以**頌 防禦使。 或 1,帥其所部與韓令坤先入揚州,軍聲甚振,尋命以別部屯於盛唐, 初,加檢校太保,尋受代歸闕。 以其美。 歲餘,改兗州防禦使。 顯德二年多,世宗命宰臣李穀爲淮南道 前後敗淮賊萬餘衆。 是年多,以疾卒於濠州城下。 在兗二年,爲政有聞,人甚安之,州民數百詣闕,乞立德 屬太祖親征克海,以延遇爲先鋒都校,兗州平,授齊 四年夏, 世宗迴自壽春, 軍都部署,乃詔延遇爲先鋒都校。 詔贈太尉。 制以延遇爲同州 永樂大典卷二萬二千二百 盛唐,原本作「成康」,今 節度

魏王 繼岌帥 唐景思,秦州 師伐蜀,時景思以所部戍於固鎮,首以其城降於繼岌,乃授興州刺 人也。 幼以屠狗爲業,善角觝戲。 初事僞蜀爲軍校。 唐同光中, 史,爲貝州行 莊宗命

軍 馬。 屬 契丹攻其城,因陷於幕庭,趙延壽素知其名,令隸於帳下,署爲所部壕砦使。

力以 拒之。 開運末,契丹據中原,以景思爲亳州防禦使。 後數日城陷,景思挺身而出,使人告於鄰郡,得援軍數百,逐其草寇,復有其城, 領事之日,會草寇數萬攻圍其城,景思悉

亳民賴是以濟。

有僕 乃見史弘肇曰:「唐景思赤心爲國,某服事三十年,孝於父母,義於朋友, 釋之,引告者面證景思,言受准南路,景思曰:「我從人家人並在此,若有十緡貯積, 也,見便殺之,不然則無及矣。」收騎至,景思迎接。 貯器械,欲為 乃寬之。 屢挫 推賊。 「寃哉! 以夫,希· 某請先下獄,願公追劾景思,冤至冤横。」弘肇愍之,令在獄,日與酒食。 漢 言我貯甲仗,除官賜外,有一事亦是私貯。」使者搜索其家,唯衣一 初,改授鄧州行軍司馬,常鬱鬱不得志,後受代歸闕。乾祐中,命景思爲沿准巡檢使, 景思何罪? 設若有罪,死亦非晚,何不容披雪? 公等皆丈夫,安忍如此!」 景思曰:「使但城繫送我入京。」先是,景思別有紀綱王知權者,在京,聞景思被誣, 求無厭,雖委曲待之,不滿其心,一 時史弘肇淫刑黷貨,多織羅南北富商殺之,奪其財, 內應。 弘肇即令親吏殿三十騎往收之,告者謂收吏曰:「景思多力,十夫之敵 日拂衣而去,見弘肇,言景思受淮南厚路,私 有欲擒之者,景思以兩手抱之,大呼曰: 大開告密之門。. 笥, 被此 軍籍 景思既桎梏就 誣罔, 糧簿而 景思部下 亦是受 何以 都將命 伸

路,願、亳之人隨至京師,衆保證之。弘肇乃令鞫告事者,具伏誣陷,卽斬之,遂奏釋景思。

永樂大典卷六千三百七十一。 正。(影庫本粘籤)四年冬,因力戰,爲賊鋒所傷,數日而卒。 命遙領饒州刺史。 數千人,署爲効順指揮,命景思董之,使于准上。三年春,世宗親征淮甸,景思繼有戰功,乃 踴數四,且曰:「顧賜臣堅甲一聯,以觀臣之効用。」世宗由是知其名,因以高平陣所得降軍 顯德初,河東劉崇帥衆來寇,世宗親總六師以禦之。及陣於高平,景思於世宗馬前距 未幾,改授濠州行刺史,令帥衆攻圍濠州。 世宗甚憫之,詔贈武淸軍節度使。 濠州, 原本作「灝州」,今從通鑑改

翰,諒亦宜然。 明哲之規,周太祖乃雄猜之主,欲無及禍,其可得乎!自福進而下, 史臣曰:自古爲人臣者,望重則必危,功崇則難保,自非賢者,疇能觅之,況王鄴帥昧 唯彥超以捍寇而沒,可不謂忠乎!泳樂大典卷六千三百七十一。 皆將帥之英也,擁旌作

校勘記

華州 馬 步軍副指揮使 「指揮」二字原無,據大典(膠卷)卷六八五 補。

 \exists 過從 皆先禀於母 「過」原作「違」,據大典(膠卷)卷六八五一、冊府卷七五 一六改。

周書十五 校勘記

- 凡河北征鎮有戍兵處 「戌」原作「戎」,據大典(膠卷)卷六八五一改。
- (四) 二年夏太祖征兗還 「二年」原作「三年」,據大典(膠卷)卷六八五一改。 按本書卷一一一太祖

紀及通鑑卷二九〇,周太祖征院在廣順二年五月,六月還大梁。

- (至) 承誨往鄴 「鄴」原作「謁」,據大典(膠卷)卷六八五一改。
- **鄴城寺鐘懸絕而落** 「寺」下原重出「寺」字,據大典(膠卷)卷六八五一、冊府卷九五一冊。
- (七) 不出候謁 「出」字原無,據大典(膠卷)卷六八五一、冊府卷九五一補。
- (宋) 慈州 彭本同,殿本、劉本作磁州。

删。

(九) 令中朝文武臣僚凡數十人隨帳北歸 「令」原作「契丹」,「隨帳北歸」上原有「令」字,據殿本改、

8 宗城 原作「京城」,據殿本、劉本、彭校及本卷下文王令温傳、白延遇傳、冊府卷三八七改。

舊五代史卷一百二十五

周書十六

列傳第五

功遷 馬直軍使。 趙暉,字重光,澶州人也。 同光中,從魏王破濁,命暉分統所部,南戍蠻陬。 弱冠以驍果應募,始隸於莊宗帳前,與大梁兵經百餘戰,以 明宗即位,徵還,授禁軍

指揮使。

保義留後。 <u>侯章戮力叶謀,逐契丹所命官屬,據有陝州,即時馳騎聞於漢祖。</u> 末,以部兵屯於陝,屬契丹入汴,慨然有憤激之意。 晉有天下,參掌衞兵,從馬全節圍安陸,佐杜重威戰宗城,皆有功,改奉國指揮使。開運 暉斬契丹使者,焚其韶,遣支使河間趙矩奉表晉陽。 較難史爲詳。 及聞漢祖 漢祖乃命暉爲保義軍節度、陝 建義於幷門,乃與部將王晏、 案通鑑:契丹主賜趙暉韶,即以爲

虢等州觀察處置等使。

周

書十六

列傳第五

侍中。 命暉爲 旋 援,暉設伏而待, **詐令諸軍聲言川** 爲投,又引蜀 挑戰,賊終不出,乃潛使千餘人,於城南 加加 檢校 漢祖 西南 之幸 太尉。 面行營都部署,統兵以討之。 軍出自大散關,勢不可遏。 東京,路出于陝,暉戎服朝于路左,手控六飛達于行宮,君臣之義,如舊結焉 乾祐 軍至 鼓而盡殪之。 矣。 初,移鎭鳳翔,加同平章事。 須臾, 西南塵起,城中以爲信, 自是景崇膽破,不復敢出。 一舍之外,擐甲執兵, 暉領兵數千,數戰而勝,然後塹而圍之。 時李守貞叛於蒲,趙思綰據于雍,與景崇皆遞相 屬王景崇叛據岐山,及期不受代,朝廷即 乃令數千人潰圍 明年春,拔之,加檢校太保、兼 偽爲 蜀兵旗幟, 而 出 循 南山 暉屢使人 以爲應 而下,

·歸闕, 永樂大典卷一萬六千九百九十 國 初, 就加棄中書令。 以疾告老, 授太子太師致仕, 三年春,拜章請覲, 進封秦國公。 韶從之, 尋卒于其第, 年六十七。 入朝授歸德軍節度使。 顯德 制贈尚書 元年,

內職 路州節度使張從恩懼契丹之盛,將朝于戎王,以守恩婚家,甚倚信之,乃移牒守恩,請權爲 ,遷懷、衞二州刺 王守恩,字保信,太原人。父建立,潞州節度使,封韓王,晉書有傳。 史,後歷諸衞 將軍 開運末,契丹陷中原, 守恩時因假告歸於潞 守恩以門蔭,幼爲

留後。 (異 乎?」萬超對曰:「殺契丹使以推守恩,蓋爲社稷計耳,今若賊害于人,自取其利,非宿心也。」 宏肇大奇之。(舊五代史考 以聞 其城,非止逃生,亦足建勳業,汝曹能乎?」衆皆躍然喜曰:「敢不惟命。」遂率所部大譟入府署,殺其使,推守恩爲帥,列狀 後〔三〕,牒守恩權巡檢使,與高防佐之。 巡檢使。 節度使。 以後事遁去。 漢祖從其請,乃命史宏肇統兵,先渡河至潞,見萬超,語之曰:「收復此州, 守恩殺契丹使者、舉鎮來降。宋史李萬超傳云:張從恩將棄城歸契丹,會前聽衞將軍三守恩服喪私第, 即以守恩爲昭義軍節度使。 時趙思綰已據長安,思綰,原本作「田綰」,今從通鑑改正。(影庫本粘籤)乃改授西京留守。 從恩旣去,守恩以潞城歸於漢祖,仍盡取從恩之家財。 及契丹使至,專領郡務,守恩遂無所預,萬超奮然謂其部下曰:「我輩垂餌虎口,苟延旦夕之命,今欲殺使保 高防與守恩謀,遣指揮使李萬超白畫率衆大躁〔三〕,斬趙行遷,推守恩權知昭義 漢有天下,移鎭邪寧,加同平章事。 公之力也, 案通鑑云:從恩以副使趙行遷知留 吾欲殺守恩, 乾祐初,遷永興軍 以公爲帥, 從恩卽委 可

迴自 召羣臣上殿以諭之,時守恩越班而颺言曰:「陛下今日始睡覺矣。」其出言鄙俚如此。 嘗有豪士,爲二姓之會,守恩乃與伶人數輩夜造, 其第,徵其舊物,守恩一一償之。 河中,駐軍於洛陽,韶以白文珂代之,守恩甚懼。 守恩性貪鄙,委任羣小,以掊斂爲務,雖病廢殘癃者,亦不免其稅率,人甚苦之。 及赴闕,止奉朝請而已。 ,自爲賀客,因獲白金數笏而退(E)。 而洛人有曾爲守恩非理割剝者,皆就 乾祐末, 既殺史弘肇等, 漢少帝

國初,授左衞上將軍。 顯德初,改右金吾衞上將軍,封許國公。二年冬,舁疾歸洛而

+

卒。 財爲之一空。 丽 守,汝宜 以方浴。 由京洛。 歸,但見家屬數百口皆被逐于通衢中,百姓莫不聚觀。 永樂大典卷六千八百 **亟去代之。」文珂不敢違,於是卽** 守恩不 時王守恩爲留守,以使相自專,乘檐子迎高祖於郊外。 朝廷悚然,不甚爲理 知 戏其怒, 但安坐俟久。 五十一。 時禮上。 時白文珂在高祖麾下, 五代史補: 頃之,吏馳去報守恩曰:「白侍中受樞密命,爲留守訖。」留守大驚, 周高祖爲樞密、鳳翔、永興、河中三鎭反, 其亦有乘便號叫索取貸錢物者。高祖使吏籍其數,立命償之,家 召而謂曰::「王守恩乘檐子俟吾, 高祖遙見大怒,且疾驅入於公館。 高祖 誠 久之,始令人傳 無禮 帶 職 也, 出討之, 安可 迴戈路 久 旨, 奔 爲 馬 留 托

中,歷 之, 於鄴, 變, 仕, 之要,密邇邛、蜀,兵少勢孤, 正。(影庫本粘籤) 諸鎭 軍城遂寧。 年九十餘卒。 孔 唐、復、 遷宿州 知濬,字秀川,徐州滕縣人。太子太師致仕勍之猶子也。 多殺監 、成三郡 惠 時莊宗用唐朝故事,以黃門爲監軍,皆恃恩暴横,節將不能制。 軍。 明宗嘉之,洎勍罷鎭,以知濬爲澤州刺史,入爲左驍衞大將軍。 練使,俄改 知濬仕梁爲天興軍使。 刺史。 時監踏者懼誅,欲誘鎭兵謀變,知濬伏甲於室,凌晨監軍來謁,執而殺 、隴州 晉高 知濬撫士得宜, 防禦使。 祖卽位,用爲 開運中,移刺鳳州,累官至檢校太傅。 同光末,勍鎮昭義, 人皆盡力,故西疆無牧圉之失。 奉國右廂都指揮使,領舒州 昭義, 父延緘, 左武衞大將軍致 原本作「侶義」,今從通鑑改 刺史,從征范延光 契丹主稱制, 河池 明宗鄴城之 長興、清泰 據關防

署 滑州節度使。 漢祖受命,自鎭入朝。 永樂大典卷一萬八千一百三十三。 隱帝嗣位,授密州防禦使,踰歲,以疾受代歸朝。 廣

順三年多,卒於京師。

京師。 繼弘 就 必 至 與指揮使獎暉等共殺唐英,繼弘自稱留後, 略 節度使。 原,繼弘 性負氣不遜,禁中與同列忿爭,出配義州軍。 本 一德清 軍 切言之,繼弘以爲輕己。 無猜忌。 加檢校太尉。 ,時明宗作鎭,致之麾下。 曰:「吾儕小人也,若不因利乘便,以求富貴,畢世以來,未可得志也。」及漢祖征杜重威 王 |繼弘,冀州|南宮人。少嘗爲盜,攻剽閭里,爲吏所拘,械繫於鎭州獄,會赦免死,配隸 軍,繼弘來朝,乃正授節旄。 詔 時爲奉國指揮使云、從契丹主至相州、遂令以本軍戍守。 贈 唐英善待繼弘,每候其第,則升堂拜繼弘之母,贈遺甚厚,倚若親戚,又給以兵仗, 侍中。 會契丹主死,漢祖趨洛,唐英遣使歸款,漢祖大悅,將厚待唐英。 廣順 初,加同平章事。 乾祐中,因 晉高祖爲明宗將,署爲帳中小校。 天福中,爲六宅副使(至)。 是歲,就加檢校太傅。 事 三年六月玉,移鎭河陽, 誣奏殺之,尋又害觀察推官張制。漢末,移鎭貝州, 令判官張易奉表于漢祖。 歲餘,召復內職,遷領禁軍。 節度判官張易, 會永壽節入觀,遇疾卒於 契丹主留高唐英爲相州 人或責以見利忘義, 每見繼弘不法, 開運末,虜犯中 使未迴,繼弘

子永昌 ,仕皇朝,歷內諸司使。 永樂大典卷六千八百五十一。

乾渠爲治所。 授夔州刺史。 下。 魏,以銀槍劾節爲親軍,與梁人對壘河上,暉以犒給稍薄,因竄入南軍,梁將王彥章置之壓 職安置。 莊宗平河南,暉首罪,赦之。從明宗征路州,誅楊立有功。 馮暉,魏州人也。 時荆州高季興叛,以兵攻其城,暉拒之,屢敗荆軍。 會兩川叛,蜀人來侵,暉以衆寡不敵,奔歸鳳翔,朝廷怒其失守,詔於同州衙 始爲効節軍士,拳勇騎射,行伍憚之。 初事楊師厚爲隊長,唐莊宗入 又從魏王繼岌伐蜀, 長興中, 為興州刺 蜀平, 史,以

爲官軍所敗,暉退歸鄴,爲延光城守。 殺守兵殆盡。 平,移鎭靈武 籤) 晉天福初,范延光據鄴叛,以暉爲馬步都將,孫銳爲監軍,自六明鎭渡河, 未幾,從晉高祖討蜀,蜀人守劍門,領部下兵踰越險阻,從他道出於劍門之左掩擊之, 會晉祖班師,朝廷以暉爲澶州刺史。 明年秋,暉因出戰而降,授滑州節度使、檢校太傅。鄴 澶州, 原本作「怛州」,今從歐陽史改正。(影庫本粘 將襲滑臺,

蕃部寇鈔,無復畏憚,朝廷以暉強暴之名,聞於遐徼,故以命之。及暉到鎭,大張宴席,酒殽 初,張希崇鎭靈州,以久在北蕃,頗究邊事,數年之間,侵盜 並息。 希崇卒, 未有主帥

精兵也,請以聽銳先薄西山,彼或少怯,當舉黃旗爲識。」暉善其謀,斬馘殆盡。(舊五代史考異) 市。 節度使馮暉討之。 者,暉至來謁,厚加待遇,仍爲治第, 豐備,羣夷告醉,爭陳獻賀,暉皆以錦綵酬之,蕃情大悅。 大懼,遺人致賂求成,雖許,及日中猶未決。暉曰:「奈何?」」元福曰:「彼正欲困我耳,察其勢,敵雖衆,特依西山而陣者,其 暉期年得馬五千匹,而蕃部歸心,朝議惠之。 朔方距威州七百里,地無水草,謂之「旱海」。攜糧至,暉食盡,詰朝行四十里,而敵騎數萬扼要路。 豐其服玩,因留之不令歸部。 案隆平集藥元福傳: 西戎三族攻靈州, 命元福佐朔方 党項拓拔彥昭者,州界部族之大 河西羊馬, 由是易爲交 暉

鎭邠州,即以節鉞授之。行未及邠,又除陝州,暉獻馬千匹、馳五百頭。 蕃部窺邊,非卿雄名,何以彈壓!比欲移卿內地,受代亦須奇才。」|暉得詔甚喜,又達情乞移 頗 步 預其數,乃上章自陳,且言未老可用,而制書見遺。 三年夏,病卒,年六十。 悔離 軍都指揮使,兼領河陽,即以王令温爲靈武節度使。暉旣典禁兵,兼領近鎭,爲朝廷黶留, 加 晉開運初,桑維翰輔政,欲圖大舉,以制北戎, 靈武。 革命,就加同平章事。 及馮玉、李彥韜用事,暉善奉之,未幾,復以暉爲朔方節度使, 追贈衞王。 隱帝嗣位,加兼侍中。 命將佐十五人,皆列藩之帥也。唯暉不 韶報云:「非制書忽忘,實以朔方重地, 國初,加中書令云,封陳留王。 在陝未幾,除侍衛 加檢校太師。

子繼業,朔方衙內都虞候(云)。 暉亡,三軍請知軍府事,因授檢校太保,充朔方兵馬留

皇朝乾德中,移於內地,今爲同州節度使。 泳樂大典卷一萬八千一百三十三。

權即萬金子也」以上,原本疑有脫文,今無別本可校,姑仍其舊。(影庫本粘籤) 生二子,長日萬興,次日萬金(10),梁、唐之間爲延州節度使,卒於鎭。 高允權,延州人。 祖懷遷, 案:原本作「懷遠」,今從歐陽史改正。(舊五代史考異) 雖出於將門,不閉武藝,起家爲 允權卽萬金子 本郡牙將。 也。 懷遷 九

義川主簿,歷膚施縣令,罷秩歸延州之第。

攻密, |穗宣撫河西,允權乃遣支使李彬奉表太原,周密棄東城而去。漢祖遣使就加<u>允</u>權檢校太傅, 未曙,允權方寢,亂軍排闥,請知留後事,遂居於西城,與密相拒數日。 |授旄鉞。|漢祖入|汴,允權屢修貢奉。 晉開運末,以周密爲延帥,延有東西二城,其中限以深澗。及契丹犯闕,一日,州 密固守東城。 亂兵旣無帥,亦無敢爲帥者,或曰:「取高家西宅郎君爲帥可也。」是夜 隱帝卽位,加檢校太尉、同平章事 河東遣供奉官陳光 兵亂

後輩,心輕之。允權恆忌其強,是歲多,盡殺景巖之家,收其家財萬計,以謀叛聞,朝廷不能 延州 祖 也, 允權與夏州李彝興不協,其年李守貞據河中叛,密構彝興爲援,及朝廷用兵夏州,軍逼 退老 **允權** ·於州之別墅。 景巖舊事 高氏爲牙校,亦嘗爲延帥,甚得民心。 上章論列,彝興亦紛然自訴,朝廷賜詔和解之。太子太師致仕劉景巖,允權妻之 景巖以允權婚家

周書十六 列傳第五

關西賊平,方面例覃恩命,就加允權檢校太師

察判 謀殺都指揮使及行 五百三十八。 注,唐有十六宅,五代或稱六宅使,今改正。(影庫本粘籤) 之,韶並釋之,仍令都送汝州安置。 官李彬以爲不可,當聽朝旨。 太祖 即位,加棄侍中。 軍副使,自據城池,已誅戮訖,其妻子及諸房骨肉,尋令捕繫次。」太祖聞 廣順三年春卒,其子紹基匿喪久之,又擅主軍政,欲邀承襲。 紹基與羣小等惡其異議,乃殺彬,給奏云:「彬結構內外, 後朝廷令六宅使張仁謙往巡檢,六宅,原本作「大宅」,考通鑑 紹基乃發喪以聞。 輟視朝兩日。 泳樂大典卷五千

以從阮 部屢爲 刺 史,累贈太子太師。 折從阮,字可久,本名從遠,避漢高祖舊名下一字,故改焉。 邊患,起從阮爲河東牙將,領府州副使。 洞習邊事,加檢校工部尚書,復授府州 從阮性温厚,弱冠居父喪,以孝聞。 刺 史。 同光中,授府州刺史。 唐莊宗 代家雲中,父嗣倫,爲麟州 初有河朔之地,以代北諸 長興初, 入朝,明宗

持詔 欲盡徙 諭 晉高 從阮 河西之民以實遼東, 祖 令出 起義,以契丹有援立之恩,路以雲中、河西之地,從阮由是以郡北屬。 師。 明年春,從阮率兵深入邊界,連拔十餘砦。 人心大擾, 從阮因保險拒之。 晉少帝嗣位, 開運初, 北 絕 加檢校太保,遷 邊 好,乃遣使 既而契丹

虞候

本州 副 [練使。 其年, 兼領朔州刺史、 安北都護、 振武軍節度使、 契丹西南 面行營馬步都

臣 練使,授從阮武勝軍 河 名號 五 鎭 漢 以 祖 乾祐 、 隸焉,授從阮光祿大夫、檢校太尉、永安軍節度、府勝等州觀察處置等使, 建號晉陽,引兵南下,從阮率衆歸之。 元年,加特進、檢校太師。 節 渡使。 明年春,從阮舉族入覲,朝廷命其子德扆爲 尋升府州爲永安軍(三),析振武之勝州并沿 府州 仍賜 重 功

就 四。 加 太祖 兼 制 贈 侍中,以年 中書令。 受命,加同 老上章請代,優詔 永樂大典卷一萬八千一百三十三。 平 章 事,尋移鎭滑州,又改陝州。 許之。 顯 德 二年冬,赴闕,行次 二年多, 授靜難軍節度使。世宗卽位 西京,以疾卒,時年六十

以 旭 功 以 加 饒 檢 福 饒,字受益,慶州華池人也公司。 爲 校 杒, 行 未幾,改本軍右廂都指揮使,領閬州團練使。 司 授控鶴 ?營步 空, 遷 軍 軍使, 都指 本 軍 揮使,賊平,授 都校,領 稍 遷 奉 國 連 州 軍 校, 刺 深州 父柔,以饒 史二言。 累 刺 加 史。 檢校尙書左僕射。 時 貴,累贈太尉。 安從 逾 年, 進 復 晉末,契丹據中原,漢祖建義于晉 叛于襄陽,晉祖 入爲奉 饒 六年, 國 沉毅有才幹,始事 都 校, 從杜 命高 加檢校 重 行 威 周 平常· 司 一个兵計 徒,領 晉高 Ш

一書十六 列傳第五

周

臣。 此多之。永樂大典卷六千八百五十一。 性寬厚,體貌詳雅,所蒞藩鎭,民皆便之。每接賓佐,必怡聲緩氣,恂恂如也,故士君子亦以 滿歲受代,入奉朝請。 賜爵開國侯,復移授鎭國軍節度使,加檢校太傅。 郡,乃與李筠、白再榮之儔承間竊發,盡逐其黨。 陽,尋克復諸夏,唯常山郡爲契丹所據。 顯德初,以郊丘禮畢,加檢校太尉,移鎭貝州。 顯德四年多,以疾卒於京東之私第八四,年五十九。追封巢國公。饒 常山,原本作「帶山」,今從通鑑改正。(影庫本粘籤)時饒在其 漢祖嘉之,授鄜州觀察留後,加光祿大夫, 國初,就加同平章事,賜推誠奉義翊戴功 世宗嗣位,加兼侍中,改彰德軍節度使。

事,以香火之教聚其徒,聲言屍不壞,因復以衣襟,瞻禮信奉,有同共生。一方諫即其宗人也, 嗣行其敎,率衆不食葷茹,其黨推之爲砦主。 里有狼山,山上有堡,邊人賴之以避剽掠之患,因中置佛舍。 孫方諫,鄭州淸苑縣人也白色。本名方簡,廣順初,以犯廟諱,故改焉。 有尼深意者,俗姓孫氏,主其 定州西北二百

| 諫爲邊界遊奕使,行友副之。自是捍禦侵軼 [云,多所殺獲,乘勝入||滿關,平庸城,破飛狐砦 [七],契丹頗畏之。 指揮使,且賜院額日勝福。 晉開運初,定帥表爲邊界遊奕使。 案朱史孫行友傳云:方諫懼主帥捕逐,乃表歸朝,因署爲東北面招收 每契丹軍來,必率其徒襲擊之,鎧仗畜產所得漸多,人益依以避難焉。 易定帥聞于朝,因以方 水請

代之,改方諫雲州節度使。 多端,因少不得志,潛通於契丹。 方諫恚憤,與其黨歸狼山,不受契丹命。 戎王之入中原也,以<u>方諫爲</u>定州節度使,尋以其將耶律忠

州刺史,弟兄掎角以居,寇每入,諸軍鎭閉壘坐視,一無所得。 衆迴保定州,上表請命,漢祖嘉之,即授以節鉞,累官至使相。 漢初,契丹隳定州城壘,燒爇廬舍,盡驅居民而北,中山爲之一空。 案宋史云:漢授行友易州刺史,行義泰 方諫自狼山率其部

行義。(舊五代史考異)爲德州刺史,兄弟子姪職內廷者凡數人。 令,未及赴任,以疾卒於洛陽,年六十二。 蹕於<u>拜門</u>,方諫自華覲於行在,從大駕南巡,以疾就醫於洛下。 | 友上言,偵得契丹離合,願得勁兵三千,乘間平定幽州。 太祖受命,加兼侍中。 未幾,改華州節度使。 輟視朝兩日, 詔贈太師。 乃移方諫鎭華州,以行友爲定州留後。又以弟議 朝廷以其弟行友爲定州留後,案宋史云"行 世宗嗣位,史彥超代之,車駕駐 尋授同州節度使,加兼中書 案:宋史作

鑑長編 節馳騎會鎭、趙之兵,偽稱巡邊,直入定州,行友不之覺。 表乞解官歸山,上不許,行友懼,乃繕治甲兵,將棄其帑, 京,遣焚於北郊,以行友爲諸衞大將軍,自是祇徒遂息焉。 其弟行友繼爲定州節度。 "建隆二年八月,義成節度使、同平章事孫行友,在鎭逾八年,而狼山妖尼深意黨益盛。 皇朝乾德中,以其祇妄惑衆,詔毀偃山佛寺,遷其尼朽骨赴 還據山寨以叛。 既而出詔示之,令舉族歸朝,行友倉皇聽命。 兵馬都監樂繼能密奏其事, 永樂大典卷三千五百六十一。 上初卽位,行友不自安,累 上遣閤門副使武懷 既至,命侍御史李 案 續 通

維岳卽訊得實。己酉,制削奪行友官爵,禁錮私第,取尼深意尸,焚之都城西北隅。 行友弟易州刺史方進,姪保塞軍使

全暉,皆詣闕待罪,韶釋之。(舊五代史考異)

永樂大典卷三千五百六十一。 民,夫何足貴!允權、方諫,因版蕩之世,竊屛翰之權,比夫畫雲臺之功臣,何相去之遠也。 同扶義舉,漢之興也,暉有力焉,命以作藩,斯無愧矣。 史臣曰:昔晉之季也,敵騎長驅,中原無主,漢祖雖思拯溺,未果圖南。 守恩乘時效順,雖有可觀,好利殘 趙暉首變陝郊,

校勘記

數千人潰圍而出 「人」字原無,據殿本、冊府卷三六七補。 影庫本批校云:「數千人潰園而出,

脫『人』字。」

3 趙行遷知留後 「知留後」原作「之留守」,據殿本、劉本、通鑑卷二八六改。

[三] 率衆大譟 「率」原作「卒」,據殿本、劉本改。

因獲白金數笏而退 「白金」原作「百」,據大典(膠卷)卷六八五一改。 劉本全句作「因獲金百數

笏而退」。

十六 校勘記

周

- (至) 六宅副 使 「宅」原作「軍」,據大典(膠卷)卷六八五一改。
- (*) 召復內職 ……繼宏時 十八字原無,據大典(膠卷)卷六八五一補。
- (七) 三年六月 原作「三月六日」,據大典(膠卷)卷六八五一改。
- [宋] 加中書令 「加」字原無、據殿本、劉本補。
- (4) 朔方衙內都虞侯 「衙」原作「衞」,據殿本、劉本改。
- 6 次日萬 金 四字原無,據殿本、劉本補。 影庫本批校云:「『長日萬興』句下有『次日萬金』四字。」
- 升府州爲永安軍 「州」字原無,據通鑑卷二八六注引薛史補。 按太平寰宇記卷三八府州條云:

漢祖 建號晉陽,引兵南下,從阮率衆歸之。 尋升府州爲永安軍,析振武之勝州幷沿河五鎮以隸

焉。

慶州華池人 「華池」原作「華地」, 據殿本、劉本、大典(膠卷)卷六八五一改。 按新唐書卷三七

地理志,慶州有華池縣。

음 連州刺 史 「連州」原作「運州」,據劉本、冊府卷三八七改。 殿本作「鄆州」。 按歐陽史卷六〇

方考,時無「運州」。

京東 劉本同、殿本作「東京」、大典(膠卷)卷六八五一作「京都

哥 鄭州淸苑縣人 「鄭州」原作「鄭州」,據殿本、劉本改。 按宋史卷二五三孫行友傳云: 孫行友

莫州淸處人。」莫州即鄭州,見舊唐書卷三九地理志。

CED 飛狐砦 こう 自是捍禦侵軼 原作「飛狐塞」,據宋史卷二五三孫行友傳改。劉本作「飛狐寨」。 「侵軼」二字原無,據宋史卷二五三孫行友傳補。

舊五代史卷一百二十六

周書十七

列傳第六

聞之曰:「我曾見杜黃裳司空寫眞圖,道之狀貌酷類焉,將來必副大用,玄豹之言不足信 教免。守光敗,遁歸太原,監軍使張承業辟爲本院巡官。承業重其文章履行,甚見待遇。時 也。」承業尋薦爲霸府從事,俄署太原掌書記,時莊宗倂有河北,文翰甚繁,一以委之。 有周玄豹者,善人倫鹽,與道不治,謂承業曰:「馮生無前程,公不可過用。」時河東記室盧質 署爲幽州掾。守光引兵伐中山,訪於僚屬,道常以利害箴之,守光怒,置於獄中,尋爲人所 衣食,負米奉親之外,唯以披誦吟諷爲事,雖大雪擁戶,凝塵滿席,湛如也。天祐中,劉守光 馮道,字可道, 瀛州景城人。 其先爲農爲儒,不恆其業。 道少純厚, 好學能文, 不恥惡

莊宗與梁軍夾河對壘,一日,郭崇韜以諸校件食數多,主者不辦,請少罷減。莊宗怒曰:

周

書

十七

列傳第

六

『孤爲効命者設食 之。(舊五代史秀異)遇歲儉,所得俸餘,悉賑于鄉里,道之所居,唯蓬茨而已,蓬茨,原本作「逢次」,今 道之解焉,人始重其膽量。 遽命道對面草詞,將示其衆。 而取之,會邊人有備,獲免。 從無府元龜改正。(影庫本粘籤)凡牧宰饋遺,斗栗匹帛,無所受焉。 書舍人、戶部侍郎。丁父憂,持服于景城。 動羣議,敵人若知,謂大王君臣之不和矣。幸熟而思之,則天下幸甚也。」 今大王屢集大功,方平南寇,崇韜所諫,未至過當,阻拒之則可,不可以向來之言,誼 都 不自由,其河北三鎮,令三軍別擇一人爲帥,孤請歸太原以避賢路。」 莊宗卽位鄴宮,除省郎,充翰林學士, 泳樂大典卷四百三。 道執筆久之,莊宗正色促焉,道徐起對曰:「道所掌筆硯,敢不 案談苑云: 道聞父喪,即徒步見星以行, 時契丹方盛,素聞道名, 自綠衣賜紫。 俄 家人從後持衣囊追及 而崇韜入謝,因 梁平, 遷中

宗曰:「此人朕素諳悉,是好宰相。」俄拜端明殿學士,端明之號,自道始也。 乃徐、順文體、非鄙朴之談,但家藏一本,人多賤之也。郡齋讀書志以冤園册爲虞世南所作。 唐末衣冠,履行浮躁者,必抑而置之。有工部侍郎任贊,因班退,與同列戲道於後日:「若急 郎、刑部尚書平章事。 行,必遺下発園册。」 明宗入洛,遽謂近臣安重誨曰:「先帝時馮道郎中何在?」重誨曰:「近除翰林學士。」明 案:北夢瑣言以任贊語爲劉岳語。 泳樂大典卷一萬七千九百三十。 凡孤寒上子,抱才業、素知識者,皆與引用, 又云:北中村墅多以兔園册教童蒙,以是畿之。 困學紀聞云:兔園册府三十 未幾,遷中書侍 然発園册

周書十七 列傳第六

文館 復定州 寫, 渾然,非流俗之體,舉朝 幾 里 朝宰臣 子,故用梁王兔園 卷, 純 本, 儉, 唐蔣王惲令僚佐杜嗣先仿應科目策, 自 故漸 大學 人多賤之。 中 耕 頃 朝 ,非真定也。」琪昧於地理,頓至折角。 李琪,每以文章自擅, 歐 樵 在 陽史 畏其高深, 士; 士子 採 德勝寨居 云:兔鼠策者,鄉校俚儒教田夫牧子之所誦也。 加尚書左僕射,封始平 困學紀聞云:兔園冊府三十卷,唐蔣王惲令僚佐杜嗣先倣應科目策,自設問對,引經史爲訓注。惲,太宗 名其書,馮道冤園策謂此也。(殿本) 與農 止看文場秀句,便爲舉業,皆竊取公卿, きき 由是 一茅庵,與從 服焉。 處,略不以 班行 曾進賀平中山王都表,云「復眞定之逆城」。道讓琪 蕭然, 道尤長於篇 自設問對, 人同器食,臥則 素貴 郡 無澆醨之態。 公。 介懷,眞士大夫也。」 引經史爲訓注。 道知之, 詠,秉筆則成,典麗之外,義 其後 日,道因上謁 北夢瑣言 為藥一 繼改門下侍郎 百僚上明宗徽號凡三章,道自爲之,其文 召贊謂曰:「兔園册皆名 惲, 何淺狹之甚耶 束,其心 云:發園策乃除、庾文體,非鄙朴之談, 太宗子, 既退, 永樂大典卷 故用梁王兔園名其書。(舊五 明宗 晏如 戶 部吏部尚書、 也。 顧 四百三。 慢 含古道,必爲遠 謂侍 大塊 及 儒 以 臣 所 父憂退 日 焉。 集, 集賢 下昨 馮道 道 復 近代史考 (歸鄉 但家藏 來收 殿 近 有 能 性 弘 傳 梁 諷

井陘 德承 天,天 之險,憂 成、 以有 長 馬 興 有 中,天下 年 表瑞二 蹶 失,不 屢稔? 更 敢怠于銜轡。 在 日 朝 愼 廷 無 日,以答天心。 事 及至平地,則無復持控,果爲馬所顚仆,幾至于損。 明宗 每御延英, 臣每 記 留道訪以 在 先 是霸 外事 府日 , 道 曾 日 奉 _ 使 中山, 陛下以

憶得近: 以道 Ž 政開 我 臣所 應。 下 學官田 ·, 每 願 佗 澹 爲 陝 道 君 自諷之。 [敏等,一 代 雖 流 王心,化作光明燭,不 日 山 一陵使, 有 文 小, त्ता 「此必醉耳 問 舉子聶夷中傷田家詩云:『二月賣新絲,五月糶秋穀,醫得眼下瘡,剜却心頭肉 取 無 可以喻 道 撓 禮 西京鄭覃所刊 道之發言簡正,善于裨益,非常人所能及也。 曰:「天下雖熟,百姓得濟否?」道曰:「穀貴餓農,穀賤傷農,此常理 畢,出鎭 日,有上介胡饒, 陛下勿以淸晏豐熟,便縱逸樂,兢兢業業, 因召入,開尊設食, 同 州, 照綺羅筵,偏照逃亡屋。」」 石 經、雕 同州, 爲印板,流布天下,後進賴之。 原本作「司川」, 本出 盡夕而 軍 · 吏, 今從通鑑改正。(影庫本粘籤)循故 性 起,無撓 明宗曰:「此詩甚好。」 愠之色。 時以諸經舛繆,與同 事 詬 道于牙門, 臣之望也。」明宗深然 未幾,入 明宗崩,唐末帝嗣位, 爲 遽命侍臣錄 左右 事 司 也。 . 列李愚委 數報! 也。 道爲 臣

行。 日:「此 北 人色變手戰,道 天子無迎宰相之禮。」因止焉,其名動殊俗也如此。 朝 晉祖 恩,臣受陛 及 晉 餞 宴 非 祖 一語語 取 卿 入洛,以道爲首相。 紙 以 不可。」道無難色。 下恩, 家國之故, 幅, 署云 何有 煩耆德遠 道去。」 茅 可 使 ! 卽遺寫勅 自自 二年,契丹遣使 晉祖 酌 案楊內翰談苑云 巵 又曰:「卿官崇德 酒賜之,泣下。 進,堂吏泣下。 加徽號 道與諸相歸中書,食訖 道遣人語言 及 行, 案談苑云: 於晉 重,不可深入沙 將達 妻子, 祖,晉祖 西樓, 契丹賜其臣牙笏及臘日賜牛頭者爲殊 不 復歸家, ,外廳堂吏前白道 契丹主 亦獻徽 漢。」 即日含都亭驛, 欲 號于 道 郊 迎, 契丹, 言 一、 其 北使事。吏 不 臣 數 日 北 下受 道

|丹感其意,乃遣歸,道三上表乞留,固遣乃去,猶更住館中月餘。 旣行,所至留駐,凡兩月方出境,左右語道曰:「當北 禮,道皆得之,作詩以紀云:「牛頭偏得賜,象笏更容持。」契丹主甚喜,遂潛諭留意,道曰:「南朝爲子,北朝爲父,兩朝皆爲 服门。四年二月,始至京師。及還,朝廷廢樞密使,依唐朝故事,並歸中書,其院印付道,事無巨 道不得已出焉。當時寵遇,無與爲比。 守歷代成規,不敢有一毫之失也。臣在明宗朝,曾以戎事問臣,臣亦以斯言答之。」晉祖頗 艱,創成大業,神武睿略,爲天下所知,討伐不庭,須從獨斷。臣本自書生,爲陛下在中書, 細,悉以歸之。尋加司徒、兼侍中,進封魯國公。晉祖曾以用兵事問道,道曰:「陛下歷試諸 生還,恨無羽翼,公獨宿留,何也?」道曰:「縱急還,彼以筋脚馬,一夕卽追及,亦何可脫,但徐緩卽不能測矣。」 臣,豈有分別哉!」道在契丹,凡得所賜,悉以市薪炭,徵其意,云:「北地苦寒,老年所不堪,當爲之備。」若將久留者。 可其說。道嘗上表求退,晉祖不之覽,先遣鄭王就省,謂曰:「卿來日不出,殷當親行請卿。」 土得 製

說。」客曰:「是非相半。」道曰:「凡人同者爲是,不同爲非,而非道者,十恐有九。 昔仲尼聖 曰:「道好平時宰相,無以濟其艱難,如禪僧不可呼鷹耳!」由是出道爲同州節度使。 人也,猶爲叔孫武叔所毁,況道之虛薄者乎!」然道之所持,始終不易。後有人間道於少帝 南陽,加中書令。 晉少帝卽位,加守太尉,進封燕國公。道嘗問朝中熟客曰:「道之在政事堂,人有何 歲餘,

麻答將 朝士 解里以 見有 乃爲 姓,佛再出救不得, 歸 契丹先留 各安其所。 生也,當奏事而已, 三月,隨 衆擇 契丹入 十人 中國 俄 時論 據常山。 以 而 契丹北 明日 赴 道 王 李筠等縱 諸 人或推其功,道曰:「儒臣何能爲,皆諸將之力也。」 木 女爲 將之勤宿者,以騎校白再榮權爲其帥, 者以 興李崧、和凝及文武官等在常山, 葉 與朝 宜擇諸將爲留後。」 道 時漢軍 道 Ш 契丹所俘者,出橐裝以贖之,皆寄於高 自襄、鄧召入,戎王 布 唯皇帝救得。」 與晉室公卿俱抵常山 火與契丹交關,鼓槊相及。 行 士 衣 齊遣之,崧乃不俟道,與凝先出, 事 憤激, 有至行,立 契丹麻杏召道 薛史不言推道為節度, 因共逐出解里, 其後 一公朝有 因從容問日:「天下百姓, 衣 等至帳所,欲論之,崧偶先至, 冠不至傷夷, 皆道與趙延壽陰護之所至也 重望,其陰報昭感, 俄 是歲閏七月二十九日, 而戎王卒,永康王代統其衆。 是 尋復其城。 與通鑑微異。(影庫本粘籤) 日若 軍民 齊至,與麻答相見,稍或躊躇, 由是帖然, 旣而 尼精舍,後相 道 相 多此 率同列,四出 · 通 鑑 如何可救? 遇於帳門之外, 類 道 云:衆推道為節度 首有 契丹有偽 次訪其家以 也 道以 知其旨、 力焉)德重, 接撫, 及北 道 詔 因與 使,道曰:「) 歸之。 追松, 懼 因事 去, 道 一、一、此 が所取 在常 形 留其族 則 分 於色。 從宜 是歲 令選 手 時 山 則 叉, 俱 百

判 漢祖 及 自常 在北京時,大聚甲兵,禁牛皮不得私貿易及民間盜用之,如有牛死,卽時官納其皮,其有犯者甚衆。 Ш 覲, 漢祖 嘉之, 拜守太師。 案洛陽縉紳舊 {聞 | 記 賵 大 ء 張公璨, 漢祖 即位 之初 及即大位,三 上黨 戎

司舉行 禁。 監以 之,日:「豈有州郡使敢非朝廷詔勅 皮, 當輔弼之任,使此勅枉害人性命,臣不能早奏,使陛下正,臣罪當誅。」稽首再拜。 曰:「中書自不能執理,若一一教外道判官執理,則焉用彼相乎!」(舊五代史考異) 祖久之曰:「已行之矣。」馮瀛王曰:「勅未下。」漢祖遽曰:「與赦之。」馮曰:「勒停可乎?」上曰:「可。」 由是改其勅, 曰:「主上欽明,三司不合如此起請,二十餘人死尙間可, 曰:「三司邦計,國法攸依,張璨體事未明,執理乖當,宜停見職,犯牛皮者貸命放之。」大監聽勅訖,聞勅 嚴禁可也, 非 陛下赤子枉死之,亦足爲陛下惜。 毀詔勅,亦死。」勅未下,獨瀛王非時請見。 請禁天下牛皮法,與河東時同,天下苦之。會上黨民犯牛皮者二十餘人,獄成,罪俱當死。大監時爲判官, 今爲天下君, 何少牛皮, !」力言於漢祖。漢祖亦怒曰:「昭義一 昭義判官,以吳位食陛下 立法至于此乎!」 漢祖出,瀛王曰:「陛下在河東時,斷牛皮可也, 使天下犯者皆獨冤而死乎!且主上在河東, 遂封奏之。 祿,居陛下官,不惜軀命, 判官,是何敢如此!其犯牛皮者,依勅俱死。 時三司使方用事, 又曰:「張璨不合加罪,望加勅赦之。」漢 乾祐中, 道奉朝請外, 平居 敢執而奏之, 執政之地, 今既有天下, 大聚甲兵, 云「執理乖當」,尙 可賞不 除 馮嬴王外皆惡 可殺。 牛皮不合 須藉 記其略 獨執 大 臣

自適。一日,著長樂老自敍云:

州與文武臣僚、馬步將士歸漢朝,事高祖皇帝、今上。 事莊宗、明宗、閔帝、淸泰帝,又事晉高祖皇帝、少帝。 祖宗,下光親戚。亡曾祖諱凑,累贈至太傅,亡曾祖母崔氏,追封梁國太夫人,亡祖諱 余世家宗族,本始平、長樂二郡,歷代之名實,具載於國史家牒。余先自燕亡歸晉, 顧以久切祿位,備歷艱危, 契丹據汴京,爲戎主所制, 自鎭 顯

烱 .書令,母張氏,追 至 太師,亡祖 封 魏 母豬氏,追封吳國太夫人, 亡父諱良建, 國太夫人。 秘書少監致仕, 累贈至

中書 侍郎 章事 授漢 邦致 邑自 使, 臣 事 明宗皇帝晉高祖皇帝 士、集賢殿大學士、太微宮使,再爲弘文館大學士,又充諸道鹽 同 、檢 名 三司。 又授武 太師 理功臣、安時處順守義崇靜功臣、崇仁保德寧邦翊聖 百百 余階自將仕 轉兵 檢校 校尚 經 守本官,又授司 職自 戶 邦 書祠 部 太師、兼侍中, 勝軍節度、鄧隨均房等州管內觀察處置等使。 至 爵 侍 經 自 巡 邦, 郞 部鄓中兼侍御史、檢校吏部鄓 萬 州 郎 開 、中書侍郎,再爲門下 原本作「翊邦」, 轉 節度巡官、 國 千 男 山陵使,再授定國軍 朝議郎、朝散 户, 徒、兼侍中,賜私門十六戟,又授太尉 至開國 又授檢校太師、兼中書令。 食實封自 河東 今從册府元龜改正。(影庫本粘籤) 公、魯國公, 節度巡官、掌書記,再爲翰林學士,改授端明殿 !大夫、銀青光祿大夫、金紫光祿大夫、特進、開府儀 百百 - 侍郎 一節度、 F 戶 至 再封 中 刑部吏部尚書、右僕射, · 銀御 一千八百 秦國 同州管內觀察處置等使,一 史中丞、檢校 正官自 公、梁國 工功臣 致 戶。 官自攝 理 行臺 、兼侍中, 鐵轉運使、南郊大禮使、 翊贊功臣至守正崇德保 公、燕國 勳自柱 幽府參軍 中書舍人, 太尉、同中書門下平 國至 公、齊國 又授戎太傅, 爲司空, 上柱 大試 再爲 爲長春宮 國 公。 大 理 兩 戶 食 叉 部 評 學 在 功

爲上相 里爲孝行里。 郎; 部金部職方員外郞、屯田郞中,第三亡子可,自祕書省正字授殿中丞、工部戶部員外 夫人。亡長子平,自祕書郎授右拾遺 工部度支員外郎; 罷改授朝散大夫、太僕丞。長女適故兵部崔侍郎諱衍子太僕少卿名絢,封萬年縣君, 六子正,自協律郎改授銀青光祿大夫、檢校國子祭酒兼御史中丞,充定國軍節度使,職 丞,充定國軍衙內都指揮使,職罷改授朝散大夫、左春坊太子司議郞,授太常丞;第 中台里改爲侍中里,時守太尉、兼侍中。 三女子早亡。 第四子幼亡,第五子義, 先娶故德州戶掾褚諱濆女,早亡,後娶故景州弓高縣孫明府諱師禮女,累封蜀國 鄉,靈臺里改爲中台里,時守司徒、兼侍中,又奉八年勅,上相鄉改爲太尉鄉, 洛南莊貫河南府洛陽縣三州鄉靈臺里〔三〕,奉晉天福五年勅,三州鄉改 二孩幼亡行。唐長興二年勅,瀛州景城縣莊來蘇鄉改爲元輔鄉,朝漢 自祕書郞改授銀靑光祿大夫、檢校國子祭酒兼御史中 次子|古,自秘書省校書郎授膳

蒙天恕,累經難 天,以三不欺爲素。 在忠于國,口無 靜 思本末,慶及存亡,蓋自國恩,盡從家法,承訓誨之旨,關敎化之源,在孝于家, 而獲多福,曾陷蕃而歸中華,非人之謀,是天之祐。六合之內有幸者, 不道之言,門無不義之貨。 賤 如是,貴如是、長如是,老如是,事親、事君、事長、臨人之道,曠 所願者下不欺于地,中不欺于人,上不欺于

者,未知衆寡矣。有莊、有宅、有羣書,有二子可以襲其業(四)。于此日五 而 歷職歷官,何以答乾坤之施。時阴一卷,時飲一杯,食味、别聲、被色,老安于當代耶!老 有孫,奉身卽有餘矣。爲時乃不足,不足者何?不能爲大君致一統、定八方,誠有愧于 猶日知其所亡,月無忘其所能。爲子、爲弟、爲人臣、爲師長、爲夫、爲父,有子、有猶子、 其間見其志,原本疑有舛誤。考册府元龜所引薛史,與永樂大典同,今仍其舊。(影庫本粘籤) 節,皆形于公籍。 立碑故。 于古人故。 百歲之後有歸所,無以珠玉含,當以時服斂,以籧篨葬,及擇不食之地而葬焉,以不及 自樂,何樂如之一時乾祐三年朱明月長樂老序云。 無請諡號, 祭以特羊,戒殺生也,當以不害命之物祭。 所著文章篇詠,因多事散失外,收拾得者,編于家集,其間見其志, 以無德故。又念自賓佐至王佐及領藩鎭時, 無立神道碑,以三代墳前不獲 或有微益于國之事 盥,日三省,倘 知之者,罪之

推戴。 所爲,唯道偃仰自適,略無懼色,尋亦獲免焉。道微時嘗賦詩云:「終聞海嶽歸明主,未省 等往迎之。道尋與聲自徐赴汴,行至宋州,會澶州軍變。 衙門外,時道與上夾等宿于衙內。是日,贇率左右甲士闔門登樓,詰崇所自,崇言太祖 及太祖平內難,議立徐州節度使劉贇爲漢嗣,遣道與秘書監趙上交、樞密直學士王度 左右知其事變,以爲道所賣,皆欲殺道等以自快。趙上交與王度聞之,皆惶怖不知 樞密使王峻遣郭崇領兵至,屯于 已副

周書十七 列傳第六 校勘記

道奏曰:「陛下得如太宗否?」世宗怒曰:「馮道何相少也。」乃罷。及世宗親征,不令扈從, 寇,世宗召大臣議欲親征,道諫止之,世宗因言:「唐初,天下草寇蜂起,並是太宗親平之。」 明主,未省乾坤陷吉人。道德幾時曾去世,舟車何處不通津,但教方寸無諸惡,狼虎叢中也立身。廣順,初,復拜太 諡曰文懿。案:五代通錄作諡文愍,見通鑑考異。 留道奉太祖山陵。時道已抱疾。及山陵禮畢,奉神主歸舊宮,未及祔廟,一夕薨於其第,時 顯德元年四月十七日也,享年七十有三。世宗聞之,輟視朝三日,册贈尙書令,追封瀛王, 師、中書令,太祖甚重之,每進對不以名呼。及太祖崩,世宗以道爲山陵使。會河東劉崇入 乾坤陷吉人。」至是其言驗矣。 案青箱雜記載馮道詩全篇云: 莫爲危時便愴神,前程往往有期因,終聞海嶽歸

令譽, 咸歎惜之。 泳樂大典卷一萬七千九百三十。 平生甚廉儉,逮至末年,閨庭之內,稍徇奢靡。 子有寸底道字,何謂不可也。」公笑曰:「老夫不惟名無寸,諸事亦無寸,吾子可謂知人矣。」了無怒色。 子,覺我慚惶也大難。」道覽之有愧色,因出俸重創之。 曰:「老夫名道,其來久矣,加以累居相府,秀才不可謂不知,然亦名道,於禮可乎?」|李抗聲對曰:「相公是無寸底道字,小 廟,道以狀付判官參詳其事。 道歷任四朝,三入中書,在相位二十餘年,以持重鎭俗爲己任,未嘗以片簡擾於諸侯。 判官素滑稽,因以一絕書之判後云:「荆棘森森繞杏壇,儒官高貴盡偷安,若教酒務修夫 馮嬴王道之在中書也,有舉子李導投贄所業,馮相見之,戲謂 其子吉,尤恣狂蕩,道不能制,識者以其不終 五代史補: 馮道之鎭同州也, 有酒務吏乞以家財修夫子 馮吉,瀛王道之

改,旣而益自若。 道度無可奈何,歎曰:「百工之司藝而身賤,理使然也。 此子不過太常少卿耳。」其後果終於此 精〔五〕,道益怒,凡與客飲,必使廷立而彈之,曲罷或賜以束帛,命背負之,然後致謝。 子,能彈琵琶,以皮爲弦,世宗嘗令彈於御前,深欣善之,因號其琵琶曰「遶殿雷」也。道以其惰業,每加譴責,而吉攻之愈 道自以為戒勗極矣, 吉未能悛

者,蓋謂此也。 可得爲忠乎!夫一女二夫,人之不幸,況於再三者哉 史臣曰:道之履行,鬱有古人之風;道之字量,深得大臣之體。 泳樂大典卷一萬七千九百三十。 一所以飾終之典,不得諡爲文貞、文忠 然而事四朝,相六帝,

校勘記

- (1) 道在契丹……衆乃服 一百二十三字原無,據殿本、劉本補。
- (11) 二孩幼亡 劉本同,殿本「孩」作「孫」。
- (三) 三州鄉 殿本、劉本同。 册府卷七七〇作三川鄉,下同。
- (四) 有二子 彭本、盧本、珊府卷七七○同,殿本、劉本作「有三子」。
- (語) 吉攻之愈精 「攻」原作「攷」,據殿本、劉本、五代史補卷五改。

舊五代史卷一百二十七

周書十八

列傳第七

語音高期,占對鏗鏘,健於飮啖。 帝素已期待,歡然命之, 數人姓名,投琉璃缻中,月夜焚香,禱請於天,旭旦以筯挾之,首得文紀之名,次即姚顗。 儀形旨趣,遇之頗厚。 所糾者銓選擬論之微類。時有蜀人史在德爲太常丞,出入權要之門,評品朝士,多有譏彈, 社 大拜者,姚顗、盧文紀、崔居儉耳。」或品藻三人才行,其心愈惑。 [甫寧,外寇內侵,強臣在境。 盧文紀,字子持,京兆萬年人也。案:以下原本有闕文。長興末,爲太常卿。 文紀形貌魁偉, 清泰初,中書闕輔相,末帝訪之於朝,左右曰:「臣見班行中所譽,當 即授中書侍郎、同平章事,與姚顗同升相位。 文紀處經綸之地,無輔弼之謀,所論者愛憎朋黨之小瑕(1), 奉使蜀川,路由岐下,時唐末帝爲岐帥,以主禮待之,觀其 末帝乃俱書當時淸望達官 時朝廷兵革之後,宗

周

旨蕪漫,爲衆所 |章云:「文武 黜 退,不限名位高下。」疏下中書,文紀以爲非己,怒甚,召諫議大夫虛損爲覆狀〔己,辭 嗤 兩班,宜選能進用。見在軍都將校、朝廷士大夫,並請閱試澄汰,能者進用,

也。 征 要,正當天下之心,必若未能 陽,召文紀、張延朗謀 戰賊,於汝 臣 「暉陵」,今從五代會要改正。(影庫本粘籤)拜於闕門,休於仗舍。 三處救兵, ,非不聽 辱, 故令延壽 三年夏,晉 子 也。(舊五代史考異 自 安乎?」文紀惶恐致謝。 鳳翔來,首命卿爲宰相,聽人所論, 可以不戰 北行,末帝坐俟其敗。 祖 引契丹拒命,旣而大軍挫衄,官寨受圍。八月,親征,過徽陵, 而解,使人督促,責以成功, 議。 文紀日:「敵騎條往忽來,無 解圍,去亦非晚。」會延朗與趙延壽款密,傍奏曰:「文紀 時末帝季年,天奪其魄, 案 : 歐陽史作文起勸帝扼橋自守,不聽。 將謂便致太平, 興駕 且駐 **純利則** 文紀扈從,帝顧謂之曰:「朕 河橋, (去,大寨牢固,足以枝梧,况 聲言救寨, 今寇孽紛紛(三), 詳 觀 據薛史,帝因文紀之言而罷親 事 其實倦行。 勢。 況 令萬 地處 徽陵,原本作 之言是 聞 舟 初 乘 車之 次 自 主 河 憂

趙礪 太 及糾分司朝臣中有行香拜表疏怠者 師 晉 祖 時 入洛,罷 朝 官分司 相為吏部 在洛,雖 尙 書,再遷太子 有留臺 一御史, 少傅。 楊邠怒, 紀 綱 亦 少帝嗣位,改太子太傅。 多不 凡疾病不在朝謁者, 整 声, 遂勅 文紀 別 皆與致仕官。 令檢轄 漢 祖 登 極,轉太 侍 御史 時

立,即拜司卒于家。(舊五代史秀異)廣順元年夏卒,年七十六。贈司徒,輟視朝二日。 能 憚。」 旣 受册」。 公爲加官,無單拜者,是時朝議率爾命道,制出,或曰「三公正宰相,便合參大政」;又云「合 孫純儒,性多凝滯,遽登相位,未悉朝廷舊事。初,馮道罷同州入朝,拜司空。 中、知制誥,賜金紫;未滿歲,改中書舍人、禮部侍郎,皆帶禁職。尋拜中書侍郎、平章事。裔 七千九百一十。 財巨萬,及卒,爲其子龜齡所費,不數年間,以至蕩盡,由是多藏者以爲誠焉。 文紀別令檢轄之職,頗甚滋章,因疾請假,復爲留臺所奏,遂以本官致仕。 而 行 立 ||臺東言:「舊不見例,據南北班位,即常侍在前。」 俄屬國忌,將就列未定, 裔孫卽判臺狀 守師長之體,故昭序輕言。裔孫以羣情不悅劉昫、馮道,欲微抑之,乃責臺司,須檢則例, |合在僕射之前。」疏奏,下御史臺定例。 |同光已來,李琪、盧質繼爲僕射, 質性輕脫,不 馬裔孫,字慶先,棣州滴河人。案:以下原本有闕文。唐末帝卽位,用爲翰林學士、戶部郞 劉 昫 而知非乃止。 衆言籍籍。 爲僕射,性剛,羣情嫉之,乃共贊右常侍孔昭序論行香次第,言:「常侍侍從之臣, 盧文紀又欲祭祀時便令掃除,馮道聞之曰:「司空掃除,職也,吾無所 案歐陽史: 唐朝故事,三 永樂大典卷一萬 文紀平生積 周太祖入

周

書

十八

列

傳第七

一六六九

開、門不開也。 孫素未諳練,無能專決,但署名而已。又少見賓客,時人目之爲「三不開」,謂口不開、印不 班 宮同列曰:「從昭序言語,是朝廷人總不解語也。 日:「旣有援據,足可遵行,各示本官。」劉昫怒,揮袂而退。 何取笑之深耶!」衆聞居儉言,紛議稍息。文士哂裔孫堂判有「授據」二字,其中書百職,裔 |在南宮六卿之下,況僕射乎。已前騎省年深,望南宮工部侍郞如仰霄漢 且僕射師長也,中丞大夫就班修敬,常侍 自後日責臺司定例,崔居儉 (图),癡人舉止, 謂 南

來,必有安危之策。」旣至,獻綾三百匹,卒無獻可之言。晉祖受命,廢歸田里。 幾,趙德鈞父子有異志,官砦危急,君臣計無所出。俄而裔孫自洛來朝,衆相謂曰:「馬相此 及太原事起,唐末帝幸懷州,懷州原本作「惟州」,今從通鑑改正。(影庫本粘籤) 裔孫留司在洛。未

|傳奕、韓愈爲高識,何前倨而後恭,是佛佞公耶?公佞佛耶?」| 裔孫笑而答曰:「佛佞予則 相形於歌詠,謂之法喜集至。又纂諸經要言爲佛國記,凡數千言。或嘲之曰:「公生平以 舍讀佛書,冀申冥報,歲餘枕籍黃卷中,見華嚴、楞嚴,詞理富贍,繇是酷賞之,仍抄撮之, 裔孫好古,慕韓愈之爲人,尤不重佛。及廢居里巷,追感唐末帝平昔之遇,乃依長壽僧

李崧相晉,用李專美爲贊善,裔孫以賓客致仕,專美轉少卿,裔孫得太子詹事。 晉、漢

周書十八 列傳第七

每閉關養素,唯事謳吟著述,嗜八分書,往來酬答,必親札以街其墨蹟。裔孫將卒之前,覩 公卿以裔孫好爲文章,皆忻然待之。太祖卽位,就加檢校禮部尚書、太子賓客,分司在洛。 白 虺緣于庭槐,驅之失所在。裔孫感賦鵩之文,作槐蟲賦以見志。廣順三年秋七月,卒於

洛陽。詔贈太子少傅,輟視朝一日。

後旬日,有侍婢靈語,一如裔孫聲氣,處分家事,皆有倫理,時人奇之。 泳樂大典卷一萬七千九百 自謂曰:「此二筆之應也。」洎入中書上事,堂吏奉二筆,憝視大小如昔時夢中所授者。及卒 手授二筆,其筆一大一小,覺而異焉。及爲翰林學士,裔孫以爲契鴻筆之兆。旋知貢舉,私 裔孫初爲河中從事,因事赴闕,宿於邏店。其地有上邏神祠,夜夢神見召,待以優禮,

此才,何不舉進士? 知書,見士未嘗有慢色,必罄家財以延接。 不顯。曾祖敞、祖濡,皆以凝貴:累贈太師。父矩,贈尚書令。矩性嗜酒,不拘禮節,雖素不 覽者咸達其大義。 和凝,字成績,汝陽須昌人也。九代祖逢堯,唐高宗時爲監察御史,自逢堯之下,仕皆 」自是才思敏贍,十九登進士第。滑帥賀瓌知其名,賀瓌,原本作「賀貴」,今 年十七舉明經,至京師,忽夢人以五色筆一東以與之,謂曰:「子有如 凝幼而聰敏,姿狀秀拔,神彩射人。少好學,書

從通鑑改正。(影庫本粘籤)辟置幕下。

後歷鄆、鄧、洋三府從事 以至此。 騎士來逐壞,凝叱之,不止,遂引弓以射,應弦而斃,壞獲免。 相隨,當自努力。」凝泣 凝善射,時壞與唐莊宗相拒於河上,戰胡柳陂,壞軍敗而北,唯凝隨之。 和公文武全才而有志氣,後必享重位,爾宜謹事之。」遂以女妻之,由是聲望益隆。 而對曰··「丈夫受人知,有難不報,非素志也,但恨未有死所。」旋有一 旣而謂諸子曰:「咋非和公,無 · 褒顧曰:「子勿

屋間謂之「傳衣鉢」, 云:范質初舉進士,時和凝知賞舉,凝嘗以宰輔自期,登第之日,名第十三人,及覽質文,尤加賞歎,即以第十三名處之,場 **充學士,轉主客郎中充職,兼權** 下第不逞者。 唐天成中,入拜殿中侍御史,歷禮部、刑部二員外,改主客員外郎、知制誥,尋詔入翰林 凝令徹棘啓門,是日寂無喧者,所收多才名之士,時議以爲得人。 若禪宗之相付授也。 知貢舉。 後質果繼擬登相位。(舊五代史考異) 貢院舊例,放牓之日(台),設棘於門及閉院門,以防 明宗益加器重,遷中書舍人、 案澗水燕談

上部侍郎,皆充學士。

州安從進反狀已彰,凝乃奏曰:「車駕離闕,安從進或有悖逆, 晉祖每召問以時事,言皆稱旨。 晉有天下,拜端明殿學士, 棄判度支,轉戶部侍郎, 五. 年,拜中書侍郎平章事 會廢端明之職,復入翰林充承旨。 六年秋,晉高 安從進,原本作「縱進」,今從歐陽史改 祖將幸 鄴 都,時襄

之。」案:洛陽縉紳舊聞記作已命高行周爲招討,張從恩爲都監,仍令焦繼勳等數人備指使。是晉祖未北征,已命將校 正。(影庫本粘籤) 何以待之。」晉高祖曰:「卿意如何?」凝曰:「以臣料之,先人有奪人之心,臨 ,卽不及也。 欲預出宣勅十數道,密付開封尹鄭王,令有緩急即旋塡將校姓名,令領兵擊

矣,與薛史異。(舊五代史考異)晉高祖從之。及聞唐、鄧奏報,鄭王如所勅,遣騎將李建崇、監軍焦

繼勳等領兵討焉,相遇於湖陽,從進出於不意,甚訝其神速,以至於敗,由凝之力也。少帝

遷太子太傅。 嗣位,加右僕射。開運初,罷相守本官,未幾,轉左僕射。漢興,授太子太保。國初(+), 案 歐陽史作漢高祖時,拜太子太傅,據薛史,凝在漢爲太子太保,入周方爲太子太傅。(舊五代史考

顯德二年秋,以背疽卒於其第,年五十八。 輟視朝兩日,詔贈侍中。

尤好聲譽。有集百卷,自篆於板,模印數百帙,分惠於人焉。案宋朝類苑:和魯公凝有豔詞一編名香 士無賢不肖,皆虛懷以待之,或致其仕進,故甚有當時之譽。平生爲文章,長於短歌豔曲〔六〕, 凝性好修整,自釋褐至登台輔,車服僕從,必加華楚,進退容止偉如也。又好延納後進,

六集,自爲遊蓺集序云::「予有香奩、籝金二集,不行於世。」凝在政府避議論,諱其名,又欲後人知,故于遊蓺集序實之,此 **延集,凝後貴,乃嫁其名爲韓偓,今世傳韓偓香奩集,乃凝所爲也。凝生平著述,分爲演綸、遊蓺、孝弟、聚嶽、香蔗、籝金**

凝之意也。(舊五代史考異)

長子峻,卒於省郎。 次子峴,女子峴,原本作「現」,今從宋史改正。(影庫本粘籤)仕皇朝爲司勳

員外郎。泳樂大典卷五千七百一十。

案錦繡萬花谷:范蜀公蒙求云:和峴,晉相和凝之子。 峴生,會凝入翰林,加

知貢舉,凝喜曰:「我生平美事,三者幷集,此子宜于我矣。」因名曰三美。(舊五代史考異)

顯德 書,俄 奏爲 中第, 僕 逢 慰 唐 言夷 甚 射。 木舉 至, 兼 蘇 辟遼 加右僕射、集賢殿大學士。 /滅,禹 年 判。 九經,補廣文 禹 三年多,太祖 尋復其位 注,字玄錫,其先出於武功,近世家高密,今爲郡人也。 IE 州 月 開 珪恬然無咎,時 日,與客對食之際,暴疾 運末,契丹入汴,漢祖卽位於晉陽,授中書侍郞平章事。 入平內難,禹珪遁入都城,爲兵士所擄。 助教,遷輔唐令,累贈太師。 國 初,加守 人以爲積善之報也 事, 司空, 漢祖 轉潞、抖管記,累檢校官至戶部郎中。 尋罷相守本官。世宗嗣位,封莒國公,未幾,受代歸第。 大漸,與蘇逢吉、楊邪等受顧命,立少主。 而卒,時年六十二。 禹珪性謙和,虛襟接物,克構父業,以五經 禹珪純厚長者,遭遇漢祖,及蘇 翌日,太祖令人求之,旣見,撫 父仲容,以儒學稱於鄉里, 漢祖 漢高 至汴,兼刑部尚 祖 作鎭井門, 明年,轉左

子 德祥,登 進 士第,累歷 臺省。 泳樂大典卷三千三百九十二。

景範,淄州長山人。 案:以下原本有闕文。 景範父名初,以戶部郎中致仕,見世宗紀。 而景範神道碑稱爲太 以

疾卒

於鄉

瘁

終終

無

稱

千九百十一。

議

大夫、中書侍郎

事

罔渝

化,予

欲

用

無闕。

今則

靈臺

極

思

平泰階,

直學士、

若,豈刑

以

艱

郎

躬,愈傾忠節,奉上得大臣之體,檢身爲君子之儒。 僕府君,蓋其贈官也。 中,充樞密直學士,尋轉諫議大夫充職〔九〕。 於國用,乃以範爲中書侍郎平章事 ,則國相之尊 則垂象而清品彙, 中大夫、尚書工部侍郎、上柱國、晉陽縣開國男、食邑三百戶〔10〕、賜紫金魚袋景範,昔佐先帝,每罄嘉謨, 政之斯闕,而德教之未学哉!繇是進用良臣,輔宣元化,雖朕志先定,亦輿情具瞻,爰擇佳辰,誕敷明 職之譽。 里。 出一令慮下民之未從, 平章事 偃革,宜室圖功,思先朝欲用之言, 案 ,非爾敦 案碑 張範神道碑以顯德三年十二月立,今尚存。 碑文可考者,範以明經擢第,爲東于淸陽,掾于高密郡,秩滿授范縣令。 ,判三司。 世宗 爾則順天道以序藝倫: 文云:年五十有二。 處, 邦計之重,惟材是 知之,因其有疾,乃罷司 範 為 行一事懼上玄之罔酤, 人 厚 (舊五代史考異) 世宗之北征 重 余欲恤 臧。 剛 、判三司。 昨戎輅親征,皇都是守,贊勳賢於留府,副徵發於行營,軍 成聖考得賢之美, 正,無所 勉思 刑名而 | 倜儻以 也, 優詔 晨興 夕惕, 計。 息戰爭, /撓屈, 案:册府元龜載世宗卽位,七月癸巳, 扈載奉敕撰,孫崇望奉敕書,今在鄒平縣 [1]]。 致君,勿效因 命爲東京 贈 尋以 俾參大政, 侍中, 爾則謹憲章 然理 終歲 父 於茲。 喪罷相 繁治劇, 循而保位, 副留守。 官爲 仍掌利 ·而恢廟· 雖禮讓漸聞與行, 立 東 碑焉 **竚聞** 權。 略。 非其所 歸。 車駕 周太祖時,爲秋曹郎、左司 爾其明 成績 天 顯德三年 人之際懸合, 迴自 永樂大典卷一 長, 制 用 聽 河 **朕言**, 而 副 曰:「朕自履宸 雖 命。 風 東, 虚 政 冬 悉 **FIS** 懐。 所 逮事眇 往敷 軍 樞 未之咸 心盡 需,國 密院 可 良之 ĪĒ 玄

一六七五

一大七六

則知全其德者鮮矣。 史臣曰:夫以稽古之力,取秉鈞之位者,豈常人乎!然文紀躭於貨殖,裔孫傷於齷齪, 如成績之文彩,玄錫之履行,景範之純厚,皆得謂之君子儒矣。 以之

校勘記

爰立,何用不臧。

泳樂大典卷二千三百九十二。

- 愛憎朋黨之小瑕 「愛憎」原作「親愛」,據冊府卷三三五、卷三三六改。
- (三) 諫議大夫盧損 「大夫」二字原無,據冊府卷三三五補
- 〔三〕今寇孽紛紛 「今」字原無,據冊府卷三三六補。
- 南宮工部侍郎 右丞條云:「梁開平二年四月,改爲左右司侍郎,避廟諱也。 劉本同。 殿本作「南宮二侍郎」。 按南宮卽尚書省, 至後唐同光元年十一月,復舊爲左 五代會要卷一四尚書省左
- (A) 法喜集 「喜」原作「善」,據殿本、劉本改。

右丞。」

- (4) 放牓之日 「放」原作「改」,據殿本、劉本改。
- (4) 國初 殿本、劉本同。彭校作「周初」。
- (六) 長於短歌豔曲 「長」字原無,據殿本、劉本補。

記

(元)而景範神消碑……零轉諫議大夫充職 七十字原無,據舊五代史考異補。

[10] 食邑三百戶 「邑」字原無,據殿本、冊府卷七四補。

[]] 顯德 原作「順德」,據殿本、劉本改。下注文中「顯德」同。

[15] 扈載……鄒平縣 十六字原無,據舊五代史考異補。

一六七七

舊五代史卷一百二十八

周書十九

列傳第八

乾祐 世宗爲開封尹,拜右拾遺,充開封府推官。 害邠等三族,凡遊其門下者,多被其禍,而朴獨免。 粘籤)館於邪第。 朝廷文學之士二十餘人,各撰策論一首,以試其才。時人獻平邊策,云: 中,擢進士第,解褐授校書郎,依樞密使楊邠,樞密使,原本作「密區使」,今從冊府元驅改正。(影庫本 <u>王朴,字文伯,東平人也。父序,以朴貴,贈左諫議大夫。</u>朴幼警慧,好學善屬文。 是時漢室寖亂,大臣交惡,朴度其必危,因乞告東歸。 世宗嗣位,授比部郎中,賜紫。 國初,世宗鎭澶淵,朝廷以朴爲記室。及 未幾,李業輩作亂, 二年夏,世宗命 漢

莫不君暗政亂,兵驕民困,近者姦於內,遠者叛於外,小不制而至於大,大不制而至於 唐失道而失吳、蜀,晉失道而失幽、井,觀所以失之由,知所以平之術。

一六七九

當失之時,

周

書

+ 九

列 傳 第 八

和,有必取之勢,則知彼情狀者願爲之間諜,知彼山川者願爲之先導。彼民與此民之心 實、器用備、人可用而舉之。彼方之民,知我政化大行,上下同心,力強財足,人和將 以結其心,賞功罰罪以盡其力,恭儉節用以豐其財〔〕,徭役以時以阜其民。 同,是與天意同;與天意同,則無不成之功。 在乎反唐、晉之失而已。必先進賢退不肖以淸其時,用能去不能以審其材,恩信號令 天下離心,人不用命,吳、蜀乘其亂而竊其號,幽、幷乘其間而據其地。平之之術, 俟其倉廩

必死之寇,不可以恩信誘,必須以強兵攻之,但亦不足以爲邊患〔三〕,可爲後圖,候其便 蜀可飛書而召之,如不至,則四面並進,席卷而蜀平矣。吳、蜀平,幽可望風而至。 之兵,江之南亦不難而平之也。如此,則用力少而收功多,得吳,則桂、廣皆爲內臣,岷、 發則我獲其利,彼竭我利,則江北諸州,乃國家之所有也。旣得江北,則用彼之民,揚我 之,備東則撓西,備西則撓東,必奔走以救其弊,奔走之間,可以知彼之虚實、衆之強 (影庫本粘籤) 彼人怯,知我師入其地,必大發以來應,數大發則必民困而國竭,一不大 弱,攻虛擊弱,則所向無前矣。 攻取之道,從易者始。當今吳國,東至海,南至江,可撓之地二千里。從少備處先撓 '勿大舉,但以輕兵撓之。 撓之,原本作「饒之」,今從通鑑改正。 唯井

則一削以平之。

便可於沿邊貯納。 方今兵力精練,器用具備,羣下知法,諸將用命,一稔之後,可以平邊,此歲夏秋, 臣書生也,不足以講大事,至於不達大體,不合機變,望陛下寬之。

案東都事略:時朴與徐台符、簽儀同議。

世宗覽之,愈重其器識。未幾,遷左諫議大夫,知開封府事。

斗門於|| 一,不踰時而歸朝。是日,|| 朴方過前司空|| 李穀之第,字裳,原本作「李珏」,今從通鑑改正。 十,其人忿然歎曰:「宣補鄕處候,豈得便從決。」|朴微聞之,命左右擒至,立斃于馬前。 留守,車駕還京,改戶部侍郎兼樞密副使。未幾,遷樞密使、檢校太保。頃之,丁內艱,尋 廣京城, 朴奉命經度, 凡通衢委巷, 廣袤之間, 靡不由其心匠。 及世宗南征, 以朴爲東京副 人,去三朴面前誇宣補鄉虞候,宜其死矣。」(簷五代史秀異)比及還蹕,都下肅如也。六年三月,世宗令樹 起復授本官。四年冬,世宗再幸淮甸,兼東京留守,京邑庶務,悉以便宜制之,案默記引閱談錄 畫,動憾世宗之意,繇是急於登用。尋拜左散騎常侍,充端明殿學士,知府如故。是時,初 慨然有包舉天下之志。而居常計事者,多不論其旨,唯計神氣勁峻,性剛決有斷,凡所謀 (影庫本粘籤) 交談之頃,疾作而仆於座,遽以肩興歸第,是夕而卒, 時年四十五。 初,世宗以英武自任,喜言天下事,常憤廣明之後,中土日蹙, 值累朝多事, 尚未克復, 世宗聞之,笑謂近臣曰:「此大愚

周

十九

列傳

仕 **※默記** 壽 太祖 四 考, 周世宗、制 望見,卻立 云.周 安可 触) 朕不得 膊 世宗于禁中作功臣閣, 量 之類, 禮 一也。(舊五代史考異) 聳 作樂,考定聲律,正 然, |袍著。]其敬畏如 來有加 整御袍 襟帶,磬折 等, 畫當時大臣如李穀、鄭仁誨之屬。 星曆,修刑統,百廢俱起。 優韶 世宗聞之駭愕,即 此 鞠躬。 (舊五代史考異) 贈侍中。 左右 曰:「陛下貴爲天子,彼前朝之臣,禮何過也?」 案宋史王侁傳: 時幸其第, 叉取三關,取淮南, 太祖 朴卒,世宗幸其第,召見諸孤, 卽 及柩 位,一 前, 皆朴爲謀。 日過 以所執玉鉞卓地而 功臣閣,風開 然事世宗纔四年耳, 半門,正 太祖 以侁爲東頭 以 手指 興州 慟 御袍 象相 供奉官。 使假之 者數

此

人在,

此

者 雖 祖 及 變 甚 高, 皇帝已掌禁兵,一 律準, 而 未 無 木 加 而 恭懿 性 史氏 使 並 敏 相 行 缺 之譽。 銳、然 於世。 書。 殿 日,有 直, 臣 《傷於太 廷臣 聞 其筆述 殿 永樂大典卷一 重 直乘馬 也,與太尉比 蓚 太祖 剛 之外, 誤衝 質錄,已於李穀傳中見朴遺事 每 太祖 萬八千一百二十三。 肩事 稠 多所該綜,至如 導從,太祖 人廣座之中, 主,太尉 況帶 自詣 職,不 密 地,訴 正色高 星緯聲律, 宜 五代史闕文 ,今復補 如 其 此。 、無禮。 談,無敢觸其鋒者, |太 其大者。 莫不 加 周顯德· |仁浦 唯 唯 令徽院 畢殫其妙,所撰 沉太祖、太宗在位 而 中,朴與魏仁浦 出 勘詰,朴謂 臣謹 按,朴之行 故時人 太 俱 ,每稱朴有 祖 爲樞 大周欽 日、「太 事 、難服 密 傳 使。 Ŀ 於 尉 其機 名位 時|太 輔之 人 {曆

楊凝式,華陰人也。 案游宦紀聞載凝式年譜云:唐咸通十四年癸巳,凝式是年生,故題識多自稱癸巳人。叉, 器

~,朝

列

具

聞

第八

周書

十九九

列

傳

別傳云 趙光裔素重其才,奏爲集賢殿直學士,改考功員外郎。 中,爲殿中侍御史、禮部員外郎、三川守,齊王張宗奭見而嘉之,請以本官充留守巡官。梁相 藻,大爲時輩所推。 式體雖蕞眇,而精神穎悟,案宣和書譜云:優式形貌寢倪,然精神矍然,腰大于身。(舊五代史考異) 器之兄、涉之伯也。 收、嚴,以四時爲義,故廢之子名皆從「木」,假之子從「火」,收之子從「金」,嚴之子從「水」。嚴生涉,涉生廢式, 史暉,暉生河間太守恩,恩生越恭公鈞,出居馮翊,至藏器徙潯陽。 誤云:收與嚴乃兄弟,非父子也。又,游宦紀聞載楊氏家譜云:唐修行楊氏,系出越公房,本出中山相結,次子繼生洛州刺 凝式,字景度。(舊五代史考異) 新五代史記唐六臣傳乃以收爲涉之祖、嚴之父,非也。(舊五代史考異)罷相守左僕射卒。 唐昭宗朝,登進士第,解褐授度支巡官,再遷秘書郎,直史館。 父涉,唐末梁初,再登台席, 唐相楊收之父曰遺直,生四子,名皆從「又」,曰發、假、 案歐陽史楊涉傳云: 祖收,父嚴。 梁開平 富有文 而收乃藏 吳縝寨

位, 禮、戶三部侍郎。(舊五代史秀異)以舊恙免,改祕書監。 覃,凝式在扈從之列,頗以心恙諠譁於軍砦,末帝以其才名,優容之,詔遣歸洛。 拜中書舍人,復以心疾不朝而罷。 唐同光初,授比部郎中、知制誥。尋以心疾罷去,改給事中、史館修撰,判館事。 長興中,歷右常侍、工戶二部侍郎(三),案:別傳作工、 清泰初,遷兵部侍郎。 唐末帝按兵於懷 明宗即

居守以降,咸以俊才耆德,莫之責也。晉開運中,宰相桑維翰知其絕俸,艱於家食,奏除太

晉天福初,改太子賓客,尋以禮部尚書致仕,閑居伊、洛之間,恣其狂逸,多所干忤,自

求致政,尋以右僕射得請。 師。 年八十五。 子少保,分司於洛。 太祖總政,凝式侯於軍門,且以年老不任庶事上訴回,太祖特爲奏免之。 案:別傳作八十二。(舊五代史考異) 詔贈太子太傅。 案:游宦紀聞引楊凝式傳所載仕梁、 顯德初,改左僕射,又改太子太保,並懸車。 仕晉年月, 皆與薛史異。 漢乾祐中, 元年冬,卒於洛陽, 廣順中,表 歷少傅、少

留守聞 洛,贈以 迹甚著、 俱, 凝式 楊虛白 寺。」僕曰:「不若西遊石壁寺。」凝式舉鞭曰:「姑遊廣愛。」僕又以石壁爲請,凝式乃曰:「姑遊石壁。」 聞者拊掌。〈舊五 **仕歷五代,以心疾閒居,故時人目以「風子」。** 覺性圓」,清麗可喜。(舊五代史考異) 祠,遇山 哀,昔日曾爲瓦子堆。 凝式長於歌詩, 其 ,或稱希維居士,或稱關西老農。 緜 .水勝概,流連賞詠,有垣牆圭缺處,顧視引筆,且吟且書,若與神會,率寶護之。 先以詩寄曰:「押引蝗蟲到洛京,合消郡守遠相迎。」從恩勿怪也。 事,乃自製衣給米遺之,凝式笑謂家人曰:「我 ·第于尹京之側,遇入府,前輿後馬,猶以爲遲,乃策杖徒行,市人隨笑之。 五十兩,絹百端, 不是我公重葺理,至今猶自一堆灰。」他類若此。 凝式 案別傳云: 悉留之修行尼舍,俾造韈以施崇德、普明兩寺飯僧,其家雖號寒嗁飢,而凝式不屑屑 善於筆札,洛川 凝式詩什,亦多雜以詼諧,少從張全義辟, 其所題後,或眞或草,不可原詰,而論者謂其書自顏中書後一人而已。其佯狂之 其筆跡遒放,宗師歐陽詢與顏眞卿, 固 知留守必見周也。」 、寺觀藍牆粉壁之上,題紀殆遍, 張從恩尹洛,凝式自汴還, 然礙式詩句自佳,其題壁有「院似禪心靜,花 每旦起將出,僕請所之, 故作詩紀全義之德云:「洛陽風景實堪 而加以縱逸。旣久居洛, 嘗迫冬, 其號或以姓名,或稱癸巳人,或稱 家人未挾績, 時飛蝗蔽日, 案別傳 楊曰:「宜東遊廣愛 多遨遊佛道 會有故人過 云: 凝式雖 偶與之 代史

永樂大典卷六千五十二。 五代史補:楊巖式叉涉爲唐宰相。 太

|祖之篡**|唐祚也,涉當送傳國璽,時**擬式方冠,諫曰:「大人爲宰相,而國家至此,不可謂之無過,而更手持天子印綬以付他 浅異) 時人以其縱誕,有「風子」之號焉。 人,保富貴,其如千載之後云云何?其宜辭冤之。」時太祖恐唐室大臣不利於己,往往陰使人來探訪羣議,縉紳之士,及禍 凝式恐事泄,即日遂佯狂,時人謂之「楊風

子」也。 案:游宦紀聞載楊凝式年譜、家譜、傳,與正史多異同,今附錄以備參考。 其年譜云:唐咸通十四年癸巳,

甚衆,涉常不自保,忽聞凝式言,大駭曰:「汝滅吾族。」於是神色沮喪者數日。

|武自此遂佯狂,時年三十五(五)。 五代史補言時年方弱冠,誤也。 年凝式生,故題識多目稱癸巳人。 唐天祐四年丁卯,是年夏,朱全忠篡唐,凝式諫其父唐相涉,宜辭押寶使。 **晉天福四年己亥三月,有洛陽風景四絕句詩,年六十**

七。 寺勝果院東壁,字畫尙完。 據詩云,「到此今經三紀春」,蓋自丁卯至己亥實三十年,則自全忠之篡,凝式卽居洛矣。 亦有石刻,書側有畫象,亦當時畫。 又廣愛寺西律院有壁題云「後歲六十九」, 亦當是此年所

真蹟今在西都唐故大聖善

渉懼事泄,凝

是

題。 此書凡兩壁,行草大小甚多,眞蹟今存, 但多漫暗,故無石刻。 天福六年辛丑, 是年六月有天宮寺題名, 稱 法太子賓

板輿至自眞原」等語。 客,時年六十九。眞蹟今在此寺東序,題維摩詰後。 其末云「清和之月復至」,當是此年前後也。 又吏部郎榮輯家有石刻一帖, 天福七年壬寅, 無年, 是年有真定智大師詩二首, 但云 「太子賓客楊凝式莫春奉 時年七

眞蹟在文 潞公家,刻石在從事即蘇太寧家。 晉開運元年甲辰, 是年歲在甲辰四月十五日,有看花八韻, 時年七十

題壁論維摩經等語,八月再題「太子少保,時年七十三」,眞蹟今在此寺東序。並辛丑題同刻石。 二,題于洛陽一僧舍,書勝上云:「維置九載。」今刻石在湖州前殿中侍御史劉燾家。 開運四年丁未, 是年二

開運二年乙巳,是年五月,

于天宮寺

嚴, 河間太守恩,恩生越恭公鈞,出居馮翊, 惠。 後,唐相涉之子也。天姿警悟,工草隸,善屬文。 藏器之兄、涉之伯也。新五代史記唐六臣傳乃以收爲涉之祖〔八〕、嚴之父,非也。 御史、禮部員外郎,去從西都張全義辟,爲留守巡官。 廣順癸丑歲孟夏月, 真蹟在洛陽士人家。 眞蹟在文潞公家, 衰起爲太子少保分司。 疾免,改祕書監。 初 日,太子少師楊草名,亦應是廣順中也。 月並七月〔《〕,有窬惠才大師左郎中詩三首,稱「會同丁未歲」。會同即契丹入晉改元之號也,時年七十五,稱 年冬,薨於洛陽,年八十二,贈太子太傅。 以以 以四時爲義,故險之諸子名皆從「木」,假之子從「火」,收之子從「金」,嚴之子從「水」。 涉受命, 拉語機式曰:「世道方極, 吾嬰網羅不能去, 禍將及, 且累汝。」朱全忠篡唐, 比 部 詩,稱太子少師,亦應此年眞蹟,今爲人移去,石刻亦不存,人或得舊本耳。 鄎 中知 清泰初,遷兵部侍郎,復以疾歸**洛**。 制語,改給事中、史館修撰,判館事。明宗立,拜中書舍人。 刻石在蘇太寧家。 漢乾祐中歷少傅、少師。 周廣順三年癸丑,是年于長壽寺華嚴東壁題名, 至藏器徙潯陽。 又家譜云:唐修行楊氏,系出越公房,本出中山相結,次子繼生洛州 初,凝式父、祖,世顯於唐, 又有判宅契五十餘字,在洛陽故職方郎李氏家者刻之, 昭宗時第進士,爲度支巡官,再遷祕書郎,直史館。 周廣順中,再請老, 晉天福中,遷太子賓客,尋除禮部尚書致仕。 梁相趙光裔器其才, 唐相楊收之父曰遺眞〔七〕,生四子,名皆從「又」, 以尚書右僕射致仕,顯德初改左僕射、太子太保。元 至涉相哀帝, 奏爲集賢殿直學士, 長興中,歷右散騎常侍、工禮戶三侍郎,後以 時方賊臣陵慢,王室殘蕩, 叉傳云:楊凝式, 又有與其從子侍御者 時年八十一。 涉當送傳國寶, 凝式諫曰:「尊爲 嚴生涉,涉生凝式, 改考功員外郎。 無年, 開運中, 梁開平中, 字景度,隋越公素之 後叉題 家問二 但稱七月十六 刺史暉 日酸、假、收、 宰相桑維翰 太子少傅。 院似 賢人多罹 爲殿 帖 唐同 而 中侍 牧乃 暉生 禪心 光

一六八七

周書

+

九

列

傳

第

酮 宰相而國至此,不爲無過,乃更持天子印綬與人,雖保富貴,如千載史筆何!」時全忠恐唐室舊臣,不利于已,往往陰訪羣 幾,今有數壁存焉。士大夫家亦有愛其書帖,皆藏弄以爲淸玩。 節義自立,襟量宏廓,竟兒五季之禍,以壽考終。洛陽諸佛宮書跡至多,本朝興國中,三川大寺刹,率多頹圮,翰墨所存無 情,疑貳之間,及禍者甚衆。 尹洛者皆當時王公,凝式或傲然不以爲禮,尹亦以其耆俊狂直,不之責也。凝式本名家,旣不遇時,而唐、梁之際,以 涉常不自保,忽聞廢式言,大驚曰:「汝滅吾族矣。」廢式恐事泄,因佯狂,而涉以謙持,終免梁 世以殿式行書頗類顏魯公,故謂之顏、楊云。(孔本)

於魏 累贈 封 部 第。或告云,賓之家屬厚藏金帛在其第內,仁謙立命賓親族盡出所藏而後入焉。 梁朝六宅使李賓所據,李賓,原本作「李彬」,今從冊府元龜改正。(影庫本粘籤) 改 居喪制滿,授司農卿。 侯爵。 尚書。 光祿少卿。 ,授通事舍人。 梁開平中,聘于吳,得使乎之體。 吏部尚書。 薛仁謙,字守訓,代居河東,近世徙家於汴,今爲浚儀人也。父延魯,仕唐爲汝州長史, 長興中,轉客省使、鴻臚 顯德三年冬,以疾終,年七十八。贈工部尚書。 晉天福初, 仁謙 謹厚康恪,深通世務,梁鄴王羅紹威甚重之,累署府職。 漢乾祐中,以本官致仕。 授檢校司空、河中節度副 一少卿,出爲建雄軍節度副使,進階光祿大夫、檢校左僕射, 周初,改太子賓客致仕,仍加檢校司徒,進 使,歸朝爲 遷衞尉少卿、引進副使,累加檢校兵 初,仁謙隨莊宗 衞尉、太僕二卿。 時濱遠適,而仁謙 入汴也,有舊第爲 唐莊宗卽位 丁繼 論者美之。 復得其 母憂,

子居正, 皇朝門下侍郞平章事。 泳樂大典卷二萬一千三百六十七。

館、監察殿中侍御史,遷比部員外、右司郎中、太常少卿。 所幸奕世壽考,吾今又有曾孫在目前矣。」愿弱冠舉進士第,解褐爲校書郎,改畿尉、直史 做,唐僖宗朝入相,接客之次,愿爲兒童戲,效傳呼之聲。做謂客曰:「余豈敢以得位而喜, 郎中拜右諫議大夫,歷給事中、右常侍、祕書監,改太子賓客。 之列,爲御史所彈,左遷右贊善大夫。未幾,授兵部郎中,復金紫。丁內艱,服闋, 蕭愿,字惟恭,梁宰相頃之子也。頃,明宗朝終於太子少保, 唐書有傳。 明宗朝祀太微宮,愿乘醉預公卿 廣順元年春卒。 初,愿之曾祖 . 贈禮部尚 自左司

掌告身印,覃恩之次,頗怠職司,父頃爲吏部尚書,代愿視印篆,其散率如此。 十餘,其母猶在,一門壽考,人罕及者。永樂大典卷五千二百二十五 愿性純謹,承事父母,未嘗不束帶而見。 然性嗜酒無節,職事弛慢。 爲兵部郞中日 愿卒時年七

進士,性頗剛介,以高情遠致自許。與任贊、劉昌素、薛鈞、高總同年擢第,所在相詬,時人 盧損,其先范陽人也,近世任於嶺表。父穎,遊宦於京師。 損少學爲文,梁開平初,舉 書十九 列傳第八

周

大夫。屢上書言事,詞理淺陋,不爲名流所知。淸泰中,盧文紀作相,密與損參議時政。 相,致損仕進。 素之爲人,常善待損。 謂之「相駡榜」。 梁貞明中,累遷至右司員外郎。 及任贊、劉昌素居要切之地,而損自異,不相親狎。時左丞李琪素薄劉昌 琪有女弟眇,長年婚對不售,乃以妻<u>損</u>。 唐天成初,由兵部郎中、史館修撰轉諫議 損慕琪聲稱納之,及琪爲輔

爲隱所,誓不復出山,久之,齒髮不衰,似有所得。廣順三年秋卒,時年八十餘。贈太子少 遙於林圃之間,出則柴車鶴氅,自稱具茨山人。晚年與同輩五六人,於大隗山中疏泉鑿坯 損以鳞遐齡有道術(fi), 酷慕之。 仍以潁川逼於城市, 乃卜居陽翟, 誅茅種藥, 山衣野服, 逍 失所望,卽拜章辭位,乃授戶部尚書致仕,退居潁川。 爲士人嗤鄙。 以自前憲司不能振舉綱領,俾風俗頹壞,乃大爲條奏,而有「平明放鑰,日出守端」之語,大 永樂大典卷二千二百十二。 初,長興中,唐末帝鎭河中,損嘗爲加恩使副,及末帝卽位,用爲御史中丞。 拜命之日, 有頃,誤詳赦書,失出罪人,停任。晉天福中,復爲右散騎常侍,轉祕書監,大 時少保李鳞年將八十,善服氣導引,

引西江水以浣之,又睹水中砂石,皆有篆文,因取而吞之。及寤,心意豁然,自是資性絕高。 王仁裕,字德輦,天水人。少孤,不從師訓,年二十五,方有意就學。 夕夢剖其腸胃,

詩萬 案:此下有闕文。輿地紀勝云:王仁裕知貢舉時,所取進士三十三人,皆一時名公卿,李昉、王溥爲冠。(舊五代史考異)有 太子少保, 奇,大奇,不意王仁裕今日做賊頭也。」聞者皆大笑。 云:「二百一十四門生,春風初動羽毛輕,擲金換却天邊桂,鑿壁偷將榜上名。」 陶穀爲尚書,素好恢諧,見詩佯聲曰:「大 .餘首,勒成百卷, 卒。 册府元龜卷八百九十三。 目之日西江集, 蓋以嘗夢吞西江文石,遂以爲名焉。 五代史補: 案輿地紀勝: 王尚書仁裕, 仁裕所著有紫泥集、西江集、入洛記, 乾祐初,放一榜二百一十四人,乃自爲詩 後爲兵部尚書、 共百卷。(舊

五代史考異

卿。 奪吳越封爵,羽被留于錢塘。 主簿,改監察御史。 也,正使陸崇卒于道口,羽載其喪還,歸其橐裝,時人義之。 廣順初,爲左散騎常侍,卒。 裴羽,字用化, 唐僖宗朝宰相贄之子也。 唐明宗時,爲吏部郎中,使于閩,遇颶風,飄至錢塘。 後吳越復通中國[10], 贈工部尙書。 羽少以父任爲河南壽安尉。 案 : 羽始得還。 歐陽史作戶部尚書。(舊五代史考異) 泳樂大典卷三千二百一。 晉初, 累遷禮部侍郎、太常 時安重 入梁, 誨 遷御史臺 羽之使閩 用事 了,削

卿。 父昶,晉州神山縣令,累贈太子少保。 段希堯,河內人也。 案: 宋史段思恭傅作澤州晉城人。(舊五代史考異) 祖約,定州戶掾, 希堯少有器局,累歷州縣。 唐天成中,爲衞州錄 贈太常少

晉祖 事 ,參軍,會晉高祖作鎭于鄴,聞其勤幹,奏改洺州糾曹。 總戎于代北,一日軍亂,遽呼萬歲,晉高祖惑之。 希堯曰:「夫兵猶火也,弗戢將自焚。」 及晉祖鎭太原,辟爲從事。淸泰中,

遽請戮其亂首,乃止。

萊州 吳越。 德三年夏,卒於洛陽,時年七十九。 銓,原本作「東西銓」,今從五代會要改正。(影庫本粘籤) 室,昭昭天鑒,豈無祐乎! 嗣 祖 位 龍 刺 飛,霸府舊僚皆至達官,唯希堯止授省郞而已。 明 加檢校司空。 及乘 史、檢校尙書右僕射,未赴任,改懷州。 年,晉祖將舉義於太原,召賓佐謀之,希堯極言以拒之,晉祖以其純朴,弗之咎也。晉 舟 汎 海,風濤暴起,檝師僕從皆相顧失色,希堯謂左右曰:「吾平生履行,不欺暗 開運中,歷戶部、兵部侍郎。 汝等但以吾爲托,必當無患。」言訖而風止,乃獲利涉。 贈太子 少保 國初,拜工 六年秋,移棣州 漢初,遷吏部侍郎,判東 一部尙書。 天福中,稍遷右諫議大夫,尋命使於 刺 世宗嗣位,轉禮部尙書。 史兼権鹽礬制置使。 西兩銓事。 使迴,授 東西兩 少帝 顯

子思恭,右諫議大夫。永樂大典卷一萬六千三百一十。

弱 冠 應 一 鄉舉,不第。 徒 詡 ,字德普,清河郡人也。 唐明宗之鎭邢臺,詡往謁之,甚見禮遇,命試吏於邯鄲, 父倫,本郡督郵,以清白稱。 詡 少好讀書,通五經大義, 歷永年、項城

周書

+

九

列

傳第八

從榮之開府也,朝廷以翻爲戶部員外郎,充河南府判官。 令**,**皆有能名。 長 興初,唐末帝鎭河中,奏辟爲從事。 未幾,徵拜左補闕、史館修撰。 秦王遇害,以例貶寧州司馬。

泰初,入爲兵部員外郎。

仕。 郎,凡三主貢舉,自起部貳卿,不數年間,徧歷六曹,由吏部侍郎拜太子賓客。 充集賢殿學士判院事, 太常卿。時世宗留意於雅樂,議欲考正其音,而翮爲足疾所苦, 顯德六年夏,卒於洛陽之私第,年六十有六。 晉祖踐祚,改刑部郎中,充度支判官、樞密直學士,由兵部郎中遷左諫議大夫、給事中, 轉左散騎常侍、工部侍郎,歷知許、齊、亳三州事 贈工部尙書。 居多假告,遂命以本官致 漢 初, 世宗卽位,授 除禮部侍

餘人皆聞之,無不嘆訝焉。 以經一函投於海中。 炷香興念曰:「龍宮珍寶無用,俟迴棹之日,當以金篆佛書一帙,用伸贄獻。」洎復經其所,遂 之中,睹水色如墨, |翻善談論,性嗜酒,喜賓客,亦信浮屠之教。 漢|乾祐中,嘗使于吳越,航海而往,至渤 如墨,原作「如黑」,今從無府元龜改正。(影庫本粘籤),舟人曰:「其下龍宮也。」翻 俄聞梵唄絲竹之音,喧於船下,舟人云:「此龍王來迎其經矣。」同舟百 永樂大典卷二千一百二十八。 游 因

邊蔚,字得昇,長安人。父操,華州下邽令,案深史: 邊珝,華州鄭人也。 曾祖頡,石泉令。 祖操,下 列 傳 第 八 校 樾 記

周

書

+

九

廷以蔚 華三 判官,歷開封、廣晉少尹 時璋爲麾下所惑,有跋扈之意。 供億軍儲,甚有幹濟之稱。及明宗入洛,遣李沖齎詔於關右三,盡誅閹官。 再知開封府事 初,拜御史中丞,轉兵 一年多,卒於家,時年七十一。 人有爲閹官所累者,沖欲盡戮之,蔚以理救護,獲免者甚衆。 一府從 **父蔚,太常卿。(舊五代史考異)** 有贊畫之效,賜以金紫,改許州戎判。 事。 唐莊宗之伐蜀,大軍出於華下,時屬華方闕帥, 開運初,出爲亳州防禦使,爲政淸肅,亳民感之。 、部侍郎。 晉少帝嗣位,拜左散騎常侍,判廣晉府事,轉工、禮二部侍郎 累贈太子少師。 太祖受命,復知開封府事,遷太常卿,後以足疾辭位。 蔚因乘間極言,諭以逆順之理,璋卽時遣妻子入貢 [1]。 晉天福初,自涇州戎幕徵 蔚幼孤,篤學,有鄉里譽,從交辟,歷晉、陝、 蔚爲記室, 詔令權領軍府事, 毛璋之鎭邠寧,奏爲廉判。 歲餘,入爲戶部侍郎。 拜虞部員外郎、 沖性深刻,而 (三) 鹽鐵 | 顯德 漢 朝

華

子阡、珝,俱仕皇朝爲省郞。 永樂大典卷四千七百二十。

從事 也,納敏之言,以其城降。 王敏,字待問,單州 漢 初,重威 叛於鄴 金鄉 ,時敏爲留守判官,嘗泣 時魏之饑民十猶四五,咸保其餘生者,敏之力也。 人。 性純直,少力學攻文,登進士第。 一諫重威,懇請歸順,重威始 後依杜重威,凡歷數鎭 雖不 入朝, 從,及其窮 拜侍御

歸闕 世宗嗣位,權知府事,旋拜左諫議大夫、給事中,遷刑部侍郎。 節度使李繼勳, 繇是連坐,遂冤其官 CIE 。 世宗鎭澶淵, 而 無待罪之禮,世宗以繼勳武臣,不之責也,因遷怒南金,謂其裨贊無狀,乃黜之。 曹州,原作「洮州」,今從通鑑改正。(影庫本粘籤) 太祖以敏謹 歲餘,復拜司農卿。顯德四年秋,以疾卒。永樂大典卷六千八百五十一。 厚,遂命爲澶州節度判官。 表爲記室,其後繼勳價軍於壽春,及 及世宗尹正王畿, 敏嘗以子壻陳南金薦於曹州 改開封少尹

校勘記

- (1) 恭儉節用以豐其財 「財」原作「材」,據殿本、劉本改。
- \exists 但亦不足以爲邊患 劉本同。 殿本作「然其力已喪,不足以爲邊患」。
- (三) 工戶二部侍郎 「二部」原作「部二」,據殿本改。
- 太祖總政 「戎事」。 《凝式候於軍門且以年老不任庶事上訴 劉本同。 殿本「總政」作「總兵」,「庶事」作
- (五) 時年三十五 知不足齋叢書本游宦紀聞作「時年三十」。
- 是年二月並七月 「並」原作「前」,據知不足齋叢書本游宦紀聞改。
- (七)遺眞 知不足齋叢書本游宦紀聞作「遺直」,上文引舊五代史考異注文亦作「遺直」。

記

- 2 唐六臣傳 「六」原作「大」,據知不足齋叢書本游宦紀聞、歐陽史卷三五唐六臣傳改。
- (九) 遐齡有道術 「齡」字原無,據殿本補。
- 8 時安重誨用事削奪吳越封爵羽被留于錢塘後吳越復通中國 劉本同。 殿本作「時安重酶用事

<u></u> 創奪吳越王封爵,羽被留于錢塘,經歲不得歸。 後重誨死,吳越復通中國」。

=陸崇卒于道 劉本同。 殿本作「陸崇卒于吳越」。 按歐陽史卷五七,陸崇、裴羽被留吳越,「經歲

而崇以疾卒」。

- (三) 關右 原作「闕右」,據殿本改。
- 遣妻子入貢 劉本、冊府卷七二二同,殿本作「遣其子入貢」。
- (12) 工禮二部侍郎 劉本同。殿本作「工部左右侍郎」。

舊五代史卷一百二十九

周書二十

列傳第九

舊藩。 是。 度使。 保,遙領鄧州。 高 嘗有從事 募勝兵,時思以趫悍應募,累從戎役,後爲長直都校,歷捧聖軍使。 祖出鎭丼門,奏以思從行,尋表爲河東牢城都指揮使,以勤幹見稱。 太祖 常思,字克恭,太原人也。 父仁岳,河東牙將, 累贈太子太師。 乾祐初,李守貞叛於河中,太祖征之,朝廷命思帥部兵以副焉。 思在上黨凡五年,無令譽可稱,唯以聚斂爲務。 欲 受命,就 求謁見者,思覽刺而怒曰:「彼必是來獵酒也。」命典客者飲 漢有天下,遷檢校太尉、太尉,原本脫「尉」字,今據歐陽史增入。(影庫本粘籤) 加平章事。 初,太祖微時,以季父待思,及卽位,遣其妻入覲,太祖拜之如 性又鄙吝,未嘗與賓佐有酒肴之會。 晉初、遷六軍都虞候。漢 唐莊宗之爲晉王也,廣 既而御衆無能,勒歸 漢國初建,授檢校太 而遣之,其鄙吝也如 昭義軍 節

周

書

+

列傳第九

民。 家人之禮,仍呼爲叔母,其恩顧如是。 贈 進,請行 中書令。 赴闕,改授平盧 及到 徵督。」太祖領之, /鎭,未幾,染風痹之疾,上表請尋醫,旣而舁疾歸洛。 泳樂大典卷六千八百一十二。 軍節度使。 頷之,原本作「領之」,今從歐陽史改正。(影庫本粘籤) 思將赴鎭,奏太祖云:「臣在宋州出鎭,得絲十餘萬兩,謹以上 廣順二年秋,思來朝,加兼侍中,移鎭宋州。 顯德元年春卒,年六十有九。 尋詔本州折券以諭其 三年夏,

宗軍 景 珂 所俘,以其穎悟,俾侍左右,字之曰永定。 率聚邑人守永定驛,固守踰年,後爲北 翟 光鄴,字化基,濮州鄄城人。 父景珂,倜儻有膽氣。梁貞明初,唐莊宗始駐 軍所攻,景珂 旣冠 沈毅 "戰歿, 有謀,蒞事 衆潰。 寡過 光鄴 時年十歲,爲明 軍於河上,

道。 興中 命 使,朝廷以 福 權 中, 知曹州 時郡民喪亡十之六七,而 官孟 明宗 歴棣 小僧 即位,時深委遇,累遷至皇城使、檢校司 沂二州 兵亂之後,人物 頗有力焉。 李從益假號, 刺 史、 西京 彫弊, 居無 副留 從益,原本作「從蓋」,今從通鑑改正。(影庫本粘籤) 招 何,出爲耀州團 懷撫諭 故命 守。 光鄴理之。 開運初,授宣徽 視 之如傷,故期月之間, 練 使。 空。 光鄴 使。 清泰 長 好聚書, 興中, 楊光遠叛滅, 初, 入爲左監 樞密使安重誨 重儒 流 亡載 以光鄴明宗舊臣, 者, 門衞 輯。 青州 虚齋 大將軍 平, 論 得罪,時光鄴 契丹入汴, 議, 除 唯求 爲 署爲 防禦 晉 僞 理

周書二十 列傳第九

祖踐阼, 樞 密使。 復授宣徽使、左千牛衞上將軍、檢校太傅。 漢祖至汴,改左領衞大將軍。 乾祐初,遷右金吾衞大將軍,充街使、檢校太保。 數月, 兼樞密副使。 會永興李洪信入

朝,代知軍府事。 廣順 二年十月, 卒於長安, 時年四十六。

奠者。 光鄴 絕之後,以屍歸洛,不得於此停留,慮煩軍府。」言訖而終。 禄日 外 詔 以寬靜爲治,前政 厚而 贈太子 久,家無餘財,任金吾日,假官屋數間,以蔽 處之晏如也。 光鄴有器度,愼密敦厚,出於天然,喜愠不形於色。 內薄,雖貴而無壽。」果如其言。 樞密使王峻 少師。 光鄴膚革肥晳,善於攝養,故司天監趙延乂有袁、許之術,嘗謂人曰:「翟君 有煩苛之事,一切停罷,百姓便之。及病甚,召親隨於臥內, 戒之曰:「氣 索重光鄴,且欲厚卹其家,爲之上請,故自終及葬,所賜賻賵幾數千計。 賓朋至,則貰酒延之,談說終日,略無厭倦,士大夫多之。及權知京兆, 泳樂大典卷二萬二千二百四十。 風雨,親族累重,糲食纔給,人不堪其憂, 事繼母以孝聞,兄弟皆雍睦。 京兆吏如喪所親,或有以漿酒遙 雖食

使。 校, 英因得隸於鎔之帳下。 明宗即位,英侍於仗下,問其祖考,英以實對,明宗曰:「乃朕之舊也。」擢爲本班行首, 曹英,字德秀,舊名犯太祖 及張文禮之亂,唐莊宗奄有其地,乃錄鎔之左右,署爲散指揮 廟諱,故改焉。 本常山鎮定人也。 父全武,事趙王王鎔爲列

平章 粘籤) 亦皆惜之。 制 夏 步軍 河 每 春,總兵 中 贈 五 加 月, 顧 中 事 都 叛 以 ·書令。 了, 授 遇。 校,從平 功授 討 太祖 授 成成 慕 行 晉 永樂大典卷四千 本 恋容彦超 徳軍 營 親 英 軍 天 內 步 征,因倂兵攻陷其城,及凱 性沈厚,謙 -都校。 福 難 節度使。 軍 中, 於兗州, 都 校。 或 遷弩手 六百 漢 初 初, 車駕 恭 河 <u>JU</u> 以翊戴 兗州 中 Ŧ 有 軍 改 平, 禮 自太原迴, 奉 使。 ,原本作「衮州」,今從通鑑改正。(影庫本粘籤) 雖 國 遷 功授昭武 軍 平張從賓於汜水, 衽席之際,接對賓客, 本 主, 軍 旋,領 加 廂主,領 加檢 兼 節 待中。 彰 度使、檢 校 全信軍 司徒, 岳 州 顯德 節 校 防 從賓,原本作「從寶」,今從通鑑改正。(影庫本 度使, 兼 禦 太傅、侍衞 元年冬, 康州 亦未嘗造次。 使。 典軍 刺 隨 史。 太祖在魏,爲 如故。 卒於 梯 步 軍 乾祐 衝 鎭, 都指 塹 及卒, 世 壘, 初, 宗 時 揮 年 頗 嗣 李守 **搢紳之士** 使。 北 应 位 有 面 十九。 力焉 行 貞 加同 年 誉 據

後。 迫 榷 易使。 州 到鎭 李彦 城 彦 世宗 頵, 頗 頵 以 字 閉 嗣 德循 尋爲西京水南巡檢使, 壁 殖 位, 貨 自 守, 爲意 以彦 求援於鄰道 原 河鏡 頵 人也。 有 圖 舊, 賸 本以商 利, 超 侵漁 授內客省使。 賴 巡檢使,原本脫「巡」字,今據文增入。(影庫本粘籤) 賈 牧牧 爲業,太祖 蕃 兵至, 漢 部 乃 人,羣情 解。 未幾, 鎭鄴,置之左右,及卽 世宗 大擾。 知 相 不 州 悦, 會世宗 軍 徴 府 赴 事 南 京 • 尋改 位, 征, 師 歷 蕃部結聚,圍 然循 延州 居無何, 綾 錦 委曲 兵 副 、馬留 使 命 庇

周 書 十 列 傳 第 九

代 權 .歸闕,遇疾而卒,時年五十二。 泳樂大典卷一萬三百九十。 知 泗州軍州事,改滄州兩使留後。 **彥頵到任,處置乖方,大爲物情所鄙。** 顯德六年秋,受

牙將 誕 檢校太傅。 不及於常人,而位極將相,年登耳順,袁、許之術,夫何恃哉!然性貪鄙,而好小惠,以邀虛 慶節 故 李暉,字順光,瀛州東城人。弱冠應募于龍驤軍,漢祖領河東, 在 來朝,改邠州節度使。 漢有天下,授檢校司徒、大內皇城使。未幾,遷宣徽南院使。 河陽及滄州日, 太祖登極,加同平章事,尋移鎭滄州。 民皆詣闕請立碑以頌其美, 五年,移鎮 鳳翔。 歲餘,卒於鎮。優詔贈中書令。 顯德元年,就加兼侍中。 識者亦未之許也。 乾祐初,拜河陽節度使、 暉請從, 泳樂大典卷一萬三百 二年秋,以世宗 因得署爲河東 暉之儀貌,

與契丹 莊宗 襄、秦、徐、 攻常山, 李 格 建崇,潞州人。 鬭, 雍都指 自午至申,會李嗣昭騎 阿保機來援,莊宗率親 揮使。 建崇性純厚, 至,契丹乃解去。 軍千騎,遇於滿城,兵少,爲契丹所圍。 處身任遇,不能巧宦, 同光中, 以致久滯偏裨。 白龍 武 捧聖都指揮使, 時建崇爲 明宗嘗掌牙 親將, 出 歷

少從軍,善騎射。

初事唐武皇,爲鐵林都將,轉突騎、飛騎二軍使。從

兵, 陽、邢州 陽縣 卷 焦繼 自 至 從 是四 適 進 萬三百 與 溝 之花山, 勳 以至 建崇共事 十餘年, 逆,率衆寇南陽, 焦繼 兵馬 九十。 期 一動,原本作「繼塤」,今從通鑑及歐陽史改正。(影庫本粘籤) 率在 遇從進 留後 ', 及 前 太祖 後所掌兵, 印位 軍,建崇接戰,大敗之,以功授亳州 |漢 初,入 即位,授左監門衞上將 時建崇領 「,甚愍之,連授<u>磁、</u>沁二郡。 入晉 為右 麾下 ·部曲 衞 步騎千餘屯於葉縣,開封 大將軍。 [多至節: 年逾 軍。 鉞,零落殆 廣順三年春卒。 七十,神氣 團練。 爲申州刺史。 盡,唯建崇雖位不及藩屏, 尹鄭王遣宣徽使張 不衰。 京諸軍, 襄陽平,遷安州防禦使。 贈黔南節度使。 建崇始自 會建崇軍拒賊, 天福七年冬,襄州 代北 從恩、皇城 事武皇, 泳樂大典 M 歷 康 至 使 強 湖 河

善騎 陣,當 領費州 不 鎮 動 州 安 射 王 其中軍 刺史。 杜 重 重 一榮謀叛,稱兵指闕,朝廷命 年 威 未 陳州 及 彼 懼, 漢初,仍典禁軍,從征鄴都平,遷深州刺史。 冠, 必 宛邱 謀欲 須 事莊宗 狽 人。 抽 矣。」 退, 爲 父達(己) 重威 廳 重裔曰:「兵家忌退, 直, 從之,重榮 杜 管契丹直。 歷安、均、洛三州刺 重威 率師! 卽 時 拒 從安汴、 退蹙, 之,賊 但請 **遂**敗。 公分麾下兵擊其 陣於宗城 |洛, 史, 准夷以李守貞故, 累爲 因家 以 東,晉 禁 於洛。 功 遷 軍 護 指 軍 兩翼, 聖 揮 重裔幼沈 進擊 右 使。 數侵 廂 重裔 之三,再合 都 晉 邊地, 指 厚有 天 爲 揮 福 公陷 以

書二十 列傳第九

周

重裔爲亳州防禦使,又令於徐州巡檢,兼知軍州,就加檢校太傅。 廣順元年夏,以疾卒,年五十三。贈武信軍節度使。 永樂大典卷六千八百五十一。 太祖踐阼, 加爵邑,

到,原本作「虔佺」,今從歐陽史改正。(影庫本粘籤) 遂以其地西臣於蜀,漢英兄漢韶,時爲洋州節度使, 戚里之分,奏於軍中指使。 冬,卒於都。 泳樂大典卷一萬八千一百三十三。 因茲阻隔,亦送款於蜀,由是漢英與弟漢筠久之不調。 漢乾祐中,太祖西征蒲、雍,以漢英 事戎伍,稍至都將,遷東面馬步軍都指揮使。 孫漢英,太原人也。父重進,事唐武皇、莊宗爲大將,賜姓,名存進,唐書有傳。 蒲、雍平,班師,隱帝以漢英爲絳州刺史、檢校司徒。 清泰初,興元節度使張虔釗失律於岐下, 廣順元年 漢英少

釘 鬭 同監造漢祖山陵法物,節財省用,減數萬計。改左監門大將軍,又加檢校司空。漢末,權知 一、磔賊人,令部下臠割。 [兼倍,賊衆傷夷,尋自退去。 <u>太祖</u>降詔撫諭,正授隰州刺史。 遷切於除盜,嫉惡過當,或 許遷,鄆州人也。初爲本州牙將,性剛褊。 太祖踐作,劉崇遣子鈞率兵寇平陽,路由於隰,賊衆攻城,城中兵少,遷感激指論,士 悞斷不合死罪人,其家詣闕致訟,詔下開封府獄。 時陳觀爲知府, 漢乾祐初,爲左屯衞將軍,與少府監馬從斌

陳觀 素與遷 如陳觀者,爲儒 旣而嬰疾,請告歸汝上而卒。泳樂大典卷一萬八千一百三十三。 陳觀,原本作「陳覲」,今從宋史改正。(影庫本粘籤) 不協,深劾其事 無家行,爲官多任情, ,欲追遷對訟,太祖 **苟知其微,屠沽兒恥與爲侶,況明公乎!」峻無以沮** 以事狀可原,但罷郡而已。 謂王峻曰:「相公執政,所與參議, 遷旣 奉 朝 宜. 求 因大詬

剽之室,唯鳳 詣范陽 末,契丹入洛,鳳從至東京,授宿州防禦使。漢祖卽位,受代歸闕,尋授河陽行軍司馬。 民因捕盜而破家者多矣。 伏莽,尤知盜之隱伏,乃誘致盜魁於麾下,厚待之,每桴鼓之發,無不擒捕,衆以爲能,然平 陆 指揮使,常令將兵在邊,貝、冀之民,貝、黨,原本作「俱冀」,今據文改正。(影庫本粘籤)日罹其患。 |壽爲||契丹鄉導,歲侵深、冀,鳳往依焉。 安重榮鎭常山,招聚叛亡,鳳乃應募,旣而犯法當死,即破械踰獄,遁而獲免。 初,入爲龍武將軍。丁父憂,起復授右千牛衞大將軍。漢末,都城變起,兵集之夜, 趙 ,委贄燕王趙延壽,得掌兵權。(舊近代史秀異)契丹主素聞其桀黠,署爲羽林軍使,累遷羽林都 ,冀州棗強縣人,幼讀書,舉童子。 里閭,兵不敢犯,人皆服其膽勇。廣順初,用爲宋、亳、宿三州巡檢使。 鳳善事人,或使臣經由,靡不傾財厚奉,故得延譽而掩其醜迹。 案宋史荆罕儒傳:罕儒少無賴,與趙鳳、張輦爲羣盜,晉天福中,相 既長,凶豪多力,以殺人暴掠爲事,吏不能禁。 天福中,趙延 鳳出於 無不

妻女, 太祖 聞其幹事,用爲單州刺史,旣剛忿不仁,得位逾熾, 又以進奉南郊爲名, 率斂部民財貨,爲人所訟。 刑獄之間,尤爲不道。 廣順三年十二月,詔削奪鳳在身官 嘗抑奪人之

爵,尋令賜死。

永樂大典卷一萬六千九百九十一。

狀,假使鸛雀有知,亦應不食,豈況於人哉! 狀。 史。及張永德與李重進有間言,藏珍嘗游說重進,洎壽陽兵迴,諸將中有以藏珍之言上奏 奏云:「唐景思已爲刺史,臣猶未蒙聖澤。」世宗俛而從之,時濠梁未下,卽命爲濠州 多,超以爲不可,藏珍曰:「沙門島已有屋數間,不妨再去矣〔三。」其不畏法也如此。世宗旣 辯給,無不畏其利口。 「揚州地實卑濕,食物例多腥腐,臣去歲在彼,人以鱓魚饋臣者,視其盤中虬屈,一 破紫金山砦,追吳寇至渦口, 鳳之役,令監 在 對曰:「陛下神武之功,近代無比,於文德則未光。」世宗領之,又問以揚州之事,對曰: 西班時,與藏珍同列,每聆其談論,或剖判世務,似有可采。 齊藏珍,少歷內職,累遷諸衞將軍。 偏師。 及淮上用兵,復委監護,與軍校何超領兵降下光州。 廣順中,奉命滑州界巡護河隄,以弛慢致河決,除名,配沙門島。 渦口,原本作「桐口」,今從通鑑改正。(影庫本粘籤) 前後監押兵師在外,頗稱幹事,然險設無行,殘忍 !」其敷奏大率多此類,聞者無不悚然。 及卽位,自流所徵還。 因與藏珍言及克捷之 藏珍欺隱官物甚 如虵虺之 行州 日,又 刺

周

永樂大典卷一萬八千一百三十三。

世宗怒,急召赴闕。 四年夏,以其冒稱檢校官罪,按其事而斃之,蓋不欲暴其惡跡也。

守備 爲環所 位,環 愈 王環,本真定人。唐天成初,孟知祥鎭西川四,環往事之,及知祥建號,環典軍衞。 堅,王師攻擊數月方克。 敗,裨將胡立爲環所擒。 兼領左、右衞。 顯德二年秋,王師西伐,時環爲鳳州節度使。 城陷,環就擒。 是多,王師大集,急攻其城,圖之援兵相次敗走。 及到闕,世宗以忠於所事,釋其罪,授右驍 初,偏師傅其城下, 環開之, 孟.

州節 天成 使,莊宗入汴,授神武指揮使。 衞大將軍。 尋授晉昌軍 止奉朝請而已。 中,擢授蔚州 度使。 張彥超,本沙陀部人也。 節度使。 契丹之南侵也,彥超率部衆,頗爲鎭、魏之患。 四年多,世宗南征,環隨駕至泗州,遇疾而卒。 太祖自鄴入平內難,隱帝令彥超董騎軍爲拒, 刺史。 漢高 素與晉高祖 旭 入洛,彥超飛表輸誠,移授保大軍 素有卻克之疾,時號爲「跛子」。初,以騎射事唐莊宗爲馬直軍 神武,原本作「仲武」,今從通鑑改正。(影庫本粘籤) 不協,屬其總戎於太原,遂舉其城投於契丹,卽以爲雲 泳樂大典卷一萬八千一百三十三。 及契丹入汴, 節度使。 劉子陂兵亂, 乾祐初,奉韶 明宗嘗以爲養子。 遷侍衞 彦超先謁見太 馬軍都校, 歸闕,

也。 歲,府財有餘。宗人政當次補其任,率族屬泣拜,請丕濟其急,丕又爲代掌一年,鄕里服其義。《舊五代史考異)之父 世饒財,曾祖一不,尚氣節。後唐武皇鎭太原,急於用度,多嚴選富家子掌帑庫,或調度不給,即坐誅,沒入貲產。一不爲之滿 旭。 案: 宋史作事晉爲安州防禦使,與薛史異。(舊五代史考異) 穎性十急峻刻,不容人之小過,雖左右親信, 將軍、駙馬都尉、妻爲晉國公主。(舊五代史考異)自華州行軍司馬歷野、懷二州刺史,遷安州防禦使。 援門,執穎而殺之,遂奔於金陵。世宗征淮南,以永德之故,命江南李景,令執澄等送行在。 亦皆怨之。部曲曹澄有處女,穎逼而娶之,澄遂與不逞之徒數人,同謀害穎,中夜挾刃入於 及至,世宗以澄等賜永德,俾甘心而戮之。永樂大典卷六千三百五十二。 累爲藩郡列校,由內職歷諸衞將軍。國初,以戚里之故,案康都事略:周太祖即位,除永德左衞 廣順中, 張穎,太原人,案:東都事略張永德傳作丼州陽曲人。(舊五代史考異) 劉仁瞻,略通儒術,好兵書,在澤國甚有聲望。吳主知之,累遷爲僞右監門衞將軍,歷 授神武統軍。 顯德三年冬, 以疾終於第。 制贈太子太師。 永樂大典卷五千三百 案宋史列傳云:家

黃、袁二州刺史,所至稱治。 周 鲁二十 列 傳 第 九 洎李景僭襲僞位,俾掌親軍,遷鄂州節度使。 七〇七 居數年,復以兵

命。 款于周也。 既敗,計無所出,但扼腕浩歎而已至。會世宗以紫金山之捷,飛韶以諭之,時仁瞻臥疾已 復議親征。 李重進總兵守之,復乘間陷我南砦。 塡塹陷壁,晝夜不息,如是者累月。世宗臨城以諭之,而仁瞻但遜詞以謝。 之,故能以一城之衆,連年拒守。 後以其子崇讚爲懷州 制出之日,薨於其家,年五十八。世宗聞之,遣使弔祭,命內臣監護喪事,追封彭城郡王 教援,列砦於紫金山,夾道相屬,纍然數十里,垂及壽壁,而重進兵幾不能支,世宗患之,遂 柄任之,改壽州節度使。 西,因翻然納款,案歐陽史云:仁贍固守三月,病甚,已不知人,其副使孫羽詐爲仁贍書以城降。 及見於行在,世宗撫之甚厚,賜與加等,復令入城養病,尋授天平軍節度使、兼中書令。 難史作翻然納款,蓋仍周實錄原文,未及釐正。(舊五代史考異) 而城內諸軍萬計,皆屏息以聽其 車駕至壽春,命今上率師破紫金山之衆,擒其應援使陳承昭以獻。 刺史。 及王 仁赡 幼子崇諒,後自江南歸於本朝, 一師渡准,而仁贍固守甚堅。 輕財重士,法令嚴肅,重圍之中,其子崇諫犯軍禁,卽令斬 逮其來降,而其下未敢竊議者,保其後嗣,抑有由 自是圍之愈急,城中饑死者甚衆。三年冬,准寇復來 洎世宗駐蹕於其壘北,數道齊攻, 亦位至省郎。 及車駕還京,命 永樂大典卷九千九 是仁贍未嘗親納 仁贍聞援兵

崇讚仕周,

累爲郡守。

校勘記

[1] 父達 殿本、劉本同。大典(膠卷)卷六八五一作「父達」。

(三) 晉軍進擊之 劉本同。殿本作「晉遣騎軍擊之」,大典(膠卷)卷六八五一作「晉之騎軍擊之」。

(M) 不妨再去 「妨」原作「失」,據殿本改。影庫本批校云::「『妨』訛 『失』。」

(是) 西川 原作「西州」,據劉本改。

(至) 扼腕浩歎 「腕」原作「吭」,據劉本改。

舊五代史卷一百三十

周書二十一

列傳第十

院使。 第,筠召峻聲歌以侑酒,巖悅,筠因以贈之,頗得親愛。梁亡,趙氏族滅,峻流落無依,寄食 相州 永興,漢隱帝命郭從義討之,以峻爲兵馬都監。 於符離陳氏之家,久之彌窘,乃事三司使張延朗,張延朗,原本脫「張」字,今從通鑑增入。(影庫本粘 所給甚薄。 漢祖踐阼,授客省使,奉使荆南,留於襄、漢爲監軍,入爲內客省使。及趙思綰作亂於 ,憐峻敏惠,遂畜之。及莊宗入魏州,筠棄鎭南渡,以峻自隨。 王峻,字秀峯,相州安陽人也。父豐,本郡樂營使。 賊平,加檢校太傅,轉南院使。 清泰末,延朗誅,漢祖盡得延朗之資產僕從,而峻在籍中,從歷數鎮,常爲典 從義與峻不協,甚如水火。未幾,改宣徵北 峻幼慧點善歌,梁貞明初,張筠鎮 時租庸使趙巖訪筠於其

周書

+

列傳第十

太祖 前申州刺史馬鐸往許州,以防他變,二州安然,亦峻之謀 見害 北 征,至澶州,爲諸軍擁迫,峻與王殷在京聞變,乃遣侍衞馬軍都指揮使郭崇往宋州 從太祖 鎭 鄴 (*) 兼北 赴闕,綢繆帷幄, 面兵馬,峻爲監軍,留駐鄴城。 贊成大事 峻居首 焉。 隱帝蕭牆變起, 京師平定,受漢太后令, 也 峻亦爲羣小 所構, 充樞 密使。

舉措率易,以天下之事爲已任,每有啓請,多自任情,太祖從而順之,則忻然而退,稍 長於|太祖二歲,|太祖雖登大位,時以兄呼之,有時呼表字,不忘布衣之契也。|峻以此益自 可,則應聲而愠,不遜之語隨事輒發。太祖素知其爲人,且以佐命之故,每優容之。峻年 故,峻夙夜奉事,知無不爲,每侍太祖商権軍事,未嘗不移時而退,甚有裨益。然爲性輕躁, 、祖踐阼,加平章事,尋兼右僕射、門下侍郞平章事, 監修國 史。 時朝廷初建, 四方多 未允

太祖 |祖憂其不可支(1),議親征,取澤州路入,與峻會合,先令諭峻。 擇。將發之前,召宴於滋德殿,太祖出女樂以寵之。奉辭之日,恩賜優厚,不拘常制。及發, **彦超爲副。** 幸西莊,親臨宴餞,別賜御馬玉帶,執手而別。 廣 順 元年多,劉崇與契丹國晉州,峻請行應援,太祖用爲行營都部署,以徐州節度使王 韶諸軍並取峻節度,許峻以便宜從事,軍行資用,仰給於官,隨行將吏,得自選 峻至陝駐留數夕,劉崇攻晉州甚急,太 峻遣驛騎馳奏,請車駕不行

幸。時已降御札,行有日矣,會峻奏至,乃止。

<u>|</u>崇北遁,又遣禁兵千餘人,屯於<u>京</u>兆,洪信懼,遂請入朝。|峻軍迴,太祖厚加優賜。 踐作,恆有憂沮之意,而本城軍不滿千,峻出征至陝州,以救援晉州爲辭,抽起數百人,及劉 猶豫久之,翼日方遣騎軍襲賊,信宿而還。 向使峻極力追躡,則丼、汾之孽,無噍類矣。 峻 亦深恥無功,因計度增修平陽故城而迴。 峻 軍旣過絳郡,距平陽一舍,賊軍燔營,狼狽而遁。 時永興軍節度使李洪信,漢室之密戚也,自太祖 峻入晉州,或請追賊,必有大利,峻

與之敵耳。」太祖默然。未幾親征,命峻爲隨駕一行都部署,破賊之日,峻督軍在城南,其衆 使曹英、客省使向訓率兵攻之。 峻意欲自將兵討賊,累言於太祖曰:「慕容劇賊,曹英不易 先登,頗有得色。從駕還京,未幾貢表乞解樞機,卽時退歸私第。 時慕容彥超叛於兗州, **彦超,原本作「彦紹」,今從通鑑改正。(影庫本粘籤) 巳 遣侍衞步軍都指揮**

用。 請之前,多發外諸侯書以求保證,旬狹之內,諸道馳騎進納峻書,聞者驚駭其事。峻連貢 三章,中使宣諭無虛日,太祖嚴駕將幸其第,峻聞之,卽馳馬入見,太祖慰勞久之,復令視 |峻又於本院之東,別建公署,廊廡聽事,高廣華侈。及土木之功畢,請太祖臨幸,恩 其後鄭仁誨、李重進、向訓等稍遷要職,峻心忌之,至是求退,蓋偵太祖之意也。未陳 峻 貪權 利,多機數,好施小惠,喜人附己。」太祖登極之初,務存謙抑,潛龍將佐,未甚進

周

鲁二十

不少,公更自興造何也?」峻慚默而退。 賜 法厚。 其後內園新起小殿,峻視之,奏曰:「宮室已多,何用於此?」太祖曰:「樞密院舍字

大興土功,峻受詔檢校。旣而世宗自澶州入覲,峻素憚世宗之聰明英果,聞其赴闕,卽自河 作「重勳」,今從太祖紀改正。(影庫本粘籤)峻爲求官田宅以賜之,太祖亦從之。三年春,修利河堤, 梁室,至今言者,無不切齒,苟如所欲,必貽物議。」乃止。
嚴姪崇勳,居於陳郡, 匹,從之。 次歸朝。 時峻以前事趙巖,頗承寵愛,至是欲希贈官立碑。 居無何,邀求兼領青州,太祖不得已而授之。旣受命,求暫赴任,奏借左藏綾絹萬 或謂峻曰:「趙巖以諂佞事君, 破壞

司馬,朝議以爲太重,會峻貶乃止。(舊五代史考異) 翼日,峻奏上交知舉不公,請致之於法,太祖頷之而已。案宋史趙上交傳:峻奏上交選士失實,貶商州 愈怒,詬責上交,聲聞於外。少頃,竟令引過。及罷,上交詣本廳謝峻,峻又延之飲酌從容。 士不公,當須覆試。」諸相曰:「但緣已行指揮行過,臨事不欲改移,況未勅下,覆試非晚。」峻 下,取日過堂,峻知印,判定過日。及上校引新及第人至中書,峻在政事堂厲聲曰:「今歲選 |交嘗詣峻,峻言及一童子,上||交不達其旨,膀出之日,童子不第,峻銜之。 及貢院申中書門 是歲,戶部侍郎趙上交權知貢舉,趙上交,原本作「尚支」,今從五代會要及通鑑改正。(影庫本粘籤)上

列 傳第十

私第。 門下, 卒。(舊五代史考異)差供奉官蔣光遠援送赴商州。 通鑑載貴王峻詞云: 無禮太過,擬欲盡去左右臣僚,翦朕羽翼。朕兒在外,專意阻隔,暫令到闕,卽懷怨望。 有旣總樞機,又兼宰相,堅求重鎭,尋亦授之,任其襟懷,尙未厭足,如此無君,誰能甘忍 退宰輔,未可倉卒,待徐思之。」 太祖曰:「節假之內,未欲便行,已俟開假,即依所奏。」峻退至中書。 其日,退朝宣制(三),貶授商州司馬,案通鑑云: 又奏請以顏愆〔三、陳觀 峻當其事,頗疑選部不公,其擬官選人落下者三十餘人。次日寒食時節,臣僚各歸 午時,宣召宰臣、樞密使,及入,幽峻於別所。 孩撫 股躬, 肉 視 羣 后 。 案:歐陽史作顏衎、陳周。(舊五代史考異)代范質、李穀爲相。 葉 不載,今附識于此。(影庫本粘籤) 峻論列其事,奏對不遜。 未幾,死於貶所,時廣順三年三月也。 峻至商州,得腹疾,帝猶愍之,命其妻往視之,未幾而 太祖見馮道已下,泣曰:「峻凌殷頗甚, 太祖未食, 即召翰林學士徐台符等草 日將亭午,諍之不 是月,吏部選 太祖曰: **案**: 人過 {五

一進

?<a>
於春秋作三月,誅王峻,與薛史異。(舊五代史考異)

制。

而 者曰:「昔安重誨授河中節,亦有此異焉。」又所居堂陛,忽然隱起如堆。 司 (簿院,既寤(B),心惡之,以是尤加狂躁。 !射利者曲爲指畫,乃啗餌虎臣,離間親舊,加以善則稱己,無禮於君,欲求無罪,其可得 初,峻降制除青州,有司製造旌節,以備迎授。 峻才疏位重,輕躁寡謀,聽人穿鼻,旣國權在手, 前一夕,其旄有聲甚異,聞者駭之。 又夢被官府追攝入

於陝。 乎 出氾水,則慕容彥超以賊軍入汴,大事去矣。」使還具奏,周祖自以手提其耳曰:「幾敗吾事。」 與力爭,所以駐兵者,待其氣衰耳,非臣怯也。 永樂大典卷一萬八千一百三十三。 周祖親征、遺使諭之。 |峻見使受宜訖,謂使曰:「與某馳還,附奏陛下,言晉州城堅,未易可破,劉崇兵鋒方銳,不可 陛下新卽位,不宜輕舉。今朝中受聖知者,惟李穀、范質而已,陛下若車駕 <u> 五代史闕文:廣順初,河東劉崇引契丹攻晉州。遣王峻率師赴援,峻頓兵</u>

爲印卽無闕處,帝尋令齎書示諭行周,行周上表謝恩。泳樂大典卷一萬八千四百十七。先是,塡星 **彦超,方食,釋匕箸而就道。** 氏,體黑麻面至,故謂之閻崑崙。 祭,迎於開元寺,塑像以事之,謂之「菩薩」,日至祈禱,又令民家豎黃旛以禳之。及城陷,彥 意,帝覽之,笑曰:「此必是彥超之詐也。」試令驗之,果然。 時,案:通鑑注引薛史彥超傳,有「令兄事已至此」語,蓋彥超以漢高祖爲兄也。 通鑑改作「今兄」,似未喻其意。今全文 能爲,當於陣上唱坐使歸營。」彥超敗,奔克,隱帝遇弑。 初至角、亢, 無可考,姑附識於此。 占者曰:角,鄭分, 案:此下有闕文。(殿本) 彦超進呈**鄭州節度使高行周來書,其書意即行周**毀뺿太祖結連彥超之 周兵犯京師,隱帝出勞軍,太后使彥超衞帝,彥超曰:「北兵何 册府元龜卷八百三十五。 爲兗州節度使,彥超即漢高祖之同產弟也。 彥超鎭<u>兗州,漢隱帝欲殺周太祖,召</u> 永樂大典卷一萬七千三百八十三。周太祖 其鄆州印元有缺,文不相接,其 嘗冒姓閻

曰:「我知侍中銀皆鐵胎,得之何用?」於是諸軍聞之,稍稍解體,未幾城陷。

之,因勉其麾下曰:「汝等宜爲吾盡命,

吾庫中金銀如山積,

若全此城,

吾盡以爲賜,

汝等勿患富

貴。」

頃之,

有卒私

及高祖之入也,

有司閥其庫藏,

其間銀鐵胎

泳樂大典卷七千八百五十八。 案:慕容彥超,永樂大典僅存三條,今補錄

不然,何取路於此也。」因下馬觀之,)) [順。 然,物主怒其不出,叩門呼之,則空宅也。 值旣定,引物主詣 册府元龜一 超 爲洒掃戶, 方鳴鞘而 巷,轉數曲,忽有兒戲於門側, 耳,自昨日不與水草,其饑渴者甚矣, 爲汝擒此賊。」乃留物主府中,復戒廏卒高繫其驢,通宵不與水草,然後密召親信者,牽於通衢中放之,且曰:「此盜者之驢 城。」及覺,天猶未曉。 (方在土星院燃香,急乃馳去。 是 進,遂取別巷,轉數曲,見一 年, 兗州慕容彥超反。 條,以存大概 命孔氏襲文宣王者長爲本縣令。 商祖曰:「夫子聖人也,百王取則,而又夢告寡人,得非夫子幽贊所及耶?安得不拜!! 一宅門,以驢付之,曰:「此本宅使, 高祖 私謂徵兆如此,可不預備乎。 視其驢, 五代史補"慕容彥超素有鈎距。 高祖 方升堂, 覩其聖像, 一 親征, 處門牆甚高大,問之,云夫子廟。 放之必奔歸家, 連呼曰:「驢歸, 於是連叫「賊」,巡司至,疑其詐,兼以驢收之詣府。 城將破, 慕容彦超之被圍也, 忽夜夢一人,狀貌甚偉異,被王者之服, 汝且在此, 但可躡蹤而觀之,盜無不獲也。」親信者如其言隨之,其驢果入一小 驢歸。」 於是躬督將士,戮力急攻,至午而城陷。 如夢中所見者,於是大喜,叩首再拜。 · 克州有盜者,詐爲大官從人,跨驢于衢中, 盜者聞之, 吾爲汝上白于主以請值(云)。」物主許之。 乘城 高祖意豁然,謂近臣曰:「寡人所夢,得非夫子乎? 而望, 欣然出视, 見高 加 **遂擒之。** 親臨矢石, 彦超憫之, 謂高祖 車駕將入, 近臣或諫, 高祖登 其勢不 可當, 日:「陛下明 仍以廟側數十家 且曰:「勿憂, 市羅十餘疋,價 極, 有司 旣 以爲天子不 |而聲跡 改乾祐爲 請由 退而 日當得 生 吾 悄

狀,明言質物色,自當倍償之,不爾者有過。」百姓以爲然,於是投狀相繼,翼日鐵胎銀主果出。 者果十有七八。 其教,於是彥超下令曰:「吾爲使長典百姓,而又不謹,遭賊劉去,其過深矣。 易致耳,汝宜僞劉庫牆,凡金銀器用暨綠帛等,速皆藏匿,仍亂撒其餘以爲賊踪,然後申明〔七〕,吾當擒此輩矣。」庫 教部曲輩晝夜造,用廣府庫,此銀是也。 初,彥超常令人開質庫,有以鐵胎銀質錢者,經年後,庫吏始覺,遂言之於彥超。初甚怒,頃之謂吏曰:「此 今恐百姓疑彦超隱其物, 於是擒之,置之深屋中, 宜令三日內各投 更如 使

節度 族耶 任。 副 家本魯中,洎告疾歸里,慕容彥超初臨,禮待極厚。 閻 弘 使,在世宗幕下而惡之。 」故罹其 魯者,後唐邢州節度使寶之子也。 禍 聞朝廷出兵隄防, 寶,唐書有傳。 即責弘魯曰:「爾教兒捍我於朝, 及謀大逆,以弘魯子希俊爲鎮 弘魯事唐明宗、晉高祖、累歷事 將覆吾 寧軍

長蘆, 事, 黎水 原本作「中蘆」, 崔 周度者,父光表,舉進士甲科,盧質節制橫海,辟爲支使。 外任,除泰寧軍節 今從歐陽史改正。(影庫本粘籤) 度 剣官。 而性剛烈,又以嘗爲諫官, 登朝歷監察御史、 右補闕, 覩凶帥之不法, 不忍 周度有文學,起家長蘆令, 以家在 齊州 欲謀 坐視其 葬

太祖平兗州,詔曰:「閻弘魯、崔周度,死義之臣,禮加二等,所以滲漏澤而賁黃泉也。

弊,因極言以諫彥超,故及

斯

禍

記

以慰貞魂。 爾等貞節昭彰,正容肅厲,以從順爲己任,以立義作身謀,履此禍機,倂罹冤橫, 弘魯可贈左驍衞大將軍,周度可贈祕書少監。」永樂大典卷九千八百二。 宜伸贈典

校勘記

(1) 憂其不可支 「支」原作「及」,據彭梭改。

(II) 顏愆 殿本同,劉本作「顏衎」。

(三) 退朝宣制 「退」原作「追」,據殿本、劉本改。

旣寤 「旣」字原無,據殿本、劉本、大典(膠卷)卷六八五

補。

(語) 麻面 殿本、劉本同。 無府卷八三五作「胡面」。

(C) 上白于主 「主」原作「王」,據殿本、劉本、五代史補卷四改。

争) **亂撒其餘以爲賊踪然後申明** 「踪」原作「踐」,「然」字原無,據五代史補卷五增改。

舊五代史卷一百三十一

周書二十二

列傳第十一

是隨去非客於彥章門下。 謂其鄉人劉去非曰:「爲君得一宗人。」卽令皥見之,去非詢其爵里,乃親族也,對泣久之,自 將劉鄩襲太原,軍至樂平,時與客於縣舍,爲專軍所俘。 庫本粘籤) 劉皡(1),字克明,晉丞相譙國公昫之弟也。昫,晉書有傳。 **峰隨之郡**。 彦章得罪,去非爲野州刺史,野州,原本作「因州」,今從册府元驅改正。(影 謝彦章見之,知其儒者,待之以禮, **皥少離鄉里,唐天祐中,梁**

州 水部員外郎、史館修撰。 攝官。 莊宗平河洛,去非以嘗從劉守奇歸梁,深懼獲罪,乃棄郡投高季興於荆南,皡累爲荆 旣而兄昫明宗朝爲學士,遣人召歸。 長興末,宰臣趙鳳鎭邢臺,表爲節度判官。 梁漢顒鎭鄧州,辟爲從事,入爲監察御史,歷 清泰初, 入爲起居郎,

周

書二十二

列傳

第十

改駕部員外 郎, 兼侍御史知雜事,移<u>河南</u>少尹、兵部郎中,轉太府卿。 漢祖受命,用爲宗正

卿。周初,改衞尉卿。

姓氏, 為齊王, 余方為列卿, 豈復爲賓佐乎?」鬼曰:「不知也。」 睥旣寤, 欲掘而視之。旣又告人曰: 第,花木叢萃,房廊雕煥,立皥於西廡。久之,見一團火如電,前來漸近,卽前鬼也。 至?」再三不對,苦訊之,曰:「齊王判官。」皥曰:「張令公爲齊王,去世久矣。今暉州高令公 入,出其孥,泣拜如有所託。 圍入。」忽寤。又半月,復夢前鬼曰:「公不相信,屈觀吾舍可乎?」 即以手掊地,豁然見華 「鬼雖見訴,其如吾稅舍何?」乃止。 廣順元年多十月,稅居於東京,夜夢鬼詫之曰:「公於我塚上安牀,深不奉益。」 皥問鬼 日李丕文。悼曰:「君言殊誤,都城內豈可塚耶?」曰:「塚本在野,張十八郎展城時 皥問不文鬼事,曰:「冥司各有部屬,外不知也。」皥曰:「余官何 引皡深

旦夕沉醉。其月二十三日,晨興櫛髮,狀如醉寐,男泳視之,已卒矣。 案太平廣記云: 廣順二年春,朝廷以悼爲高麗册使。 三月,至鄭,節度使高行周以皡嗜酒,

留連累日,

衡命使 吳

越,路由鄆州,卒于郵亭。(鷹五代史秀異)時年六十一。其年八月,鄆帥齊王高行周亦夢鬼請齊王判 官,得無是乎!皥從儒學,好聚書,嗜酒無儀檢,然衷抱無他,急於行義,士友以此多之。冰樂

大典卷九千九十八。

圧好文,然童年疏率,動不由禮。 <u></u>
張沆,字太元,徐州人。 父嚴,本州牙將。 每賓僚大集,手自出題,令面前賦詩,少不如意,則壞裂抵 | 流少力學, 攻詞賦, 登進士第。 唐明宗子秦

籤) 因謂沈曰:「聞生名久矣,請爲此文。」沈不獲已,從之。 流初以刺謁,秦王屬合座客各為兩湖廳記, 南湖, 原本作「南澗」,今從册府元龜改正。(影庫本粘 及羣士記成,獨取沉所爲勒之於

石,繇是署爲河南府巡官。 秦王敗,勒歸鄕里。

記室。 爲學士。太祖以沈耳疾罷職,改刑部尚書。廣順二年秋,命爲故齊王高行周册贈使,復命 復用爲學士,未幾,遷工部尚書充職。明年,以營奉葬事求解職,改禮部尚書。及歸朝,復 而卒。贈太子少保。 晉初,桑維翰秉政,流以文干進,用爲著作佐郎、集賢校理,遷右拾遺。 從推翰入朝口,授殿中侍御史。歲餘,自侍御史改祠部員外郎知制誥,召入翰林爲 維翰罷相,馮玉用事,不欲沈居禁密,改右諫議大夫,罷其職。漢祖至汴,轉右常侍, 維翰出鎮,奏爲

史,好徵求僻事,公家應用,時出一聯以炫奇筆,故不爲馮玉所重。 親友慮其耗散,上言於太祖,乃令三司差人主葬,餘資市邸舍,以赡其孤焉。 沈性儒雅,好釋氏,雖久居祿位,家無餘財,死之日,圖書之外,唯使軍之貲耳。 雖有聵疾〔三〕,猶出入金 **沈記覽文** 嗣子尚

光遜旣寤,心惡之,俄聞沉卒。永樂大典卷六千三百五十。 時,夢沉手出小佛塔示光遜,視其上有詩十四字云"「今生不見故人面,明月高高上翠樓。」 門,凡五六年。 殺史公,其盜獲否?」是時京師恟懼之次,聞者笑之。 漢隱帝末年,楊、史遇害,翼日, 流方知之, 聽猶未審, 。有士人申光遜者,與沆友善,沆未病 忽問同僚曰:「竊 聞盜

興中入 者, 徵 監,改左司 中稱爲晉公,殊失史體,今附識於此。(影庫本粘籤)爲從事。 拜給 因授武寧軍節度副使、檢校禮部尚書。及世宗鎭澶淵,改鎭寧軍節度行軍司馬。 薄遊於魏,鄴王羅紹威表爲安陽簿。 金紫,居三品之秩,亦其命耶!永樂大典卷六千三百五十。 制 張可復,字伯恭,德州平原人也。父達,累贈戶部侍郎。 、朝,拜監察御史,六遷至兵部郎中,賜金紫, 贈 事 戶部尙書。 郎中。 世宗嗣位,以澶淵幕府之舊,拜右散騎常侍。 開運中,遷左諫議大夫。漢乾祐初,湘陰公鎭徐方,朝行中選可以從我 可復無他才,唯以謹愿保長年,加之迂懦,多爲同列輕俊者所侮,而累 唐天成初,依晉公霍彥威於青州, 晉公以其滑稽好避事,目爲「姦兔兒」。長 晉天福中,自西京留守判官入爲祕書少 可復略通儒術,少習吏事 顯德元年秋,以疾卒,年七十 霍彦威封晉國公,傳

階至

書二十二 列傳第十一

周

那州 ,德辰往謁焉,明宗見而器之,因得假官於屬邑。 于德辰,字進明,元城人也。 幼敏悟,篤志好學,及射策文場,數上不調。 後繼歷州縣,歷仕晉、漢、周,官至工 後唐明宗鎭

部尚書(目)。

泳樂大典卷三千八百三十八。

子也。 滿,轉尙書右丞。 溺。』今若以名下取士,卽此類也。舍人當求實才,以副公望。」 延退而謂人曰:「盧公之言, 說者云:『越人善泅,生子方晬,乳母浮之水上。或駭然止之,乳母日,其父善泅,子必無 道、趙鳳在相位,擢拜左補闕。踰年,以水部員外知制誥,再遷中書舍人,賜金紫。清泰末, 蓋爲崔頎也。縱與其父不悅,致意何至此耶!」來春,以頎登甲科。 於時,所以去冬老夫在相位時,與諸相首以長者聞奏,用掌文衡。然貢聞取士,頗多面目。 以本官權知貢舉。時有舉子崔頎者,崔頎,原本作「崔欣」,今據册府元龜改正。(影庫本粘籤)故相協之 升我堂矣。」繇是人士稱之。尋薦爲卽墨縣令,歷徐、宋、鄆、靑四鎭從事。 浮陽,隨滄帥戴思遠入梁。 |王延,字世美,鄭州長豐人也至。少爲儒,善詞賦,會鄕曲離亂,不獲從鄕薦,因客於 協素與吏部尚書盧文紀不睦,及延將入貢院,謁見云,文紀謂延曰:「舍人以謹重聞 奉使兩浙,吳人深重之。復命,授吏部侍郎,改尚書左丞,拜太常卿,歷 。 嘗以所為賦謁梁相李琪,琪覽之,欣然曰:「此道近難其人,王生 其年,改御史中丞; 歲 長興初, 鄉人馮

致仕。 、刑三尙書,以疾求分司西洛(も),授太子少保。 旣而連月請告, 案:歐陽史作以太子少保致止。(舊五代史考異)廣順二年冬卒,時年七十三。 爲留臺所糾, 改少傅

子憶,仕皇朝爲殿中丞。泳樂大典卷六千八百五十。

第三人。(舊五代史考異) 顯德五年秋,以疾解職,授左散騎常侍。 六年秋,卒於家,時年五 文炳爲文典雅,有訓誥之風。執性紓緩,待縉紳以禮,中年而卒,皆惜之。泳樂大典卷二千九百 授虞部員外知制誥,轉金部郎中充職。廣順中,召爲學士,遷中書舍人、知貢舉。 云:|李慶,顯德中舉進士,工詩,有云:「醉輕浮世事,老重故鄉人。」 樞密王朴以此一聯薦于申文炳。 正軍節度推官,歷孟、懷支使,郓城、陜縣二邑宰,自澶州觀察判官入爲右補闕。 申文炳,字國華,洛陽人也。父鄂,唐左千牛衞將軍。 文炳, 長興中進士擢第, 文炳知貢舉, 晉開運初, 案玉壺清話 釋褐中 + 遂爲

遣小黃門就壁錄之,覽而稱善,因拜水部員外郎知制誥,遷翰林學士,賜緋。 歲昇高等。 扈載,少好學,善屬文,賦頌碑贊尤其所長。廣順初,隨計於禮部,文價爲一時之最,是 冊府元龜卷八百四十一。載因遊相國寺,見庭竹可愛,作碧鮮賦題其壁。 案:載以賦受知,據 世宗聞之,

直學士院。世宗憐之,賜告還第,遣太醫視疾。永樂大典卷一萬四千八百二十七。載爲翰林學士,年 遂知制誥、遷翰林學士,未幾卒。 世謂小能薦士,瀔能知人。(殿本) 而載已病,不能謝,居百餘日,乃力疾入 語,除書未下, 朴詣中書言之, 穀曰:「斯人命薄,慮不克享耳。」 朴曰:「公在衡石之地,當以材進人, 宋史李穀傳則載之遷官, 册府元龜卷九百三十一。 三十六卒。載始自解褐至終纔四年,而與劉衮皆有才無命,時論惜之。 劉衮,彭城人。 當由王朴薦之。 神爽氣俊,富有文藻,繇進士第任左拾遺,與扈載齊名,年二十八而卒。 案: 扈載傳,原本殘闕,今兼採册府元龜以存大概。 (舊五代史考異) 宋史李穀傳: 扈載以文章馳名, 册府元龜卷九百三十一。 何得言命而遺才。」」載 樞密使王朴薦令知制

<u></u> 唐 年 眞定。 爲文,唐末舉進士不第,遇亂歸河朔,本府累署參軍、邑宰。 光未嘗蒞定,當是鎭州之誤。(劉本) 唐代諸帝實錄,自武宗已下,闕而不紀,乃採掇近代傳聞之事,及諸家小說,第其年月,編爲 唐午補錄數十萬言,敍成敗事甚悉,書顯于時。(舊五代史考異) 五世祖 補錄,凡六十五卷, 買緯,眞定獲鹿人也。 諒,高祖瑾。 會祖處士諱初,有至性,疾世方亂,守鄉里,不肯事四方。 案景文集:緯博學善詞章,論議明銳,一時諸儒皆屈。 案宋祁景文集 賈令君墓誌銘: 表授趙州軍事 判官, 遷石邑縣令。 賈氏自唐司空魏國公耽,世貫滄州南皮,子孫稍稍徙 識者賞之。晉天福中,入爲監察御史, 唐天成中,范延光鎮定州,按"延 緯屬文之外, 祖諱緯。(舊五代史考異) 唐自武宗後,史錄亡散,君撥拾殘 勤於撰述, 少苦學 以

周書

十

列

傳

第

+

當適 求。 改太常博士。 意,但稱爲「大童」,究未審所出,今無可復證,姑仍其舊。(影庫本粘籤)最切是編修,史才不易得,勤勤處處 趙瑩詩曰:「滿朝唯我相,秉柄無親讎,三年司大董,「大董」二字,詳其文義當是用左傳「董史掌典籍」之]所願,便如昇瀛洲。」未幾,轉屯田員外郎,改起居郎、史館修撰 愚從年始立,東觀思優游,東觀,原本作「東望」,今據文改正。(影庫本粘籤)昔時人未許, 春臺與秋閣,往往興歸愁,信運北闕下,不繫如虛舟。 **緯常以史才自負,銳於編述,不樂田臺之任,乃陳情於相座。又與監修國** 綿蕝非所好, 一日疑三秋,何 今來虛 史

其言上奏,晉祖然之,謂李崧曰:「賈緯欲修歷史,如何? 文筆,未能過人,而議論 須 百年來無實錄,旣無根本,安能編紀。」緯聞崧言,頗怒,面責崧沮己。 和惜 內艱,歸眞定。 又謂瑩曰:「唐史一百三十卷,止於代宗,已下十餘朝未有正史,請與同職修之。」瑩以 ..., 此 事 非細,安敢輕言。」緯與宰臣論說不已。 開運初,服闋,復起居郞,修撰如故,尋以本官知制誥。 剛強,儕類不平之,因目之爲「賈鐵嘴」。 明年春, 對曰:「臣每見史官輩言, 勅修唐史, 崧 日:「與公鄉 緯在籍· **緯長於記注,應用** 中。 唐朝 月餘, 理 近

史考異) 實終于周 開 運中,累遷 製丹入京師,隨製丹至眞定,後與公卿還朝,授左諫議大夫。緯以久次綸閣,比望丞 ,非終于晉也。 中書舍人。 宋祁景文集叉作漢、周間中書舍人。 案:王珪華陽集賈文元墓誌銘作會祖緯,晉中書舍人。 據此傳,緯仕漢、周,未嘗再爲舍人,疑景文集誤。(舊五代 宋史賈昌朝傳因之, 然緯 周書二十二 列傳第十一

白金之數,不亦多乎!但以十目所覩,不可厚誣。」緯不得已,改爲白金數千鋌(穴)。 金八千鋌,他物稱是。」翰林學士徐台符,緯邑人也,與緯相善,謂緯曰:「切聞吾友書桑魏公 郎之拜,及遷諫署,觖望彌甚。 晉相桑維翰執政日,薄緯之爲人,不甚見禮,緯深銜之。及敍維翰傳,「身沒之後,有白 乾祐中,受詔與王伸、竇嚴修漢高祖實錄,緯以筆削爲己任,然而褒貶之際,憎愛任 蘇逢吉監修國史,以緯頻投文字,甚知之,尋充史館修撰,判

歸獲鹿。」廣順二年春,緯卒。及訃至,妻一慟而終,果雙柩北歸,聞者歎之。緯有集三十卷, 文士,厚禮之。緯妻以緯左遷,駭惋傷離,病留於京師。緯書候之曰:「勉醫藥,來春與子同 以所撰日曆示監修王峻,皆媒孽貞固及蘇禹珪之短,歷詆朝士之先達者。峻惡之,謂同列 目曰草堂集,並所撰唐年補錄六十五卷,皆傳於世。永樂大典卷一萬一千七百十四。 非毁,教士子何以進身!」乃於太祖前言之,出爲平盧軍行軍司馬。時符彥卿鎭靑州,以緯 曰:「賈給事家有士子,給事,原本作「紀事」,今據文改正。(影庫本粘籤) 亦要門閥無玷,今滿朝並遭 是,竇貞固奏請修晉朝實錄,旣竟,亦望陞擢。貞固猶在相位,乃上疏抗論除拜不平。旣而 緯以撰述之勞,每詣宰執,懇祈遷轉,遇內難不果。太祖卽位,改給事中,判館如故。先

趙延義(五),字子英,秦州人。曾祖省躬,以明術數爲通州司馬,遇亂避地於蜀。 祖師

蒙寵 詔。 由 技 黔中經 蜀亡入洛,時年三十。 徜 待, M 延問 死, 略 得失, 判 爾 官。 輩 能 事微差跌,即被詰 父温 以 他途致身,亦良圖 一珪,仕蜀爲司天監。 天成 中,得蜀舊職 讓 也。 臨終謂其子曰:「技術雖是 温珪長於袁、許之術, 延義少以家法仕蜀, 兼之推步。 世業, 由廕爲奉禮 吾 1仕蜀 王建時, 部翰 已 來, 林待 幾

義言悚然, 丹將 於延義 邦在 下,當以仁 故,太祖 緯之僭。」 廷, 妻卒,俄而延義嬰疾,故人省之,舉手曰:「多謝諸親,死災不可逭也。」尋卒,年五十八。 天 監 琦因從容密 刑 麻答爲 事 延義 政、保祚 因貸其族,二家獲全。 恩德澤,而 數召對 因假以 其 其 世 帥, 爲 年 年 夏初, 星官,兼通 焉 問 循 會 在 漢淫 兼 漢 數贊成之。 衞 國家運祚,延義 福 一酷,刑法枉濫,天下稱冤,此其所以亡也。」是時太祖方以兵圍蘇逢吉、 高 火犯 案歐陽史: 尉 德。 少卿。 祖 延義 三式,尤長於袁、許之鑒。 靈 定 在 臺,延義 兩 刑 周太祖 政則循 京,控鶴都將李筠 善交遊,達機 晉天福中,代馬重績 契丹旣去,還京師 日:「來年厄會之期,俟過 自魏以兵入京師, 自 士不敢言,奈際會諸 言星官所忌,又言身命宮災倂 變,兼有 ,官秩如 與諸校密謀級庫兵,逐契丹,猶 召 [延義問:「漢祚短促者, 爲 技術,見者歡心 清泰中,

嘗與樞密直學士

出時同宿於內 司 天監 舊。 公,罕有卓絕福德者 別論。」琦訊之不已,延 廣順 契丹入京師,隨 初, (10)未 天數耶? 二年, 加檢校司 劉銖 第, 幾 授 延義言:「王者 其子 <u>下</u> 太 至 欲 徒, 豫未決,謀 鎭 府 誅 ·官實 卒,; 義 其 州 卿 本官 族 二、保 尋 時 判 有 聞 撫大 贈 叉 如 契 司 恤 娅

謙和,勤於接下,每文士投贄,必擇其賢者而譽之,故當時後進之士多歸焉。永樂大典卷一萬二 官。 千一百五十六。 弱冠登進士第,釋褐除校書郎,由御史臺主簿拜監察御史,凡五遷至金部郎中,充三司判 廣順中,以本官知制誥。世宗嗣位,擢爲翰林院學士,歲滿,拜中書舍人充職。中書,原 沈遘,字期遠,睢陽人也。父振,貝州永濟令,累贈左諫議大夫。遘幼孤,以苦學爲志,

浙,峻爲上言。 度支判官、右司郎中。坐受權鹽使王景遇厚賂,謫於均州。漢初歸朝,除右司郎中,兼侍御 門,繇是浪得虛譽,時人目之爲「李羅隱」。後累爲藩鎭從事,入朝拜左補闕,歷刑兵二員外、 其請,遂可之。 史知雜事。 李知損,字化機,大梁人也。少輕薄,利口無行。梁朝時,以牒刺篇詠出入於內臣之 廣順中,拜右諫議大夫。時王峻爲樞密使,知損以與峻有舊,遂詣峻求使於江 |太祖素聞知損所爲,甚難之。|峻曰:「此人如或辱命,譴之可也。」|太祖 知損旣受命,大恣其荒誕之意,遂假貲於人,廣備行李。 及卽路,所經州郡, 重違

周

書二十二

列

傳第十一

命徵 無不 抵如 爲節 **猶望** 夫,好 我。 宗 責 能放牛。」滿 言 授棣州 1我三 因發怒,仍以 羅隱,故人爲號。」彥筠 度。 却 輕 ·強貸 還,遽 後歲餘,卒於海中,其庸誕也如此。 回。 |薄,時人謂之「李羅隱」。 彥筠 逐之後, 座 知損覺之,且遺書謝之曰:「在小子一時間却擬送去,恐大官兩羅裏更不將來。」 ᆵ 與復 皆笑。 小字忙兒,因宴會,彥筠酒酣 馬。 又移書於青州符彥卿,借錢百萬。 其 資。 三逐,原本作「三遂」,今據文改正。(影庫本粘籤) 世宗 醜 行 數月之間,日貢章疏,多斥뺿貴近, 曰:「不然,蓋爲足下輕薄如羅隱耳。」知損大怒,厲聲曰:「只如令公,人皆謂之宋忙兒,未必 即位,切於求人,素聞知損狂狷,好上封 日彰,故命除名, 至 於親友間 ,輒問曰:「衆 !往還簡牘,往往引里巷常談,謂之偶對。常有朝士奉使回, 配 泳樂大典卷一萬三百九十。 人何為號足下為羅隱二三? 沙門島。 及在郵亭, 行止穢雜。 知損 當居相 自謀 、將行, 進取,又上章求爲過海使。 事,謂有 位, 謂 」對曰:「下官平素好爲詩, 所親曰:「余嘗遇善相者, 五代史補: 余自此而三矣, 乾祐中,奉使鄭州, 可采,且欲聞外事,即 王峻 、聞而復奏之,乃 李知損, 以土物爲贈 官至 子姑待 其格致大 時宋彥筠 一諫議 其意 世 便

大爲時輩所嗤。 ...於廬 孫晟,本名鳳 H 簡 寂觀 改儒服,謁唐莊宗於鎭州,授祕書省著作郎。 案南唐書 畫 唐詩 둜 人賈島像,懸於屋壁,以 孫忌,高密人,一名鳳 ,又名展,少舉 禮 事 進士。 之。 案南唐書云: 觀 性陰賊,好 主 以 爲 妖妄, 豆盧革爲相, 姦謀。 執杖 少為 賜 雅知忌,辟 道士, 出 之,

周書二十二 列傳第十一 校勘記

五代正史,故傳聞多失實。 行在東門,聞亂,得民家馬乘之,奔桐城。叛卒不得忌,乃殺都押衙李建崇而逸。忌坐貶光祿卿。考孫晟在舒州事,不見 其自養稱愜也如是。 適其意。 尊楊溥爲讓皇之册文言,即晟之詞也,故江南尤重之。二十年間,累歷僞任,財貨邸第,頗 也。 及渡,追騎奄至,亦疑其狀偉異,睨之。 微有詳略,皆言晟因朱守殷事牽連而亡命也。 於陳、宋間。 隨,巡行於市,多所屠害,汴人爲之切齒。城陷,朱氏被誅,晟乃匿跡更名,棄其妻子,亡命 爲判官。天成初,朱守殷據夷門叛,時晟爲慕賓,贊成其事。 與五代史異。會同惡者送之過准,吳人方納叛亡,卽以僞官授之。晟亦微有詞翰,李昪僞 晟以家妓甚衆,每食不設食几,令衆妓各執一食器,周侍於其側,謂之「肉臺盤」, 案歐陽史云:安重誨惡人,以爲教守殿及者人也,畫其像購之,不可得,遂族其家。 人 舜於 吳。 與薛史 案汪靈清話載:忌爲舒州觀察,有二卒白晝持刃求害忌,忌識以禍福,解金帶與之,使遁去。 忌不顧,坐淮岸,捫敝衣醫蝨(III),追者乃捨去。 南店書則云: 天成中,與高輦同事秦王從榮,從榮敗,忌亡命至正陽。 是時晟常擐甲露刃,以十數騎自 是又以展爲秦王賓客而出亡

侍 南事,晟但言:「吳畏陛下之神武,唯以北面爲求,保無二也。」 先是,張永德守下蔡,素與李 劉悅伴之,賜與甚厚。 顯德三年春,王師下廣陵,江左驚窘,李景僞署晟爲司空,令奉貢於行在,世宗遣右常 消隨駕到闕,舍於都亭驛,禮遇殊優。每召見,飲之醇醴,問以<u>江</u>

巡院,猶飲之酒,數酌,翰起曰:「相公得罪,賜自盡。」忌怡然整衣索笏,東南望再拜曰:「臣受恩深,謹以死謝。」從者二百 從,直詣 今伏法於深獄,報應之道,豈徒然哉 召侍衞都虞候 進,勸爲不軌,重進以其蠟書進呈,世宗覽之,皆斥誳 重 人,亦皆誅死於東相國寺。 駭,繇是人情大擾。 進不協,每宴將校,多暴其短。 永德帳下,宴飲終日而去,自此 韓通令收晟下獄,與其從者百餘人皆誅之。 後密遣親信乘驛上言,世宗不 翌日,宰臣上謁,世宗親諭之,始知其事實。 日,永德乘醉,乃大言重進潛畜姦謀,當時將校無不驚 人情稍安。 聽,亦不介意。 時李景覘而知之,因密令人齎蠟書遺 反間 之言。 案南唐書云: 世宗怒晟前言失實, 議者以晟昔搆禍於梁民, 日,重進自壽 世宗命都承旨曹翰護至右 陽 去 其部 因急 重 軍

然不對。 千五十一。 日:「吾思之熟矣,終不忍負永陵一 晟 性 |慷慨,常感李景之厚遇,誓死以報之。 臨刑之際,整其衣冠, 抔土,餘非所知也。」 南望金陵再拜而言曰:「臣惟以死謝。」遂伏誅。 及將下 獄, 世宗令近臣問以江南 可取之狀, 永樂大典卷三 副 使王崇質 晟默

校勘記

劉皡 劉本同,殿本作劉嚊。 影庫本批校云:「『皥』字疑應從日旁,與『昫』同。」

記

(三)維翰 原作「維輸」,據殿本、劉本改。

雖 有職疾 「聵」原作「瞶」,據殿本改。 按沉有耳疾,見上文。

(图) 官至工部尙書 「工部」上原有「贈」字,據殿本刪

至 鄭州長豐人 「鄭州」原作「鄭州」,據殿本、劉本改。 按鄭州有長豐縣,見新唐書卷三九地理志。

(公) 將入貢院謁見 「謁見」二字原無,據大典(膠卷)卷六八五〇補

(七) 以疾求分司西洛 劉本、大典(膠卷)卷六八五一同。 殿本句上有「周初」二字。

改爲白金數千鋌 殿本同,劉本「千」作「十」。按歐陽史卷五七賈緯傳亦作「更爲數千與」。

殿本、劉本、本書卷一二九翟光鄴傳作趙延乂。影庫本批校云:「趙延義,『義』應作

『义』。」舊五代史考異云:「案:歐陽史作趙延義。」今仍原文。

(む) 趙延義

(10) 命宮炎併 「宮」原作「官」,據殿本、劉本改。

[11] 衆人 原作「衆又」,據殿本、劉本、五代史補卷四改。

 $\stackrel{\triangle}{=}$ 捫僘 衣齧蝨 「齧」原作「齧」,據殿本考證、陸游南唐書卷八孫忌傳改。

듬 楊溥 原作「楊浦」,據劉本、彭梭及本書卷一三四臂爲列傳改。

